

all that which is good for vs, is euill for them: and that which
is healthfull for vs, is deadly for them. They had for all their The vnion of
hope, vpon a discord and disagreement, & they had procured the provinces
thereto some of the prouinces, who haue had as many delibe- made at the
rations & counsels, as there are moneths in a yere: beside they time of the se
had at their commaundement certaine pestilent fellowes a- paration of
mongst vs. What remedie then coulede a man deuise better, a- Artois and
gainst discention then vnion? And what counterpoison more Haynault,
certaine against their venom of discorde, then concorde? By
meanes whereof, their purposes, their treacheries, their night
counsels, their secrete intelligences, were all at one time sca-
tered abroad, God (who is the God of peace and concorde)
declaring therby how much he hateth such deceitful tonges,
and how he can easily ouerthrow, such false and abominable
enterprises. You see (my Lordes) that I giue them a faire and
large field, to crie out against me, and to scorne at me. I con-
fesse vnto them, that I haue procured the vnion: that I haue
aduanced and promoted the same: that I haue endeouored
to maintain it, & I tell you (my Lords) yet, and I speake it very
plainly, and loude, that I like it well, that so not only they, but
also all Europe shoulde vnderstand it, Maintaine your vnion:
keepe your vnion, but do it, but do it in deede (my Lords) that
so you may execute, not in words, nor by writting only, but in
effect: also, that, which your sheaf of arrows, tied with one bad
only, doth meane, which sheafe you beare in your scale. Let the
go now and accuse me, that I haue brought all to confusion,
when I procured the vnion, for the doing of which matter, I
wil neuer blush. For if vnder the shadow of a peace, they would
bring forth vnto vs a diuision: if they would assemble them-
selues, one while at Arras, another while at Montz, giuing vs
alwayes faire wordes, and that to this ende, that they might
sunder themselues from vs, and so drawe by their cordes vnto
themselues, light headed fellowes like vnto themselues: where
should it not be lawfull for vs, on our owne behalves, to
come and tie our selues together: Vnto (as it may bee) they
saie, that they are permitted to doe euill, and to abandon
Country: and when I pray you? Euen when Maestricht

THE APOLOGIE OF THE

was besieged (will not yee, O yee poore people, feele, when ye shall reade these things, the hote yron, which shall burne your conscience?) and that it was not lawfull for vs then, to doe good, and to heale the Countrey. Let vs then here (my Lords) learne that, which is profitable and necessarie for vs to learne: and let vs learne it of the greatest enemy, that euer the countrey had, yea of the greatest tyrant of the whole earth,

They obie& vnto me afterwards a horrible crime, and wor-
 Concerning thie forsooth, of this more great Proscription, than that which
 the voyage of was pronouced by Sylla & Carbo: that is, *that I departed not*
 the L. Prince *out of Antuerp for two yeres space, and: that I went to Vtrecht.* A
 into Oueris- man may easily see, that they know very well what I doe, as
 sell, An. 1580. though, that with their very great sorrow & grieve, I had not
 in those two yeres space, traueiled twise into Flaunders, where
 by the aide of the foure members or partes of that Prouince, I
 placed better order in the said Countrey, then they would or
 wished. But go too, let vs graunt, that I did not for two yeres
 space together, goe out of Antwerp: was not this a great fault
 to be alwaies nigh vnto you, that I might the better serue you
 in euery thing, which it pleased you to commaund mee? But I
 went to Vtrecht: beholde (my Lordes) the euill: beholde the
 byle or fore, for this is the voyage, that woundeth them euen
 to the heart. They had before hande so wisely purposed their
 matters: they had laide so sure a foundation for their affaires
 and businesse: they pleased themselues so much therein: they
 writ thereof to their friendes: they helde in their handes so
 many countries and gouernments: they had written so ma-
 ny letters: and had vsed so many hirings, secrete intisements,
 and open practises, as they thought all to bee sure their owne:
 and yet I comming only to shewe my selfe at Vtrecht, with the
 good assistance and counsell of my Lords, the deputies of the
 Prouinces: behold that great mist or fogge, was vanished a-
 way: so many Castles as they had referred for their tyrannic
 were beaten downe: and so many of our owne Townes affu-
 red to vs: they hauing for all, no other thing left vnto them
 but one only Towne of importaunce, wherein was the C-
 tayne of the enterprise: which towne notwithstanding

...ming
 ...ason. But,
 ...ype of blood,
 ...g, industrie, cruite and
 ...mploye: I will dedicate
 wholly vnto your seruice. Ne
 me with such thinges, I will
 haue not done any such thing, without knowing somewhat
 of the truth, & going beyond it also, according to their good
 custome. For such offers as they speake of, were as yet neuer
 made me, not but that I haue bin, well and surely aduertised,
 : I could not demaunde any thing, in respect of mine owne
 particular, but that they would yeelde the same vnto me: that
 they would promise to se my sonne at libertie: to leaue him
 all my estates: to assigne to me in Germany, so much goods
 as I haue here, as well in respect of that which I possesse, as of
 that which is helde from me: to discharge me of my debtes,
 which are verie greate, and to giue me in readie Coyne, a
 million of Money, and good asuraunces for all these
 thinges.

These bee (my Lordes) the goodlie offers whiche haue
 easilie turned them aside, which are departed away from
 vs. But so farre ofis it, that suche conditions were offered
 vnto me, that on the other side, they neuer knewe, eyther by
 the Letters of the Emperours Ambassadour, or by his
 secreete practises, with some of my seruantes, and sundrie

...vnto o-
 before tra-
 at? If I can
 dition with-
 out giuing you
 ne teeth of these
 on mee (for I
 scuse before
 wife, or for
 the poison
 ue mee any
 vndersta-
 ner it bee
 rate the same
 eing they vpbraid
 Lordes) that they

tende partic
haue alwaie
as you (my
minding to
than that whic
directly nor indire
cause, vpon which
prosperitie shid

Is not this a
is a good ma
fured, against
he is again

Witherto
then the iniuries, wh
haue gathered toge
It shall belong to

by reason of my goods, of the State wherein they are, and spe
cially of my othes, to iudge thereof as it shall please you: for I
do not refuse, if I be found culpable, to receaue punishment:
but if it fall out as I hope it shall, that you iudge, that I am ac
cused by tyrants and slanderers, then I shall esteeme my
meane, yet notwithstanding my most loial, and my most faith
full seruice, to haue bin very well employed.

ith th
constant, an
pron s, as by gods grace
I threal tings

ard, the accusations, or ra
and slanders, whiche they
st my honour and reputati


on only I thinke my selfe bound,

UNIVERSITY
LIBRARY
OF BRIDGE

The sentence
of the pro
scription,

NOW then (my Lordes) vpon these fraile and weak fou
ndations, they come to build the sentence of their Pro
scription, and here they lay out all their tragick elo
quence: they thunder, they lighten, they storme and rage:
they doe as the Corebe or furies doe in Theatres: they darte
out all execrable words, and such as haue bin kneded, in Co
cyto, Styx, and Acheron, against this poore Captaine: But this,
thanks be to God, doth astonish me as much, as the thunder
ings and lightnings of Pope Clement, throwne out of the
mount Tarpaeus, against my Predecessor, my Lord Prince Phi
lip: did astonish him: who ceased not to call that, to make
him

N46



VINDICIÆ

CONTRA TY-

RANNOS:

SIVE

DE PRINCIPIS IN

Populum, Populiq; in Principem,

legitima potestate;

STEPHANO IVNIO

Bruto Celta, Auctore.

M. D. LXXX.

ALDIDMIV
HOC LIBRO INFRA
scripta Quaestiones explicantur.

- I** An subditi teneantur, aut debeāt Principibus obedire, si quid contra legem Dei imperent.
- II** An liceat resistere Principi, legem Dei abrogare volenti, Ecclesiāve vastanti. Item, quibus, quomodo, & quatenus.
- III** An, & quatenus Principi Rempubli-
cam aut opprimenti, aut peridenti,
resistere liceat. Item, quibus id, quo
modo, & quo iure, permissum sit.
- IIII** An iure possint, aut debeāt vicini Prin-
cipes auxilium ferre aliorum Prin-
cipum subditis, Religionis puræ
causa afflictis, aut manifesta Tyran-
nide oppressis.



*IMP. THEOD. ET VA-
lentin. Cæs. ad Volusianum Præfe-
ctum Pratorio.*

DIGNA vox est maiestate regnan-
tis, legibus adligatum se Principem profiteri. Adeò de auctori-
tate iuris nostra pendet auctoritas. &
re vera maius imperio est, submittere
legibus Principatum. Et oraculo præ-
sentis Edicti, quod nobis licere non
patimur, alijs indicamus. Dat. III. Id.
Iun. Rauennæ, Florentio & Dionysio
Coss.

*IVSTINVS LIB. II.
de Lycurgo Legislatore.*

Non habētibus Spartanis leges insti-
tuit, non inventione earum magis,
quàm exemplo, clarior. Siquidem ni-
hil lege vlla in alios sanxit, cuius non
ipse primus in se documenta daret. Po-
pulum in obsequia Principum, princi-
pes adiustitiam imperiorum firmavit.

L. SCRIBONIVS SPIN-
ter, Belga, Lectori.

CONTEMPTOR Superam Maculosi nomi-
ne notus

(quax,
VELLERIS, Etruscus scurra, Sophista lo-
Arte mala, Populi Harpyias senosq; Tyrannos
Instituit, Pestis maxima Christiadam.
Iunius hoc Reges veros, Proceresq; libello
Efformat, Populos & sua iure docet.

Nempe caput magno Ciuili in corpore Reges,
Corporis & Populum cetera membra facit.

Membra sed vt laqueant, capisi aduersantia: Sanium,
Tusce, erit an ne caput, quod sua membra premit?

Sint igitur Reges Populis re, vt fadere, Leger,
Nomine reque Patres, iustitiaeq; duces.

Totus ad exemplum Regis componitur Orbis;
Rex quoque sic Populi se sciat esse caput.

Hunc veteri Reges referant de more triumphum,
Quod Patriae Patres, quod Populo socij.

CONO



CONO SVPERAN-
TIVS VASCO PRINCIPI
bus Reipublicæ, Pijs, Fidelibus.



ON eram nescius, o viri Prin-
cipes, cum has Stephani Iu-
nij Bruti, de vero Principis in
Populum, & Populi in Prin-
cipem, iure & potestate,
Quæstiones in vulgus emitte-
rem; fore nonnullos, qui me
reprehenderent. Pugnant enim ex diametro cum
Nicolai Machiaveli Florentini, quem in guber-
nanda Repub. ducem illi habent, malis artibus,
pravis consilijs, & falsa pestiferaq; doctrina. Mihi
igitur, ut audaci, vitio vertent, opinor, quod ali-
quid ad calumniam rapiant, quodd ego nulla vobis
nominis fama cognitus, hisce tantis de rebus ad vos,
hoc tempore maxime, scribere non vereor. Sed con-
stans in Rempublicam meus amor, & animus, quæ
in eam perpetuò defixum gero, hunc mihi metum
excusserunt. Deinde iudicavi, has disputationes
vobis sanè præcipuè deberi. Nec enim de levis re-
bus habentur, sed longè gravissimæ, & in tot Reip.
perturbationibus cognitu necessarijs. Itaque dis-
seruat de vera Principis & regum, à quibus anti-
quum ducitis genus, tuenda Maiestate, & de eo
Populi conservando iure, quod optima leges, ac gen-

P R A E F A T I O.

tium probati mores vno omnium consensu constituerunt. Ac certe vestrorum quidam, quae hac Regis Maiestas, & vetusta Populorum iura in Gallis restantur in integrum, Imperatores eo exercitum duxerunt, adversus eam gentem, quae cælicum & hominum contemptrix, calliditatis & perfidiae viribus armibusq; subnixæ, eo ingenium omne contulit, potentiam & robur, ut Gallos natura liberos, & omni antiquitatis moribus, legibus & institutis penitus ingenuos, in barbara crudelitatis servitutem redigat. In his autem Questionum decursibus veterem illam Regna gubernandi, nimirum perfectam effigiem, tanquam matronam legitimam, castam, integram, nec ullis compam calamistris, inturbimur, pro qua nobis Machiavelliani illi spuriam, fucatam, impudicam & improbam substituere non dubitant. Quae vetus Provinciarum, Regna & imperia administrandi ratio Maiorum vestrorum fuit, eamq; Principes omni Regiarum virtutum genere cumulatisimi, veluti per manus traditam, quandiu vixerunt, diligenter observarunt. Merito ergo has à vobis Questiones oportuit cognosci. Postremo mihi iure persuasi, si vobis has dissertationes inscriberem, fore, ut à multis diligenter ob nominis ac gentis vestrae celebritatem legerentur: quas alioqui tamen non pauci cupide propter invidiam & motus discutient, omnes peramantem ob elegantiam doctrinæ, equitatemq; causæ, etiam obvius vlnu excipient. Et quidē ea re studiosius, quod nulla quemquam insectandi cupiditate, aut ullarum

P R A E F A T I O.

partim gratia scripta sunt, sed sola veritate ob oculos ponenda desiderio, ex Gallicarum calamitatibus necessitate, ac ruinis: quo promptum aliquod firmumque remedium, perpetuumque posteritati quaeratur, fuerunt diffusim explicata. Id quod, qui eas attentè legent, etiam quocumque tempore legent, cuiuscumque partem si quoque sint, aut nationis, conditionisue, modo tamen Christianam Religionem, vel quam Pontificiam, vel quam Reformatam appellant, profiteantur, facile certoque perspicient.

Itaque, cum de Gallia calamitatibus mihi multum cum Bruto, erudito, prudente, nobilique viro, sermo esset cititer abhinc biennium, & v. ro. citroque, non pauca de earum originibus, causis, iniuriis & progressibus percurrissemus: eo tandem ventum est, ut, inter cetera, studio librorum Machiavelli, maxime crederemus acui quorundam ingenia, quo artes perturbandi Rempublicam, ex eorum auctoritate, qui eam regunt, amplectereretur. Quarum artium fundamenta, cum in his libris, sparsim pessimis ea de re praeceptionibus editis iecisse, satis vixque, constitit Remedium nullum certum promptumque fore, quam si Principum imperium, ac ius populorum, qui eis subsunt, ad sua legitima certaque prima principia referretur, intra certos fines, utrorumque potestatem, ea ratione conclusum iri, quos ultra citraque recta Reipublicae administratio plane non possit consistere: neque, tradita à Machiavello disciplina, nempe ab his principijs prorsus eversa recipi. Adhibi deinde harum Quaestionum librum, in quo haec principia continentur, atque probatur & exponuntur, misit.

P R A E F A T I O.

quo cum ipse legerem. & sententiam de his verum significarem. Praestari equidem iuniorum Stephanum, quicquid antiquum habuit, quem ut huius Quaestiones, publici commendae gratia, Christianaeque Religione sacra recta curandi causa, magnis laboribus studioque perfecit. Eas ego, & Principes viri, Machiavellianis & hominibus, & libro, quorum scelerata consilii Respublica in tot civiles dissensiones, partem, motumque, dissoluta est, opponi posse censui, & tanquam Principia, quae vocantur firmissima, vel columnas, aut Regulas, cum, hoc praesertim tempore, rebus reformanda & collapsae, legitimae gubernandae ratione demum sursum erigenda, certe per prudentiaque praestantibus viris summe placiturae esse confido.

III.

Tametsi autem Machiavellianos quosdam, vel Tyrannorum mancipia, in lunium insurrecturos, non abis te suspicor: quia tamen id hoc nomine facturi sunt, quod per harum Quaestionum Principes rationes, si vos eas audieris, metuunt malas suas artes in ordinem quasi redactum iri, & se à vobis Regibus Principibusque Populoque detegendos: quid eorum iras Brutus, vir magnanimus, aut clandestinos susurros cures? Laetetur ille, solum iniustitiam, scelera, rapinas, fraudes, tandem aliquando ad certissimam Regum Populorumque salutem, in quam vnam rem omnibus viribus incumbendam est, dilibenter

P R A E F A T I O

gentia, curaq; sua potest fieri. Quod si falsa doceri
dicunt, id ostendunt, necesse est. Sed ad quomodo,
quae, praeferamus? Nam quaecumque in his Qua-
stionibus adferuntur, ea clavis equidem, non verò
doctorum Sacrarum literarum testimonijs esse certas
demonstrantur, ex Morali, Politicisq; scientia
doctrina, & Natura, ac legum ius, iuriconsul-
torum responsis, Imperatorumq; rescriptis confirman-
tur, diversarum Gentium moribus & institutis ada-
struntur: in illustribus ac varijs variorum Histori-
corum exemplis, tanquam in speculo spectanda pro-
ponuntur. Ad docendi rationem quod pertinet (Phi-
losophos, ac disputatores alloquor) illos, quo pluvium
& certum remittendat, ex effectis & consequenti-
bus causas & Maximas illas propositiones, siue re-
gulas, colligit, ob oculosq; ponit, & cognoscendas
exhibet, veluti gradibus quibusdam ad summa con-
scendens: ut Geometrarum more, quos has in re
imitari videtur voluisse, ex puncto lineam ducat,
ex linea superficiem, ex superficie corpus constituat:
quo genere quidquam ostendendi, vel probandi,
quid clarum, aut brevius, quid denique certius for-
mariq; esse potest? In quibus expendenda summam
quandam animi moderationem adhibet, inquirenda
diligenterq; perscrutanda rei veritati, tanquam in
puteum demersae, deditur. Quam erutam ex pro-
fundo, & omnium oculis expositam si qui nolint in-
tuari, plane sunt improbi: si qui, quam vniuersi vi-

P R A E F A T I O.

*dent ad conficiendumque placere. Ad huc ergo
 modum discussis illis nostris Quaestionibus dilucide ne-
 cessarioque, consequitur: quodnam Principis in Repu-
 blicam sit munus, & quod Populi in Principe ius & of-
 ficiū. & hac munera inter se distincta esse, mutua ta-
 mē & reciproca. Porro utriusque, certos esse terminos
 à Deo & natura, Gentiumque moribus constitutos: qui
 transibit suos, eū graviter in Deū ac leges, iniūque Gen-
 tium peccare. hic meriti transgressis, manere in Re-
 pub. rerū confusionem: ab ea, civilis humanique, fœde-
 ris dissolutionem: inde Tyrannidē: ex Tyrānide im-
 manē seditionē: ex ea, civile bellum radices agere.
 Constituto autē vinculo illo humanae societatis fir-
 mo, atque metū illis ac finibus positum. Quæstiones
 ostendunt: & eos verū iustisque principibus decernunt
 atque stabiliunt, anne Machiavelli doctrina funditur,
 nullog negotio, planē corrumpit? & uti furile, impia,
 & humano generi perniciosissima, radicibus evelli-
 tur? Neg. fulcra ei sic ruitura quisquā potest subve-
 re, quæ illā villo omnino modo munire queat. Verun-
 tamē esto liberū Machiavellianis in hac arenam des-
 cendere: prodeat. Illis, quæ diximus, scriptura Sacra,
 Philosophia de morib. ac Reip. legum, Morū, Genti-
 um, & Exemplorū veris ac legitimis armis utemur,
 pedesque cum iis audacter conferemus. Si se congressu-
 ras negant, iam merū suum prodent: seque eo victos re-
 stabuntur. Si singulare certamē propter arma, cum
 iusta sint tamē, detrectant: quid nos cum iis porro pu-
 gnare.*

P R A E F A T I O.

guemur? Cōfitemur, neq; palam confiteri puat, nos
 esse Christianos, nec nobis cum ea gente, quae hac ar-
 ma repudiet, commercii ullū, tanquā cum ijs, quibz
 sit aqua & igni interdictū, esse velle. Iam vero, quā
 niā, equitate causa destituti, nihil equidē sunt, quod
 obijciant, habituri, sed iustos esse Quæstiones, fortas-
 sit exclamabūt, atq; falsa esse earū Principia dissen-
 tabūt: rationib; nō gladys, agant. Sin autē vera, cur
 seditiosas appellant? cur Principiū manipulos in illas
 armit? An Princeps id quod verū est, ignorat? in re
 maxime, quæ et sua tūc, et Reip; quidē, interest? Va-
 rias solū sanē tyrannus, qui omnia nō ex veritate
 publica, sed ex propria libidine metiūtur, quos ad ad-
 operosē illi instituit; seditio esse potest: Sapienti au-
 tē, Pioq; ac Fideli Principi, quæ Quæstiones istæ do-
 cent & erudiunt, summa tantū virtus.

Sed, ut hæc Quæstionū Principia, & decreta esse
 scitis, d. Principes Pij, Fideles, multo iustissima: sic eti-
 am, ea vos, re ipsa probare, tot illustres vestra actio-
 nes, perpetuūq; vestrū Patriæ conciliāda studium, &
 tot vestra demū expeditiones, clarē testantur. Itaq;
 par est, ut, indicato ex his decretis pharmaco, & ve-
 ro remedio, cūunctis vnā omnes virib; certē tandē
 aliquādo medicandis huius tēporis disidijs, & natis
 inde malis, salutare manus adhibeatis. Vos equidē
 Deus Opt. Max. ijs animum & consilijs exerxit, &
 Imperatorib; armauit, atq; tot gentium fauorib; eo
 vsq; beavit, ut & vestrā constantiā nostri temporis

P R A E F A T I O.

adulationibus, & vestra fertitudine nostrorum
 Cygantum audacia, & huius deniq; seculi socordia,
 virtutē in ista vestra familia, ac gentis, in tot Gal-
 licis perturbatis negotijs, rebus, provincijs, Præse-
 dijsq; viris opposueris. Vos igitur harum Quæstio-
 num principia secuti, insticiam in Gallia defenden-
 dam suscepisti, eo exercitum conscripsisti, collegi-
 sti, duxisti. Demonstrant verò illa, vos non solum
 id iure potuisse, posseq; facere, verum etiam debere.
 Nos igitur pro vestra salute vota libenter concipi-
 mus, atq; speramus, vos p̃js victorijs & rebus illu-
 stros tandem aliquando composita firma pace, con-
 tra crudelem illum inhumanissimum Tyrannum Tur-
 cam, diuino beneficio ex communi omnij ordinum
 (verum nos compello Christiani Principes) decre-
 to, animarum copias, militarem scientiam, virtutem,
 auctoritatem, atq; fortunam esse conuersuros: quò
 vobis dabitur, Respublica Christiana de hoste po-
 tentissime, longeq; superbissimo ad summam Chri-
 sti gloriam, Ecclesia salutem, & Reip. quietem
 triumphet. Id quod Deus Opt. Max. fecit, obtesta-
 mur vniuersi, supplicesq; poscimus. Valete.

Kalend. Ian. M. D. LXXVII.

Soloduro.

PRIMA

PRIMA

QVAESTIO.

AN SUBDITI TE-

neantur, aut debeant Principibus

obedire, si quid contra le-

gem Dei imperent?



IDEBITUR fortasse
prima fronte hæc quæstio
planè otiosa & inutilis,
quæ nempe Christiano-
rum axioma certissimū,
tot Scripturæ sacræ testi-
monijs, tot sæculorum
exemplis, tot piorū Mar-

tyrum rogis comprobatur, quasi etiā nūm
troversum in dubium vocari videatur. Vnde
etenim, dices, tot tantq; piorum erumnis,
si ex vna hac causa, quod Deo simpliciter &
absolute, Regibus verò, quatenus adversus
legem Dei nil imperent, obtemperandum ef-
se, perpetuò iudicant? Quorsum verò alios
qui Apostolorum responsum, Deo magis,
quàm hominibus parendum esse? Deinde,
cū sola vnius Dei voluntas perpetuò iusta
sit, cæterorum iniusta subinde esse possit: quis

ambigat, quin illi vni absq; vlla exceptione, his cum aliqua semper exceptione parendum sit? At certè cum hodie multi Principes existant, eisi Christi nomē ij iactitant, qui immensam potentiam ne ab ipso quidem Deo pendentem sibi audacter arrogant, multi adularores, qui quasi Deos terrenos eos adorēt, multi etiā, qui seu meru occupati, seu alia vi coacti, nulla in re denegandum esse Principibus obsequiū aut censeant, aut censere videri velint: & vitium præterea nostrorum temporū hoc esse videatur, vt nil tam firmum sit, quod non convellatur: nil tam certum, quod nō contravertatur: nil tam sanctū, quod non violetur: vereor sanē, ne cuius rem accuratè perpendenti, nō modò non inutlis hæc questio, sed planè necessaria, nostro præsertim sæculo, videatur. Mihi certè causam tot tantarūq; calamitatū, quib. abhinc annis aliquot orbis Christianus divexatur, exminanti, succurrit illud Osee Prophete: Principes Iudæi ijs similes fuerunt, qui terminum mouēt. Itaq; iram meam aque instar in eos effundam. Ephraim verò conteritur in iudicio, quia impia mandata sequutus est. Peccatum & principū, & populi, vno verbo hic habes. Terminos verò mouent ij Principes, qui illa iurisdictione non contenti, quā ipsis tribuit Deus Opt. Maximus, eam quam sibi supremam in omnes retinuit, vi invadere conantur, quibus, inquam, non sat est, bonis

corpo-

Osee c. 5.
v. 10.

corporibusq; subditorum pro arbitrio & libidine vti, ni etiam miserorum animas, quod Christi merum peculium est, sibi vendicent, qui solo non contenti, cælum etiã ipsum audacter aggrediuntur, ad motisq; scalis in vado reconantur: nimirum, vt ait Poeta Ouidius,

Quã licet, affectant cælum isti. Tempia Quirinus,

Liber & Alcides, & modò Cesar habent.

Populus verò impia mandata sequitur, qui aduersus legem Dei quicquã iubentibus aut assentitur, aut assentatur, qui tanquã dijs iura quodãmodo adolet, qui solũ Dei affectantibus, cùm possit, nõ repugnat: qui que propriè Dei sunt, Cesari tribuere nõ veretur. Nemo verò est, qui hæc nõ videat. Si quis principi impia iubenti nõ obtemperat, cõtinuò rebellis, perduellis, Maiestatis reus habetur. Iis calumnijs petebatur Christus, iisdem Apostoli & primi omnes Christiani. Si quis, Esdræ. (4.) aut Nehemiæ (2. ver. 7.) exemplo, templũ Domini extruere parat, regnum affectat, res novas molitur, in remp. cuniculos agit. Obstrepere verò Regib. cõtinuò adulatores innumeros audias, si semel restauratum fuerit Templũ istud, actum est de regno: non est, quòd vlla amplius tributa, aut vestigalia ab istis hominib. expectes. Quæ verò isthæc insania est, hæc demum Republicæ firmæ censendæ sunt, quarũ in medio Templum Dei collocatum est, quæ ipsa

Epim. 7.

Templa Dei sunt. Il Principes veni regnare,
qui cum Deo regnant, cum omnes omnino
per ipsum regnent. At contra quæ non hoc ho-
minum est, nec Republicam bene constituta
tam, nisi everfo templo, nec Regnum, nisi ex-
pulfo, si fieri possit, Deo Opt. Max. tutum fir-
mumq; putarit? Hinc verò tot Gigantes au-
sus, & Gigantæorum conlimiles exitus, tot
Principum exitia, tot Gentium excidia. Quod
si nosset ij, quid inter Deum & Cæsarem in-
terfit, inter Regem regum & Regem, inter
Dominum & vassallum, quid sibi ille & subdi-
tis tribui nomine possit, quid ipse in subdi-
tos permittat: proculdubio neq; tot Prin-
ces Regnum Dei turbare conarentur, neq;
etiam in ipso conatu, iusta Dei iudicia & vi-
dicia ira, proprio regno deturbarentur. Neq;
verò præterea tot calamitates, direptiones,
vastationes Populus pateretur. Interest ergo
Principum, scire, quatenus imperare debe-
ant: subditorum, quatenus parere, ne aut illi
alienam iurisdictionem invadendo, aut hie ex-
tra iurisdictionem ius dicenti parendo, in pau-
nam incidant. His verò est Questionis pro-
positus scopus, cuius Sacram præcipue scrip-
turam iudicem faciemus.

Quæritur, An subditi teneantur Regibus
obedire, si quid adversus legē Dei impèrent?
id est, utri potius, Deo an Regi obediendum
sit. De Rege, cuius amplissima censetur po-
testas,

testes, & conibiteris, de cæteris magistratibus
eodem via conitabil. Primum docent Sacre
hiere, Deum suapte auctoritate regnare, Re-
ges quasi precario: Deum per se, Reges per
Deum: Deum in iurisdictione sua vti, Reges de-
legata tantum. Sequitur itaque, Sapien. 8.
Proverb. 8. Job 12. &c. Dei immensam esse
iurisdictionem, Regum dimesam: Dei infi-
nitam potentiam, Regum præsinitam: Del
Regnum nullis limitibus circumscriptum es-
se, Regum contra certis regionibus regi, cer-
tis cancellis terminari. Deinde Deus ex nihilo
creavit cælum & terram. Itaq; is iure cæli
& terre dominus est, & verè proprietarius.
Quicunq; verò terram inhabitant, eius tan-
quam coloni sunt & emphyteutæ: quicunq;
in terra ius dicunt, & aliqua ratione cætera
præfunt, Dei beneficiarij & clientes sunt, ab
eoque investitura capere & agnoscere tenen-
tur. Deus denique solus proprietarius est, so-
lus dominus: homines omnino omnes, quo
gradu tandem ijsint, coloni, villici, ministri,
vasalli, qui quo ampliores fructus percipiunt,
eò maiorem censum debent: quo maiori au-
thoritate potiuntur, eò seuerius rationem red-
dere tenentur: quo clariorem honorem con-
sequuntur sunt, eò grauiori oneri sunt obnoxij.
quod & Scriptura sacra passim docet, & pij
omnes, imò præstantissimi quique Ethnici
semper agnouere. Domini, ait David Rex, est Psal. 24.

Isa. c. 66.

ver. 1.

1. Reg. c. 8.

Sap. 6. v. 1.

Pro. 8. v. 15.

Iob. 12. v. 16.

Daniel 2.

vers. 21.

1. Chro. c. 9.

vers. 8.

2. Chro. c. 9.

ver. 8.

1. Chron. c.

29. v. 23.

1. Sam. c. 9.

v. 16. c. 10.

ver. 1.

2. Sam. c. 6.

ver. 21.

2. Reg. c. 20.

ver. 5.

terra, & plenitudo eius: ac ne homines suis
vomeribus sacrificent, nil terra ipsa absque
celi pinguedine proferre solet. Ideo vero De-
us sibi à suis omnium frugum primitias conse-
crari poscit: & Ethnici ipsi ultro dicauere,
quibus sese colonos, ipsum verè Dominum
profiterentur. Cælum Domini solium est,
ait rex Salomon, terra subsellium. Itaque
cum reges omnes eius pedibus subiecti sint,
non mirum, si Deus Rex regum, & Domi-
nus dominantium: Reges verò omnes, mi-
nistri regni eius, iuri dicundo constituti, vor-
citantur. Per me, inquit Dei sapientia, re-
ges regnant, & Principes indicant terram.
At ni faxint, soluo ego baltheum regum, &
cingo renes eorum cingulo. ac si diceret:
Meum est, stabilire reges in solio, aut detor-
bare pro meo arbitratu. Hinc solium Re-
gum, solium Dei dicitur. Benedictus, ait
Regina Saba Salomoni, Deus tuus, qui te
posuit super solium suum, vt regem loco
domini Dei tui, vt facias iudicium & in-
stitiam. Sic & Salomonem alibi in throno
Domini, aut in throno regni Domini col-
locatum legimus. Eadem ratione Popu-
lus ipse, Dei Populus & hæreditas perpetuò
dicitur: Rex verò administrator eius hære-
ditatis, & dux populi Dei. quo titulo David,
Selomon, Ezechias & cæteri pij Principes
nominati afficiuntur. Cum verò sancitur
sædus

foedus inter Deum & Regem, ea conditione
 sancitur, ut Populus sit, & perpetuo mane
 at Populus Dei, nempe ut ostendatur, De-
 um sua se proprietate & possessione non e-
 xuere, cum Populum regibus tradit: sed re-
 gendum, curandum, pascendum tradere,
 non secus ac is, qui gregi pastorem eligit,
 gregis nihilominus dominus manet. Hoc
 perspicue agnouerunt pii reges, David, Sa-
 lomom, Iosaphat & ceteri: qui etsi Deum
 Regnorum & Gentium Dominum agno-
 scebant, nihilo tamen minus regnabant;
 imò eò magis, quò alacrius Deo seruiebant.
 Hoc idem Nabuchodonozor ipse, quan-
 tumvis Ethnicus & potens Monarcha, tan-
 dem profitetur: quem cum Daniel Regem
 regum vocaret, cui Deus celorum, regum
 potentiam, & gloriam dedisset: Quinimò,
 ait, ô Daniel, verè Deus tuus est Deus Deo-
 rum, & dominus Regum, qui regna tra-
 dit quibuscumque vult, vel omnium homi-
 num vilissimis. Propterea verò & Xeno-
 phon ipse, in inaugurando Cyro, Deo im-
 primis litatum dicit: & passim Ethnici e-
 tiam authores Deum Optimum Maximum re-
 gem, summum predicant. Hodie verò in
 Christianorum Principum inauguratione, ij
 perpetuo Dei famuli, Populo suo regundo de-
 sinati nuncupantur. Cum itaq; reges, Dei vi-
 carii tantum sint, in Dei solio ipso authore cõ-

1. Chro. 6. 1.
 v. 9. & c.
 2. Reg. 6. 11.
 2. Chro. 6. 33.
 v. 16.

2. Chro. 6.
 20. v. 6.

1. Chro. 6.
 29. v. 11.

Dan. 2. 2 v.
 37. v. 4. 2
 14.

stituti, Populusque sit Dei Populus: nec v-
rò vicarij, nisi eorum, quorum personam ge-
runt, causa honos deferatur: sequitur procul
dubio, regibus propter Deum, non adversus
Deum: Deo servientibus, non adversantibus:
Dei iura tuentibus, non invadentibus, ob-
temperandum.

Hic obijciant forte nobis Assentatores au-
lici, Deum suam omnem in reges authorita-
tem contulisse, cælum sibi retinuisse, terram
agendam ferendamq; pro libito regibus tradi-
disse: Cæsarem deniq; diisam cum Iove im-
perium habere. Digna sanè vox Cleone ali-
quo impurissimo Alexandri adulate, aut
Martiale, qui Domitiani edicta, Domitidel-
qu edicta vocare non veretur. Digna & ne-
fandissimo Principe Domitiano, quem Do-
minum deumque etiam vocari voluisse, Sue-
tonius narrat. At certe & pij Principis aurib.
& piorum subditorum ore prorsus indigna.
Manet semper illa Dei omnipotentis senten-
tia: Non dabo nomen meum alteri, nò trans-
feram gloriam meam in alium, id est, non eam
cuiquam potentiam tradam, quin summum
inamibi perpetuo recipiam. Deus sua se po-
tentia & authoritate nonquam exuit. Scep-
trum in manu tenet, quo frementes reges
compescat, & contumaces cõterat. Libram in
altera, qua ius iniquè distribuentes examinet.
Supremi verò imperij nulla certiora signa da-
ri pos-

Isai. 48.
ver. 11.

Psal. 2.
Saplen. 6.

ri possunt. Quod si aut Imperator, cum Regem aliquem creat, saluo semper summo imperio id facit, aut rex, puta, Francie, cum extraneo, vel etiam fratri filiove, ditionem regendam possidendamve tradit: casus regio, animadversionem Regiam & supremum dominatum perpetuo recipit, quin & si minus in formula investituræ fiduciæque expresserint, ipso iure excepisse putantur. Quamto verius Deus in omnes Reges, in seruos, inquam, & ministros, eam sibi auctoritatem retinet, à quibus & rationem eum reposciturum, & pœnas de ijs sumpturum, si suo officio malè fungantur, toties legimus. Reges itaq; regis regum vasalli sunt, per gladium regis auctoritate insignite, investiti, ut eo gladio legem divinam tueantur, bonos protegant, malos perdat, non secus ac perenslem, scutum, vexillum, vasallos à Domino superiori feudo investiri videmus, ea lege, ut ei iisdem armis, quandoque opus fuerit, militent. Ut verò vasallos eos definiamus, ita & quæcunque vasallis, regibus, apprimè etiam conveniunt. Vasallus feudum à domino superiore accipit, cum onere iuris dicendi, & onere militiæ coniunctum. Rex regum à Deo, ut iudicet Populum suum, & adversus hostes tueatur. Vasallus legem & conditionem à Domino superiori accipit. Rex à Deo iubente, ut legem suam perpetuo obseruet, & ante oculos habeat. Si

1. Sam. c. 8.
et c. 9. 2.
20.

Deut. 17.

fecerit, tum ipsum, tum posteros regnum diu
 possessuros: sin contrà, contrarium expertu-
 ros. Vasallus sese domino superiori iureiuran-
 do devincit, fidemq; & obsequium promittit.
 Rex pariter ex legis diuinæ præscripto sese im-
 peraturum iurat. Vasallus deniq; ni iusiuran-
 dum seruet, feudum committit, ipsoq; iure se-
 se omni prærogativa priuat. Rex quoque, si
 Deum negligat, si ad eius hostes transfugiat,
 si feloniam adversus Deum committat, & ip-
 so iure regnum committit, & ex facto plerun-
 que amittit. Hæc ex fœdere inter Deum & re-
 gem fieri solito (confœderatorum enim no-
 mine seruos suos dignatur Deus) perspicua
 erunt. Duplex autem fœdus in Regum inau-
 guratione legimus: primum, inter Deum &
 Regem & Populum, vt esset Populus, Dei Po-
 pulus. Secundum verò, inter Regem & Po-
 pulum, vt bene imperanti bene obtemperare-
 tur. De secundo postea videbimus: de primo
 hic nobis agendum est.

*Fœdus inter
 Deum &
 Reges.*

*2. Reg. c. 11.**2. Coro. c. 23.**ver. 16.**2. Reg. c. 23.*

In loæ inauguratione legimus sanctum fu-
 isse fœdus inter Deū & Regem & Populum,
 aut, vt alibi dicitur, inter Ioradam summum
 sacerdotem, & vniuersum Populum & Regē,
 vt esset populus Dei. Similiter Iosiam & vni-
 uersum Populum fœdus inijsse cum Deo. Vn-
 de intelligimus in hoc fœdere faciundo stipu-
 latum fuisse summum sacerdotem Dei nomi-
 ne, à Rege & Populo, tanquam verbis con-
 ceptis,

ceptis, An non curaturi essent, vt Deus pure
& ritè in Regno Iudaico coleretur. An non
scilicet ita regnaturus esset Rex, vt populum
Deo seruire sineret, inque Dei lege conti-
neret. Deinde an non ita populus Regi ob-
temperare vellet, vt nihilo secius Deo in pri-
mis obsequeretur. Regem verò & Populum
tanquam reos promittendi, in legem Dei iu-
rasse, seseq; solenni sacramento Deo colendo
imprimis obligasse. Vnde ex facto, cum pri-
mum istud fœdus sancitum est, Iosias & Ios
destruunt idololatriam Baal, & cultum Dei
restituunt. Capita verò fœderis hæcerant in
summa: Vti tum Rex ipse, tum etiam Popu-
lus vniuersus, Deum ex legis suæ præscripto,
& singuli colerent, & vniuersi colendum cu-
rarent: si facerent, Deum ipsis affuturum, rei-
que publicæ illorum præfuturum. Sin mi-
nus, missos facturum & disperditorum: quod
ex multorum scripturæ locorū collatione ap-
paret. Moses moriturus, eas condiciones fœ-
deris vniuerso Populo recēset, moxq; legem,
id est, ipsa pacta conuenta Domini, in Arca fœ-
deris asservari præcipit. Mose vita functo, Iosue
constituitur dux Populi Dei. Dominus is-
taq; ipse eum admonet, si res suas prosperè ge-
rere velit, ne à lege latū vnguem recedat. Is ve-
rò cum primum Israelitæ terram Chanaan in-
gressi sunt, vt palam eis faciat, qua conditione
in eam possessionem à Deo mittantur sacri-

2. Chro. c.
23. ver. 16.
c. 17.

Deu. 29. 30.
31. cap.
Deu. 31.
v. 26.
Iosue c. 1.

Deu. c. 27.
v. vlt.
Ios. c. 5.
Ios. c. 14.

ficijs ritè peractis, legem coram vniuerso Po-
 pulo legit, moxque mira, si ijs pactis starent,
 pollicitus: dira, si negligerent, minatus. In
 summa, si legem seruarent, prosperè rem ge-
 sturos: sin secus, dissectum ac pessundatum
 iri obtestatur. Idem quoque moriturus, & e-
 videntius quidem. Quotiescunque verò eam
 deferunt, in manus Chananeorum tradun-
 tur, & Tyrannis mancipantur. Iam idem om-
 nino fœdus, quod inter Deum & Populum
 sub iudicibus fuit, sub Regibus & cum regi-
 bus obtinuit. Postquam Saul vnctus, ele-
 ctus & planè constitutus est, Samuel his ver-
 bis Populum affatur; En Regem, quem ele-
 gistis, & petijstis. Ecce Deus posuit eum Re-
 gem super vos. Obedite & seruite Deo tam
 vos, quàm Rex vester, qui est super vos. Ali-
 loqui & vos, & Rex vester peribitis. Quasi
 dicat: Voluistis Regem, Deus hunc vobis Re-
 gem dedit. Ne tamen putetis Deum quidquam
 de suo iure imminui vello, velim intelligatis,
 Regem non secus ac vos, huic legi custodien-
 dæ devinctum esse, ac, ni fecerit, eandem pœ-
 nam passurum: denique, Saulem esse Regem
 quidem vobis datum, qui in bellum, vt cupi-
 istis, vobis præcat, at ea lege, vt legem Dei
 interim sequatur.

Eiecto Saule, quòd pacto non stetisset. Da-
 uid eadem lege Rex constituitur, vt & Salo-
 mon quoque Dauidis filius. Si legem meam
 obser-

1. Sam. cap.

12.

1. Reg. c. 2.

ver. 4.

obser-

obseruari, ait Dominus, ego confirmabo te. *2. Reg. c. 6.*
 cum pactū, quod pepigi cum Davide. Quod *ver. 12.*
 nam verò est hoc pactum? Extat in libro Pa. *2. Chro. c. 6.*
 ralipomenon his verbis: Nunquam auelletur *1. 16. c. 7.*
 à facie mea successor ex tua stirpe in folio Isra- *ver. 17.*
 elis, modò filij tui obseruēt legem meam tuo
 exemplo. Sin verò idolis seruiant, expellam
 vos è terra, quam vobis possidendam dedi,
 &c. Hinc liber Legis tempore Iosif repertus, *2. Reg. c. 23.*
 vocatur liber fœderis Domini (quem Deus *ver. 2.*
 Sacerdotes Regi tradere iubet, proindeque *Deu. 16. v.*
 Samuel Saul tradit) ex cuius præscripto Io- *18.*
 sis ipse init fœdus coram Domino. Hinc eti- *1. Sam. c.*
 am Lex, quæ in Arca seruabatur, vocatur Pa- *10. v. 25.*
 ctio Domini cum filijs Israel. Deniq; Populus *2. Chro. 6.*
 seruitute Babylonica liberatus, fœdus cum *v. 11.*
 Deo renouat, & quodd Pactum Domini vio-
 lasset, tot se calamitates meritò passum agnos-
 cit. Perspicuum ergo est, Reges, tanquam va- *Nebem. 9.*
 sallos in legem Dei tanquam superioris om-
 nium Domini, iurare. At verò, quod antea
 attigimus, si fidem non seruant, si legem vio-
 lant, vt illos feudum propter feloniam, sic hos
 regnum committere legimus.

Diximus idem esse fœdus inter Deum &
 Reges Iudæorum, quod antè inter Deum & *Iudic. 9.*
 populum sub Iosue & Iudicibus. Videmus ve *ver. 33.*
 rò passim populum, si quando legem negle- *Iudic. c. 2. v.*
 xit, aut fœdus pepigit cum Baal, mancipatū *24. c. 4. v.*
 fuisse seruituti Regum Chanaan, Iabini, & *2. c. 6.*

1. Sam. c. 13.

v. 13.

1. Sam. c. 15.

v. 26.

1. Reg. c. 11.

v. 33.

glonis & cæterorum. Vt autem idem fœdus est, ita eadem est fœdisfragorum pœna. Saul contra quàm lege Dei sancitum erat, sacrificia tractare audet, mox etiã contra disertum Domini mandatũ Agagum Regem Amalecitarũ seruat. Propterea & rebellis vocatur à Samuele, & rebellionis deinum pœnas luit. Sacrificasti tu, ait. At præstitisset te obsequutum esse Deo. Obsequium enim præstat sacrificio. Reiecisti Dominum Deum tuum, at ipse te reijcit, ne amplius regnes super Israelem. Adeò verò hoc iuris obtinet, vt nō secus ac propter Maiestatis, affectat iue propriè regni crimē filij paterno feudo priuantur, nō ipsi modò Reges, sed ipsorũ adeò liberi easdem ob causas regno spolientur. Salomon à vero Deo ad idola deficit. Ahias Propheta, Regnum Israeliticũ cōtinuò sub Roboamo filio diuisum iri prædicat. Complectitur deniq; verbũ Domini ac decem tribus, pars regni potissima, à Roboamo, ad Ieroboamũ eius seruum deficit. Cur ita verò? Quia, ait Dominus, defecerunt à me ad Astaroth Deum Sidoniorum, & Chamos Deũ Moabitarum, &c. disrumpam ego vicissim regnum eorum. Ac si diceret: Pactum violarũt, conditionem non impleuerũt: neq; ego, itaq; amplius teneor. Maiestatem meam imminuere volunt: ego regnum ipsorum verè imminuam. Cum serui mei sint, me à meo regno eijsce res student. At ego per Ieroboamum, per seruum,

uum, inquam, eos regno eiiciam. Quid verò, cum hic idem seruus veritus, ne Populus Dei colendi desiderio, Hierusalem revertatur, vitulos in Bethel erigit, & occasionem peccandi Israeli offert? cum, inquam, Populum Dei à Deo, seruum ab hero abalienat & abducit: quænam tandem est tam ingrati clientis in patronum, tam nefandi plagiarij pœna? Moritur ei primùm filius, deinde vniuersa eius gens per Baasæ facinus extirpatur ad vltimū masculum vsque, Propheta illa idcirco fieri protestante, quòd à domino suo defecisset. Est igitur causa hæc & frequens, & idonea, propter quam Rex feudo à Deo accepto priuetur, si legem Dei oppugnet, & à Deo, ad ipsius hostes, ad deos, inquam, gentium transfugiat. Et vt paria crimina pares pœnæ decet, consimilem omnium Regum Israelis & Iudæ, qui talia patrarunt, exitum, summum, in Sacris literis legimus. Tamen si mutata est & Ecclesiæ Iudaicæ, & Regni quoq; ipsius forma, cum quæ prius Iudæa terminabantur, per totum orbem diffusa esse possint: de Regibus tamen Christianis idem prorsus dicendum est. Euangelium successit legi, Reges Christiani Iudaicorum loco sunt. Idem pactū est, eædem conditiones, eædem pœnæ, ni impleantur, idem vindex perfidiæ Deus omnipotens. Vt illi denique legi, sic hi Euangelio obseruando,

tenentur. cuius propagationem singuli in primis & ante omnia se curaturos spondēt, cum inaugurantur. Herodes Christi Domini Regnum, quod provehere debuisset, reformidans, Christum ipsum, quasi regni affectati damnat. En verò & miserè perit, & regnum ipse suum perdit. Iulianus à Christo ad Gentiles transfugit. At paulò post idem Galilæi (ita enim Christum probrosè vocabat) vindicem dexteram experitur. Plenæ verò sunt superiorum sæculorum hystoriæ consimilibus exemplis, quæ nec nostro etiam sæculo nobis desunt. Aliquot abhinc lustris plerique Reges Babylonici poculis inebriati, Christi hosti adversus Christum, Lupo adversus agnum militarunt, ut etiamnum plerique militant. Vidimus verò nonnullos, in flagranti crimine, in ipsoque adeò, quod agitabant, scelere periisse: quosdam etiam à triumpho in tumulum elatos fuisse. Nec cæteros melior manet exitus. Srat nempe perpetuò hæc sententia: Coniurent licet omnes reges terræ adversus Christum, & Agnum nostrum diripere conentur, necesse est tandem illos manum cedere, pedibus Christi subijci, & Agnum Regem Regum, & Dominum Dominantium, velint nolint, confiteri. Quid verò de Regibus Ethnicis statuemus? Procul dubio & si ij extrinsecus non vnguntur à Deo, sunt tamen eius vasalli, & ab eo vno potentiam suam acceperunt

Psalm. 2.

Psalm. 110.

Apo. c. 19.

perunt seu sorte, seu alia quavis forma eligantur. Si suffragio: Deus regit corda hominum, & dirigit quod ipse vult. Si vel sorte: fors conijcitur in sinum, inquit Salomon, & iudicium eius à Domino. Is perpetuo vnus est, qui pro suo arbitrio Reges tollit, & statuit, firmat & evertit. Hac ratione Cyrum victum Domini vocat Esaias. Daniel verò Nabuchodonozor & ceteros à Deo potentiam accepisse ait, vt & Paulus, omnes omnino magistratus. Et si enim Deus legem suam non ira diserte his atq; illis commendarit: est tamen quod agnoscant, se, quod regnant, Deo supremo Regi debere. Itaq; si tributū eo nomine Deo persolvere minus curent: saltem quod Deo à subditis debetur, intercipere & auertere ne tentent, aut vlla alia in re diuinam sibi iurisdictionem arrogant. Id verò propriè affectati regni crimen est, quod Deus in ipsos reges Ethnicos grauissimè vltus est. Principes, ne in tam atrox crimen incidant, suam à diuina iurisdictionem in primis distinguant necesse est, & eò quidem accuratius, quod in eodem solo, in eadem re, in homine, inquam, Deus & Rex, ius suum ambo capiunt. Constat homo ex corpore & anima, Deus corpus finxit, & animam quoq; inspirauit. Vtroq; ergo optimo iure vti solus poterat. Quod si liberalliter indulsit Regibus, vt subditorum corporibus bonisque, ad eorundem tamen conseru-

Prou. 16.

Daniel. 2.

v. 21.

Esa. c. 45.

Dan. 4.

Rom. 13.

uationem, uti possint meminisse sanè debent, vsum non abvsum, cōcedi. In primis verò nō quod animæ, tributū nomine imperent, habere se, qui suā ipsi Deo tributariam profiteri teneantur. Rex capit tributum censumve à corpore, ipsi quæ corporis ministerio acquiruntur volunturve. Deus ab anima præcipue, quæ suas etiam functiones per corpus exercet. Ad tributū illud pertinent fructus, nummorum pensitationes, & cætera onera tum realia, tum personalia. Ad hoc preces, sacrificia, conciones, cultusque adeo diuinus, tum priuatus, tum publicus. Quæ quidem adeo diuersa & distincta sunt, ut neutrum alteri officiat: fisco Dei Cæsaris fisco nil adimat, sed cuique ius suum constet. Denique cælum terræ misceat, omniaque in antiquum chaos reducere velit, qui hæc confundat. Hæc optimè distinxit David, qui alios officarios destinavit in rem Dei, alios in rem Regis. Sic & Iosaphat alios in iudicium Iehouæ, alios in litem Regis, id est, alios qui cultum Dei, alios qui iura Regis tuerentur. Quod si vtrumque tributum sibi vendicat Princeps, perinde ac si Gigantum more, cælum petere & scandere conentur: Regni affectati reus est, & non sicut vasallus, qui regalia iura invadit, seu dum committit, ac eo sæpissime spoliatur: & eo æquius, quod ea vasalli ad dominum superiorem aliqua: Regis ad Deum, homuncio-

nis ad omnipotentem nulla potest esse proportio. Quotiescunq; enim Princeps aliquis insolenter dicit, Ego scandam cœlum, extollam solium meum supra stellas Dei, & ero similis altissimo: At ego contrà, Deus inquit, extollam me ipsum, insurgam adversus te, & excindam nomen tuum ad ultimos nepotes usque. Et tua quidem consilia evanescent: quod verò semel decreui, mutari non potest, aut in cassum cedere. Dicit dominus Pharaoni: Dimitte populū meum, ut mihi seruiat, ut mihi sacra faciat. Quia verò fastu tumidus, Deum illum sibi notum non esse respondet, preceps ruit. Nabuchodonozor vult statuā suam coli, sibiq; diuinos honores exhiberi. Confestim effrenem miseri homuncionis audaciam reprimat Deus. Qui Deus videri volebat, homo esse desinit, & avia desertaq; loca asini instar oberrat, Eo usq; dum, ait Daniel, Deum Israelis supremum omnium Dominum agnoscat. Balthasar eius filius, sacris Templi vasīs diuino cultui ad suam ebrietatē abytitur. En verò quia Deo gloriam non tribuit, cuius in manu anima eius omnesq; viæ erant, res gno pessundato, eadem nocte trucidatur. Alexander Magnus adulatorum voce delectabatur, qui Iouis filium eum esse, & adorandū propterea affirmabant. En verò inchoatos quasi de domito orbe triumphos præpropere mors intersecat. Antiochus vniendi regni

Isa. c. 34.
ver. 22.

Exod. c. 9.
v. 8. &c.

Dan. c. 4.

Daniel. c. 4.
ver. 23.

1. Macha. c.
1. ver. 43.

1. Mach.
c. 6.

prætextu, vnumquenque Legem Dei mis-
sam facere, & suam sequi iubet. Templum lu-
dæorum prophanat, altaria polluit. At mul-
tas calamitates, clades, strages expertus, fra-
ctis prostratisq; viribus, animi incertore tan-
dem conficitur, in eoq; quod ludæos ad
impietatem adigere voluisset, tam graua se
pati proficitur. Deniq; si repetamus, quis Ne-
ronis exitus fuerit, qui Christianos urbis in-
cendio insimulatos sceleratè contrucidauit:
quis Caligulæ, qui sibi sacrificia instituit: quis
Domitiani, qui Dominus Deusq; vocari vo-
luit: quis Commodi & eorum omnium, qui
honores soli Deo debitos, aut sibi vindicare,
aut Deo tollere voluerunt: exitialem eorum
perpetuo exitum comperiemus. Contra ve-
rò Traiani, Hadriani, Antonini Pij, & cætero-
rum eiusmodi satis prosperum: qui si minus
Deum coluerunt, Christianis saltem suo mor-
re colere permiserunt. In summa, vt vasalli re-
belles, regnūve affectantes, & supplicium ex-
tremum merentur, & feudum ipso iure com-
mittunt: ita & hi, qui aut legem Dei ex pacto
obseruare nolunt, aut obseruare volentes in-
audita causa persequuntur. Cū itaq; videa-
mus eodem ferè modo Reges à Deo regno in-
vestiri, quo vasallos à domino superiore, feu-
do, ijdem de causis eo beneficio priuari: eo-
dem ferè loco hos quo illos esse, Reges om-
nes Dei vasallos esse, omnino statuendum est.

Hoc

Hoc verò posito, quæstio nostra facile finietur. Si enim Deus est Domini superioris loco, Rex vasalli: quis non Domino potius, quàm vasallo, obediendum pronunciet? Si Deus hoc præcipit, Rex contrà: quis Regi ad versus Deum obsequium denegantem, rebellem iudicet? Imò uerò quis non rebellionis damnet, si aut Deo segnius pareat, aut Regi ea in re pareat. Denique, si hinc Rex, illinc Deus ad delectum nos vocet: quis Regem, ut Deo militemus, deferendum non statuat? Ergo non modò non tenemur obedire Regi contra legem Dei quid imperanti, verùm etiam si obediamus, rebelles sumus, non secus ac si adversus Regem colonus, pro seniore Regis vasallo, arma sumeret, aut edicto superioris, quàm inferioris: Vicarij, quàm Principis: Ministri, quàm Regis obedire mallet. Ac propterea incidimus in execrationem Michæ Prophetæ, qui Dei voce eos omnes, qui impijs Regum mandatis obsequuntur, detestatur, & diris devovet. Legem Dei quam dicimus, intelligimus duas Legis tabulas Moysi traditas, quibus tanquam limitibus immobilibus, authoritas Principum omnium circumscribi debet. Prima, Dei cultus, secunda officium erga proximum continetur: prima, inquam, Pietas, secunda Iustitia Charitati coniuncta, quibus Evangelij promulgatio non modò non derogavit, verùm etiam authoritas

*Michæ 6.
ver. 16.*

tem adiunxit. Prima autem ut ordine, ita & dignitate prima censetur. Si quem innocentem Princeps occidi iubeat, si quem spoliari, si cui vim inferri, nemo cui vel tantillum conscientiae super sit, parere velit. Si scelus suum, adulterium puta, parricidium, aut quid simile, comprobari flagitet, prodibit inter ipsos Ethnicos Papinianus aliquis, qui Caracallā coram reprehendat, & mori, quā parere malit:

Phalaris licet imperet ut sit

Falsus, & admoto dictet periuria Tauro,

falsum testimonium dicere non sustinebit. Quid verò, si nos Princeps cum idolis commercium habere iubeat? si Christum crucifigere? si Deum eiurare, execrari, & quantum in nobis erit, cælo pelleri, an non multò æquius parere detrectabimus? Quin potius quia non satis est abstinere à malo, si faciamus etiam bonum, non modò idola non colemus, verum Deum eo modo, quo præcipit, colemus: nec modò Baali non procumbemus, verum Deo sacra faciemus, qualia à nobis requirit. Etenim Deum quidem colere tenemur propter ipsum: at Principem honorare, ut & proximum amare, propter Deum. Quòd si verò proximum lædere, scelus est, si Principem violare, piaculum censetur: quo tandem nomine tantum tamq̃: atrox crimen censebimus, quo ipsa supremi omnium Domini Maiestas petitur? In summa: ut longè gravius est creatorē, quā

quàm creaturam, hominem quàm imaginem
 ledere, & in iure grauior est poena eius, qui Ma-
 iestatem Regiam leserit, quàm qui statuam ei
 dicatam fregerit: ita nõ dubium est, quin eos,
 qui primã legis tabulam violant, grauior & a-
 trocior vindicta, quàm qui secundam, mane-
 at (etsi vna ab altera pender) adeoq; cautius
 adhuc in illa, quàm in hac agendum sit. Exem-
 pla verò maiorũ docere nos possunt, quæ cau-
 tela hac in re sit adhibenda. Achabus Rex, Ie-
 zabele vxore instigante, Prophetas Dei vnde-
 quaq; comprehensos occidi iubet. Abdias ni-
 hilominus, Aulæ Magister, eos abscondit & a-
 lit. In promptu excusatio est, In omni obliga-
 tione, quantum vis stricta, Deus perpetuò ex-
 cipitur. Achabus idem, omnes Baali sacrificare
 iubet: Elias nihilo segnius arguit Regem, ar-
 guit Populũ, sacerdotes Baal impietatis con-
 victos ad necẽ poscit. Invito deniq; Rege vxor-
 io, frementeq; impia vxore cultum veri Dei
 restituere cõatur. Sin Achab obijcit, quod ho-
 dierni Principes solent, quod Israelem turbet,
 quod rebellis, quod seditiosus sit, vt omnium,
 qui crimine vacant, hoc esse crimẽ solet: Imò
 verò, respondet, Tu is ipse es, qui Israelẽ tua re-
 bellione turbas, qui à Domino tuo ad hostes,
 à Deo vero ad deos alienos transfugeris. Eo-
 dem modo Sidrach, Misach & Abdenago, Re-
 gi Nabuchodonozor parere nolũt, vt neq; Da-
 niel Dario, Eleazar Antiocho, & innumeris alijs.

1. Reg. c. 18.

1. Reg. c. 12.
verf. 17.Daniel c. 3.
Daniels. 6.

*Act. 4.
v. 19.*

*Amb. Epi-
stol. 33.
Eusib.*

Post verò Christi adventum, cum iubentur Apostoli Euangelij prædicationem omittere, Iudicate, aiunt, vtrum iustum sit coram Deo, vobis potius, quàm Deo obedire. Ita modo mandatum Christi impleant, quid Reges sentiant, susque deque habent. Ipsi denique Iudæi Aquilam argenteam statuamque Caligulæ in templo collocari non ferunt. Quid verò Ambrosius, iubente Valentiniano Imperatore, vt basilicam Mediolanensem Arrianis traderet? Convenior, inquit, à Comitibus & tribunis, vt Basilicæ fieret matura traditio, dicentib. Imperatorem iure suo vti, eo quod in potestate eius essent omnia: respondi: Si à me peteret, quod meum esset, id est, fundum meum, argentum meum, ius huiusmodi meum non refragaturum. quanquā omnia, quæ mea sunt, essent pauperum: verum ea, quæ sunt divina, Imperatoris potestati non esse subiecta. Quid verò putamus responsurum eum fuisse, si de vino Dei templo idolis mancipando consultus fuisset? Exempla hæc & innumerorum Martyrum, qui mori, quàm parere maluerūt, quibus plenæ sunt Historiæ, legis disertissime instar esse possint. At sanè ne lex quidem disertis verbis concepta nobis deest. Quotiescunq; enim Apostoli Christianos monent, vt Regibus & Magistratibus pareant, quasi de industria faciant, Deo parendum in primis & ante omnia præmonent: præposteri istius obsequij,

sequij, ad quod adulatores Principum simplices cohortantur, nusquam ne leue quidem argumentum reperiās. Omnis anima, inquit *Paul. c. 13.* Paulus, superiori potestati subiecta esto: nam *ad Rom.* nulla est nisi à Deo. (animam omnem dicit, ne conditio vlla excipi videatur.) Satis ex hisce verbis cōcludi poterat, Deo potius, quàm Regi parendum esse. Si enim regi propter Deum, certè non contra Deum. At ambiguitatem omnem præcidere vult. Princeps (subiungit) minister Dei est, propter bonum nostrum, ad faciendam iustitiam. Sequitur adhuc idem: quia Domino potius, quàm ministro obtemperandum constat. Necdum tamen satis esse putat. Reddite, ait ille tandem, cui tributum, tributum: cui honorem, honorem: cui timorem, timorem: ac si diceret, quod *Matth. 22.* Christus: Reddite quæ sunt Cæsaris, Cæsari: *ver. 21.* quæ Dei, Deo. Cæsari tributum & honorem, Deo timorem. Consimiliter Petrus, Timete Deum, honorate Regem. Serui obedite dominis etiam discolis. Hæc eodem, quo dicuntur ordine, facienda sunt. Népe vt non tenentur dominis serui obedire, si quid aduersus Regis mandata imperent: ita nec subditi Regibus, si quid aduersus legem Dei. Obijciunt *Obiectio.* nobis impij: In ijs etiam, quæ ad conscientiam pertinent, Regibus obediendum esse, & Petrum Paulumq; nobis, quasi huius impiæ sententiæ authores, obtrudere non verentur.

Roman 13.

ver. 5.

1. Petr. c. 2.

Colos. c. 3.

ver. 22.

1. Sam. c. 15.

verf. 22.

Indeq; quamcūq; legem sanciat Rex, parendum, quamcūq; religionem superstitionemve sectetur, obsequendum statuunt. Quam aut ineptē, aut impiē, nemo est, qui non videat. Aiunt tibi diserte obediendum esse Principibus non propter iram, sed propter conscientiam erga Deum. Conscientiam cum opponunt iræ, perinde est, ac si dicerent: non formidine pœnæ, sed Dei amore: non verberum metu, sed verbi diuini reverentia, parendū esse. Ut pariratione Paulus, ad Colossenses, seruos ita heris inservire iubet, ut non heri oculo, aut fureq; sed ipsi Deo servire se putent, non ut heri gratiam demereantur, cuius oculos etiam fallere possunt, sed ut officio satisfaciant, quod illis imposuit Deus, quem nemo fallere possit. Deniq; aliud omnino est, propter conscientiam obedire, aliud in ijs, quæ ad conscientiam pertinent. Neque ij sanè, qui crucem & tormenta quævis suscipere, quam Principibus impia iubentibus parere maluerunt, nos ita docuissent. Eiusdem impudentiæ est, quod idiotis obijcere solent, Obsequium præstare sacrificio. Nil enim est, quod causam ipsorum citius ingulare possit. Sunt illa verba Samuelis Prophetæ, Saulem Regem reprehendentis, quòd præposterè sacrificando, Dei mandatum securus non esset. Quod si ipse, quantumvis Rex, Deo obsequi tenebatur: sequitur sanè, subditos adversus Deum Regi non

teneri. In summa: qui Barbarorum Caluc-
thanorum more, Dei cultum ab hominis arbi-
trio, Religionem à Rege, tanquam Telluris
Deo pendere volunt, si scripturæ sacræ, quod
opinor, minus tribuunt: discant saltem ab E-
thnico Oratore, in omni communitate quos-
dam esse officiorū gradus, ex quib. quod cuiq;
præstat, intelligi possit, ut prima, ait, Dijs im-
mortalibus, secunda patrię, tertia parentibus,
deinceps reliqua reliquis gradatim debean-
tur. Vt cunq; verò crimen læsæ Maiestatis a-
trox sit: proximum tamen sacrilegio, quod in
Deum diuinæq; res propriè committitur, à
Iureconsultis vocari, adeò ut Templū effrin-
gere, quàm vitæ Principis insidiari, grauius
putetur. Et hæc quidem cuiusvis homini,
modò non prorsus impio, sufficere
posse videntur.

Cic. 2. Offi.

L. 1. ad Leg.
Iul. Maiest.

SECUNDA QVAE- STIO:

*AN LICEAT RESISTERE
Principi, Legem Dei violanti, & Ec-
clesiam Dei vastanti: quibus,
quomodo, & quatenus.*



A B C Quæstio prima fronte dif-
ficilis & ardua videtur, eò quidē
magis, quòd cū sub pijs Principi-
bus supervacua, sub impijs peri-
culosa videretur, vix quisquam eam, nisi le-
uiusculè attigerit. Ex facto quæritur, Principi
pi legem Dei obroganti Ecclesiamtū destru-
enti, aut extruendam impediēti, an resiste-
re liceat. Hoc verò, si eius iudicio stamus,
Scriptura sacra nobis definiet. Si enim, quod
ex ea faciliè probabitur, vniverso Populo lu-
daico licuit, imò si iniunctum fuit, nemo, cre-
do, negabit, quin idem de vniuerso Populo
Christiano alicuius Regni, idem planè statu-
endum sit. Considerandum est hic imprimis,
Deum electo ex omnibus Populo Israelitico,
vt esset sibi peculiaris Populus, fœdus cum
eodem pepigisse, vt esset is Populus Dei. Ex-
tat id passim in Deuteronomio. Vis autem
huius Pactionis erat hæc, Vt curarent vniver-
si, vt

si, vt Deus à singulis Tribubus & singulorum
 contribulibus in terra Chanaan purè colere-
 tur, Ecclesiamque suam in medio eorum per-
 petuò constitutam haberet. quod tum è mul-
 tis alijs locis, tum disertè Deuter. 27. appa-
 ret. Ibi Moses & Leuitæ, quasi Dei nomine
 stipulantes, vniuersum Populum congregât,
 hisque verbis affantur. Hodie, ô Israel, Popu-
 lus Domini Dei tui sis. Obsequere ergo Deo
 tuo, &c. Cumq; ait Moses, Iordanem trans-
 fieris, stantibus hinc ad montem Garizim sex
 Tribubus, illinc ad montem Hebal sex reli-
 quis, Leuitæ legem Dei perlegent, ac obser-
 uaturis fausta omnia, violaturis infasta pre-
 cabuntur. Vniuersus verò Populus responde-
 bit, Amen. Quod à Iosue postea tum terram
 Chanaan ingresso, tum moribundo obserua-
 tum legimus. Hinc animadvertimus, vniuer-
 sum Populum obligatum esse legi Dei curan-
 dæ, Ecclesiæque tuendæ, vt è contrario id-
 lis Gentium exterminandis è terra Chanaan.
 quæ stipulatio ad singulos pertinere non po-
 test, sed ad vniuersos tantum. Quo etiam &
 illud pertinere videtur, vt omnes Tribus cir-
 ca Arcam Domini castrametarentur & ten-
 toria sua figerent : vt quæ vniuersorum curæ
 commendata esset, ab vniuersis regeretur. V-
 sus verò Pactionis istius demonstrari potest.
 Ciues Gabaa è Tribu Benjamin Leuitæ cu-
 iusdam vxorem vi constuprant ad necem vs.

Deut. c. 7. 29.
6. c. 14. 7. 2.

Dent. II.

ver. 29.

Iosue c. 24.

disertius.

Iosue 5.

ver. 24.

Num. 2.

Indic. c. 19.

& 20.

que. Levita in duodecim frustra concisam Tribubus duodecim mittit, vt tantum scelus in Israele patratum vniuersi expient. Congregatur vniuersus Populus in Maspha. Postulat à Beniamitis tanti sceleris conscios noxæ dedici. Recusant illi. Ac demum Deo approbante, bellum in Beniamitas communi consilio decernitur. Hoc modo secunda Legis Tabula in Tribum integram, quæ peccarat, vindicata. De prima verò habemus exemplum evidentissimum in libro Iosue. Postquam Rubenitæ, Gaditæ & Manassæi, cis Iordanem ad sua se receperunt, eximium statim altare in Galiloth prope Amnem extruunt. Videbatur hoc contra mandatum Domini, quo non nisi in Chanaan sacrificare licebat. ac propterea suspicio esse poterat, ne alienos deos colere vellent. Re vniuerso Populo, qui trans Iordanem habitabat, nunciata, inducuntur Comitæ in Siloh, vbi erat Arca Domini. Conveniunt vniuersi. Mittitur ergo ad illos Phinees sacerdos, Eleazaris filius, qui de peccato in legem commissio coram agat. Vt verò publica autoritate hoc agi sciât, eximij quique ex vnaquaque Tribu legati mittuntur, qui cū ijs expostulēt, cunctum Dei corrumpi eo modo, Deū ea rebellione insensum fore, nec ipsis modò, sed Israeli vniuerso, vt quondā in Beelphegor; denique ni desistat, bellum publicè indicant atque denuncient. Quod proculdubio consecutum fuisset, ni tribus

bus illæ protestatæ fuissent, se altare illud monumenti tantum instar extruxisse: ex quo cis Jordanis & trans Jordanis eandem esse ac perpetuò fuisse religionem apparet. Quotiescunq; verò in cultu Dei vindicâdo negligentius se gesserūt, gravissimè afflitos eos fuisse videmus. Nec alia sanè de causa bis à Beniamitis victi fuisse videntur, quàm quod, dū iniuriam priuato factam vlcisci satagerent, dum stuprum punire, in iure Dei vindicando adeò segnes essent, ac quotidie etiam adulteria cum idolis impunita sinerent. Fuit ergo primum hæc Pactio inter Deum & Populum.

Iam ex quo Reges Populo dati sunt, non modò non desijt hæc eadem pactio, verum etiam perpetuò confirmata & repetita fuit. Diximus in Rege inaugurando duplex fœdus initium fuisse. Et primum quidem inter Deum, Regem & populum, sive inter summum Sacerdotem, Populum & Regem. (populus enim 2. Chron. primo loco ponitur.) Finem verò eius eū fuisse, vt Populus esset Populus Dei; id est, vt is Populus Ecclesia Dei esset. Quorsum sanciretur inter Deum & Regem, ostendimus. Quorsum inter Deum & vniuersum populum, examinandum. Certissimum sanè est, Deū non frustra hoc egisse. Ni enim aliqua autoritas & promittendī, & promissa præstandi Populo superfuisset, fœdus planè supervacuū fuisset. Videtur ergo Deus fecisse,

*Fœdus inter
Deum &
Populum.*

2. Reg. c. 11.

2. Chro. c. 33.

ver. 16.

2. Reg. c. 33.

quod in dubijs nominibus creditores facere solent, vt plures in eandem summam obligentur, vt eiusdem rei duo pluresve rei promittendi constituentur, a quorum vnoquoque, tanquam principali reo solidum peti possit. Ecclesiam vnico homuncioni committere lubricum erat. Eam itaque vniuerso Populo commendat atque committit. Poterat Rex in tam lubrico gradu constitutus, facile in impietatem delabi. Ne itaq; collaberetur Ecclesia, Populum intervenire voluit. In ea, de qua agitur, stipulatione, Deus, vel eius vice, summus Sacerdos est Reus stipulandi: Rex & populus vniuersus, puta Israel, sunt rei promittendi, ambo ex vna eademque causa, & quidem ex voluntate coniunctim obligati. Stipulatur Sacerdos, an non promittant, Populi fore Populum Dei: an non operam se duros, vt Deus Templū suum Ecclesiam suam in medio eorum perpetuò habeat, vbi ritē colatur? Spondet Rex, spondet Israel, (vniuersitas enim hominum vnus persone vicem sustinet) & quidem coniunctim, nō diuisim, vt ex ipsis verbis apparet: incontinenti, non ex intervallo. Constituuntur ergo hic duo Rei, Rex & Israel, ideoq; equaliter in solidum obligantur. Quemadmodum ergo, cum Caius & Titius eandem pecuniam Seio stipulanti coniunctim promiserunt, singuli ipso iure in solidum tenentur, & ab eorum altervtro solidum

L. mortuo.

*21. D. de fidei
commis.*

*L. si non sin-
guli. C. si
cori. pet. l.
penult. D. de
duob. reis.*

lidum peti potest: ita tenetur Rex per se, Isra-^{2. & 3. §}
 el item per se, curare cauere, ne quid detri-^{1. D. eod.}
 menti Ecclesia capiat. Vter verò negligat, De-
 us ab altervtro integram rem petere potest,
 & eo quidem magis à Populo quàm à Rege,
 quo plures, & difficilius labuntur, & magis
 soluendo sunt, quàm vnus. Item vt in duobus
 correis, præsertim Fiscalis Tributi, vnus ita in
 solidum tenetur, vt beneficio diuisionis per
 nouellam constitutionem Iustiniani cōcesso
 vti nequeat: ita Rege & Israele, tributum Deo
 Regi Regum promittentibus, vterque in so-
 lidum tenetur. Demum, quemadmodum in
 duobus reis promittendi, in ijs præcipuè con-
 tractibus, quorum obligatio ratione culpæ
 committitur, (qualis est hic) vnus culpa no-
 cet alteri: ita si Israel Deum deserat, Rex ve-
 rò negligenter serat, tenetur culpa Israelis.
 Consimiliter, si Rex ad alienos Deos transfu-
 giat, nec transfugiat modò, sed alios etiam se-
 cum abducat: denique quouis modo Ecclesi-
 am perdere conetur; ni Israel eum quasi è fu-
 ga retrahat, aut etiam coerceat, eius culpa te-
 nebitur. Breuiter: non secus ac si periculum
 sit, ne vnus è reis promittendi, sua bona pro-
 digendo, soluendo esse desinat, alteri datur
 in eum vtilis actio, ne correi culpa damnum
 patiatur: ita & Israeli in regem, Regi in Israe-
 lem, sese idolis mancipientem, aut quouis mo-
 do sædus rumpentem, ne aut huius ille, aut

*L. cum poss.
 D. de censib.
 & ibi Do-
 ctiores.*

*L. cum appa-
 rebis. D. lo-
 cati. l. si di-
 uisa. C. eod.*

vicissim hic illius culpam loat. Quod verò est stipulatio, de qua agimus, eius generis sit, ex alijs scripturæ locis apparet. Saule Rege Israelis constituto, Samuel Sacerdos & Propheta

1. Sam. c. 12.

v. 14. & 25.

Domini, his verbis Israellem affatur: Tam vus, quàm Rex vester, qui est super vos, sequimini dominum Deum vestrum. quòd si perseueraueritis in malitia, (malitiam vocat, quod hominum imperium, quàm Dei maluissent) tam vos, quàm Rex vester peribitis. Addit verò rationem: quia placuit Deo, vos facere Populum suum. Hic vides duos reos manifestè coniungi in eiusdem pœnæ stipulatione. Sic Asa, Rex Iuda, Azariæ Prophetæ hortatu, vniuersum Populum, Iudam nempe & Benjamin, in Hierusalem convocat, sœdus cum Deo percutiendi causa. Intererant & multi ex Ephraim, Manasse, & Simeon, qui Dei purè colendi causa eò se receperant. Tum verò, sacrificijs ritè peractis, sancitur sœdus, his

2. Chro. c. 15.

v. 13.

tànquam conceptis verbis: Quicumq; non invocauerit Dominum Deum Israel, (et minimus, seu maximus, morte moriatur. Cum maximum dicit, ne Regè quidem ipsam huic pœnæ eximi vides. Quis verò hanc à Rege pœnam repossere possit (de temporali enim hic agitur) nisi vniuersus populus, cui ipse iurat, non secus ac Populus ipsi? Eodem modo legimus, Iosiam Regem, viginti quinque annis maiorem, vniuersumq; Populum sœdus cum

domi

domino, sanxisse, promittentibus ambobus,
 se legem & statuta domini custodituros, con-
 tinuoq; quasi implendi, aliqua ex parte, fœde-
 ris causa, Baalis idololatriam destructam fu-
 isse. Et plura fortè accuratius legenti testimo-
 nia succurrerent. Cur verò velimus vniuersi
 Populi consensum requiri, cur Israellem Iu-
 dæve ad legis diuinæ obseruationem astringi,
 cur sanctè promittere, se perpetuò Popu-
 lum Dei fore, nisi velimus pariter, authorita-
 rem facultatemue ei concessam, qua tum se à
 periurio, tum Ecclesiam à vastitate vindicet?
 Quorsum enim fœdus cum Populo, vt sit Po-
 pulus Dei, si sese ad alienos deos per Reges ab-
 duci patitur, aut pati tenetur? Vt Deus purè
 colatur, si Populus serui loco est, quo cum
 nulla obligatio esse possit? Si denique non li-
 cet ei operam dare, vt id, quod promissit, præ-
 stet, Deus ne cum eo fœdus sanxit, qui ne-
 que promittendi, neq; rem promissam præ-
 standi ius habuit? An verius, fœdus cum Po-
 pulo sanciendo, remque eam fieri stipulan-
 do, ius ei esse, & rem promittendi, & præstan-
 di, & præstandæ curandi, euidenter ostendere
 voluit? Si ridemus enim & actione summo-
 mus, qui cum seruo filiòve familias contraxe-
 rit: an non impudentes simus, qui tale quid
 Deo tribuere velimus? Hinc verò est, quod re-
 gibus fœdus violâtibus, Prophetæ Iudæ, do-
 mum Iacob, Samariâ perpetuò alloquuntur,

2. Reg. c. 23.

v. 2.

2. Chrm. c.

4. v. 29.

L. quod as-
 sines. 32. D.
 de reg. iur.

*Ierem. c. 17.
ver. 20. &
passim.*

*1. Reg. c. 18.
v. 19.*

1. Sam. c. 31.

vt eos officij sui admoneant. Nec id tantum, ne Baali sacrificent, sed vt Baalem etiam, eiusque Sacerdotes, Rege invito & reclamante, deturbent & exterminent. Sic cum Achab occidisset Prophetas Dei, Elias Propheta congregat Populum, & quasi Concilium indicit, corripit, coarguit, convincit. Populus verò eius hortatu, Sacerdotes Baal morto mulctat. Nempe officium suum deferente Rege, est quod suo fungatur Israel: nec tumultuariè aut temerè, sed publica authoritate, Cōcilio habito, causa ordine cognita. At contra quotiescunque Regi, cultum Dei violanti, non obstitit Israel, quod diximus de duobus reis, quorum vnus culpa alteri nocet, vsu venisse videmus. Vt enim Rex Idololatriæ & perfidiæ suæ, ita Israel negligentie, conniuentie, socordie pœnas dedit: & eo quidè sæpius hoc, quàm illud accidit, quòd Regis plerunq; exemplum Principes, Principum Populus sequatur, & vnius exemplo vniuersi potius peccent, quàm vniuersorum vnus resipiscat. Exemplis res dilucidior fiet. Cur, quæso, fustum deletumq; Israelis exercitum, vnà cum Saule Rege putemus? An Deus vlciscitur peccata Principis in Populum? an Patris, in filium? Acerbum est, aiunt Iurisconsulti, parentis scelera, filiorum pœnis lui. Alieni sceleris quenquam pœnas pati, iura non sinunt. Absit verò, vt is qui vniuersam terram iudicat,

cat, inquit Abraham, perdat iustum cum im-
 pio. Quinimò, ait Dominus, ut patris, ita &
 filij anima mea est. Nec pater filij, nec patris
 filius culpa patietur. Anima, quæ peccauerit,
 morietur. An non ergo potius, quia Populus
 Sauli legem Dei violanti non resistebat, & pi-
 os impiè persequenti, Dauidem scilicet & Sa-
 cerdotes domini, applaudebat? E multis pau-
 ca similia proferemus. Saul idem, ut tribus lu-
 dæ possessiones amplificet, fidem publicam,
 iam inde ab ingressu Chanaã Gabaonitis da-
 tam frangit, ipsosq; adeò Gabaonitas, quan-
 tum quidem potest, è medio tollit. Violaba-
 tur eo factò tertium legis præceptum. Deus
 enim testis eiusce Pactionis fuerat. Quin &
 sextum, innocuos enim iniuste interficiebat.
 Vtraq; legis Tabula vindicanda erat. Et Saul
 eiusq; familia quidè ea scelera perpetrasse di-
 cuntur. Interea tamen, Saule iam è viuis sub-
 lato, Davideq; Rege constituto, consultus do-
 minus respondet, tertium iam annum, pro-
 pter idem scelus, terram Israelis vniuersam fa-
 me laborare. Nec ea prius desijt, quàm septè
 è familia Saulis, Gabaonitis tanquam noxæ
 dederentur. Cur verò hic, cum vnusquisque
 ex suo admissò sorti subijciatur, nec alieni cri-
 minis successor constituatur quisquam, vni-
 uersum Israelem sceleris huius teneri dicas,
 ipso reo iam vita functo, & actione cum reo
 quasi extincta: nisi, quia cum deberet & pos-

Genes. 18.

7. 25.

Deut. 24.

7. 16.

2. Reg. c. 14.

Ezech. 18.

3. Sam. c. 22.

L. crim. 26.

D. de panis

D

L. *sancimus*
C. *de panis.*

2. *Sam. c. 8.*

Abacuc 1.
ver. 16.

2. *Samu. c.*
vis.
2. *Chro. c. 21.*

set publico & manifesto sceleri sese opponere, negligenter tulit? Cur pœnam irrogari vis, quæ nemini absque culpa iure infligitur, nisi peccarit? Qua verò peccarunt, nisi quatenus peccatū tolerarunt? Eodem modo, cum Dauid mandat Ioabo & præfectis Populi Israelitici, ut Populum recenseant, graue eo ipso crimen commississe dicitur. Nempe ut Israel Dei iram provocaret, cum Regem peteret, quod in eius peritiâ salutem suam collocare uideretur: ita hoc facinore Dauid, qui ex multitudine victoriam expectabat. Id enim propriè est, quod Propheta vocat, sacrificare retibus, & hamis thura adolere: quæ species idolatriæ est. Præfecti quidem, quia prævidebant id Israeli exitiale futurum, primùm paulisper refragantur: deinde etiâ iudicis causa & perfunctoriè censum agunt. At populus vniuersus plectitur. Nec Dauid modò, sed & seniores Isrealis, qui vniuersitatem repræsentant, saccum induunt, seseq; cinere conspergunt. quod tamen propter Davidis parricidium adulterio cumulatū neutiquam accidit. Hic quis non videt, vniuersos & peccasse, & pœnitere debuisse, & pœnas deniq; luisse? Dauidem nempe impia præcipiendo, Deum provocasse: præfectos Populi, quos tanquam imperij Consortes & Assessores, Israelis nomine, reclamare oportuit, aut conuiuendo, aut segnius repugnando, vniuersos deniq; ad eum quasi

quasi delectum comparando: Deum verò, nō
 fecus ac imperatorem, legionis vniuersæ de-
 lictum, vniuersali terrore, particulari quorun-
 dam supplicio, quadam quasi decimatione ca-
 stigasse? Cur verò tandem, Manasse Rege Té-
 plum Dei polluente, Deum non ipsum mo-
 dō Manassem, sed vniuersum Populum allo-
 quutum esse legimus, nisi vt Israellem, tan-
 quam alterum promittendi reum admoneret,
 ni Regem in officio contineret, suo damno
 futurum? Ecquid enim illud alioqui apud le-
 remiam, domum Iuda propter impietatem &
 crudelitatem Manassis Assyrijs mancipatam
 fuisse, nisi eo ipso, quòd sceleri non restitit,
 sceleris ream fuisse statuamus? Propterea Au-
 gustinus & Ambrosius, Herodes & Pilatus
 condemnant Christum, Sacerdotes neci tra-
 dunt: Populus ferè illachrymatur. vniuersi
 tamen puniuntur. Cur ita? Quia, quem è ma-
 nibus impiorum magistratuum eripere pote-
 rant, quia non fecerunt, occiderunt. Plura ve-
 rò in hanc sententiam ex omnis generis Au-
 thorib. addi possent, ni Christianis Sacra scri-
 pturæ testimonia sufficere deberent. Cæterū
 quia boni legislatoris est, non tam curare, vt
 delicta puniantur, quàm ne vlla committan-
 tur, cauere: vt boni Medici diætā præscribes-
 re potius, quæ morbos arceat, quàm reme-
 dia, quibus coerceantur: pius certè Populus,
 non modò coercebit Principem, Legem Dei

2. Chro. c. 33.

ver. 10.

2. Reg. c. 24.

v. 4.

Iere. 15. v. 4.

Augustin

Psal. 82.

Amb. in

Offic.

impiè abrogantem, verùm etiam in primis cauebit, ne quidquam eius culpa negligentia, vesensim introducatur, quod temporis tractu, purum Dei cultum corrumpere possit, nec crimina in diuinam Maiestatem publicè commissa, non tolerabit modò, verum etiam criminũ occasiones diligenter auferet. Quod in confringendo æneo serpente, Ezechiam Regem, in exostulando cum cis Iordanis, de altari erecto, Israelẽ, convocato Concilio publico, fecisse legimus. Itaque licet Israeli, si Rex legem Dei Ecclesiamue evertat, resistere: nec id modò, verum, ni fecerit, eiusdem criminis tenebitur, & eandem pœnam luet. Resistet verò verbo, si verbo oppugnabitur: vi, si vi: arte, inquam, & Marte, Quin & dolo bono, si dolo: cum nihil intersit, vbi iustum bellum susceperis, vtrũ apertè pugnes, an ex insidijs, ita tamen, vt perpetuò dolum à perfidia, quæ nusquam licita est, accuratè distinguat. Verum video iam, quid hic opponi possit. Quid, inquires? An verò vniuersam multitudinem, belluam, inquã, illam innumerorum capitũ, tumultuari & concurrere in eam rem, quasi agmine factò oportebit? Quis verò in ea turba ordo esse queat: quæ Consilij, quæ rerũ gerendarũ species? Cum de vniuerso Populo loquimur, intelligim⁹ eos, qui à Populo authoritatem acceperunt, magistratus, nempe, rege inferiores à Populo delectos, aut alia ratione cõ-

stitutos.

*August. in
Iosnam 23.
9. 2. domi
nu. l. 1 D.
de dolo ma-
la.*

stitutos, quasi imperij Confortes & Regū Ephoros, qui vniuersum Populi cœtum repræsentant. Intelligimus etiā Comitia, quæ nil aliud sunt, quàm Regni cuiusque Epitome, ad quæ publica omnia negotia referuntur. Eiusmodi erant septuaginta in Regno Israelitico, quibus quodammodo præerat summus Sacerdos, qui de rebus summis iudicabant, è Lxx. familijs, quæ in Ægyptum descendebant, seni primum electi. Tum Duces, seu Principes Tribuum, in singulis singuli. Demum Iudices & Præfecti singularum vrbium, id est, Chiliarchæ, Centuriones & cæteri, qui totidem familijs præerant. Denique fortes, Purpurati, & cæteri, è quib. constabatur Concilium publicum, quod sæpissimè indictum legimus, his verbis: Et congregati sunt seniores in Rama, vt in electione Saulis. Et congregatus est vniuersus Israel, aut vniuersus Iuda, & Benjamin, &c. cum vniuersam turbam eo convenisse, verisimile non sit.

1. Sam. c. 5.
1. Chr. c. 27.
Ch. 28.
1. Chr. c. 13.

Eius generis sunt in omni Regno benè constituto, officarij Regni, Principes, Pares, Patritij, Optimates, & cæteri ab ordinibus delegati, è quibus constatur aut Concilium ordinarium, aut Concilium extra ordinem, Parlamentum, Diæta, cæteriq; conventus, in diuersis regionibus diuersa nomina sortiti: in quibus ne quid aut Respubl. aut Ecclesia detrimenti capiat, prouidendum est. Illive-

rò vt singuli Rege inferiores sunt, ita vniuersi superiores. Vt enim rectè Basiliensis & Constantiensis Synodi, Synodum Oecumenicam Pontifice superiorè esse statuerunt, vt Capitulum Episcopo, Vniuersitatè Actore, Curiam decurione, eū deniq; , qui ab aliquo cœtu authoritatem accepit, eo cœtu inferiorem esse, etsi singulis superiorem : ita dubium esse non potest, quin Israel, qui Regem petiuit & constituit, quasi Actorem publicum, Saule superior sit, Israele postulante, Israelisq; gratia constituto, vt plurib. postea ostendetur. Itaq; cum rebus benè gerendis, ordine opus sit, qui in tanta turba seruari nequit: ea verò sæpe accidant, quæ multitudini absque publico periculo ac discrimine dici non possint: quicquid vniuerso Populo concedi aut committi diximus, officiarijs Regni: quicquid Israeli, Principib. & Senioribus Israelis concessum commissumq; dicimus, quod & vsus ipse comprobauit. Arthalia Regina, Ochozia filio Rege Iudæ mortuo, vniuersam ferè stirpem Regiam delendam curat. Vix puer vnicus Ioas, in cunis adhuc vagiens, Iosabæ amite prudentia simul & pietate, superest. Illa verò rerum summâ invadit, & sex annos in Iuda regnat. Musabat tum fortè Populus: nec enim promere, quicquid animo premebat, tutum erat. Tandem Ioiadas summus Sacerdos, vir Iosabæ, consilio cum Principibus Israelis clanculum inito,

Inito, coniurationeque ritè peracta, Ioam septimo anno ætatis vngendum coronandumque curat. Matrem verò non modò è solio exturbat, verum etiam è medio tollit, Baalisque idolatriam continuò destruit. Probatur Ioiadæ facinus, & meritò. Iusta causa mouebatur. Tyrannidè enim, non regnum oppugnabat. Tyrannidem, inquam, primùm sine titulo, vt loquuntur Iureconsulti neoterici. Lex enim Regni Iudaici mulieres ad sceptrum non vocabat. Deinde etiam exercitio. Invaserat enim nepotum regnum summo scelere, & scelera innumera committebat, quod verò caput scelerum erat, neglecto Deo vero, Baalem adorabat, adorarique iubebat. Iustè verò, & ab eo, cuius munus erat, vindicabat. Ioiadas enim non erat priuatus, sed Pontifex summus, ad quem rerum etiam ciuiliùm cognitio tum pertinebat. Deinde, habebat affeclas Principes Iudæ & Leuitas, denique erat affinis Regis. Quòd verò non indicit de more comitia in Mizpah, non culpatur, vt neque etiam, quod furtiue consilia iniret, & clanculum coniuraret. Alioqui enim res minimè successisset, & in incassum celsisset. Coniuratio autem bona malæve est, vt bonum, malumve finem spectat, & ab ijs, quorum est, aut secus, initur. Rectè ergo Principes Iuda fecerunt: malè verò, si secus se gessisset. Vt enim tutor cauere debet, ne pupilli bona depereant: ac ni faciat,

Bartol. de
Tyrannid.
Deus. 17.

Bartol. in
Tract. de
Guelph. &
Gibel.

actione tutelæ tenetur: ita & hi Populi salutem tueri, qui se totum ipsorum curæ tradidit, & credidit, suasq; in ipsos actiones omnes quodammodo transtulit. In summa: ut licet vniuerso Populo repugnare, ita & Principibus Regni, qui vniuersum repræsentant, non secus ac decurionibus pro corporis utilitate, contrahere. Ut verò refertur ad vniuersos, quod publicè per maiorem partem geritur: ita, quod maior pars Principum seu optimatum fecerit, omnes: quod omnes, vniuersus Populus fecisse dicetur: Verùm hic alia nobis exoritur quæstio.

*Flp. l. 160.
D. de regul.
juris*

An pars Regni resistere possit.

Statuamus iam Regem aliquem, legē Dei Ecclesiāve abolere: Vniuersitatem consentire, aut maiorem saltem eius partem, Principes aut omnes, aut plures conuiere: partem interim aliquantulam Populi, vnum, inquam, aliquem ex Principibus Magistratibusq; legem Dei retinere, Deumq; ritè colere velle: quid licere putes, si Rex aut eam partem ad impia sacra cogere, aut ei pijs sacris interdicare velit? Hic de singulis, seu priuatis, non loquimur, qui vniuersitatis partes non censentur, ut neq; tabulæ, clauis, papilli, nauis: aut lapides, trabes, cæmenta, domus. Sed de aliqua Provincia vrbeue, quæ regni partem faciat, ut prora, puppis, carina, nauim: tectum, parietes, fundamentum, domum facere dicuntur. & de aliquo Magistratu, qui

tu qui eius Provinciæ, vrbisue curam gerat. Equidem si exemplis certandum est, etsi ea propter assuetam hominum, in cultu Dei defendendo, desidiâ, rariuſcula sunt: tamen non prorsus desunt. L O B N A, vrbs Sacerdotalis, sese subducit Ioram Regi Iudæ, ab eoque quodammodo deficit, quia defecerat à Deo patrum suorum, à quo ipsa deficere nolebat: & forrè verebatur, ne Baali sacra facere cogeretur. Consimiliter Antiocho iubente, vt Iudæi vniuersi, legem ipsius sequerentur, suamq; à Deo acceptam desererent: respondet Mathathias: Non obtemperabimus, vt transgrediamur nostram Religionem. Nec verò id modò: verùm Zelo Phinees correptus, eo ipso, qui ad impia sacrificia conciuēs suos adigebat, sua manu interfecto, arma capit, in montes sese recipit, manum colligit. Deniq; pro Religione & patria, pro aris, inquam, & focus, aduersus Antiochum adeò prosperè, Deo fauente bellum gerit, vt Hierusalem reciperet, & armis Gentilium, in Ecclesiæ perniciem coniuratis, fractis, debilitatis, purum Dei cultum restituat. Quòd si spectemus, quis ille esset, erat Mathathias Machabæorū parens, ex tribu Leui. Itaq; non licebat ei iure sanguinis, Regnum à Tyrannide vindicare. Qui verò cum illo, initio montigenæ, incolæ Modin, quibus vicini, aut ij etiam ex vniuersa Iudæa, qui Ecclesiam restitui cupiebant,

Iosue c. 21.

ver. 13.

1. Chro. c. 6.

ver. 57.

2. Chr. c. 23.

ver. 10.

1. Mach. c. 1.

ver. 43. c. 2.

ver. 22. c. 3.

v. 43.

i. Machab.

c. 6. v. 21. c.

7. & passim.

Iudic. c. 4.

v. 5.

se se adiunxerant. Cæterum vniuersi ferè, & maximi quiq; Antiocho obtemperabant, eiusq; imperium vltro patiebantur: adeò vt eius exercitu penè profligato, ipsoq; demum miserè mortuo, cum excutiendi iugi perpulchra daretur occasio, filium ipsius Regem ac dominum non modò non inviti agnoscerent, verùm etiam ad Regnum capeiendum invitarent. Possem etiam huc adducere exemplum Deborah. Deus manciperat Israellem Iabino Regi Chanaà, iamq; vicesimum annum ei seruiebat. Itaque tanto tempore ius regni quodammodo præscriperat, Israel ferè vniuersus Deos alienos colebat. Præcipuè quæque tribus, Ruben, Ephraim, Benjamin, Dan, Aser, & cæteræ, quarum maiores erant vires, Iabino adhærebant. Nihilominus Debora Prophetissa, quæ ius dicebat Israeli, excitat ad arma tribus Zabulon, Nephtali, & Isachar, vel saltem quosdam ex illis tribubus, Duce Barac, Sisaram magistrum militiæ Iabini fundit, Israellemq; tandem ingo Chananæorū, invitum, & tantum non renitentem non liberat modò, verum etiam cultum Dei veri restituit. Verùm quia extraordinario motu Debora excitata videtur, nec disertis verbis Scriptura probat Lobnensium factum, etsi tacendo consentire videatur, vt neq; etiam libri Machabæorum vsque adeò magna fuit in primitiua Ecclesia autoritas, ac præterea legibus

bus magis, quàm exemplis, disceptandum
vulgo dicant: ex facto, quid iuris statuendum
sit, examinabimus.

Diximus, Regem iurasse in legem Dei, Ec-
clesiæque conseruationem, quatenus fieri pos-
set, spondisse. Vniuersum item Israel, em,
tanquam vnū aliquem, idem stipulante Deo,
promisisse. Iam verò dicimus, singulas etiam
vrbes, singularumq; vrbium, quæ Regni pars
tem faciebant, magistratus, idem sigillatim
quatenus sua interesset, disertè spondisse.
quod & vrbes & societates omnes Christianas
tacitè fecisse consequitur. Iosue senio con-
fectus, & morti proximus, congregat vniuersum
Israel in Sichè ad præsentia Dei. Erat
enim in Sichem Arca fœderis Domini. Eò di-
cuntur conuenisse Seniores Israel, Principes
Tribuum, Iudices & præfecti, atq; ij adeò om-
nes, qui publicam authoritatem in singulis Is-
raelis vrbibus obtinebant, & iurasse in Legē
Domini; vltroq; & sponte Dei omnipotentis
iugum elegisse. Vnde euidenter apparet, sin-
gulos Magistratus, Vrbium, à quib. mitteban-
tur, nomine spondisse se curaturos & operā
datuos, vt Deus ex Legis præscripto in me-
di osui coleretur. Iosue verò tum fœdere inter
Deum & Populum sanctè percusso, tabu-
lisque fœderis ritè consignatis, in perpetu-
am rei memoriam, lapidem illico erexit. I-
taque si Arca Domini accersenda est, convo-

Iosue 24.

Iosue 24.

ver. 13.

1. Chro. c. 13.

2. Chro. c. 7.

1. Reg. c. 7.

3. Chr. c. 28.

2. Reg. c. 11.

2. Reg. c. 23.

3. Chro. c. 23.

cantur omnium regionum Urbiumq; Principes, Chiliarchi, Centuriones, Præfecti, & cæteri, Davidis & Synagogæ Isæliticæ decreto & mandato. Si Templū Domino extruendum, idem prorsus obseruatur. Ac ne quidquā Regib creatis immutatum putetur, fœderi sub Ioa, inter Deū & populum, itemq; sub Iosia sanciuōdo, iidem omnes intersunt, iidē omnes sigillatim astringantur. Itaq; non Rex modō sed Regnum: nec Regnum modō vniuersum, sed Regni partes omnes Deo sigillatim fidē & obsequium promittunt. Non, inquam, Rex modō, sed Israel: nec Israel tantum, sed singulæ Israelis vrbes, earumq; præfecti, se sanctē Deo devinciunt, & quodam quasi hominio ligio in perpetuum aduersus quemlibet adstringunt. Exemplum ex ijs, quæ hodie in vsu sunt, desumptum, rem luculentiorē faciet. In Imperio Germanico, cum Imperator inaugurandus est, adsunt Electores & Principes, tum Ecclesiastici, tum laici, aut ipsi, aut per legatos. Item Prælati, Comites, Barones denique omnium urbium imperialium legati, cum mandato in eam rem speciali, ac sese, eosq; quorum vicem gerunt, certis sub conditionibus, Imperatori submitunt ac subiiciunt. Iam, esto aliquis, qui Imperatorem vltro agnitū, de gradu eo deijcere conetur, qui ipse imperium affectet, Principes verō & Barones auxilia debita, & tributa cōsuetā Cæsari deno-

denegent, quin non cōniueant modò ipsi, si d
etiam cum adversario perfidē colludant: an
non putas, Angentoratenſes fortè, aut Nos
rimbergēſes, qui fidem legitimo Imperato
ri promiſerunt, prædonem illum iure opti
mo arcere & excludere poſſe? Imò verò ni fe
cerint, ni laboranti Imperatori ſuccurrerint,
an fidei præſtitæ ſatiſfecisse cenſebis? cum
præſertim is, qui præpoſitum ſuum non pro
texit, cum poſſet, in pari cauſa factori habend
us ſit. Quod ſi ita eſt (vtri revera in conſeſſo
eſt) an non idem Lohnenſibus, aut Modinen
ſibus, & licet, & ex officio competit, ſi Deum,
cuius obſequio ſeſe in primis devinctos ſci
unt, cæteri Regni ordines deſeruerint? Exi
ſtat ergo Ioramus, aut Antiochus aliquis, qui
cultum veri Dei tollat, qui ſeſe ſupra Deum
extollat: conniueat, aut colludat Iſrael: quid
ei vrbi, quæ Deum purè colere cupit, facien
dum dicemus? Primùm, dicat cum Iosue, Vos
quidem vniverſi eligit, vtrum malitis obedi
re Deo vero, an dijs Amorrhæorum. At ego
ſaltem & familia mea ſerviemus Domino. E
ligite, inquam, vtrum huic, alienum imperi
um nullo iure invadenti, ea in re parere veli
tis: ego ſanè cui fidem præſtiti, quoquo even
tu ſervabo. Nec vllatenus ſanè dubito, quin
Iosue omni conatu ſuo, cultum Dei veri, in
Tamnath Serath vrbe Ephraim, quæ eius poſ
ſeſſio & familia erat, retinuiſſet, etiamſi Iſrae-

L. 3. l. omnia
delictum. h.
vbi. Di. da
re milit.

Iosue c. 24.
ver: 15.

Iosue c. 19.
v. 50.

litæ, Deum Amorrhæorum in terra Chanaan
 coli voluissent. Quid si verò Rex ulterius per-
 gat, Præfectos mittat, qui nos ad impia sacra
 adigant, Deum denique e medio nostri expel-
 lere iubeat? an non Regi Regijsque portam,
 si possumus, occludemus potius, quàm Deū
 Regem Regum vrbe nostra excludamus? Ad-
 vertant hic Municipēs, Civesve & municipio-
 rum ciuitatumque Populi Dei præfecti, du-
 plex se sædus inijsse, duplex iusurandum præ-
 stitisse. Primum & antiquissimum Deo, vt
 Populus sit Populus Dei: secundum, & pro-
 ximum, Regi, vt Populus obsequatur Regi,
 tanquam duci Populi Dei. Itaq; vt Vice Re-
 gi, adversus Imperatorem Regemve suum
 coniuranti, quantumvis magnam antè autho-
 ritatem accepisset, si in vrbe nostra obsessum
 dedi posceret, parendum non foret, imò ex
 ipsa fidelitatis formulà omni modo resisten-
 dum. Eodē pacto, summum scelus, ac vix vllò
 modo expiandum arbitremur, si Deum in me-
 dio nostri habitantē iubente Principe, vasa-
 lo, inquam, & ministro Dei, aut expellamus,
 aut in manus hostium, quatenus in nobis sitū
 est, prodamus. Dices tu fortè? Verū vrbes
 ad Principem pertinent. itaque aditum iure
 denegare non possis. At, inquam ego, vrbes
 non consistunt in lapidum coaceruatione, sed
 in Populo: Populus verò, est Populus Dei, qui
 Deo primū, dein Regi tenetur. Quantum ve-
 rò ad

20. Collat.
 de forma
 fid. & c. 1.
 de noua fi-
 de l. form.

rō ad ipsas vrbes pertinet, etsi ad Reges vrbi-
 um potestas, ad municipes tamē pertinet do-
 minium. Sunt etenim vniuersa in Regis im-
 perio, non in patrimonio: Deus verò vnus est
 omnium verē proprietarius dominus, à quo
 & ille imperium, & hic patrimonium habet.
 Ergo, ais, licebit subditis, Religionis causa à
 Rege deficere? An non verò, si semel hoc sta-
 tuatur, quam rebellionis fenestram aperias, vi-
 des? Attende verò hic patienter, & rem accu-
 ratè considera. Possem ego vnico verbo respō-
 dere, cum optio altervtrius datur, à Rege ma-
 gis, quàm à Deo deficiendum esse: aut ex Au-
 gustino, vbi non est iustitia, ibi non esse Rem-
 publicā. Iustitiam verò non esse, vbi homo ip-
 sum hominem Deo vero tollit, & immundis
 dæmonibus subdit, cum iustitia ea virtus sit,
 quę sua cuiq; distribuit. Itaq; qui eiusmodi do-
 minijs sese subtrahunt, dæmonijs sese subtra-
 here, & latronū multitudinem potius, quàm
 Rempublicam deferere. Verùm, vt altius rem
 repetam, videntur, qui eo modo se gerēt, quo
 diximus, defectorum loco non esse. Deficiunt
 à Rege vel Republica, qui hostili animo, Re-
 gis Reipublicæue imperio sese subtrahunt.
 Itaque & inter hostes numerantur, & plerun-
 que quibusvis hostibus periculosiores exis-
 tunt. Hi verò, de quibus agimus, nil simile
 habent. Primū imperata facere non recu-
 sant, modò ea imperentur, quę iure possunt,

*Seneca l. 7.
 de benef. c.
 6.7. &c.*

*August. c.
 21. l. 19. de
 Ciuil. Dei,
 & l. 4. c. 4.*

*L. 3. D. de
 exp. min.*

aut saltem Deo iniuriam non faciunt. Tributa, vectigalia, munera, oneraq; consueta non detrectant, modò id tributum, quod Deo debent, non intervertatur. Cæsari Cæsarem agenti parent: Cæsari fines suos excedenti, alienum imperium affectanti, Dei solium invadenti, superiorem amborum Dominum bello petenti, parere, iniustum putant. Deinde hostiliter se propriè non gerunt. Hostiū est lacessere, provocare, vltro impressiones facere. Hi demum lacerati, armis insidijsque petiti, vix tandem imminente vndeque morte, arma capiunt, seseq; adversus illatam vim tuentur. Ac propterea cum hostibus non quotiescumq; velis, pacem habeas. Neq; enim quotiescumq; arma depones, aut lacessere desines, deponant illi continuo, & otium capessant. Cum his, quotiescumq; optaris, præsto est. Desine cedere, cedunt: desine Deum oppugnare, desinent propugnare. Arma si velis ijs è manibus excutere, satis est, modò ne percutias. Quia enim non inferunt, sed excipiunt ictus, ubi enssem reposueris, statim elypeum abijciunt, ac propterea plerunq; insidijs & perfidiæ patent. quod exempla recentia satis ostendunt. Ut verò fugitium eum servum non dixeris, qui vulnus intentanti Domino manum opponit, qui ferenti sese subducit persequenti, cellulae suae ianuam, interea dum furor deferuescit, occludit: multo minus

minus hos defectores censere queas, (cum la-
nè seruorum nomine & loco nō censeantur)
qui pari aut etiam vehementiori furore per-
cuto, Principi portas vrbis claudant, vbi resi-
puerit, & ad se redierit; imperata facere pa-
rati. In eo genere est Dauid dux exercituum
Israelis. sub Saule furibundo rege, qui sæpe
& calumnijs vexatus, & ex insidijs petitus,
montium asperitate sese tuetur, quin & Cei-
lam quoq; vrbein furori regis opponere pa-
rat. Is enim quoscunque potest, ad se allicit
quidem, verum non vt Saulis vitam, quod e-
videnter apparuit, petat, sed vt propriam tue-
atur. Itaque Jonathan Saulis filius, non vere-
tur cum Dauidæ sœdus percutere, & identis-
dem renouare. quod sœdus Dei Iehouæ vo-
catur. Abigail verò disertè ait, Dauidem ini-
què petitus gerere bellum Dei. In eo genere
sunt & Machabæi, qui oblatam ab Antiocho
pacem, salua Religione, tum cum bellum
commodissimè geri poterat; recipiunt tum à
Demetrio Rege, tum etiam ab alijs. Nostro
verò etiam tempore meminimus eos, qui pro
vera religione, aduersus impietatem in Ger-
mania Galliaq; pugnarunt, quotiescunque
Dei purè colendi potestas facta est, arma vl-
trò deposuisse, & plerunque adeò, cum aut
Saulem Philistini arma aliò vertere cogerent,
aut Antiochum vicinorum impetus revoca-
sent, aut aliàs bello continuando opportuna

2. Sam. c. 21.

ver. 22.

2. Sam. c. 25.

ver. 28.

1. Mach. c. 6.

v. 60. &c.

essent omnia. Eiusmodi ergo signis possint hi à defectoribus facile distingui. Est verò & aliud manifestissimum, si ita secedant, vt quotiescunque secessionis causa sublata fuerit, ni extrema necessitas impediat, redeundum statuunt. Tum enim non à Rege, sed à Ioramo vel Antiocho: non, inquam, à Republ. sed à priuata vnius aut plurium Tyrannide secedere putantur. Hanc nos distinctionem Theologorum Parisiensium cœtus (Sorbonam vocant) sæpius docuit. Anno circiter CIO CCC. Bonifacius octauus Pontifex, Regalia, quæ ad Regem Francorum pertinent, sibi vendicabat. Philippus Pulcher, Rex

*Annales
Francie.
Archidia Ca
mere Rati
ocinorum
Luseta.*

Francorum, eum per literas acerrimè obiurgauit. initium erat: PHILIPPVS, &c. BONIFACIO, sese pro summo Põtifice gerenti, &c. Ac tum quidem vniuersi agnoscebant Pontificè esse vicariũ Dei in terra, & Ecclesiæ vniuersæ caput. Itaque quod vulgò dicunt, communis error, iuris loco erat. Nihilominus tamè convocata Sorbona respondit, Regem Regnumq; , absq; vlla Schismatis culpa, eiusmodi Pontificis obsequio sese subtrahere posse. Schisma enim non separationè, sed causam facere. Quòd si iusta causa subesset, separationem à Pontifice, non ab Ecclesia, & à Bonifacio quidè propriè, non à Pontifice fore, eo vsq; dum bonus aliquis sedem Pontificiã teneret. In quæ verò discrimina vniuersi Regni ani-

*L. Barbar.
Philip. D.
de Senas.*

animas ab Ecclesia, ni hæc distinctio uera sit, separatas conijcerent, nemo est, qui non facile diiudicet. An non verò, rege iura Dei Opt. Max. invadente, animasq; hominum, quas Christus sanguine suo liberauit, durissima seruitute opprimente, multò æquius ea distinctione uti licebit? Consimiliter anno CIO. CCCCVIII. Benedicto decimotertio Ecclesiâ Gallicanam tributis & exactionib. gravante, Clerus Gallicanus à Carolo sexto convocatus statuit, Regē & Regni incolas Benedicto obtemperare nō debere, nēpe heretico, Schismatico, ea dignitate prorsus indigno. quod & ordines Regni probarunt, & Senatus Luterianus Aresto comprobavit. Quin & quos Benedictus decimus tertius, tanquā Ecclesiæ hostes & defectores anathemate perculerat, protinus absoluendos censuit, & ipso iure Ecclesiæ cōmunionem non exclusos fuisse iudicavit & ut aliàs sæpè in Gallia & alibi quoq; factitatū passim legimus. Nēpe ut evidēter ostenderēt, si is, qui Principē locū obtinet, sese malè gerat, ab eo sine defectionis crimine secedi posse, & aliud omnino esse, à malo Pontifice, aliud ab Ecclesia, aliud à Rege impio, aliud à regno secedere. In ea verò causa Lobnenses fuisse videntur, quos restituto in integrū Dei cultu, inter Ezechie subditos a numerari legimus. Quod si verò hæc distinctio obtinet, cum Papa Principis alicuius (qui eū supe-

*Annales
Car. 6. Mon.
streletus.*

*Reg. 1. 19.
7. 8.*

*Extrav. de
maio. & o-
bed.*

riore agnoscit) iura invadit : an non longe iustius, si Princeps, si vassallus, inquam, Regalia Dei iura ad se rapere conetur? Statuens dum ergo tandem, vniuersum Populū, Principem impia iubentem, aut pia vetantem, authoribus ijs, qui Populi authoritatem penes se habent, aut pluribus coercere posse & debere. Deinde vniuersos aut saltem potiores in singulis regionibus vrbibusque, authoribus præcipuis magistratibus, tanquam à Deo primum, dein à Principe constitutis, impia sacra à suis mœnibus arcere iure posse, piaque ijsdem tueri : quin & Ecclesiæ, quæ vna omnino est, pomœria dilatâre posse : ac nifecerint, diuinæ Maiestatis, si saltem potuerint, reos esse.

*An privati
repugnare
armis pos-
sint.
L. sicut 7. §.
1. D. quod
eiusque v-
niuers.*

Supereſt modò, vt de ſingulis agamus, qui privati dicuntur. Primum ex fœdere inter Deum & vniuerſum Populum, vt ſit Populus Dei, ſinguli non tenentur. Vt enim quod vniuerſitati debetur, ſingulis non debetur : ita nec quod debet vniuerſitas, ſinguli debet. Deinde, non tenentur ex officio. Tenetur enim quiſque Deo inſeruire in eò munere, ad quod vocatus eſt. Privati verò non habent poteſtatem, non funguntur magiſtratu, non habent imperiū, non vllum ius gladij. Itaq; vt gladium privatis nō tradidit Deus, nec ita vſum gladij ab ijs repoſcit. Privatis dicitur: Mitte gladium tuum in vaginam. At magiſtratus
bus :

Matth. 26.

bus: Non geritis gladium frustra. Illis, si strin- Rom. 13.
gant, culpæ datur: his, ni cum opus est, strin-
gant, magna negligentia culpæ loco est. Quid
verò dices. An non singulis fœdus est cum
Deo, vt vniuersis? idiotis, vt magistratibus?
Quorsum ergo circumcisio, quorsum Baptis-
mus? quorsum illa toties repetita tota Scri-
ptura sacri fœderis mentio? Est sanè omnino:
sed longè diuersissimum. Vt enim omnes om-
nino subditi iusti Principis, cuiuscunq; tan-
dem gradus sint, tenentur ei obedire: quidam
verò, peculiari quadam obligatione, vt ma-
gistratus, curare præterea, vt cæteri obediant:
ita omnes omnino homines, Deo quidem in-
seruire tenentur: at quidam, vnâ cum maio-
ri munere, maius onus acceperunt, adeò vt
de cæterorum culpa, si negligent, quodam-
modo teneantur. Curare debent Reges, vni-
uersi, quiq; ab vniuersis gladium habent, Ma-
gistratus, vt Ecclesiæ corpus ritè gubernetur:
singuli, vt eius tantum Ecclesiæ membra sint.
Illi, ne Templum Domini polluatur, ne col-
labatur, sed aduersus omnem corruptionem
internam, iniuriamue externam tutum sit. Hi,
ne corpus suum, quod Templum Dei est, im- I. Corin. 3.
purum sit, vt in eo spiritus Dei inhabitet. Qui v. 17. & 26.
enim vastabit Templum Dei, quod vos estis, 7. 19.
ait Paulus, Deus quoq; eum vastabit. Illis ea
de causa commissus est gladius, quo extrin-
secus accinguntur. His commendatus tatum

Eph. 6. v. 17.

*Matth. 10.
ver. 23.*

*2. Cor. c. 11.
v. 13. c. 15.
ver. 9.*

*Heb. c. 6.
ver. 6.*

*Matth. 10.
ver. 28.*

gladius spiritus, verbum nempe Domini, quo Paulus Christianos omnes adversus Diaboli impetum accingit. Quid ergo facient, si Rex ipsos ad impia sacra adigere velit? Si, qui ab uniuerso Populo authoritatem habent, Optimates sese opponant, aut sui saltem magistratus, pareant, obsequantur, & omni conatu, omni industria, tanquam Deo ipsi militantes, pios piorum conatus, adiuuent. Habent exemplū inter alia Centurionū & militum, qui Principibus Iuda Ioiadē hortatu, Ecclesiam ab idololatria, Regnumque à Tyrannide Athaliæ Reginæ vindicantibus alacriter paruerunt. Sin optimates & magistratus furioso Regi applaudunt, aut saltem non resistunt, præsto est consiliū Christi: in aliam ciuitatem se recipiant. Habent exemplū piorum ē decem Tribubus Israel, qui veri Dei cultu per Ieroboamū sublato, vniuersis conuenientibus, ad Regem Iuda, apud quem cultus Dei remanserat, sese recipiunt. Sin aliō fugere nō datur, vitæ potius, quàm Deo renuncient, crucifigantur potius, quàm Christum, vt Apostolus loquitur, denuō crucifigāt. Nolite, ait Dominus noster, timere eos, qui corpꝑ tantum occidere possunt. Ita verò & ipsius & Apostolorum, & innumerorum piorum Martyrum exemplo edocti sumus. Ergo nemini priuaro licebit armis resistere? Quid ergo de Mose statuemus, qui Israelem, invito Pharaone

raone Rege, abduxit? De Ehod, qui decimo ^{Exod. 12.}
 octauo regni demū anno, quo Regnum vsu- ^{Ex.}
 captum videri poterat, Eglonem regem Mo- ^{In. c. 3. v. 16.}
 ab interfecit, Israelēmque Moabitarum iugo
 liberauit? De Iehu denique, qui Ioramum
 Regem, cui ipse militabat, interfecit, Achabi ^{2. Reg. c. 9.}
 stirpem deleuit, Baalitas ad internecionem
 omnes excidit? An non erant illi omnes pri-
 uati? Certè si ipsos per se spectes, quia ordi-
 nariè constituti non erant, priuatos dicere
 queas. At ex quo extra ordinem vocatos sci-
 mus, ipso quasi Deo, suo illos gladio eviden-
 ter accingente, non modò priuatos non cense-
 bimus, verum quibusvis ordinarijs potiores.
 Mosis vocatio & expresso Dei verbo, & signis
 evidentissimis comprobatur. Ehod dicitur à
 Deo excitatus, qui Tyrannum occidendo,
 saluum faceret Israelē. Iehu, iussu Elizei Pro-
 phetæ vnctus, qui stirpem Achabi deleret, etsi
 præcipui quique, Regem eum, antequam rem
 aggrediretur, salutarant. Idem de cæteris, qui
 ex sacra Scriptura adduci possint, ostēdi pos-
 sit. Iam verò cum neque Deus ore suo, neque
 extra ordinem per Prophetas loquatur, est
 quòd hac in re sobrij in primis & circumspecti-
 simus. Si quis enim eam sibi auctoritatem,
 quasi diuino spiritu afflatus, arroget, videat
 sanè, ne arrogantia inflatus sit, ne sibi ipse
 Deus sit, ne sibi ex se magnos illos spiritus
 umat, ne itaq; concipiat vanitatem & pariat

mendacium. Videat verò etiam Populus, nō dum sub signis Christi militare cupit. Theudæ fortè Galilæo alicui, aut Barlozbæ (quod non ita pridem in Germania Muncerianis accidit) magno suo malo militet. Nec eo quidē id dico, quod idem ille Deus, qui nobis nostro hoc sæculo Pharaones & Achabos immittit, liberatores etiam aliquando aliquos extra ordinem non excitet. Certè ipſius neque iuſtitiæ, neque miſericordiæ quidquam vllō tempore decedit. At ſanè ſi minus exteriora illa ſigna adſunt, interiora ſaltem hæc agnoſcamus ex effectibus oportet, mentem ab omni ambitione vacuam, verum & ſeruidum zelum, conſcientiam denique & ſcientiam, ne aut errore ductus, alienis dijs: aut furore ambitionis percitus, ſibi magis quàm vero Deo ſeruiat.

*An arma iuſſe pro Reli-
gione capi-
antur.*

Exod. 20.

ver. 25.

Deut. 27.

Iofue 4.

1. Reg. c. 6.

ver. 7.

Porro ne quid ſcrupuli ſuperſit, reſpondendum ijs videtur omnino, qui Eccleſiam armis defendi non poſſe aut cenſent, aut certè, quod veriſimilius eſt, cenſere videri volunt. Aiunt hi, non ſine magno myſterio Deum vetuiſſe in Lege, ne altare ferro poliretur. Conſimiliter eò, quòd in extruendo Salomonis Templo nullus ferræ malleitæ ferrei ſtrepitus auditus ſit: Eccleſiam, quæ viuum Templum Dei eſt, armis non eſſe inſtaurandam, innui volunt, quaſi lapides ipſi ex lapidicinis, abſque ferro exciſi fuerint. quod ipſe Scripturæ

textus

textus falsum esse, arguit. Quòd si speciosæ
 isti allegoriæ opponamus, quod Nehemiæ
 quarto capite legimus, partem Populi cemen-
 tum, partem ensem, quosdam etiam vtrum-
 que in extruendo secundo Templo gestasse,
 ne nouum opus ab impijs turbaretur, nempe,
 non vt gladio extruerent, sed ne destrueretur,
 eaperent: eodemq; modo Ecclesiam non pro
 pagari armis quidem, sed aduersus hostes, qui
 propagationem eius impedire conantur, pro
 pugnari. Deniq; pios Reges & Principes in-
 numeros, cultum Dei aduersus Ethnicos ar-
 mis, quod tota Scriptura adparet, vindicasse.
 Obijciunt illi continuo: illa quidem locum
 habuisse sub lege: at ex quo Christus gratiam
 attulit, nec phalerato quidem equo, sed a sel-
 lo vectus Hierusalem ingredi voluit, omnino
 desuisse videri. Primùm, in confesso apud o-
 mnes est, Christum, quandiu in terris egit,
 non iudicis, sed rei: non Regis, sed priuati
 partes egisse. Itaque quòd arma non tractarit,
 ad rem non pertinere. Verùm hos iam roga-
 tos velim: An per aduentum Christi, ius gla-
 dij magistratibus ablatum putent? Si aiunt:
 obstat Paulus, qui magistratus non frustra ge-
 stare gladium dicit, & aduersus plebis impe-
 tum opem eorum non recusat. Sin contra:
 cur ius gladij habere eos velint, nisi vt bonos
 seruando, malos malè perdendo, Deo, qui i-
 psos gladio accinxit, inseruiant? Qua verò

Rom. 13.
 Aho. 23.

Mat. 9.

Luc. 3. v. 14.

Act. 10.

magis in re, quàm in Ecclesia, quæ ei dicata est, adversus impios tuenda? in speculo Christi adversus prædones asserendo? Rogarim deinde, an militiam omnem inter Christianos auctoratam putent. Si aiunt: Cur ego Iesus Centurionis orationem exaudit? Cur milites Ioannes stipendio contentos esse, neminem concutere iubet, militiam deserere non iubet? Cur Cornelium Centurionem, primitias, inquam, Gentiû Petrus baptizat? nec tamen a cingulû militiæ deponendû hortatur? Quod si verò militia iusta est, quæ tandem illa iustior esse possit, quæ superioris iussu, pro Ecclesiæ defensione, proq; piorum salute suscipitur? An enim aut vlla maior Tyrannis est, quàm quæ in animâ exercetur? aut laudabilior militia, quàm qua extrema Tyrannis coercetur? Rogarim demum, an vlla Christianis bella gerere liceat. Si negant: cur ergo milites, Centuriones, Tribuni militum in Ecclesiam recipiuntur, quorum vnum id munus est, vt bello inferuiant? Cur integras legiones è Christianis conflatas legimus, Melitensem, inquam, victoria tantopere ab antiquis Doctorib. & Historiographis decantata insignè, Mauritianamq; martyrio decoratam? Quod si verò licet, vt fortè tuendis finibus, arcendisq; hostibus licere fatebuntur: an non multò æquius, tuendis pijs, arcendis impijs, propugnandis denique Regni Christi, Ecclesiæ,

in-

inquam, finibus? Eccur enim alioqui meretricem Babyloniam decem Regum, quos ipsa fascinarit, armis exterminatum tandem iri Ioannes prædicit? Ad hæc, quid aliàs, de bello Constantini in Maxentiū, Liciniumq; tot panegyricis celebrato, tot doctorum calculis comprobato? quid deniq; de Principum Christianorum in Turcas & Saracenos expeditionibus statuemus? quorum vnus omnium finis aut fuit, aut esse debuit, ne Templum domini aut exstructum destruerent, aut extruendum torbarent? Ergo Ecclesia etsi armis non propagatur, armis tamē iustē propugnari potest. Quin non minus martyres sunt, qui in sacro illo bello moriuntur, quàm qui crucem Religionis causa patiuntur. Imò sanè eo videntur potiores, quòd illi oblatam quidem mortem non recusant: hi verò vltro scientes prudentesq; suscipere videantur. Propagare conantur Turcæ suam opinionem armis, qui quâcunq; provinciam armis subegerint, Mæ humeris impia dogmata, sola violentia nixi, inducunt, qui arma in Alcorano suo tantopere commendauit, vt illæ rectà ad superos iri, dicere non vereantur: etsi neminem ipsi interea cogunt. At multo magis adhuc is Religionis Christi que hostis, & ij Reges, quos ipse fascinauit, qui luci Euangelij flammæ, verbo Dei verbera, gladio spiritus acies instructas opponunt, omnesque quantum in ijs est, ad impia sacra, oblati tormentis adi-

*Apos. c. 17.
ver. 16.*

gunt. qui quam suam fidem vocant, perfidia, & traditiones suas assiduis proditionibus defendere & asserere non verentur. Propugnāt verò contra pij Principes & magistratus, qui propagatā propagandāve Christi vineam, ne ab apris vastetur, sæpe circumdant & muniunt, qui prædicatione verbi ad puram religionem conversos scuto suo protegunt, gladioq; tuentur. qui templum Dei, è viuis lapidibus exstructum, dum ad fastigium vsq; adsurgat, adversus violentos impiorum impetus, vallo, fossa, aggere, omni industria communiunt. Hæc hætenus, ne quis in ea questione hæreat. Sciant itaque vniuersi, aut qui ab ijs constituti sunt, Regni officarij, eorumve plures, aut singuli, ni Regem Legem Dei corrumpentem, restituiue prohibentem, intra fines suos contineant, ex fœdere cum Deo inito graviter peccare. Ciues Provincialésve, qui Regni alicuius aliquantulam partem faciunt, ni impietatem à suis saltem finibus arceant, quam Rex intrudere velit, aut piam doctrinam quibuscunq; modis, etiamsi ad tempus secedendum sit, retineant, consimiliter pœnæ obnoxios esse. Privati demum, si impia iubenti pareant, nullo modo excusari. Ceterum ni extra ordinem ad id munus vocatos evidenter appareat, suapte authoritate arma se capere nullo iure posse. Etea quidem omnia ex Scriptura sacra constare videntur.

T E R

TERTIA QVAE- STIO.

AN, ET QVATENVS PRIN-
cipi rempublicam aut opprimenti, aut perdenti, re-
sistere liceat. Item, quibus id, & quo modo, &
quo iure permiffum fit.



VIA nobis hîc de legitima
Principis autoritate agen-
dum est, non equidem dubi-
to, quin Tyrannis & malis
Prîncipibus hæc quæstio o-
diofa futura sit. Qui enim
quodcunq; libet, sibi licere putant : non mi-
rum, si rationis & legis vocem sustinere nul-
lo modo possint. At bonis saltem Principib.
gratam eam fore spero, qui magistratum, qua
tandem autoritate potiatur, nil nisi anima-
tam legem esse sciunt. Nec verò si quid in illos
acrius dicatur, ægrius hi ferent, quasi sua vl-
latenus intersit. Tyranni Regibus, iniusti
Prîncipes iustis, è diametro opponuntur. Itaq;
que tantum abest, vt quod in Tyrannos dici-
tur, quidquam Regibus detrahat, vt contra
quo plus illis detrahatur, eò plus gloriæ his
accrescat : nec illi quidem vituperari possint,
quin hi laudentur. Illi sanè quid sentiant, sus-
que deq; habeo. Neq; enim ipsis, sed in ipsos

scribo. Hi quin consentiant, vix dubitare quē
am, qui non secus ac Pastores lupos, Medici
veneficos, Prophetæ Pseudoprophetas, Ty-
rannos & iniquos Principes odisse debent.
Quod enim odium natura canibus in feras in-
seuit, ratio certè Regibus in Tyrannos inge-
neret omnino necesse est: cum illi rapto vi-
uant, hi rapinæ coercendæ nati & dati sint.
Adulatores Tyrannorum frontem fortè, si
quam habent, contrahent, quos erubescere
convenientius esset. Amici Regum, scio,
non modò assentientur & annuent, verum e-
tiam adstipulari non verebuntur. Vt quis er-
go hæc legendo, aut studio, aut ira mouebi-
tur, ita se mente affectum putet. Ad rem itaq;
adgrediamur.

*Reges à Po-
pulo.*

Ostendimus antea, Deum Reges institue-
re, Regna Regibus dare, Reges eligere. Dici-
mus iam, Populum Reges cōstituere, Regna
tradere, electionem suo suffragio comproba-
re. Quod quidē ita fieri voluit Deus, vt quan-
tamcunq; authoritatem & potestatem habe-
rent, Populo, secundum ipsum, acceptam fer-
rent. Itaq; omnem suam curam, cogitationē,
industriam in vtilitatem Populi conferrent.
Nec verò se, ob aliquam naturæ præstantiam
cæteris hominibus, non secus ac homines gre-
gibus aut armentis, præesse arbitrarentur.
Verum eadem omnino cum cæteris sorte na-
tos, suffragijs & tanquam humeris Populi

ex humo in eum gradum sublato meminissent, in quorum postea humeros reipublicæ onus, magna ex parte, recumberet.

Aliquot antè sæculis, quàm Populus Israeliticus Regem à Deo peteret, Deus legem regni senxerat, quæ extat Deuteronomij x vii. Cum perveneris in terram, quam Dominus Deus tibi possidendam dedit, in eaq; habitaveris, ait Moses, tu dices, Constituam Regem super me, ut cæteræ gentes, quæ sunt in circuitu: tum verò eum Regem constitues, quem Dominus tuus elegerit è medio fratrum tuorum, &c. Hic vides electionem Regis tribui Deo, constitutionem Populo. Postquam verò eò ventum fuit, ita prorsus observatum legimus. Seniores Populi Israelitici, qui Populum vniuersum, repræsentabant, (eò enim nomine comprehenduntur, ut passim, Chiliarchi, Centuriones, Quinquagenarii, Decuriones, Iudices & præfecti omnium Tribuum Israel, tum verò maxime Principes & Capita tribuum) conveniunt in Rama ad Samuelem, & partim filiorum Samuelis, qui iniquè ius dicebant, pertæsi, partim bella eò melius gestum iri rati, Regem à Samuele postulât. Consulêti Samueli reteggit Deus, se Saulem elegisse, qui Populum regeret. Samuel itaque Saulem vngit. quæ omnia ad Electionem Regis postulante Populo factâ pertinet. Ac satis fortè fuisse videretur, si

1. Sam. 8.
ver. 5.

1. Sam. 9. 9.
ver. 16.

1. Sam. c. 10.

v. 17. & seq.

1. Sam. c. 11.

ver. 14.

2. Sam. c. 16.

Samuel electum à Deo Regem Populo adduxisset, & ei parendum esse, monuisset. Nihilominus tamen quo se Rex à Populo constitutum sciat, Samuel indicit Comititia in Maspha, ibiq; quasi re adhuc plane integra & infecta, quasi, inquam, nondum constaret Saulis Electio, sors iacitur, quæ à Tribubus Tribum Benjamin, è gentibus gentem Metri: à gente Metri, Saulem, eum ipsum, quem Deus elegerat, seligit. Tum verò demum, Populo vniuerso acclamante, Saul Rex nominatus dicitur. At tandem, ne sorti omnia tribuat, postquam liberatis Ammonitarum obsidione Iabezanis, suæ virtutis specimen quodammodo edidit, nequicquam secedentibus quibusdam è Populo, ab vniuersis in Galgal, coram Domino rex confirmatur. Hic vides, eum, quem Deus ipse elegerat, quem sors à reliquis selegerat, suffragijs Populi Regem constitui. Quid verò Dauid? Evidentius adhuc, Saul reprobato, Samuel Dei iussu Dauidem, quem Deus elegerat, in Regem Israel vngit. quo facto, Spiritus Domini agit in Dauidem, Saulem verò continuo deserit. Regnatne verò Dauid propterea? imò errat, vagatur, exulat, extrema sepe experitur. nec prius rex existit, quàm, mortuo Saule, vniuersi Populi Iehudæ suffragijs, Rex Iudæ primùm: septem verò post annis vniuersi Israelis consensu, Rex Israel in Hebron vngatur. Itaq; bis vngitur, primùm à Pro

A Propheta, Dei iussu in Electionis signum,
 deinde, iussu Populi, dum Rex constituitur.
 quo semper recordentur Reges, se à Deo qui- 2. Sam. 5. 2.
 dem, sed per Populum, & propter Populum
 regnare: nec verò Deo tantum & gladio, vt
 loquuntur, regnum acceptum ferant, qui gla-
 dio ipso, per Populum primum accincti fue-
 rint. Idem prorsus in Salomone obseruatur:
 etsi is filius Davidis erat. Deus elegerat Salo- 2. Sam. 7.
 monem, vt sederet super solium Regni sui, &
 disertè Davidi pollicitus erat, se illi tanquam 7. 13.
 Patrem filio affuturum. David ipse Salomo 1. Reg. 5.
 nem Regni successorem designarat quibusdā 1. Chro. 2.
 ex Aulae præcipuis præsentibus. Nec tamen 28. 7. 5.
 id satis fuit. Itaque convocat David in Hieru-
 salem Principes Israel, Principes Tribuum, 1. Reg. 1. 9.
 Principes earum turmarum, quæ statis quæ 32.
 que temporibus Regi ministrabant, Chiliar-
 chos & Centuriones singularum urbium, 1. Chr. 2. 28.
 Præfectos dominij Regij, filios suos, quin &
 purpuratos omnes, & egregios quosq; viros, 7. 1. & 2. 29.
 qui de Electione statuerent. Ac in eo cœtu, 7. 22. & 24.
 Dei nomine invocato, ab vniuerso Israelis a-
 gmine Salomon rex proclamatus, in Regem
 vngitur, inq; Israelis solio (ita enim legitur)
 collocatur. Tum primum verò Principes,
 Optimates, atq; ipsi adeò fratres, ei sese iure-
 iurando publicè devinciunt. Ne verò id in
 ambigua tantum fratrum successionem factum
 putes, eodem omnino modo alios passim cons-

stitutos legimus. Mortuo Salomone populus conuenisse dicitur, ad constituendū Ro-
 2. Reg. c. 10. boamū. Cæso Amasia, Ozias filius eius vni-
 2. Chron. c. cus, ab vniuerso populo Rex constituitur.
 16. c. 36. c. Post Ioramum, Ochozias, post Iosiam Ioa-
 22. cham filius, cui patris alioqui pietas non pa-
 2. Sam. c. 16. rum patrocinari potuisset. Quò pertinet &
 ver. 18, illud Chusai ad Absalom : Sequar, ait, eum
 Regem, quem Deus, populus & vniuersi ex
 Israele elegerint, id est Regem legitimè & ri-
 tē constitutum. Itaq; etsi Deus lucernam po-
 pulo suo ē stirpe Dauidis perpetuam promi-
 Psal. 132. serat, etsi, inquam, Regum Israelis successio
 ipso Dei verbo comprobata erat : nihilo mi-
 nus tamen, cum Reges non prius regnasse vi-
 deamus, quàm à Populo ritē constituti fuis-
 sent: concludere licet, Regnum Israelis, si stir-
 pem spectas, hæreditarium certē fuisse : at sa-
 nē si personas, omnino Electiuum. Quorsum
 verò hæc, si de Electione constabat, vt in cō-
 fesso est, nisi vt tantæ dignitatis à Populo col-
 latæ recordatio ipsos sui officij perpetuò me-
 mores faceret?

Ita verò Ethnicos etiā Reges à Populo con-
 stitutos legimus. Nempe cum aut foris bel-
 lum, aut domi lites essent, vnus aliquis, cuius
 de fortitudine & iustitia magna erat multitu-
 dinis opinio, communi consensu in Regem
 assumebatur. Et apud Medos, inquit Cice-
 ro, Deiores ex arbitro iudex, ē Iudice Rex
 cre-

Herod lib. 1.
 Cice. lib. 1.
 Offic

creatus, & apud Romanos primi Reges. Itaque cum Romulo sublato centum Senatorum inter regnum Quiritibus minus gratum esset, convenit ut postea Reges suffragiis populi, comprobante Senatu deligerentur. Tarquinius verò Superbus ideo Tyrannus habetur, quod neque à Populo neque à Senatu creatus, sola vi & potentia nixus, imperium tene-
ret. Propterea Cæsar etsi imperium vi invaserat, tamen ut aliquo saltem iuris prætextu imponeret, imperium à populo ferre, utque accepisse videri volebat. Augustus verò etsi à Cæsare adoptatus, hæredem se imperij nunquam, quasi ex testamento, gessit. Quin potius Senatui populoque acceptum tulit, ut & Caligula, Tiberius, Claudius: Nero verò, qui primus vi ac scelere invasit imperium, nullo iuris colore fretus, à Senatu damnatus fuit. Omnino cum nemo Rex nascatur, nemo per se Rex esse, nemo absque Populo regnare possit: Populus verò contra & per se esse queat, & Rege prior tempore sit: Reges omnes à Populo primū constitutos fuisse, certissime constat. Etsi verò, ex quo virtutē patrū imitati filij, nepotesque, Regna sibi quasi hæreditaria fecisse videntur, in quibusdam regionibus Electionis libera facultas desisse quodammodo videatur, māsit tamē perpetuo in omnibus regnis bene cōstitutis ea cōsuetudo, ut demortuis nō prius succederēt liberi, quā à populo

Liuius lib. i.

quasi de nouo constituerentur, nec tamquam
 sui hæredes Patribus agnascerentur: sed tum
 demum Reges censerentur, cum ab ijs, qui
 Populi maiestatem repræsentarent, Regni in-
 vestituram, quasi per sceptrũ & diadema acce-
 pissent. In Regnis Christianis, quæ hodie per
 successionem deferri dicuntur, huiusce rei ve-
 stigia evidentissima extant. Reges etenim
 Franciæ, Hispaniæ, Angliæ & cæteri, ab Or-
 dinib. Regni, Patribus, Patritijs, Magnatibus,
 qui vniuersitatem Populi repræsentant, inau-
 gurari solent, & quasi in Regni possessionem
 mitti: non secus ac Imperatores Germaniæ
 ab Electoribus, & Reges Poloniæ à Vayvodis
 seu Palatinis, vbi ius suum Electio integrum
 obtinet. Nec verò illis Regius honos in vrbi-
 bus Regni prius exhibetur, quàm ritè Inaugu-
 rati fuerint. Vt neque etiam olim Regni tem-
 pus, nisi à die inaugurationis, quod in Gallia
 accuratè obtinuit, computabatur. Ac ne ob-
 continuatam aliquot successionum seriem
 hallucinemur, in illis iisdem Regnis, sæpe fi-
 lio agnatum, primogenito secundogenitum
 Ordines Regni prætulerunt: vt in Francico,
 Roberto Druydarum Comiti, Ludoicum fra-
 trem: item Roberto Capeti, nepoti, Henricũ
 fratrem secundogenitũ, & cæteros alijs. Quod
 & Regnum idem Populi autoritate, de gen-
 te in gentem, extantibus legitimis hæredibus,
 translatum fuit, à Merouingijs ad Carlingos,
 à Car-

*Annals
 Gilly.*

¶ Carlingis ad Capetanos. Quod & in cæteris factum, è verissimis historijs satis constat. Ne verò à Francico, quod cæterorum exemplar semper habitum fuit, in quo, inquam, successio plurimum obtinere videtur, recedamus, Pharamundum anno CCCCXIX electum legimus: Pipinum, DCCCL Pipini filios, Carolum Magnum, & Carolomanum DCC LXVIII non habita patris ratione. Sublato demum DCC LXXI Carolomano, non accreuit continuo Carolo Magno fratris portio, ut in hæreditatibus fieri solet, sed Populo & Concilio publico decernente, Eodem auctore Ludouicus Pius, anno DCCCXII quavis Caroli Magni filius, eligitur. In ipso verò Caroli testamento, quod apud Nauclerum extat, rogat Populū, è suis Nepotibus per Concilium Regni publicū, quem voluerit, eligat, patruus verò acquiescere Populi decreto iubet. Vnde Carolus Caluus, è Ludouico Pio, & Iuditha nepos, sese apud Aimoinum Historiographum, Regem electum proficitur. In summa; omnes omnino Reges, ab initio electi fuerunt. Et qui hodie per successionem regnum adire videntur, prius à Populo constituantur necesse est. Denique etsi Populus ob egregia quædam merita ex aliqua stirpe Reges sibi deligere, in quibusdam regionibus solet: stirpem ipsam, non surculum deligit; nec ita deligit, quin si degeneret, aliam eligere non

possit. Qui verò ex ea stirpe etiam proximi sunt, nō tā Reges nascuntur, quā fiunt non tā Reges, quā Regum candidati habentur.

*Populus po-
tior Rege.*

Genes. 39.

Jer. 4.

Dan. 1. 2. 3.

48. c. 6. v. 1.

Iam verò, cum Reges à populo constituuntur, omnino sequi videtur, populum vniuersum Rege potiolem esse. Ea enim vis verbi est, vt qui ab aliquo constituitur, eo minor habeatur, qui ab aliquo auctoritatem accepit, suo authore inferior sit. Putiphar Ægyptius constituit Iosephum super familiam suam: Nabushodonozor Danielelem super Babylonicam Provinciam, Darius præsides centum & viginti super Regnum. Nempe domini seruos Reges ministros constituere dicuntur. Sic etiam Populus Regem, tanquam ministrum Reip. constituit. Quod nomen boni reges non aspernati sunt, mali etiam affectarunt, adeo vt aliquot sæculorum spacio, ex imperatoribus Romanis nemo, nisi manifestè Tyrannus, quales Nero, Domitianus, Caligula, dominus vocari voluerit. Deinde Reges populi causa institutos constat. Neque enim propter centum plus minus homunciones, cæteris plerunq; longè peiores & inferiores vniuersos creatos potius quā illos horum causa, dixeris. Ratio verò postulat, vt is cuius ratione alius extitit, eodem potior censeatur. Sic navis causa gubernator à domino navis instituitur, qui, ne ipsa ad cautes frangatur, aut malè cursum teneat, ad clauum sedeat.

Et.

Et ei quidem in eārem incumbenti, ceteri inseruiunt, ac dominus ipse paret, est tamē ipse naui seruus, vt mediastinus quilibet, nec à mediastino genere, sed specie tantum differt. In Republ. quæ naui comparari solet, Rex gubernatoris, Populus domini loco est, Illi itaque publicam salutem curanti, Populus ipse paret & obtemperat: cum tamen nō minus sit & cēseri debeat ipse Reipub. seruus ac iudex aut Tribunus quilibet, nec ab his alia re differat, quā quod maiora onera ferre, & plura pericula obire teneatur. Propterea verò quæcūq; Rex aut bello acquirit, aut cū finitima occupat iure belli, aut iure dicēdo, vt quæ in fiscū rediguntur, acquirit ipse Regno, nō sibi, Populo, inquā, qui Regnū cōstituit, nō secus ac seruus domino, nec ulla cum illo, nisi aut hore Populo, obligatio contrahi potest.

Præterea viuūt innumeri Populi absq; Rege: Regē absq; Populo, ne mente quidē concipere possis. Nec ideo Regiā dignitatem quidam adepti sunt, quod à ceteris hominibus specie differrētisq; tanquā Pastores gregib. quadam naturę præstātia præesse deberent. Quin potius ex eadē massa cretos in eū gradū popul⁹ extulit, vt si quā authoritatē, si quā potentiā haberent illi acceptā ferrent ac tantam precariam possiderent. quod Francorum antiquus ritus aptè ostendit, qui in clypeo sublatū regem proclamabant. Curenim

quæso, dicuntur Reges innumeros habere oculos, innumeras aures, longas manus, celerimos pedes. An, quod Argo, Gerioni, Midæ, aut ijs, quos fabulæ finxerunt, similes sint? Minime verò. At sanè, quia Populus, cuius interest, vniuersus suos Regi oculos, suas aures, suas vires ac facultates in Reip. vsum commodat. Recedat à Rege Populus: qui modò oculatus, auritus, robustus & vegetus videbatur, cæcutiet, obsurdescet, repentè concidet: qui modò magnificè triumphabat, vno momento apud omnes vilescet: qui modò diuinis propè honoribus afficiebatur, ludimagistrum Corinthi agere cogetur. Subrue istius Gigantæ molis, ac tanquam Rhodiani Colossi imà tantum basim, corruat, ac in frustra comminatur necesse est. Cum itaq; Rex per populum & propter populum existat, nec absque Populo consistere possit: cui mirum videatur si Populum Rege potiolem esse concludamus.

Populus vniuersus representatur per Regni Officia-
rios ordinem, per Ordinum consensum extra ordinem, aut annuatim.

Porro, quod de vniuerso Populo dicimus, de ijs etiam, vt in secunda Quæstione, dictum volumus, qui Populum vniuersum in omni Regno, vrbeue legitimè representant. qui quidem vulgo, Regni, non Regis Officiarij censentur. Regis Officiarij à Rege pro arbitrio creantur, aut exsuctorantur. quin & eo mortuo nullo loco sunt, & quodammodo mortui habentur. Regni Officiarij contrà à Populo, in

lo, in

lo, in Concilio nempe publico, authoritatem capiunt, aut saltem olim capere solebant, nec absq; eodem exauctorari possunt. Itaque pendet illi à Rege, hi à Regno: illi à supremo Regni officario, qui Rex ipse est: hi à supremo dominio Populi, à quo ipse Rex, non secus ac illi, pendere debet. Illorum munus est, Regem curare: horum, ne quid detrimenti Respublica vsquam capiat. Illorum, vt Regi, tanquam domino cuilibet domestici, adesse ac inservire: horum, Populi iura & Priuilegia tueri, & ne quid Princeps ipse in illius perniciem committat, omittatue, diligenter providere. Denique sunt illi Regis ministri, serui, domestici, ad obsequium tantummodo instituti: hi contra Regis in iuredicundo vel vt Assessores, Regij imperij consortes, adeo vt omnes quidem illi Rempubl. administrare teneantur non secus ac Rex: is tamen inter eos quasi Præses, primum tantum locum teneat. Vt verò Populus vniversus Rege superior est: ita etiam hi, etsi singuli Rege inferiores sint, vniversi tamen superiores censendi sunt. Primorum ferè Regum quàm lata potestas fuerit, ex eo satis adparet, quòd Ephron Rex Hethæorū, ius sepulchri Abrahamo, inconsulto Populo, concedere non audeat: neque Hemor Hæuius Rex Sichem, sœdus cum Iacobo ferire: nempe grauiora negotia ad Populum referri solita. Et in ijs quidē imperijs;

Genes. 23.
& 34.

Regni Offi-
ciarij in
Regno. In
Israh.

quæ tunc temporis vna ferè vrbe circumscri-
bebantur, facile id fuit. At ex quo Reges fines
suos amplificare cœperunt, nec Populus vni-
uersus in vnum locum convenire absq; con-
fusione potuit, Regni officarij, qui populi
iura ordinariè tuerentur, instituti fuerunt, i-
ta tamen, vt si quando opus esset, aut Popu-
lus vniuersus, aut eius saltem quædam quasi
Epitome, extra ordinem convocaretur. In
Regno Israelitico, quod omnium ferè Politi-
corum iudicio, optimè constitutum erat,
eum ordinem fuisse videmus. Habebat Rex
suos Pincernas, dapiferos, cubicularios, ma-
gistros domus siue œconomos, qui familiæ
sue prospicerent. Habebat & Regnum suos,
vnum & septuaginta seniores, & duces ex sin-
gulis Tribubus electos, qui Remp. siue pa-
cis siue belli tempore curarent: suos deniq;
in singulis municipiis Magistratus, qui vt illi
vniuersum Regnū, suas singuli vrbes tueren-
tur. Hi si quando, de re maxima deliberandū
erat, cōveniebant, nec iis incōsultis, quidquā,
quod ad summā Reip. pertineret, decerni po-
terat. Hos itaq; convocat David, quando Sa-
lomonē investiri Regno cupit, quādo Politiā
à se restitutam examinari & probari; quando
reducenda est Arca, & c. Quia verò vniuersū
Populum representant, vniuersus tum Po-
pulus convenisse dicitur. Idem denique Iona-
than, Saulis Regis sententia damnatū, mor-
ti

1. Chron. 4.

29. 71.

3. Chron. 13.

7. 1.

1. Sam. c. 14.

24. 45.

si eximunt, ex quo à Rege ad Populum appellationem fuisse apparet. Ex quo verò Regnum propter Roboami superbiâ scissum fuit, Syne-
drium Hierosolymitanum Septuaginta & vni-
us virorū, ea authoritate fuisse videtur, vt non
secus ac Rex singulos, hi Regem iudicare pos-
sent. Huic autē præerat Dux domus Iuda, id
est Primarius quisque, ex tribu Iuda electus,
vt vrbi Hierosolymitanæ Primarius ex tribu
Beniamin. Exēplis res dilucidior fiet. Ieremi-
as missus à Deo, qui vrbi Hierosolymitanæ ex-
cidium nunciaret, ea propter damnatur pri-
mum à sacerdotib. & Prophetis, id est, à iudi-
cio seu Senatu Ecclesiastico. Demū ab vni-
uerso populo vrbis, hoc est, ab ordinariis vr-
bis iudicibus, Chiliarchis nempe & Centu-
rionibus. tandem à Principibus Iehuda: id
est L X X I viris assidentibus ad nouam por-
tam Templi, causa cognita absoluitur. Ij verò,
in eo ipso iudicio disertè damnant Regem Ie-
horabin, qui Vriam Prophetam paulo antè si-
milis comminantem crudelissimè trucidase-
ret. Alibi verò legimus, Sedechiam huius Sy-
nedrij authoritatem adeo reueritū esse, vt Ie-
remiam à L X X I. viris, in tetrum carcere
detrusum non modò nō liberare, verū etiam
vix in mitiorem trans ferre auderet. Suadēti-
bus antè illis, vt in Ieremiæ mortem consenti-
ret, respōdet, eū in ipsorū manib. esse, seq̃ ipsi
contradicere nulla in re posse. Quin & veritas,

2. Chron. c. 3
19. ver. 1.
Nehs. 11.
ver. 9.

Ieremi. 26.
ver. 9. & 17.

Ieremi. 37.
38.

idem, ne in sermones, quos cū Propheta habuerat, inquirerent, quasi rationem eorum, quæ dixisset, redditurus, mendacium comminiscitur. Ergo erant in hoc regno, regni officij rege superiores, in hoc, inquam, quod non à Platone aut Aristotele, sed à Deo ipso omnis ordinis authore, omnis Monarchiæ summo institutore, institutum & ordinatum fuerat. Tales erant in Persico imperio septem Magi seu sapientes, item *imortales*, quasi honoris regij consortes, & qui regum aures & oculi nuncupabantur, quorū iudicio reges acq̃uuisse legimus. In Spartano Ephori, ad quos à rege appellabatur: quiq̃ ipsos etiam reges iudicabant, ut est apud Aristotelem. In Ægyptiaco ministri publici regi per Populum eligi tradiq̃ soliti, eò tantū ne adversus leges quidquam committerent. Ut verò Aristoteles reges, quib. eiusmodi officij adiunguntur, legitimos passim vocat, ita etiā nō veretur dicere, ubi ij desint, non Monarchiam esse, sed aut planè barbaricam Tyrannidem, aut Tyrannidis quā proximam dominationem. In Romano hunc locum obtinebant Senatores & Magistratus per Populum creari soliti, Tribunus Celerum, Præfectus vrbi, & cæteri, adeo ut à rege ad Populum provocatio esset, quod Seneca è libris Ciceronis de Repub. citat, & historia Horatij tergemini, ob cædem sororis à regijs iudiciis damnati, & à Populo absoluti,

Esther 1.

Aristot. lib.

5. Pol. c. 11.

6. 7. lib. 3.

luti, satis indicat. Sub Imperatoribus verò, Senatus, Consules, Prætores, Præfecti Prætorio, Præsides Provinciarum, quæ Populo Senatuique tribuebantur, qui propterea omnes Magistratus Populi Romani vocabantur. Itaque cum decreto Senatus, Maximinus Imperator, hostis Reipublicæ iudicatus esset, inque eum Maximus & Albinus à Senatu Imperatores creati essent, milites iurarunt, se fideliter obsequiuros Populo Romano, Senatui & Imperatori, utcumque sub Tyrannide hoc ius violaretur. Ad hodierna verò imperia quod attinet, (Tureicum, Moschicum, & alia huius generis, magna latrocinia, magis, quam imperia sunt) nullum omnino est, quod si non hoc tempore, saltem olim non ita administratum fuerit. Quod si verò illorum culpa & defidia factum est, ut quibusdam locis deteriore Republica postea acceperint, tenentur nihilo minus, qui eum locum hodie obtinent, ad antiquum statum omnia, quantum in se est, revocare. In Germanico, quod per Electionem confertur, sunt Electores & Principes tum Laici, tum Clerici, Comites, Barones, Ciuitates, Ciuitatumque Legati, qui ut suis quique locis Rempublicam curant, ita etiam in Comitibus, vniuersi Imperij Maiestatem, quando opus est, repræsentant, ubi, nequid Resp. ex priuatis Cæsaris studiis odij sue detrimenti capiat, prospicere tenentur. Itaque alius est imperij, alius Imperatoris.

Herod. lib. 8
in orat. de
ximi & Al-
bini ad mi-
lites.

*Speculum
Saxonicum.*

ris Cancellarius, alij atq; alij huius & illius officiarij, diuersa eraria, diuersi quæstores. Et adeo quidē vulgātū est, Imperiū Imperatoriantē ferri, vt Imperator imperio hominū præstare passim dicatur. Cōsimiliter in Polonico eum locum obtinent Episcopi, Palatini, Castellani, Nobiles, Ciuitatum regionūque Legati extrordinem convocati, quorum in cœtu tantum nouæ cōstitutiones fiunt, & bella decernuntur. Ordinariē verò Regni Polonici Cōfiliarij, Cancellarius Reipubl. Polonicæ, &c. etsi suos interea Rex cubicularios, œconomos, ministros & domesticos habet. Apud Polonos verò, qui disputet, vter potior sit, Rex, an vniuersus Regni populus per optimates repræsentatus, perinde faciat, ac qui Venetijs disputet, vtrum dux Republica superior sit. Quid autem de iis Regnis dicemus, quæ per successionem deferri dicuntur? Nihilò sanè secius res se habet. Regnum Francicū, quod cæteris non ita pridem legū & ordinū præstantia anteponebatur, ita olim constitutum fuit. Etsi verò qui eum locum tenent, sub officio minus satis faciunt; non eò tamen minus tenentur. Habet quidē Rex suum magnum magistrū, seu Archieconomum, suos cubicularios, venatores, scutarios, pincernas & cæteros, quorum officia olim à Rege adeo pendebant, vt eo vitā functo, suo ipsi officio planè defuncti viderentur. vnde etiā post finem

nē luctus Regij, magnus Magister seu Archico-
 conomus, quædā quasi concepta verba pro-
 nunciare solet, quibus familiam Regiam di-
 mittit, ac sibi quemque prospicere iubet. At
 nihilominus suos habet Regnum Francicū
 officarios, Maiorem Palatij, qui postea Co-
 mes stabuli nominatus fuit, Mareschallos,
 Amiralium, Cancellariū seu magnum Refe-
 rendariū, Secretarios, Quæstores & cæteros:
 qui quidem olim non nisi in cōcilio publico
 trium ordinum Cleri, Nobilitatis & po-
 puli creabantur. ex quo verò Parlamentū Lu-
 tetianum statarium factum est, non prius in
 eo gradu constituti censentur, quàm à Senatu
 Lutetiano recepti & comprobati sint, & ne-
 que etiam absque eiusdem consensu & antho-
 ritate destitui possunt. Isti verò omnes, primū
 Regno, id est, vniuerso populo, deinde Regi,
 tanquam eius curatori fidem dant: quod vel
 ex ipsa iurisiurandi formula perspicuum est.
 Comes stabuli verò in primis, quando Ense
 liliato per Regem accingitur, (vt ex verbis,
 quæ Rex ipse pronunciat, apparet) eo accin-
 gitur, vt Rempub. tueatur atque defendat.
 Habet præterea Regnum Frācicum suos sive
 Pares, tanquam Regis cōsortes, sive Patrici-
 os, tanquam Reipubl. Patres, singulos à sin-
 gulis Regni Provinciis denominatos, quibus
 Rex inaugurandus, tanquā vniuerso Regno,
 fidē dare solet. Ex quo, illos Rege superiores

*Almeius
 lib. 5. ca. 28.
 in Carolo
 Caluo.*

*§. filiusfamil.
 Instit. quib.
 mod. ins. par-
 tite pot. sol-
 uitur.*

*Renat. Chop-
pinus lib. 3.*

esse, liquet. Hi verò vicissim iurant, se non Regem, sed Regium diadema tuituros, Rempubl. consilio adiuturos, sacro Principis cōsilio in eam rem, pacis belliue tēpore affuturos, vt ex formula Patriciatus liquidò patet. Itaque non secus ac Pares Curie Longobardice iure, in sententiis ferendis, feudi domino non modò a ssidebāt, verū etiam inter ipsum sēpe superioris feudi dominum & vassallū cognoscebāt. Videmus etiā hosce Franciæ Patricios, inter Regē & subditos sēpe diiudicasse, adeò quidē, vt cum Carolus VI. in Ducē Britanniæ sententiam ferre vellet, obstarent illi, dicerētq̃, nō Regis, sed Pariū esse eiusmodi, iudiciū, quorū autoritati nil derogare posset. Hinc etiam hodie Senatus Lutetianus, qui curia Parium seu Patriciorū nuncupatur, quasi iudex inter Regem & populum quadamtenus cōstitutus, imò inter Regem & privatū quemlibet, singulos adversus Regis procuratorem asserere, si quid cōtra ius invadat, quasi obligatione tenetur. Præterea si quid Rex domi statuatur edicitive, si quid cū vicinis Principibus paciscatur, si quod bellū gerendū est, si quæ pax, vt nuper cū Carolo V. facienda, auctorem senatum fieri oportet, & in eius acta omnia, quæ ad Rempublicā pertinet, referri. Quæ quidē non prius rata sunt, quàm ab eo comprobata fuerint. Ne verò Regem metuerent Senatores, neque olim in eum gradum, ni

si à Senatu nominati cooptabantur, neque
absque eiusdem auctoritate, legitima de causa
exauctorari poterant. Deniq; & literę Regis,
ni à Secretario Regni subscribantur, & re-
scripta ni à Cancellario (qui cancellandi po-
testatem habet) obsignentur, nullam autho-
ritatem habent. Sunt & Duces, Marchiones,
Comites Vicecomites, Barones, Castellani,
item in Urbibus Maiores, Vicarij, Consules,
Sindici, Scabini, & cæteri, quibus aliqua si-
gillatim aut Regio, aut vrbs cõmendata est,
vt populũ tueantur, quatenus eorum iuris-
dictio patet, etsi quędam ex illis dignitatibus
hereditarię hoc tempore habentur. Et hæc
quidem ordinarię. At præter hæc, quotãnis
olim, post verò aliquanto, quotiescunq; sal-
tem necessitas postulabat, habebatur trium
ordinum conventus, quo regiones vrbesq;
omnes alicuius nominis suos Legatos mitte-
bant, & quidem Plebei, nobiles, Ecclesiastici *Aimolius*
in vnaquaque sigillatim, vbi de his, quę ad
Rempubl. pertinebant, publicę statuebatur.
Eius verò conventus ea fuit perpetuò authori-
tas, vt non modò, quę ibi statuta forent, sa-
cra sanctaq; haberentur, seu pax faciendã, seu
bellum gerendum, siue Regni procuratio cui-
quam deferenda, siue vectigal imperandum
esset: verum etiam reges luxus, desidię, ty-
rannidisue causa in cœnobis detruderentur,
eòq; auctore, vniuersę adeò stirpes regni sue-

cessione priuarentur, non secus ac primum,
 Populo auctore, ad regnum vocatæ fuerant.
 Nempe quos consensus extulerat, dissensus
 exturbabat: quos virtutum paternarum imi-
 tatio, in eam quasi hæreditatem vocarat, de-
 gener & ingratus animus, vt incapaces & in-
 dignos fecerat, ita & exhæredes faciebat. Ex
 quo sanè liquet, successionem tolleratam qui-
 dem ad vitandum ambitum, secessionem, in-
 terregnum, & alia Electionis incommoda.
 At sanè vbi grauiora damna consequerentur,
 vbi regnum Tyrannis, vbi regis solium Ty-
 rannus invaderet: Populi legitimum conven-
 tum, & Tyranni regisue ignaui expellendi,
 adue agnatos deducendi, & boni regis in eius
 locum adsciscendi, auctoritatem sibi perpe-
 tuo retinuisse. Nimirum habebant fortè hoc à
 Gallis Franci, auctore Cæsare lib. V. de bello
 Gallico. Fatetur enim Ambiorix Rex Eburo-
 num, ea fuisse tum regum Galliarum imperia, vt
 non minus Populus ritè convocatus, in re-
 gem, quàm rex in Populū, auctoritatis habe-
 ret. Quod etiam in Vercingetorige apparet,
 qui corā Populi cœtu causā suā agit. In regnis
 Hispaniæ, præsertim Aragonum, Valentino,
 Catalanico, ita etiam sese habet. Est enim pe-
 nes Iustitiam Aragonicam, quam vocant, sum-
 ma regni auctoritas. Itaq; non verentur ma-
 gnates, qui populum repræsentant, regem his
 verbis tum in ipsa inauguratione, tum teritiò
 quoq;

*Cæs. lib. 5.
 & 7. de bel.
 Gallico.*

quoque anno in cōventu publico disertè compellare: TANTVM valemus nos, quantum vos: at super nos ambos est, (Iustitiam Aragonicā intelligunt) qui magis imperat, quā vos. Sæpe verò, quæ rex rogauit, Iustitia illa abrogat: quæ edixit, vetat. Tributum verò indicere nullum vsquam absq; eius conuentus authoritate ausit. In Anglico & Scotico penes Parliamentum, quotannis ferè haberi solitum, summa rerum est. Parlamentum verò vocant, Ordinum regni conuentum, vbi Episcopi, Comites, Barones, Ciuitatum, Regionumue legati Comuni suffragio de republ. statuunt. Cuius vsq; adeò sacrosancta est aūthoritas, vt, quæ semel sanxerit, regi abrogare sit nefas. Omnes verò regni officarij ab eo conuentu fasces accipere solent, quique ordinariè regi reginæue in consilio assident. in summa: cætera regna Christiana, Hungaricum, Bohemicum, Danicum, Suedicum, & reliqua, suos regni officarios regijue imperij cōfortes habent, quos sua authoritate aliquādo vsos esse, vel in regibus ipsis exauctorandis, aut historiæ docent, aut recens memoria satis ostendit. Nec verò est, quòd iccirco potentiā regiam minui putemus, regesve quasi capitis diminutionē passos. Deum certè non eo minus potentem censemus, quòd per se peccare non possit, neque eius imperium angustius, quòd rueret & pessum ire nequeat. Neque ergo

regem, si, qui per se peccare posset, aliena opesultinetur, si quod fortè imperiū sua negligentia culpave amississet, aliena prudentia diutissimè retineat. An etenim eo minus sanum aliquè putes, quòd Medici ei assideāt, qui ipsum ab intèperie dehortètur, qui noxiorū ciborū esu interdicāt, qui etiā invitū sepe ac renitentē purgent? An verò medicos illos, qui illius salutem curant, an adulatōres, qui insalubria quèque obtrudunt, magis amicos putes? Hec itaque distinctio omnino adhibenda est. Alij sunt amici Regis, alij Cæsaris. Amici Cæsaris sunt, qui Cæsari inserviūt: amici regis imperatorisūe, qui Regno. Cum enim quis regni causa, rex dicatur, regnūque in Populo consistat, regno verò perduto, labefactatōve, aut omnino rex esse desinat, aut minus saltem rex sit: qui sanè regni vtilitati student, regis verè amici sunt: qui regni vtilitatem negligunt aut evertunt, verè hostes. Ac vt neq; regnum à Populo, neque regē à regno; ita nec amicos regis à Populi regnūque amicis separare vllō modo possis. Imò verò cum, qui verè Cæsarem amant, regē eū, quàm priuatum malint: regem verò absq; regno habere non possint: iidem sanè regni, qui & Cæsaris amici erunt, qui verò Cæsaris magis, quā regni, siue Populi amici videri volent, adulatōres verè & hostes perniciosissimi censendi erunt. Quod si verò illi verè amici sunt, an non regē eo potentiorē

tiorē & stabiliore fore manifestū est, vt Theopompus Ephoris institutis dicebat, quo plures & potentiores erunt ij, quibus Populi regniue vtilitas commendata cōmissaq; fuerit: Dices verò fortasse: Tu mihi Patritios, optimates, regni officarios narras. Ego verò contrā, nil præter laruas, & antiqua, tanquam in Tragediis, paludamenta video: antiquæ verò libertatis & authoritatis vix vlla vsquam vestigia cerno. Denique, plerosque passim sua curare, regibus assentari, Populo illudere videas: vix vsquam, qui Populi eviscerati misereatur, nedum qui miserio opem ferat, invenire possis. Quod si qui verò eo animo aut sunt, aut esse putantur, rebelles & perduelles iudicantur, exulant, ac tantum non victū queritare coguntur. Quid? ita res se habet. Tanta ferè semper, & vbiq; locorum fuisse videtur aut regum audacia, aut optimatū partim prævaricatio, partim ignavia, vt res ges quidem eam, qua hodie pleriq; insolescūt, licentiam, quadam quasi longi temporis præscriptione vsucepisse: Populi verò authoritatē suā aut tacitè celsisse, aut non vtendo amisisse videantur. Sic nempe plerumque accidit, vt quod omnes curare tenentur, curet nemo: quod omnibus commissum est, nemo sibi cōmendatum putet. Nihilominus tamen adversus Populum neque præscriptio, neq; prævaricatio ista quidquam facit. Vulgatum est, nul

An præscriptio obstat.

iam fisco præscriptionem nocere : multò verò minus Populo vniuerso , qui rege potior est , cuiusq; gratia Princeps id priuilegium habet. Cur enim alioqui , cum fisci Princeps administrator tantum sit , Populus verò , vt inferius probabitur , verè proprietarius ? Deinde , an non scitum est illud : libertati nulla , ne diutissima quidem seruitute , violentia præscribi posse ? Quòd si verò reges à populo constitutos fuisse , qui ante D. fortè annos viuebat , nō ab eo , qui hodie extat , obijcias : at , inquam ego , etsi moriuntur reges , populus interim , vt neq; vlla alia Vniuersitas , nunquam moritur. Vt enim perennem fluium fluxus : ita & populum immortalem ortus & interitus vicissitudo facit. Itaq; vt idem est , qui ante mille annos , Rhenu , Sequana , Tyberis : idem etiam est populus Germanicus , Gallicus , Romanus : (nisi fortè colonie intervenerint) nec aut quæ fluxu , aut indiuiduorum mutatione , ius eorum vllatenus immutari potuit. Præterea si non populo , sed patri regnum acceptum ferunt , hic verò auo , & ita deinceps : an plus iuris potuit ille ad alium transferre , quàm ipse habuerit ? Quòd si verò non potuit : (vt certe non potuit) an non manifestum est , quicquid præterea sibi arrogarit , non magis eum , quàm prædonem quemlibet vsurpare posse ? Populū verò contrā perpetuæ evictionis ius integrum habere ? Ergo , quòd in aliquo regno

L. proponere. 76.

D. de iudiciis. l. qui res suas. 98.

h. vlt. de solution. l. inter stipul. 83.

h. sacram. D. de verb. oblig.

Ulpian. de reg. iuris. l. 54.

gno Optimates aliquamdiu oppressi fuerint, populo præiudicare non potest: quin potius, ut non audiretur servus, qui, quod dominum diutissimè captivum detinisset, non modò se liberum iactaret, verùm etiam necis vitæ-
que potestatem sibi in dominum arrogaret; neq; prædo, qui quod aut xxx. annos præ-
datus, aut prædonis filius esset, sese extra cul-
pā esse putaret: imò verò, quò diutius, eò gra-
vius puniretur: ita sanè minimè audiendus princeps, ferendusue fuerit, qui, quod Ty-
ranno successit, populūve, à quo ipse re-
gnum accepit, mancipij loco diu habuerit, aut optimatibus vim fecerit, quidquid libue-
rit, sibi licere, aut iure concedi putet. Neque enim demunt anni quidquam iuri populi, sed addunt iniuriæ Regis. Quid verò, si optima-
tes ipsi cum principe collusere? quid, si pro-
dita causa, Populum vinctum quasi, in manus Tyranni prodidère? Istane prævaricatione
proditioneue authoritas Populi in Regem planè translata videbitur? An, inquam, eo fa-
cto quicquam aut libertati Populi demitur, aut Principis licentiæ adiungitur? Sibi ipsi im-
putet, dices, qui eiusmodi hominū perfidā fi-
dem elegerint. At enim sunt isti, tanquam Pa-
troni, qui vtilitati publicæ, Populique saluti & libertati patrocinentur. Itaque non secus ac Patronus cum clientis adversario de quo-
ta litis, ut loquuntur, pactus, si clientis cau-

ſam prodidiſſet, ei minimè noceret: nō poteſt ſanè iſta quaſi Magnatum, in damonū necem, que Populi inita conſpiratio, quidquam eius iuri detrahere. Verū & illi in pœnam legis, quæ in prævaricatores lata eſt, incident, & his, ac ſi res omnino integra eſſet, & patronū aliū eligere, & ius ſuum denuò perſequi, lex permittet. Etenim ſi populus Romanus Imperatores ſuos noxę dedit, qui ad Furcas Caudinas indecorè cum hoſtibus pepigerant, coacti licet, & in ſummas anguſtias reducti, nec ea ſe pactione villatenus teneri iudicauit, an non multò minus tenebitur Populus id iugū pati, quod nō vi, ſed vltro: nō mortis metu, ſed lucri cupidine, aut ſi, qui excutere debebant, impoſuerint: aut qui poterant, tolerarint.

Quæ ſit Regum ſinis.

Iam verò cum à Populo reges conſtituti ſint, ijsque quidam quaſi imperij conſortes adiuncti, qui ipſos in officio contineant, & ſinguli quidem rege inferiores, vniuerſi verò ſuperiores: ſequitur, vt videamus, cur primū conſtituti fuerint, & quod ſit ipſorum maximè officium. Iuſtum enim demum quid ac bonum cenſetur, cum cum ſinem attingit, ad quem inſtitutum eſt. Primum ſanè palàm eſt, homines natura liberos, ſeruitutis impatientes, & ad imperandum magis, quàm ad parandum natos, non niſi magnæ cuiuſdam vtilitatis cauſa imperium alienum vltro elegiſſe, & ſuę quaſi naturæ legi, vt alienam ferrent,

rēt, renunciassē. Neq; enim, ait *Æsopus*, equus liberē antea vagari solitus, frenum sessorē invenquū, nisi tauri vincendi spe, admisisset. Non itaque existimemus, electos fuisse reges, ut bona multorū sudore parata, in proprios usus converterent: quisque enim sua amat, suāque sequitur. neque, ut publica potentia ad suam libidinem abuterentur: quisque enim ferē potentiores aut odio, aut invidia prosequi solet. At sanē, ut tum singulos à mutuis, tum vniuersos ab externis iniuriis, seu iure dicundo, seu vim vi repellendo, defenderent. Propterea, inquit *Augustinus*, qui aliorum

August. lib. 19 de Cui. Dei, c. 15.

utilitati consulunt, imperare dicuntur, ut viri uxori, parentes filiis: ij verò, quibus consultitur, obedire. etsi qui ita imperant, iis verē inseruiunt, quibus imparare dicuntur: quia, ut ait idem, dominandi cupiditate non imperant, sed officio consulendi; nec principandi superbia, sed providendi misericordia. Seneca verò epistola XC I, Penes sapientes, ait, aureo seculo regnum erat. Hi continebant manus, & inferiores à validiorib. tuebantur. Suadebant, dissuadebantq; & utilia atque inutilia monstrabant. Horum prudentia, ne quid deesset, suis providebat. Fortitudo arcebat pericula, beneficijs angebat ornabatq; subiectos. Officium erat imperare, non regnum. Nemo quantum posset adversus eos, experiebatur, per quos caperet posse, &c. Im-

perare ergo nihil aliud est, quàm consulere: Imperij finis vnicus, populi vtilitas. Imperatorum regumq; officium vnum, vt populo consulant. Regia verò dignitas non est propriè honos, sed onus: nō immunitas, sed munus: non vacatio, sed vocatio: non licentia, sed publica seruitus: quæ ideo honore afficitur, quòd primis illis temporibus molestias illas, nisi honore quasi conditas, vix quisquā degustare voluisset. Vt nihil eo verius sit, qd̃ ille dicere solebat: Si, quantis molestijs diadema regium involutum esset, omnes cognoscerent, qui vel in via repertum capiti imponere vellet, inventum iri neminem. Cùm igitur MÆVM illud, & TVVM, orbem inuasissent, ac de rerum dominio inter ciues, mox verò etiam de finibus inter finitimos bella exorirentur: populus ad vnum aliquem confugere cœpit, qui tū, ne tenuiores à diuitibus: tum, ne vniuersi à finitimis vim paterentur, iustè fortiterq; provideret. Vt verò aut lites, aut bella magis ingruebant, is etiam eligebatur, cuius de fortitudine, aut de industria, magna erat omnium opinio. Itaq; reges olim creati sunt, vt domi ius dicerent, foris verò exercitum ducerent: nec modò hostium excursions, agrorum depopulationes, cæterasq; corporis calamitates depellerent: verùm multò magis flagitia, scelera, vitia arcerent à re publica, aut coercerent: quorum alterum bello,

10, alterum iure perficitur. Id verò ex omnib.
tum sacris, tum prophanis Scriptoribus pla-
num esse potest. Populus Dei primùm Regē
aliū non habebat, quā Deum. Quia enim
in medio Populi versabatur, & responsa inter
Cherubim in grauioribus causis edebat, &
duces belli extra ordinem iudicesq; designa-
bat: vicarijs opus esse apud eos non videba-
tur, qui summi regis præsētia perpetuò frue-
rentur. Ethnici verò, qui tantis beneficijs ca-
rebant, in eum finem reges instituerunt. Itaq;
cum Populus Dei, iniustitiæ filiorum Samue-
lis pertæsus, & senectuti Samuelis minus con-
fidens, regem exemplo cæterarum Gentium,
id est Ethnicorum, postulat: Da nobis, inquit,
regem, qui nos iudicet, qualem cæteræ gen-
tes habent. vbi primum & præcipuum regis
munus attingit. Paulo verò post, vtrumque.
Quin imò habebimus, ait, Regem super nos,
vt cæteræ Gentes. Rex noster nos iudicabit,
& exhibit ante nos, & acies nostras instruet.
At illud semper primo loco, quia ordinarium
& perpetuum est: hoc non nisi extra ordinem,
& vt loquatur, in casu. Hinc Aristoteles, tempo-
ribus Heroicis, reges omnes, iudices & duces
belli fuisse, ait. Lacedæmoniorum verò reges,
suo etiā tempore in exercitū tantum (nec ta-
men sine scyala, id est mandato Ephororū)
absolutē imperasse. Similiter cum Medi per-
effrænem licentiam mutuis sese iniuriis per-

1. Sa m. c. 8.
7. 5. & 101

Arist. in Po-
lia. c. 11. lib. 1.
& 3. lib.

petuò vexarent, Deiocem tandē, cuius in arbitrationibus spectata fuerat iustitia, primum Iudicem, mox & Regem elegerunt, satellitēque ipsi, quo facilius potentiores quosque reprimere posset, attribuerunt. Cicero verò omnes olim Reges fruendæ iustitiæ causa cōstitutos fuisse, ait, eandēq; omnino Regum constituendorum, quæ Legū rationem fuisse, quò nempe ius omnibus æquabile foret. Quæ vel ex ipsa vocum vi, in omnibus ferè linguis, manifesta esse possunt. Reges, à regēdo. regēbant enim fines tum publicos, tum priuatos. Imperatores, duces exercitus, Principes, qui primi in acie: vnde principia apud Lium. Græcis βασιλῆς, columina populi, ἀρχαί. Principes, ἡγεμόνες duces exercitus. Hebræis, Iudices, qui & Reges aliquoties in libro Iudicum. Germanis Bönigen/ Reges, siue à fortitudine, siue à prudentia: Hertzogen/ Duces, qui acies educunt: Comites, Gräuen/ quos ex antiquis Alemanorum legibus Iudices fuisse constat. In summa: cūm Ho merus vocat reges ἡγεμόνας, aut describit Agamemnonem, Ἀγαμέμνων βασιλῆα τ' ἄνακτα, κρατίστου τ' ἀρχυμένεω. & Ouidius Erichtheum,

Hom. lib. 1.
Iliad.

Ouid. lib. 6.
Metam.

Iustitiā dubium, validisne potentior armis exactissimè duobus verbis, regum omnium principumque officium definiisse videntur. Hæc de Ethnicorum regibus, quorum quidem exemplo Iudæi reges & petiuerunt, &
con-

constituerunt. Itaque Regina Saba Salomoni
 dicit, ipsum à Deo constitutum esse, ut iudi-
 cium & iustitiam faciat. Ipse verò: Tu me Do- ^{2 Chro. 9}
 mine elegisti in Regem populi tui, & iudicem ^{ver. 8.}
 filiorum filiarumque tuarum. Propterea boni ^{Sapient. 9.}
 reges, quales David, Iosaphat, & cæteri, quia ^{ver. 7.}
 omnibus ius ipsi dicere non potuissent, (etsi
 in grauioribus causis, ut è Samuele apparet, ^{2 Sam. 15}
 supremum sibi iudicium recipiebant) nil pri- ^{ver. 2.}
 us, neque antiquius habuerunt, quam ut iudi-
 ces bonos, & peritos vbique locorum cõsti- ^{1. Chro. 23.}
 tueret, remque iudiciariam sollicitè curaret, ^{2. 4. & c. 26}
 seque gladio magis ad ciues impios coercere ^{ver. 29.}
 dos, quam ad hostes arcèdos, accinctos esse ^{2. Chron. 2.}
 putauerunt. In summa: Princeps, ait Aposto. ^{19. ver. 1.}
 lus, est minister Dei, in bonum & commo- ^{Rom. 13.}
 dum subditorum institutus, gladioque tuens
 dis bonis aduersus improbos accinctus; cui
 in eam rem incumbenti honor debetur, Cum
 itaque reges in cõmodum subditorum à Deo
 instituti, & à Populo constituti sint, commo-
 dum verò illud duabus maximè in rebus cer-
 natur: iustitia inter ciues, fortitudine aduer-
 sus hostes: eum sanè principem, qui suæ tan-
 tum vtilitati, libidiniue inseruit, qui iura om-
 nia negligit & pervertit, qui in Populum quo
 vis hoste sæuior & truculentior est, Tyrannū
 propriè dici posse: quæ verò ita administren-
 tur imperia, vt cumq; lata sint, non nisi magna
 latrocinia esse, consequitur.

August. lib.

4. c. 4. & 6.

de Cini.

Dei.

Firmum præ-

stat Rex Le-

gi.

Cicer. lib. 2.

Off.

Hic nobis ulterius paulò progrediendum est: an etenim Rex, quia iuri dicundo præest, ex arbitrio suo ius dicet? Rēxne, inquam, à lege, an Lex à rege pendebit? Philonidas: *ἡ δὲ δαίμων οὐ δίδωκε νόμον, πρὸς τὸς πολιτικούς δι' αὐτὴν ἀνδράσιν ἐξείρε, καὶ δὲ δίκην αὐτῶν ἐπιτιμῶσαι καὶ ποῖν.* Responderet Pausanias Spartanus vnico verbo: Legibus in homines, non hominibus in Leges auctoritatem convenire. Quin & Agesilaus ipse Spartæ rex, Imperatorem Legum imperata facere oportere affirmat. Verum est, quòd rem ipsam altiusculè reperiamus. Certè cum Populus ius æquabile quæreret, id si ab vno iusto & bono viro cōsequebatur, eo contentus erat. At quia vix id fieri poterat, & raro contingebat: sæpè verò, dum arbitria Regum, legum instar essent, eueniebat, vt alia alijs loquerentur: Leges tam, quæ cum omnibus vna eademq/voce loquuntur, à prudentioribus, & cæteris Magistratibus proximè inventæ fuerunt. Regibus verò id præcipuè muneris commendatum, vt legum custodes, ministri & conseruatores essent. Interdum etiam, quia lex in omnem eventum prospicere non potuerat, quædam ex eadem æquitate naturali supplerent. Ne verò legi vim facerent, optimates, de quibus antea, subindere gibis à Populo adiuncti fuerunt. Itaque est quòd reges legi ipsi pareant, eamque tanquam reginam agnoscant, & impotētiam illam mul-

lie-

liebrein magis, quàm potentiàm, de qua Satyricus :

Sic volo, sic iubeo, sit pro ratione voluntas, *Iuvenalis.*
 à se alienissimam esse debere putent. Nec verò
 eò se minus imperare sentiant, quòd legi ob-
 sequatur. Cum enim lex quoddam quali or-
 ganum sit, diuinitus datum, quo societates
 humanæ regantur optimè, & ad beatum fi-
 nē dirigantur; perinde ridiculi fuerint reges,
 qui legi obsequi turpe duxerint, ac Geometra
 foret, qui regula, gnomone, cæterisque
 organis, quæ à peritissimis quibusque ad
 agri mentionē adhibere solent, vti ab surdum
 & indecorum putaret: aut nauta, qui phan-
 tasia sua ducē, temerè errare & vagari, quàm
 ad versoriam, seu pixidem nauticā cursum
 navis rectè dirigere mallet. Quis verò ambi-
 gat, quin legi, quàm regi parère, id est homi-
 ni, vtilius & honestius sit? Lex est boni regis
 anima: per hanc mouetur, sentit, viuit. Rex
 Legis organū, & quasi corpus, p quod illa suas
 vires exèrit, sua munera obit, sua sensa eloqui-
 tur. Animæ verò, quàm corpori, parère, iu-
 stius est. Lex est multorum prudētum in v-
 num collecta ratio & sapientia. Plures autem
 oculatiores & perspicaciores sunt, quàm vnus.
 Tutius itaque est Legem, quàm hominem,
 quantumvis perspicacem, ducem sequi. Lex
 est ratio siue mēs, ab omni perturbatione va-
 lua, non ira, non cupiditate, non odio, non

studio mouetur, non precibus, non minis
 flectitur. Homo contra, quantumvis rationis
 particeps sit, ira, vindicta, alioue subinde ap-
 petitu vincitur, rapiturque. & ita variis affe-
 ctibus perturbatur, vt sui ipse compos nō sit:
 nempe, quia ex appetitu & ratione constat,
 quin hic interdum vincat, fieri nequit. Itaque
 Valentinianus, imperator bonus alioqui, quia
 duas vxores simul habere voluit, idē iungulis
 lege permisit. Cambyfes Cyri filius, nuptias
 cum germana sorore, quia sororem deperibat,
 licitas esse voluit. Chabades Persarum rex, &
 adulteriorū poenā sustulit: Tales verō subinde
 leges expectamus oportet, si legem regi subio-
 ctam esse volumus. Denique lex est mens, vel
 potius mentiū congregata multitudo: mens
 verō diuinę aurę particula, vt qui legi parēt,
 Deo parere, Deumque arbitrum quodam-
 modo facere videatur. Contra verō, quia ho-
 mo ex mente diuina, & anima illa belluina
 constans, sibi sæpe non constat, sæpe demen-
 tat & insanit; cū verō ita afficitur, non iam
 homo, sed bellua est: qui Regi parere mauult,
 quā Legi: belluæ, quā dei imperium malle
 videtur. Itaque, ait Aristoteles, Alexandri li-
 cet præceptor, Diuinitatem cum nulla re ap-
 prius, quā cum antiqua lege Societatis hu-
 manæ bene constitutæ conferre queas. Est
 qui Reipub. præficit, Deum præficit: qui ho-
 minem, verē belluam. Quō etiam propheta
 alludere

*Aristot. lib.
 de Mundo,
 et lib. 3. Po-
 litic. 7.*

alludere videntur, qui immania illa imperia, belluarum rapacium nomine passim depingunt. An non verò plane bellua erit, qui cæcum, quàm oculatum; amentem, quàm mentis compotem; belluam, quàm Deum, ducem sequi malit? Inde verò factum est, inquit idem, ut cum primis temporibus reges absolutè imperarent, quorum arbitrium lex erat, paulo post inter politiores & ciuiliores passim legitimi fierent, id est, Legibus seruandis custodiendisque obligarentur: absolutè verò illa potestas, penes Barbarorum reges tantum maneret. Et eam quidem tyrannidi proximam idem ille vocat, tyrannidemque absolutè vocasset, ni à belluis illis spontè recepta fuisset. At non est forrè regium, dices, voluntatem legibus alligatam habere. Imò, inquam, nil magis regium, quàm legum vinculis coercere libidinem. Miserum est, non facere omnia, quæ velis: miserius verò, velle, quod non licet: miserrimum, posse facere, quod ita velis. Videor mihi audire Durionium Tribunum plebis, adversus legem Sumptuariam his verbis intercedentem: Frēni sunt iniecti vobis, Quirites, alligati & constricti estis durissimo seruitutis vinculo. Perit libertas. Lex data est vobis, quæ vos frugi esse iubet. Quid verò opus est libertate, si volentibus luxu perire, nō licet? Idem ferè hodie reges plerique regumque adulescentes: Perit regia dignitas, nisi res

Cic. lib. 2.
off.

gnū nobis perdere liceat. Perierunt reges, si
leges conseruantur. Miserum fortē est viuere,
nī quotiescunque insania vexaris, tibi manus
conscire conceditur. Quid enim, quæso, aliud
faciunt reges, qui legibus vim faciunt, sine
quibus nulla vnquam non modō imperia, ve-
rū etiam latrocinia consistere potuerunt.
Valeant ergo Aulicorum assentatorum impia
nugamenta, qui reges numina, regum respō-
sa oracula vocant; nec verō verentur regibus
suadere, nil per se iustum esse, sed vt rex ita vel
secus iusserit, iustum iniustumve fieri; quasi
deus ipse sit, qui peccare nullo modo possit.
Certē iustū est, quicquid Deus vult, eō tan-
tū, quia vult. At quidquid rex vult, iustū
prius esse debet, quā ipse velit. Neque e-
nim quid iustum est, quia rex sanxit: sed ius-
tus est rex, qui quæ per se iusta sunt, sancta
esse iubet. Itaque non dicemus, quod Anaxar-
chus Alexandro, de Clyti, quem interfecerat,
nece vehementer anxio: Themīn atque Iusti-
tiam assidere regi, non secus ac Ioui, quæ
quicquid ei cordi fuerit, confestim sanciant.
Quin potius regnis præsidere, quæ, si reges
legum maiestatem violent, lædantve, pœnas
ab illis grauissimas reposcat. Non, quod Thra-
symachus ille Chalcedonius, Principum vti-
litate & libidine ius omne definiri: quin imō
Principum vtilitatem iure terminari, libi-
dinē legibus coerceri. Non, quod mater An-
tonine

Tonino Caracallæ, quod libet, licere: verum;
 quod per leges licet, collibescere debere. Non
 denique, quod ipse Caracalla, Imperatores
 leges dare, non accipere. Quin potius in om- *Reges à Po-*
 nibus regnis bene constitutis, regem à popu- *pulo leges*
 lo leges, quas tueatur, quasque intueatur, ac- *accipiunt.*
 cipere. quod si quid cōtra eas, in ius earum frau-
 dem faciat, iniustum iudicari. Hæc exemplis
 demonstrari possunt. Antequam rex esset in *Deut. 17.*
 Israele, Deus illi Legē per Moſem præſcripſe-
 rat, tum Sacram, tū Ciuilem, quam perpetuò
 ante oculos haberet. Vbi verò Saul electus est,
 & à populo constitutus, Samuel eam ipsi de-
 scriptā tradit, quā diligenter custodiat, nec
 prius cæteri reges, quā in ipsius verba iura-
 ti, recipiuntur. Ritus verò erat hic, vt vnā *1. Sam. c. 18*
 cum diademate testimonium (quod Legem *ver. 25. &*
 Dei doctissimi quique interpretantur) regū *passim.*
 capiti imponeretur. Cyrus, si quis leges patri-
 as rūpere tentet, tanquā legum custos, legibus
 auxiliū promittit, seque, cum inauguratur, iis- *1. Chro. c. 12.*
 dem colendis obnoxium facit, vtcumque *ver. 3.*
 Cambyſi, filio Cyri, adulatōres quidvis licere *2. Reg. c. 11.*
 obstreperent. Reges Spartæ, quos legitimos *ver. 17.*
 vocat Aristoteles, iureiurando singulis mensi- *9. 12.*
 bus renouari solito, Ephoris regni nomine *Xenoph. li.*
 stipulantibus, se iuxta Leges patriæ à Lycur- *8. Pædias.*
 go latas, regnatos iurabant. Hinc Archida- *Xenoph. de*
 mus, Zeuxidami filius, rogatus, quanam es- *Reb. Laced.*
 sent Spartanę ciuitatis præfecti? Leges, ait, &

legitimi magistratus. Ne verò leges contemptui essent, diuinitus inspiratas, vel potius à deo ipso cœlitus acceptas iactabant, quò non ab hominibus homines, sed à Deo Op. Maximo se iudicari putarent. Ægyptiorum reges omnià agebant iuxta Legum decreta, sequè legibus parendo beatos fore profitebantur. Romulus Romanum regnũ instituens, cũ Senatu ita paciscitur, vt Populus Leges ferat, ipse ne rumpantur, provideat, legumque custos habeatur, Antiochus III. Asiæ rex, omni-
bus regni sui vrbibus scripsit: Si quid in literis, quę eius nomine scriberentur, legibus repugnaret, crederet, se ignaro scriptas fuisse, & propterea non parerent. Etsi verò Iureconsulti quidã dicunt, Cæsare Octavianũ Senatus decreto solutũ fuisse legibus, Theodosius tamen, & omnes iusti Imperatores sese legibus alligatos esse professi sunt, ne, quod vi extortum fuerat, iuris locũ haberet. Nimirũ armis & potentia Cæsaris prostrata respublica, nil aliud poterat liberè dicere, nisi se libertatem amisisse. Quia verò Cæsarem, Tyrannum nominare non audebat, legibus solutum, quod idem erat, ac planè exlegem prædicabat. Idem verò ius in omnib. orbis Christiani benè moris imperiis perpetuò obtinuit. Neque enim Imperator, Rex Franciæ, reges Hispaniæ, Angliæ, Poloniæ, Hungariæ, & omnes omnino legitimi principes, Archidux Austriæ, Dux

Barbantiq,

Dionys. Halic. lib. I.

Brabantia, Comites Flandria, Hollandia, & reliqui prius in principatū recipiuntur, quā Electoribus, Palatinis, Patriciis, Paribus, Optimatibus, Baronibus, se secundum leges patrias ius cuique suum reddituros, promiserint. Et hæc quidē adeo, ut provinciarū, imō ne urbiū singularū quidē municipalia iura, in consulis provinciis municipiisve ipsis, vllatenus immutare possint. Sin fecerint, non minus crimen Maiestatis in leges committant, quā populus in ipsos, si secundum leges imperantibus parere recusent. In summa: Principes legitimi, leges à Populo accipiant, diadema verò, honoris sceptrū, potestatis insigne, ut & acceptas tueatur, & ex earum præcipuē tutela gloriam sibi quærant.

Quid ergo est? An non licebit principi novas leges ferre, veteresve abrogare? Sanè, quia regis est, advertere non modò, nequid contra, inque fraudem legū fiat: verū etiam, ne quid in ipsis desit, aut redundet, ne vetustate obsolescant, ne obliuione sepeliantur: si quid abrogandū, surrogandū, derogandū putabit populū, populive Optimates aut Ordinarios, aut extra ordinē convocatos admonēbit, legemque rogabit. At sanè non prius iubebit, quā ab iisdem ritè expensa comprobataque fuerit. Vbi verò iusserit, nō est amplius pœnitentia locus, eidem omnino parere tenetur. Quia enim plus exempla, quā verba mo-

*An princeps
novas leges
ferre possit.*

nent; quā tulerit, ipse ferat oportet, cū frustra sanè & iniquè quodāmodo Princeps à subditis postulare videatur, vt leges curèt, qui quas custodire tenetur, ipse negligit. Neq. n. reges à subditis impunitate, sed equitate & iustitia differre cōuenit. Propterea Augustus, etsi decreto Senatus legib. solutus dicebatur; cū adolefcētē reprehēderet, quod in legē Iulīā de adulteriis peccaret; ac ille eādē ab Augusto, qui legē tulisset, violari obiiceret, erratum agnouit, ac prae mœrore cibo abstinuit. Adeò nil magis naturę conuenit, quàm vt, quod verbo doces, exemplo ipse doceas. Solebat legislator Solon leges conferre cum numismatis, quia illę societatem hominum, vt hęc cōmercium conseruant. nec ineptè, Quod si verò semel probata mutare, aut extenuare reges iure non possunt, absque Reip. consensu; an non multo minus leges figere & refigere, sine quibus neque reges, neque homines vsquam esse possunt, sed ferarū instar, aut per syluas vagantur, aut in antris delitescunt. Itaque in imperio Germanico, si quam legem necessariam esse putet Imperator, rogat primū in Comitibus. Si probatur: Principes, Barones, Ciui-ratum legati subsignant, ac demū lex rata esse solet. Iurat verò, se & leges latas seruaturum, & nouas non nisi de cōmuni consensu, vllas laturū. In regno Polonico lex est, ne vllæ nouę constitutiones fiant, præterquam de pu-

b. lico

*Demosth.
Orat. cōtra
Timocratiē.*

*Innoc. 3. ad
Regē Tar-
rac. in c.
quando
de iurain-
randa.*

*Renouata
anno 1454.
1538.*

blico consensu, aut alibi, quàm in Comitibus
In Francico, vbi tamen amplissima vulgò cen-
setur regum authoritas, ferebantur olim Le-
ges in trium Ordinum conventu, regione con-
silio ambulatorio. Ex quo verò Parlamentum
statarium est, frustra sunt omnia regum edicta,
ni Senatus ille comprobet, cū tamen Senatus
seu Parlamenti Aresta, si lex desit, legis vim
passim obtineant. Et in Anglico, Hispanico,
Hungarico, & cæteris idem iuris est, vt & in
antiquis quoque fuit. Etenim si à legum con-
seruatione regna pendent, leges verò ipsæ ab
homuncionis libidine : an non certissimum
est, nullius vnquam imperij statum stabilem
futurum? An non, si quod quibusdam accidit,
aut continenter, aut per intervalla mente ti-
tubet : regnum etiam titubare, breuique ruere
necesse erit? Quod si verò, vt ostendimus, le-
ges regibus potiores sunt, si reges legibus, vt
serui dominis, parere tenentur, quis non legi,
quàm regi parere malit? quis regi legem vio-
lanti obsequatur? quis violatæ auxilium fer-
re recuset? Iam cum Princeps legum domi-
nus minimè sit, in aliis quatenus dominus
cenferi debeat, videndum est. Adulatorum
aulicorum axioma percelebre est, Principes
in subditos eam, quam domini olim in seruos
potestatem, vitæ, inquam, & necis habere.
Adeo verò istis nugis principibus imposue-
runt, vt plerique, et si ea scuitia non vtantur,

*An princeps
vitæ necisq;
potestatem
in subditos
habeat.*

non eo minus tamen sibi licere putent, sed de
 suo iure quodammodo cedere videantur. Di-
 cimus verò nos contrà, Principē tamquā legis
 ministrum & executorem, in eos tantum,
 quos Lex iusserit, gladiū stringere posse. Sin
 fecerit, non regem amplius, sed tyrannum,
 non iudicem, sed prædonem; non legis custo-
 dem, sed violatorem esse. Hic considerandum
 est in primis certissimum totius huiusce dis-
 putationis fundamentum, quo reges utilita-
 tis publicæ causa constitutos fuisse statuimus.
 Eo enim posito tota lis finita est. Quid enim?
 An regem quæsisse homines verisimile est, qui
 quotiescumque collibitum esset, quos vellet,
 temerè necare posset? qui, ut ira vindictæ
 corriperetur, obvios quosque ad mortē rape-
 ret? qui, in linguæ acie, ut inquit Sapiens, mor-
 tem circumferret? Minimè omnium. Nemo
 est, qui salutem suā ab alieno arbitrio ultro
 pendere velit, vix quisquam amico, vix fratri
 vitam suam concedere auit. Multò minus
 itaq; extraneo, quamvis præstantissimo, cum
 Athamas in filios, Ajax in amicos, æmulatio-
 ne, odio, furore correptus interdum desui-
 at. Sin verò quilibet, ut vitam suam diligit,
 ita maximè cōseruatam cupit, quam, quæso,
 securitatem putes, si mucro tenui de filo su-
 spensus, cervici tuæ perpetuò immincat? quas
 dapes non fastidias, si iste metus adsit? Quod
 verò tenuius filum deligere queas, quam si
 he-

homuncioni in dies, in horas, in momenta mutari solito, millies quotidie frænum rationis, vt variis perturbationibus rapitur, excutienti, vitam, salutemque tuam commiseris? Quæ, quæso, spes hunc metum, quæ utilitas hoc damnû periculûmque compensare vlllo pacto queat? In nocentes ergo tantû, quos Legis vox damnarit, gladium stringere possunt. An nō verò fortè, quia vitæ causa fauorabiliore est, quos lex damnarit, absoluerè saltem rex poterit? Nihilò sanè magis. Quid enim? Grassatores, prædones, sicarios, raptores, veneficos, magos fortè, & alias humani generis pestes, quod tyrannos passim fecisse legimus, & facere etiam nû videmus, præpostera ista clementia foueret. Itaque quod vnum lex violata perfugium habet, Asylû sceleratorum omniû foret. Qui vindicando sceleri gladium à Lege acceperit, scelus ipsum aduersus legem armaret: lupos denique in ouile accerseret, qui arcessere deberet. At certè, quia interdum ea accidere possunt, in quibus lex muta, lege loquente, legis ratio, regis oratione, quasi interprete, opus habet, cum quis nempe in legis verba magis, quàm in ipsius sententiam incidit, licebit regi, ne summum ius summa iniuria fiat, adhibita in consilium ratione, quæ legis anima ipsa est, Legem interpretari: nimium, quia, quod ex Legis sententia est, ex lege ipsa esse indicatur. Ne tamè perturbatio

*L. nominis
et rei. h. ver-
bum ex le-
ge. D. de
ver. signif.*

vlla sedē rationis occupet, inconsultis Sapi-
entibus, quod Alexandrum Senerum impe-
ratorem Romanum solitum facere legimus,
nil planē definiendum putabit. Hoc modo
homicidam quidem seuerē puniet: ei tamen
indulgebit, qui excussa ē manibus securi, tran-
seuntem fortē aliquē occiderit. Grassatorem
morte mulctabit: qui grassatorē, vim vi re-
pellendo, interfecerit, absoluet. In cæteris
denique casum à dolo, bonam fidem à stricto
iure, quodā quasi boni viri arbitrio distinguet;
dolo, aut malę fidei nunquam patrociniabitur.
Nec verò propterea minus poterit clementia
nomen assequi. Clementior certē est pastor,
qui lupum necat, quàm qui seruat: rex, qui
fontem carnifici tradit, quàm qui eripit. Si ne-
cas, vnus nece innocentes multos morti eri-
pis: sin parcis, quia & istum sua impunitate,
& alios paris impunitatis spe ad quodvis sce-
lus patrandum audaciores facis, innocuos
postea innumeros illorū manibus interficis,
nempe quosdam necare, clementia est: quos-
dam seruare, crudelitas. Itaque vt regi, tan-
quam custodi Legis, verba, interpretari inter-
dum licet; ita & Senatui, in omnibus regnis
bene constitutis, iniunctum est, & ex officio
conuenit, tum interpretationem regis exa-
minare, tum etiam eiusdem seueritati clemen-
tię uē modum adhibere. Quòd si verò homi-
nū corruptela factum est, vt hæc minus re
ipsa

ipsa obseruentur, idem tamen perpetuò ius est, quod in libertatem vindicari oportet. Ne plura exempla in re tã manifesta accumulemus, in Francico regno ita obseruatum fuit. Quos enim rex absoluerat, capite plecti quos occisos voluerat, absolui sepe vidimus. Interdum etiam scelera, teste rege commissa, impunita fuerunt: quia plures testes non succurrebant. quod sub Henrico II. in cuiusdam extranei, grauissimi criminis à rege ipso accusati, persona accidit. Cùm quis verò reus amicorum precibus veniam à rege impetrauit, Cancellarius, causa cognita, recusare potest. Sin & hîc conuiuet, ad iudices nihilominus veniat oportet. qui quidem non modò, an obreptitia venia sit, sed etiam an ciuilis & legitima diligenter examinare debent. Reus verò, qui codicillos illos veniales impetrauit, non prius iis vti & niti potest, quàm sese coram iudicibus stiterit capite aperto, genibus flexis, carcerèsque vltro subierit, interim dum causæ, quæ regem impulerunt, pensitantur. Hæ si minus idoneæ sunt, mulctatur reus, perinde ac si rex non condonarit. Si contrà, est sanè, quòd non regi, sed legi eîsq; æquitati, vitam acceptã ferat. Hæc partim, ne reges aut priuata odia, publica potentia freti, exerceant, aut publicas iniurias authoritate propria remittant: partim etiam, ne subditi reges aduersus leges exorari possent.

*Subditi
sunt regis
fratres, non
serui.*

Deu. 17.



*1. Chr. c. 28.
Bartol in
tract. de re-
gim. Cinit.*

*Cic. lib. 2.
off.*

purent, rectissime instituta fuerunt. Quæ si
hoc sæculo malè obseruatur, manet tamè id
perpetuò ratum, quod dicimus, Leges in re-
gni incolas, vitæ necisque potestatem habere,
non reges, qui legum tantum ministri & cu-
stodes sunt. Enim verò subditi regis serui,
vt vulgò dicitur, minimè sunt. neque enim
aut bello capti sunt, aut precio empti. Quin
potius, vt vniuersi domini, quod antea pro-
bauimus, ita singuli fratrum, seu agnatorum &
consanguineorum loco censendi sunt. Ne quis
miretur: hæc est vox Dei, legem regibus præ-
scribentis: Ne cor suum super fratres suos ex-
tollant, è quorum medio delecti sunt. & qua Bar-
tolus ipse, licet in sæculo tyrannorum feraci-
natus, non veretur elicere, subditos non esse
regis seruos, sed fratres, & fratrum loco & cõ-
ditione etiã habendos. Itaque Dauidem sub-
ditos eo nomine compellare non pudet. Prisci
verò reges vocabantur Abimelech, quod He-
braicè sonat Pater meus rex. Nimirum Deus
opt. maximus, cuius quotidie clemẽtiam, rarò
seueritatẽ, etsi iustissimam, semperque cum
misericordia coniunctam experimur, Principes
vicarios suos docere voluit, non metu, sed
amore subditos retinendos esse. Nec verò no-
bis ipsi succenseant, quasi eo pacto quid regie
dominationi detrahatur. Verè eò amplior est,
quò diuturnior. Malus verò, inquit ille, diu-
turnitatis custos metus, cum oderint, quem
metu.

metuant: & quem quisque odit, perijſſe expectat. At contrà, cùm ad opes tuendas nil aptius ſit, quàm diligi, benevolentia vel ad perpetuitatem fidelis eſt. Itaque qui ſubditos ſſatrum loco habet, in medijs periculis tutus videatur: qui ſervorum, in eo metu verſetur neceſſe eſt, in quo procul dubio dominus eſſet, qui in medio ſervorum agmine, ſolus in aliqua ſylva relinqueretur. Quot enim quis ſervos, tot & hoſtes habet. quod omnes ferè tyranni, à ſubditis cæſi, experti ſunt: cùm bonorum regum contrà ſubditi non minus de illorum, quàm de propria ſalute ſoliciti ſint. Huc pertinet, quod paſſim apud Ariſtotelem legitur, & ab Agasicle rege Spartæ pronunciatum fuit, Reges imperare tanquam patres filijs, tyrannos tanquam dominos ſervis. Quod ita accipiendum eſt, vt patriam poteſtatem, non in atrocitate, ſed in pietate, vt ait Martianus Iuriſconſultus, conſiſtere intelligamus. Quod enim ſub glandibus obtinuit, vt patri filium mancipare & occidere impunè liceret, non modò inter Chriſtianos locum non habet, ſed inter Ethnicos bene moratos etiam erga ſervos iam pridem obſolevit. Itaque & pater inauditum filium occidere nequit, quin in Corneliæ deſicarijs incidat: & lege Pompeiæ de parricidijs, non minus tenetur pater, qui filium, quàm filius, qui patrem occiderit: adeo vt Hadrianus imperator patrem, qui filium ſuū

Plato lib. 3.
de Repub.
Seneca.

Aliud eſt
ſervare, aliud obedi-
re: aliud in-
berias, aliud licentia.

L. r. D. de
parricidijs.

L. 2. ad leg.
Corn. de ſi-
car. vbi
ſup. leg. 1.
C. de parricid.

Ecclesiast. 33
Cic. lib. 3
Off.
Diod. Sic.
lib. 2. c. 2.

L. I. D. de
his, qui sunt
frei vel al.
iuris.

in venatione necauerat, quia nouercâ adq̃lterare dicebatur, tanquã latronem, in insulam deportari iusserit. Ad seruos verò quod attinet, admonemur in Sacris literis, eos tanquã fratres tractare: in prophanis, saltẽ vt mercenarios quosque iure verò ciuili tum Ægyptiorum, tũ Romanorum, ex Antoninorum constitutione, non secus in eum, qui propriũ seruum occiderit, pœna dicitur, quã qui alienum. Quin & seruus, cui dominus ægrotanti non prospexerit, quẽmve esurire patiatur, liberatur eius potestate: & libertus, cui patronus atrocẽ iniuriã intulerit, potest actionem criminis ei intendere. Quòd si verò longẽ interest inter seruos & filios, inter dominos & patres, nec tamen olim apud Ethnicos dominis in seruos sœuire licuit: quid, queso, de eo patre dicemus, qui cum Atreo tragicè exclamabit, Natis sepulchram ipse esse parens: de eo principe, qui subditorum inauditorum cæde adeò recreatur, vt aliquot milia vno die interficiat, qui cruore nunquam satiatur, qui Caligulæ, qui propterea orbis Phaeton vocitabatur, exemplo, vnã populò cœuicẽ, quam vnico ictu amputare possit, subinde exoptat? An non aduersus hanc rabiem legis auxilium implorare, & eum gladium, quem legi custodiendæ, tuendisquẽ bonis acceptum, in bonorum necẽ, legisquẽ contempum stringit, tanquam tyranno extorquerẽ

torquere licebit?

Sequitur iam, ut videamus, si minus vitæ, *An omnia*
 an bonorum saltem dominus dici possit? ac *fini Regis*
 primum in bonis cuiusque privatis dispicien-
 dum est. Nulla ferè hodie in principum Co-
 mitatu vox crebrior est, quàm eorum, qui re-
 gis omnia esse, dicunt. Itaque quod ipse à sub-
 ditis capiat, non auferre, verùm quod non au-
 ferat, utendum donare: adeoque peruasit hæc
 opinio quorundam principum mentes, ut
 miseros subditos, non secus ac boues arato-
 rios, quicquid arent, quicquid terant, sibi ara-
 re terereq; dicere non vereantur. Et quidem
 ita ex facto sese habet, etsi ius planè contrariū
 sit. Meminerimus hic perpetuò, Reges in utrius-
 litatem populi creatos esse, & qui populi com-
 modis student, reges, qui suis, quod ait Aristo-
 teles, tyrannos verè censei. Cùm igitur sua
 quisque amet, plerique etiam aliena appetât,
 an verisimile est homines aliquem quæsiuis-
 se, cui omnia sua magno labore conquesta, ul-
 trò donarent: an potius, qui, ut sua cuiq; di-
 viti æquè ac pauperi constarent, operam da-
 ret: qui sibi cuncta attribueret, an potius, qui
 sua cuique æquabili iure tribueret? qui tan-
 quam facus inutilis, apud labores exhauriret,
 an potius, qui mella conservaret: qui denique
 propria cuiusque invaderet: an qui ne ab ho-
 stibus invaderentur, prospiceret? Qui, quæ-
 so, mea refert, dicat Agricola, hostis, an rex

mea mihi rapiat, si æquè fame pereo? peregrinus, an ciuis horreum meum evertat, cellâ exhauriat, domum diruat, si æquè esurio, cõtabesco, compluor? barbati militis, an Romani manu cadam, si æquè occido? Cur hostis, dicet ille, barbarus, si tu ciuis? Cur tyrannus ille, si tu rex? Imò verò quò homicidio parricidiũ grauius est, eò scelus regis scelere hostiũ in paridamno superat. Quòd si verò homines regem creando sua quique regibus non donarunt, sed conseruanda commendarunt quo tandem, nisi prædonum titulo, ea sibi vindicare queant? Propterea Pharaones Ægyptiorum, rerum priuatarum cuiusq; ipso iure domini non erant, sed tum demũ fuisse dicuntur, cùm sua quique frumento commutassent. Et si de eius contractus vi disputari fanè & ambigi potest. Non poterat etiam Achaabus rex Israel Nabothum cogere, vt vineam suam venderet, quin potius etiam si voluisset vendere, ex lege diuina non poterat. Impetatores Romani, quorum immensa iactatur authoritas, nibilo plus iuris habuerunt. Hodie verò nullum regnum est, in quo non liceat singulis, etiam vilissimis, aduersus regem apud Iudices ius suũ persequi, ita vt sæpius rex, quã priuatus causa cadat: vbi verò cecidit, legi parere æquè teneatur. Nec obstat, quòd quidam ex imperatorum familiaribus scripsere Iurecili omnia regis esse, Cæsaremque omnia habere

Genes. 45.

1. Reg. 6. 21.

2. venditor.

13. D. de cõ.

præd. diuid.

Seneca lib.

de benef. 7.

16. 4. 5. 6.

bere. Iidem enim suam ita sententiam interpretantur, ut ad reges vniuersorū imperiū pertineat, ad singulos proprietates, omniaque Cæsar imperio, singuli dominio possideant. Scitum verò est illud apud Iureconsultos, non si quis nauem aut domum in vniuersum vindicare potest, idcirco singulas tabulas, vel singulos lapides posse vindicare. Itaque regnū Germaniæ, Franciæ, Angliæ, rex asserere, vindicare, evincere iure poterit: neminem tamen probum, nisi cum manifesta iniuria, proprio iure excludet, quasi idē, qui vniuersorum, singulorū ēt possessor esse debeat, aut iure possit.

*l. nave. 36.
D de exi-
tionibus.*

An verò patrimonij regij, publici, inquā, domini proprietarius dominus est? Hoc lanē caput paulo accuratius nobis tractādū est. Notādū hoc primū, aliud esse fisci, aliud principis patrimonium: alias, inquā, res imperatoris, regis, principis, alias Antonini, Hærici, Philippi. Res regis sunt, quas ipse, ut rex, possidet: res Antonini, quas ut Antoninus. Et illas quidē à populo, has à parentibus accepit. Hæc distinctio in iure Ciuili crebra est, in quo aliud imperij, aliud Cæsaris patrimonium dicitur: alius fiscus Cæsaris, aliud Reip. ærariū; alius Cæsaris, alius fisci imperatorij procurator; alij Comites sacrarum largitionū, alij rerum priuatarum: adeo ut, qui tanquam imperator præfertur priuato in hypotheca, tanquam Antoninus postponi interdum possit. Con-

*An Rex sit
regni. pro-
prietaryus.*

*l. bens à Ze-
none. C. de
quad. pra-
uast.
Mag. lib. 12.
C. l. fisci.*

*D. de iure
sci*

*L. cum fer-
unt. 39. §.
vlt. D. de
leg. 1. l. vlt.
vers. 9. §.
l. seq. C. de
fundo pa-
trimon.*

similiter in imperio Germanico aliæ sunt res Maximiliani Austriaci, aliæ Maximiliani Imperatoris, & alij imperij, alij ipsius quæstores, vt etiam alio iure sunt gentilitiæ principum ditiones, alio, quæ Electoratus dignitatibus annexæ sunt. Quin & alij sunt apud Turcas fundi seu horti patrimoniales Selimi, alij fundi fiscales: & illi quidem in mensam principis, hi in sustentationem Imperij tantum impenduntur. Sunt tamen regni, vt Francicum, Anglicum & cætera, in quibus priuatum patrimonium reges non habent, sed publicum tantum, à populo acceptum: in quibus propterea ea distinctio non adhibetur. Ac quantum ad res priuatas principis, si quæ sunt, attinet non dubium est, quin earum proprietarij sint, non secus ac singuli ciues, qui eas iure ciuili vendere distrahereque parbitrio possint. At certe fisci, regni, patrimonij regalis, quod domanium vulgato vocabulo nuncupatur, proprietarij domini nulla ratione censi possunt. Quid enim? An quia te aliquis pastorem gregis causa fecit, gregem ipsum deglubendum, diuendendum, agendum ferendumque pro libito tradidit? An quia te populus ducem iudicemve vrbs regionisue alicuius constituit, vrbs regionisue alienandæ, vendendæ, perdendæ potestatem fecit? Cum verò populi vnà cum regione fiat alienatio, an sui distrahendi, prostituenendi, mancipandi cui volueris, idcirco tibi authori-

tatem

tatem dedit? Deinde, num regia dignitas possessio est, an potius functio? Si functio, quid cum proprietate commune habet? sin possessio: an non saltem eiusmodi, ut is, a quo traditur, populus sibi perpetuo proprietatem retineat? Denique, si patrimonium fisci, seu domaniū, reipub. dos verè dicitur, & ea quidem dos, cuius distractione, dilapidatione ve & respub. ipsa, & regnum, & rex denique ipse perit: quātē tandem lege dotem istam alienare licebit? Insaturer ergo Vuenceslatus Imperator, insaniat Carolus VI. Galliarum rex, regnumque, aut eius partem Anglis donec vendatve prodigat Malcolmus Scotiarum rex regiones fundos, regiamque gazam exhaust: quid sequetur? Qui regem adversus exterorum impetus elegerunt, regis dementiam serui exterorum fient: qui suis sigillatim opibus ea ratione cauere voluerunt, vniuersi prædæ exponentur: quæ sibi quisque, quæve pupillis, ut in Scotia, ademerit, ut remp. dotaret, leno aliquis abliguriet. Si verò, quod iam sæpius diximus, reges in vsum populi creati sunt: quis tandem vsus erit, si non modò vsus, sed etiā abusus concessus est? Cui bono tot mala, cui utilitati tot damna, totque pericula? Si, inquā, dum libertati meæ incolumitate prospicere volo, memet ipse mātipo, memet ipse vnius libidini expono, memet i cōpedes numellasque induo? Itaque hoc iuris ut na-

tura inſitū, ita & uſu apud omnes ferè gentes comprobatū videmus, vt rempub. regi ſuo arbitratu minnere non liceatisque, qui contraxit, non regem, ſed tyrannum agere cenſetur. Certè cum reges crearentur, aliquas operijs tribuere neceſſe fuit, quibus tum regum decus ſeruarent, tum verò maximè regia onera ſuſtinerent. ita etenim & honeſtas & utilitas poſcere videbatur. Ad munus regum pertinebat, iudices ubique locorum conſtituere, qui munera non caperent, quiq̃ ius venale non proſtituerent, præterea vim, quæ iuri, ſi quando opus eſſet, opem ferret, præſtò habere, tutas vias, tutum cōmercium præſtare, &c. Sin bellum metueretur, aduerſus hoſtes vi-
bes præſidio munire, valloq̃ cingere, exercitum alere, armamentaria inſtruere. Scitum verò eſt illud, neque pacem abſque bello, neque bellum abſque milite, neque militem abſque ſtipendio, neque ſtipendium abſque tributo conſiſtere poſſe. Ad pacis itaque onera ſuſtinenda, inſtitutum fuit domanium; (qui apud Iureconſultos Canon vocitatur) ad belli, tributum; ita tamén, vt ſi quid grauius ingrueret, extra ordinem indiſtio ſuccurreret. Quorum quidem omnium finis eſt, utilitas Reipubl. vt qui in priuatam ea convertat, regia nomine planè indignus ſit. Eſt enim Princeps, ait Pualus, Dei miniſter in bonum populi, eiq̃ vt in id incumbat, tributa & vectigalia

galia persoluuntur. Et verè omnia ferè olim hanc originem habuisse videntur vectigalia Romanorum, vt tutè essent merces pretiosæ, ex India, Arabia, Æthiopia advehi solitè, aduersus pyratikas incursiones, quarum causa clas sis publicè instruebatur. quo in genere erat vectigal maris Rubri, Pedatica, Nauigia, Por- *Plin. lib. 39.* toria & cætera, vt viæ publicæ, quæ propte- *c. 4.* rea Prætoris, Cõsulares, Regiæ vocabantur, tutè à latronibus planèque & faciles præsta- *Archid. in* rentur. quod etiamnũ onus regio cognitori *Can. si quis* incubuit, vt Pontes publici restaurarentur, vt *Romipetas* ex constitutione Ludouici Pij, duodecim su- *& peregr.* per Sequanã, vt naues traiiciendis fluminibus *24. q. 3. Bal.* præstò essent, &c. Salinarum vectigalia nulla *in c. 1. h. cõ-* erant, imò plerumq; in priuatorum dominio erant; *nenticula,* quia quæ natura vltro dabat, nõ magis, quàm *de pace in-* lux, aura, profluens vèdi posse videbatur. Cũq; *re iur. fir.* rex quidã Lycurgus nomine, in Asia minore, *l. 2. D. ne* salinis vectigal imponere cœpisset, quasi na- *quid in loco* tura suã liberalitatem restringi nõ patiente, *publ. via-* derepentè exaruisse dicuntur. Et si verò ho- *rum.* *l. magis pu-* *10. D. de re-* *bus eorum.*

Si quid Palpburio, si credimus Armillato,
Quicquid cõspiculi pulchrumq; ex æquore toto est,
Res fisci est, vbicunq; natat. Qui primus
 tamen hoc vectigal Romæ instituit, Liuius
 Censor, vnde Salinatoris cognomen adeptus
 est, ob necessitatem reip. præsentissimam fe-
 cit. In Gallia verò Philippus Longus ob ean-

Inuenalis.

1. Reg. 9 &
12. c.
Poffell. lib.
3. de rep.
Thyr.

dem causam, in quinquennium tantum obti-
nerat, cuius continuatio quos motus pepe-
rerit, nemo nescit. Tributa denique in belli-
ca stipendia instituta fuisse, vel ex eo apparet,
quod stipendiariam & tributariam Prouin-
ciam facere, idem re ipsa sit. Sic Salomon tri-
buta imperat muniendis vrbibus, & armam-
tario publico instruendo, quibus propterea,
ijs confectis, populus sub Roboam leuari cu-
pit. Turcæ verò ipsi tributum provinciarū,
Sacrum populi sanguinem appellant, quem
profundere, aut alio, quàm ad populum de-
fendendum, convertere, sit nefas. Itaque quæ-
cumque rex bello acquirit vrbis gentium,
quia communibus opibus acquirit, populo
acquirat, non sibi, quasi seruus institor domi-
no. Quin etiam si quid per matrimonium for-
tè adipiscitur, (quod, inquā, purè simplici-
tèrque vxoris sit) regno acquiri putatur: quia
præsumitur non eam ipsam vxorem ducere,
quatenus Philippus, aut Carolus est: sed qua-
tenus rex. Contrà verò, vt Reginæ partem ha-
bent eorum, quæ mariti nondum in regnū
cooptati, acquisiuerunt constante matrimo-
nio, ita eorū quæ post regnum adeptū, nullam
planè: quia publicis opibus, non priuatis re-
gis nūmis parta censentur. quod in regno
Francico inter Philippū Valesium & Iohannā
Burgundam vxorem iudicatum fuit. Ne verò
pecuniæ in alium vsum extorqueantur, iurat
Imperator

Imperator, se nulla, nisi conventus publici
 auctoritate vectigalia impositurum, tributā,
 ve indicturum. Idem reges Poloniæ, Hunga-
 riæ, Daniæ, Angliæ consimiliter, ex Leg. Edu-
 ardi primi. Francorum reges olim in trium
 Ordinum conventu vectigalia imperabant.
 Vnde etiā est lex Philippi Valesij, ne collectæ
 indicantur, nisi summa necessitate urgente,
 deque trium Ordinū consensu. Quin & olim
 collectæ illæ in arcis per singulas dioceses
 recondebantur, selectisque viris (Electos etiā
 num vocant) custodiendæ tradebantur, qui-
 bus militibus oppidatim conscriptis per eos
 eundē manus stipendia numerarentur. quod
 & in aliis regionibus, vtpotā Belgicis, fieri
 solebat. Hodie saltem, ni Senatus cōsentiat,
 rata nō sunt, quæcunque imporentur. Sunt
 verò quædam provinciæ, quæ non nisi de Or-
 dinum consensu, ex pacto tenentur, vt Lin-
 guadocana, Britānica, Provincia, Delphina-
 tus & cæteræ quædam: vt & in Belgio planè
 omnes. Denique ne fiscus, quo tanquam liene-
 tumente, cætera membra contabescunt, om-
 nia ad se rapiat: suum vbiq; locorum fisco
 demensum tribuitur. Cū itaque tandem
 constet, quæ regibus ordinariè aut extra or-
 dinē tribuuntur, tributa, vectigalia, doma-
 niumq; adeò quod vocatur, vniuersum,
 (quo nomine Portoria, isagogica, exagogica,
 regalia, bona ἀναφορμῆτα, caduca, commissā,

& cætera huiusmodi comprehendimus) in populi vtilitatem & defensionem, regniq̃ue sustentamentum attributa fuisse: & ita quidẽ, vt iis nervis succisis, populum labascere: iis subrutis fundamentis, regnũ corruere necesse sit: sequitur sanẽ, eum, qui in dispendium populi, populum onerat, qui ẽ publico damno lucrum captat, ipsumq̃ue adeo proprio gladio iugulat, regem non esse: contra, verum regem, vt publicorum negotiorum curatorem: ita & publicarum opum administratorem, non autem proprietarium dominum esse, qui quidem domanium regium non magis, quàm regnum ipsum alienare, aut dissipare possit. Quod si verò aliter se gesserit, sanẽ si reipublicæ interest, vt quisque sua propriaque re bene vtatur, multo magis, vt re publica quis bene vtatur, reipublicæ interest. Ac propterea si dominus, qui sua prodigit, ad agnatos & gentiles authoritate publica deducitur, suisq̃ue rebus abstinere cogitur: multo sanẽ æquius curator Reipubl. qui rempubl. in publicam perniciem convertit, aut funditus evertit, ab iis, quorum interest, quibûsque ex officio convenit, omni administratione, ni admonitus desinat, spoliari poterit. Quod autẽ rex in omnib. legitimis imperiis, patrimonij regij proprietarius dominus non sit, facile est ostensu. Ne antiquissima illa sæcula petamus, quorum imaginem habemus in persona regis

Hethæ.

Hethæorum Ephron, qui ne agrum quidem suum, inconsulto populo, Abrahamo vendere audet. In omnibus imperrils id iuris hodie usurpatur. Imperator Germaniæ, antequam coronetur, sanctè iurat, se ex his, quæ ad Imperium imperiique patrimonium pertinent, nihil alienaturum, distracturum, oppignera-
 turumve. Si quid verò recuperet, aut acqui-
 rat viribus publicis, Imperio, non sibi quæsi-
 tum iri. Itaque cum Carolus quartus, ut Vuen-
 ceslaus filius designaretur imperator, Electo-
 rum cuique centum coronatorum millia pol-
 licitus, quia pecuniam in numero non ha-
 bebat, illis eo nomine telonia, vectigalia im-
 perialia, oppida, proprietates & iura, pignoris
 titulo obligasset: acerrima dissertatio coorta
 est, & plerique oppignerationē irritā esse ius-
 dicarunt. quæ sanè nō valuisset, nisi iis ipsis,
 qui imperium tueri debebant, eamq; oppig-
 nationem imprimis oppugnare, quæstiosa
 fuisset. Propterea verò Vuenceslaus ipse co-
 actus est tanquam incapax, sese Imperio ab-
 dicare, quòd regalia iura, ducatus præsertim
 Mediolanensis, sibi eripi passus esset. In regno
 Polonico lex vetusta est, de non alienandis
 terris regni Poloniæ, renouata Cl. CCC.
 LXXV. per regem Ludouicum. Est eadem in
 Hungarico. vnde legimus, Andream Panno-
 niæ regem circa annum Cl. CC. XXI. apud
 Honorium terciū Pontificem postulatum fu-

Genes. 2.

Sleid. lib. i.
 & Bulla
 aurea.

L. I. & pas-
 sim, c. de cō.
 re. alien.

Nancler. in
 Chron.
 Genes. 46.

c. intellecto.
 de iur. iur.

do, in De-
cretal.

Polydor. Vir-
gil.

In Cod.

Hispa. par.

q. 1. Con-

sist. 9.

isse, quòd neglecto iureiurando, dominica
prædia distraxisset. In Anglico, lege Eduardi,
anno Cl. CCXC VIII. In Hispanico pariter
ex constitutione sub Alfonso facta, renouata
demum Cl. I. LX. in Toletanis comitiis,
quæ quidem leges sancitæ fuerunt, cum longo
antè tempore cõsuetudo vim legis obtinuis-
set. At certè in Francico, in quo, tanquã cæte-
rorum exemplari, diutius hæreo, hoc ius per-
petuò sacrosanctum erat. Lex est regni anti-
quissima, Iura, inquam, cum ipso regno nata,
de dominio non alienando, anno Cl. I. LXVI. etsi malè obseruetur, renouata. Exci-
piuntur tantum duo casus, Panagiũ siue Ap-
pennagium (alimenta) liberis fratribusve at-
tribuendum ita tamen, vt ius clientelare per-
petuò retineatur. deinde, si necessitas bellica
postulet, cū pacto tamen redhibitorio. Quod
interim vtrumque, irritum olim censebatur,
ni triũ Ordinum conventus iussisset: hodie
verò, ex quo Parlamentum statarium factum
est, ni Senatus Lutetianus, qui Senatus Paris-
um est, & Camera ratiociniorum publicorum
comprobarint, & præfecti fisci etiam, edicto
Caroli VI. & IX. Vsq̃ue adeò verò hoc verum
est, vt si quam Ecclesiam prisci Galliæ reges
dotare vellent, etsi ea tum causa fauorabilis
in primis videbatur, optimatum consensum
adhibere tenerentur. vt exemplo esse potest
Childebertus rex, qui absque Francorum &
Neustra-

Papen. Ar-
stor. lib. 1.
m. 20. 25. 4

h. 11. & 16.
legis regia
l. 1. 1566.

Simoi. &
cat.

Simoi.
lib. 4. c. 41.

Neustrasiorum consensu monasterium diui
 Vincentij Parisiensis dotare ausus non fuit,
 vt neque Clodoueus II. & cæteri. Quin ne re-
 galia quidem, aut ius nominandi prelatos cui-
 quam Ecclesiæ remittere possunt. Si qui verò
 fecerunt, vt in gratiam Senonensis Ecclesiæ
 Ludouicus XI. Altisiodorensis Philippus
 quartus; Niuernensis Philippus Augustus,
 Senatus, irritum pronunciauit. In hanc legē
 rex Francorum Rhemis inaugurandus iurat:
 quam si violet, perinde valeat, ac si de Turcico
 Persicoue imperio contrahat. Hinc Constitu-
 tiones, siue, vt vocant, statuta Philippi Sexti,
 Ioannis Secundi, Caroli Quinti, Sexti, Octa-
 ui, de revocandis iis, quæ per maiores suos
 alienata fuerant. Hinc rescissæ in Turonico
 trium Ordinum conventu, cui Carolus VIII.
 intererat, Ludoici vndecimi patris, alienatio-
 nes pleræque, & hæredibus ablata, quæ Tan-
 credo Castellano, de ipso bene merito, pro-
 pria autoritate donarat, oppida. Quod & in
 postremo trium Ordinū conventu Aureliæ
 habito, denuò sancitum fuit. Hæc de fundis
 publicis. At quò regnum Regi præferri evi-
 dentiùs appareat, eumque, quam à populo
 accepit maiestatem, priuata autoritate mi-
 nuere non posse neminē suo imperio exime-
 re potest, neque vlla regni in parte, summi
 imperij iure cedere. Conatus est aliquando
 Carolus Magnus, Francicum regnū Germa-

L. pers. 69.
 h. pradium.
 D. de leg. 2.

Anno 1329.
 1360. 1374.
 1401. 1483.

Anno 1483.
 1522. 1531.
 1549. An-
 stis etiam
 Curia.

Anno 1510.

Paulus Aq.
 mil. lib. 3.

nico imperio subiicere. Franci verò, verba faciente Vascone quodam principe, aciter resisterunt. Ac res ad arma prolapsa fuisset, si Carolus ulterius perrexisset. Consimiliter, cum pars aliqua regni Francici, Anglis tradita fuit, summum ius perpetuò ferè exceptum fuit. Si quando verò vis extorsit, vt foedere Britiniaco, quo rex Ioannes, in Vasconia & Pictonibus summo iure celsit: neque pactum seruauit rex, neque magis potuit aut debuit seruare, quàm tutor curatòrve captiuus, vt tū ille erat: qui vt se redimeret, bona pupillorū obligaret. Eodem iure Senatus Lutetianus foedus Confluentinum rescidit, quo Carolus Burgundus Ambianum & vicinas vrbes regi extorserat: nostro etiam tempore Madritianum pactum, inter Franciscum primum captiuum, & Carolum quintum Imperat. de Ducatu Burgundia. Caroli sexti verò donatio regni Franciæ mortis causa, in Henricum Angliæ regem collata, summæ ipsius insanie argumentū, si alia desint idoneū esse potest. Vt autē alia omittam, quæ in hanc rem dici possent, quo iure tādē regnum regniue partem vllā donare aut vendere rex possit: cum illa in populo, non in mœnibus consistāt: liberorū verò hominū non sit cōmercium. cum neli bertos quidem patroni cogere possint, vt alio loco, quàm illis placeat, domicilium suum ponant. Maximè verò, cum non serui, sed fratres

Anno 1195.

1200. 1269.

1297. 1303.

1325. 1330.

Anno 1360.

Anno 1465.

& 1525.

Anno 1420

Monstrelet,

s. 225.

L. liber ha-

me. 103. D.

de verb. ob-

lig. l. si emp-

tor. 34. §. 1.

D. de contr.

empti. l. pe-

tres; nec fratres modo regis singuli sint, sed *nulli. C. de*
vniuersi domini regni dici debeant. *oper. libert.*

An verò, si minus regni proprietarius *An Rex sit*
rex est, regni saltem domanique usufructuarius *Regni us-*
dici potest? Sanè ne usufructuarius qui *fructuarius.*
dem. Fructuarius pignori dare potest. Dixi-
mus verò, reges fisci patrimonium oppigne-
rare non posse. Fructuarius de fructu donare
suo arbitrio potest. Regis contra dona im-
mensa, irrita censentur: impensæ non neces-
sariæ rescinduntur, superflue rescantur: quod
in alium, quam in publicum vsum conuer-
rit, rapuisse censetur. Nec verò minus lege
Cincia tenetur, quam priuatus ciuis apud Ro-
manos quilibet: in Gallia præsertim, absque
Camera ratiociniorum, quam vocant, con-
sensu, nulla dona valent. Hinc Camera ordi-
narie sub prodigis regibus annotationes:
Trop donne, soit repeté; id est, immensa est
hæc donatio, itaque repetatur. Hæc eadem
verò, quaecumque tandem rescriptum a re-
ge accipiat, se nil, quod regno rei que publicæ
damnosum sit, admissuram sanctè iurat: etsi
certè parum sanctè obseruat. Fructuarius de-
nique, quo modo fructibus suis vtatur frus-
turque, lex non curat. Regi còtrà, quo modo,
& in quem vsum iis vti debeat, lex præscribit.
Itaque prisca Gallie reges, dominicos redditus
quadrifariam partiri tenebantur. Pars vna
impendebatur in sustentationem ministro-

*Monstre-
tus in Ca-
pulo 6.*

rum Ecclesiarum, & inopum : altera, in mensarii principis : tertia, in familiarium stipendium : postrema in refectionem arcium, pontium, ædiūque regiarum. Residuum si quod erat, in ærario reponebatur. Qui verò motus anno circiter Clj. CCCC. XII. in Lutetiano triū Ordinū conventu fuerint, quòd Carolus VI. in suam libidinem, suorumve, omnia conver- tisset, quòdque domesticę rationes, quę antea nonaginta quatuor Francicorum numorum millia non excefferant, in tam misero reipu- blicę statu, ad quingentorū quadraginta Fran- cicorum millia excreuissent : ex Hittoriis satis constat. Vt autem dominici redditus ita im- pendebantur, ita & oblationes seu auxilia in bellum, vt & indictiones seu talez in militum stipendia tantū destinatz erant. In ceteris re- gnis nihilo sanè plus authoritatis rex haberi : imò in plerisque minus. vt in Imperio Ger- manico & Polonico. Hoc verò ideo in Frank- cico probare volumus ita se habere, ne, quòd quis plus iniurię audeat, eò plus etiam iuris habere putetur. In summa, quod antè dixi- mus, regis nomen non hæreditatem, non pro- prietate, non vsumfructum, sed functionē & procuracionem sonat. Vt Episcopus ad ani- mę, rex ad corporis curam salutemq; (in iis, quę ad bona publica attinent) institutus est : vt ille bonorum sacrorum, hic profanorum dispensator est : &, quem ille in Episcopalibus, hic

*In Concil.
Valent. in
c. l. de his,
quę fiunt à*

hic in dominicis prædiis potestatem, & nihilo
 maiorem habet: prædiorum Episcopaliū,
 absque consensu capituli, alienatio non valet:
 Vt nec dominicorum, absque concilio publi-
 co, optimatumve senatu: fructuum sacro-
 rum pars vna ædificiis, altera pauperibus, ter-
 tia sodalibus, quarta Episcopo ipsi dicatur: i-
 dem verò ferme in redditibus regni dispensan-
 dis regem præstare debere videmus. Non ob-
 stat, quod hodie passim contra vsurpetur. Et-
 enim non, quod Episcopi plerique pauperi-
 bus tollant, quæ in lenones profundant, aut
 prædia omnia nemoraque vastent, officium
 Episcoporum vllatenus immutatum est. Nō,
 quod imperatores nonnulli omnimodam po-
 testatem sibi tribuerunt. neque enim quisquā
 in sua causa iudex esse potest. Quod si verò
 Caracalla aliquis dixit: quādiu gladius super-
 esset, pecuniam non defuturam, aderit & Ha-
 drianus Cæsar, qui dicat, se sic gesturum prin-
 cipatum, vt sciat rem populi esse, non suam.
 quod vñum ferè regem à tyranno distinguit.
 Non, quod Attalus Pergamenorum rex, po-
 pulum Romanum, regni heredem instituerit:
 quod Alexander Ægypti, Prolemæus Cyre-
 norum regnum, populo Romano, aut Prasu-
 tagus Icenorum Cæsari legauerint. Ista sanè
 magna vis, iuris vim debilitare non potest:
 imò, quò maior est, eò minus ius nostrum læ-
 dit. Quæ etenim Romani, iuris prætextu ca-

*prælati ab-
 sque cons.
 Capis.*

*Florus lib. 2.
 Liniol. 70
 Tacitus
 lib. 14*

*Volater lib.
Geogr. 3.*

*1. Reg. c. 9.
2. Chro. c. 8.*

*l. 2. §. ius
reip. D. de
de admini-
strat. rer.
ad ciuit.
pers. l. tutor,
27. D. de ad
min. tutor.*

piebant, si is prætextus defuisset, nihilominus
vi occupassent. Videmus verò nostro serè tē-
pore, Venetos, imaginariæ cuiusdam adoptio-
nis prætextu, quæ absque vi ridicula planè
fuisset, regnum Cypri occupasse. Non obitat
quoque donatio Constantini in Syluestrem
Pontificem, ista enim palea Gratiani iamprī-
dem exoleuit, ignique damnata est. Non dona-
tio Ludouici Pij in Paschalem, Romę nempe,
cū parte Italię, quia enim donabat Pius, quæ
non possidebat, nemo restitit. At Carolo pa-
tri, Francorum regnum imperio Germanico
subdere volenti, Francoi iure restiterunt; &, si
perrexisset, vi resistere parabant. Non, quod
Salomonem Hiram regi Tyri, viginti oppi-
da tradidisse legimus. neque enim ea dona-
uit, sed creditori in solutum tradidit, ac intra
certum tempus recuperauit. quod ex ipso
textu liquet. Erant verò præterea fundi steri-
les, à reliquiis Gentium culti, quos ab Hira-
mo receptos Isrælitis demum excolendos in-
colendosque dedit. Nihilo magis obstare po-
test, quòd in quibusdam forè regnis ea pactio
inter regem & populum nō ita disertè interce-
dat. Etenim vt ea etiā nulla sit, constat tamen
iure naturæ, reges reipubl. non eversores, sed
moderatores esse, ius reipublicę suis pactio-
bus mutare non posse; dominos tantū, cū
pupillis prospiciunt, non secus ac tutores ha-
beri; dominum verò eum non censerī, qui ci-
uita.

uitatem libertate spoliat, & mancipij instar
divendit. Non denique, quòd quædam regna
sint à regibus ipsis parta. quia enim non suis,
sed publicis manibus, viribus, opibus regna
acquirunt; nil verò magis rationi consenta-
neum est, quàm vt ea, quæ publicis opibus, &
communibus ciuium periculis parta sunt, abs-
que communi consilio non alienentur; quod
& inter ipsos prædones obtinet. Societatem
humanam dirimit, qui contrà facit. Itaque et si
imperium Germanicum Franci, iidemque Gal-
licum regnum vi occuparint; id tamen iuris
in utroque obtinet. In summa: statuamus tan-
dem oportet, reges patrimonij regij non pro-
prietarios, non fructuarios, sed administra-
tores tantum esse: cumque ita sit, multò sanè
minus, aut rerum priuatarum cuiusque, aut
rerum publicarum, quæ ad singula municipia
pertinent, proprietatem, vsum fructumve
sibi tribuere posse.

Hic tamen nobis, antequam vltèrius pro-
grediamur, scrupulus eximendus est. Cùm
Populus Israeliticus regem postulasset, dixit
Deus Samueli: Audi vocem populi: verum
significa ei primùm, quodnam sit futurum ius
Regis, qui regnabit super eos. Tum verò Sa-
muel hoc Regis ius futurum inter alia exposuit,
vt agros, vineas, oliueta, cuiusque capiat, quæ
ministris suis donet, res cuiusque priuatas in
suum vsum convertat: denique ipsos in ser-

l. si fund.
h. si insora
D. depositi,
& expres-
sio. Extra-
vag. de re
iudic. ca. c.
intellecto.

l. 2. & passim,
C. de inuic. c. m.
rer. alienant.

l. Sam. 6.
9. v. 14.

uitutem redigat. Mirum verò, quanti hunc
 textum Aulici nostri faciant: qui aliàs vni-
 uersam Scripturam ludibrio habent. Vult hic
 Deus Opt. Max. populo Israelitico ipſus le-
 nitatem ostendere. qui cùm Deum ipsum præ-
 sentem haberet, qui iudices, ducēsque belli,
 quotiescunque rogabatur, pios & probos ipsi
 eligeret, lubricum tamen hominicionis, in ho-
 ras mutari soliti, quàm Dei immortalis im-
 mutabile imperium mallet. Indicat itaq; illis,
 quàm lubrico in loco sit rex constitutus, quàm
 procliuius virium in violentiam lapsus, quàm
 præceps regni in tyrannidem mutatio. Regem
 etenim, quē ei tradat, gladium in ipsos strictu-
 rum, sua potestate præposterè vsurum, ius in
 vi omne positurum. Hoc verò, quod vltro si-
 bi accersant malū, tum demum sensuros, cùm
 remedio locus non fuerit. Denique non quod
 sit ius regum, sed quod ius sibi reges tribuere
 soleant: non quid facere ex officio debeant,
 sed quid plerumque ex maleficio vsurpent,
 hoc in textu describitur. Id autem ex Deu-
 teronomio XVII. capite, quo Deus Legem re-
 gibus præscribit, manifestè liquet. Hic dicit
 Samuel, Regem subditos loco seruorum ha-
 biturum: illic præcipit Deus, ne cor suū super
 fratres extollat, ne inquam, in subditos, quos
 consanguineorum loco habere tenetur, inso-
 leſcat. Hic, currus fabricaturum, equites in-
 structurum, propria cuiusque inuasurum di-
 citur.

Deuter. 17.

est: illic, ne equos cōgreget, ne aurū argentum
 ſe accumulet, ne populum in Ægyptum, id
 eſt, in ſeruitutem reducat, monetur. Hic Acha
 bus depingitur, qui Nabothi vineam ſcelere
 acquirit: illic David, qui ne aquam quidem
 periculo ſuorum hauſtam, bibere iuſtum pu-
 tat: hīc prædicit Samuel, Regem, quem iuri
 cuſtodiendo poſtularint, exlegem futurum:
 illic contrā Deus, Legem ſuam regi per ſa-
 cerdotes tradi iubet, quam deſcribat, perpē-
 tuoque ante oculos habeat. Itaq; Samuel ip-
 ſe ſacerdos ſummus, Legem ipſam regiam,
 quæ Deuter. XVII. extat, Sauli in volumine
 deſcriptam tradit. quod certē minimē feciſſet,
 ſi eandē violare ius fuiſſet. In ſumma: perindē
 eſt, ac ſi dixiſſet Samuel: Petiſtiſtis regem ex
 emplo cæterarum gentium, pleriq; verò ſunt
 tyranni. Regem, qui vobis ius diceret: pleri-
 que verò quicquid velint, ſibi licere arbitra-
 tur. Interim tamen Deū, cuius ipſa voluntas
 iuſtitię regula eſt, vltro deſeritis. Extat autem
 apud Herodotū Hiſtoria, è qua facilē cogno-
 ſcitur, quā procliuiſ ſit regni in tyrānidē
 mutatio, cuius Samuel populum admonitum
 volebat. Deioces propter inſignem iuſtitię
 commendationem à Medis index primū eli-
 gitur: mox, vt, ſi qui iuri reſiſterent, eos com-
 peſcere poſſet, cum idonea poteſtate rex con-
 ſtituitur. Tum ſatellites petit, dein arcem Ec-
 batanam, adverſus contumacium iniuriasſi-

1. Reg. c. 27.

2. Sam. c. 23.

ver. 16.

Herod. lib.

bi extrui curat : demum in propriis iniuriis vel minimis vlciscendis totus est: ad extremum verò regis vultum intueri, regis in conspectu ridere, aut spueri, crimen indicatur. Vique adeo periculosum est, impotenti animo, qualis est plerorumque hominum, nimiam potentiam concedere. Non ergo docet eo in loco Samuel, absolutam esse regis potentiam; imò contrà populum, ne dissolutæ hominis impotentiae, nimium potentiae tribuat, admonitum cupit. Non regis vim exaggerat, sed aggere coercendam dicit: non effrenem aliquam licentiam regi concedit: quin potius frenum iniiciendum tacite suadet. Hac verò oratione moti Israelitæ, regum suorum potentiam temperasse videntur: quod & omnes prudentes nationes, siue proprio, siue hoc eodem exemplo, siue etiam alieno periculo edoctæ, sapienter fecerunt, ut ex iis, quæ sequuntur, manifestum erit.

*Fœdus siue
pactum inter
regem & po-
pulum.*

Deuter. 17.

1. Sam. 10.

ver. 25.

2. Sam. c. 4.

ver. 3.

1. Chron. c.

11. ver. 3.

Diximus in constituendo rege duplex fœdus initum fuisse: primum, inter Deum & regem & populum, de quo supra: secundum, inter regem & populum: de quo nobis iam agendum est. Saule rege constituto, traditur ei lex regia, secundum quam imperet. David in Hebron init fœdus coram Domino, id est, Deo teste adhibito, cum omnibus senioribus Israel, qui vniuersum populum representabant: tunc verò demum in regem vngitur. Ioas quoque

cum vniuerso populo terræ, in domo Domi-
ni, Ioiada summo sacerdote verbis præeunte.
Impositum verò dicitur ei vnà cum diadema-
te testimonium: quod plerique legem Dei,
quæ passim eo nomine vocatur, interpretan-
tur. Cōsimiliter Iosias promittit, se obseruatu-
rum præcepta, testimonia & statuta, in libro
fœderis comprehensa. Quibus nominibus in-
telliguntur leges, quæ tum ad pietatem, tum
ad iusticiam pertinent. Quibus omnibus in lo-
cis dicitur fœdus initum cum vniuerso popu-
lo, vniuersa multitudine, omnibus senioribus,
omnibus hominibus Iudæ: vt intelligamus,
quod etiam sigillatim exprimitur, non modò
principes Tribuum, verùm etiam omnes Chi-
liarchos, Centuriones, magistratúsque inferio-
res adfuisse, vrbium nomine, quæ singulæ per
se cū rege paciscerentur. In eo pacto agebatur
de creando rege. Populus enim regem facies-
bat, nō rex populum. Itaque non dubium est,
quin Populus stipularetur, rex promitteret.
Stipulatoris verò partes in iure potiores cen-
sentur. Stipulabatur ille à rege, an non iustè &
secundum leges regnaturus esset? hic, factu-
rum spondebat. Populus demum se iustè im-
peranti, fideliter obsequuturam respondebat,
Itaque promittebat rex purè, populus sub
conditione: quæ si non impleteretur, populus
ipso iure omni obligatione solutus censere-

2 Reg. c. 11.
ver. 17 & 12.
2 Chron. c. 23
ver. 3
2 Reg. c. 23
ver. 3

tur. In primo fœdere seu pacto, Pietas in obligationem venit: in secundo, Iustitia: illo promittit rex, se piè obediturum Deo: hoc, se iuste imperaturum populo: illo, se gloriam Dei hoc, vtilitatem populi curaturum: in illo inest conditio, Si legem meâ obseruaris, in hoc, Si ius vnicuique suum tribueris. Illius, ni impleatur, Deus propriè vindex est: huius, legitime vniuersus Populus, quiue vniuersû populum tuendum susceperint, regni proceres. In omnibus verò legitimis imperiis ita perpetuò obseruatum fuit. Persæ, sacrificiis ritè peractis, hanc cum Cyro conventionem faciunt: Tu primûm Cyre, si quis Persis bellum faciat, aut leges violet, promittisne auxilium patriæ tuæ, omnibus viribus tuis? Ac vt spondit; Nos Persæ, aiunt illi, vicissim tibi auxilio erimus, si quis tibi patriam tuenti obsequi nolle. Xenophon verò hanc conventionem *συμμαχίας*, id est cōfœderationem vocat, quo modo Isocrates orationem de Officio subditorum erga principem *συμμαχικὸν λόγον*. Inter reges Spartanorum & Ephoros fœdus singulis mensibus renouabatur, etsi illi semper ex Heraclidis erant. Vt verò iurabant reges, se secundum leges patriæ regnatos: ita Ephori, si fecissent, regnum in ipsorum manu stabilituros. Consimiliter in regno Romanorum Romulus cum Senatu & populo hoc pactum facit. Populus leges ferret, ipse rex latas custodiret.

Xenophon
lib. 2. Pæd.

Xenophon
de Repub.
Lacedæm.

Dionys. Ha
q. ar. lib. 1.

custodiret: Bellum populus decerneret, ipse gereret. Et si verò Imperatores plerique ui & ambitu magis, quàm, vlllo iure imperium Romanorum adepti sunt, & lege regia, quam vocant, omnimodam potestatem sibi arrogarunt: quæ tamen extant legis illius fragmenta tū in libris, tum in Romanis inscriptionibus, satis docent, Reipublicæ curandæ & administrandæ, non evertendæ, & per tyrannidem opprimendæ facultatē concessā illis fuisse. Quin & legibus sese teneri, professi sunt boni imperatores, & senatui imperiū acceptum tulerūt, & ad senatū gravissima quæque retulerūt, eoque inconsulto, quidquam, quod ad summam rei pertineret, decernere nefas putarunt. Quod si verò hodierna imperia spectemus, nullum sanè est, quod eo nomine dignum censeatur, in quo inter Principem & subditos pactum eiusmodi non intercedat. In imperio Germanico, nō ita pridem solebat rex Romanorum, in Imperatorem coronandus, fidē & hominum præstare imperio, non secus ac vasallus seniori, cū investituram feudi accipit. Licet verò per Pontifices verba concepta, in quæ iurabat, paulò immutata fuerint, res tamen eadē perpetuò manet. Itaque Carolum V. Austriacum certis legibus & conditionibus in imperatorem cooptatum sci-
mus, vt & alios, qui sequuti sunt, quarum summa erat: Leges latas custoditurum: novas, in-

*Specul. Sa-
xon. lib. 3.
artic. 5 4.*

Stoid. lib.

1. § 2.

consultis Electoribus, non laturum: publica
publico consilio curaturum: nil alienaturum
oppigneraturumve ex iis, quæ ad imperium
pertinent, & cætera, quæ sigillatim ab Histo-
riographis recensentur. Cum verò imperator
Aquisgrani coronatur, Coloniasis Archie-
piscopus stipulatur primum, An non sit Ecce-
siam defensurus, iustitiam administraturus,
imperium conseruaturus, viduas, orphanos,
omnesque omnino miseratione dignos pro-
tecturus? Quod ubi solenniter ante aram iu-
rauit, rogantur principes, quique imperium
representant, an ipsi eidem promittere velint.
Nec verò prius aut vngitur, aut gladium, rei
publ. defendendæ nomine, aliave imperij in-
signia accipit, quàm iusiurandum illud præ-
stiterit. Ex quo sanè manifestum est, impera-
torem purè, principes imperij sub conditio-
ne obligari. In regno Polonico quin idem ob-
seruetur, dubitabit nemo, qui ritum in Hen-
rici Andegauensis electione coronationeque
nuper admodum obseruatum intellexerit. In
primis cum conditio de vtraque religione, tū
Euangelica, tū Romana, conseruanda appo-
sita fuit, quam conceptis verbis ter stipulan-
tibus proceribus, ter spondit. In Hunga-
rico, Bohemico & cæteris, quæ recensere lon-
gū esset, idē planè fit. Nec verò tantū, ubi ele-
ctionis ius integrum hætenus mansit, verū
etiā ubi successio mera vulgò obtinere puta-
tur,

tur, eadem prorsus stipulatio intervenire so-
let. Rex Franciæ quando inauguratur, rogant
primùm Laudunensis & Bellouacensis Pares
Ecclesiastici, populū, qui adest, vniuersum,
cūmne regem esse cupiat iubeátque? vnde
etiā à populo tum eligi in ipsa inaugurationis
formula dicitur. Vbi populus cōsensisse vide-
tur, iurat, se leges Franciæ priuilegiāq; ac iu-
ra in vniuersum omnia tuiturum, domanium
non alienaturum, & cætera, quæ etsi interpo-
lata fuerunt, & longè diuersa ab antiqua for-
mula, quæ extat in Bibliotheca capituli Bello-
uacensis, in quam Philippus primus iurasse
comperitur, nihilo minus tamen disertè satis
exprimuntur. Nec verò prius accingitur gla-
dio, vngitur, coronatur à paribus, (qui & ip-
si corollis ornati sunt) sceptrumque & virgam
iustitiæ accipit, aut rex proclamatur, quàm po-
pulus iusserit: neque etiam prius ei pares iu-
rant, quàm ipsis fidem dederit, se leges accu-
ratè custoditurum. Eæ verò sunt, ne patri-
monium publicum dilapidet, ne vectigalia,
portoria, tributa suo pte arbitrio imponat in-
dicatve, ne bellū decernat, pacēve faciat:
denique, ne quid in publicum, nisi publico
consilio statuat. Item sua senatui, sua Comitibus,
sua regni officiariis constet authoritas, & cæ-
tera, quæ perpetuò in regno Francico obser-
uata fuere. Vbi verò provinciam aliquam, ve-
bēme ingreditur, priuilegia eiusdem confir-

*In Annal.
Burgund.*

mare tenetur, inque eius leges & consuetudines sese sacramento devincit. Quod nominatim apud Tholosates, Delphinates, Armoricos, Provinciales, Rupellanos ipsos obtinetur quorum cum regibus conventiones disertissimæ sunt, quæ frustrâ omnes essent, nisi locum conditionis in contractu tenere censerentur. Extat antiquorum regum Burgundiæ iusiurandum, his verbis: Omnibus legem, iustitiam, maniburgiû, id est tutelam, conservabo. In Anglia, Scotia, Suedia, Dania idê ferè mos est, qui in Francia. At certè nusquam disertius, quàm in Hispania. In Regno enim Aragonico, peractis multis ceremoniis inter eum qui iustitiam Aragonicam, seu publicam maiestatem repræsentat, in sublimiori quodam solio, & regem inaugurandum, qui illi fidem & hominum præstat, lectisquæ legibus & conditionibus, quibus implendis obligatur, his tandem verbis Proceres lingua vernacula regê affantur: Nos, qui tantum valemus, quantum vos, (ita enim fert idioma Hispanicum) & plus possumus, quàm vos, regem vos eligimus, cû his & his conditionibus. Inter vos & nos vnus imperat magis, quàm vos. Ne verò se perfunctoriè tantùm aut consuetudinis antiquæ observandæ causa iurasse putet, tertio quoque anno in publico conventu hæc eadem verba ei repeti solent. Quòd si regia potentia fretus insolescat, leges publicas violet, fidem datam, denique

denique negligat, tum sanè ipso iure, summo
eo anathemate devotus censetur, quo olim
Ecclesia Iulianum imperatorem apostatam
devout. Cuius quidem ea vis est, vt non pro
eo amplius, sed in eum preces concipiantur,
ipsi verò sua fide & obligatione planè soluti
sint, eo iure, quo vasallus seniori excommu-
nicato parère neque ex officio debet, neque
ex sacramento tenetur, quod tum Concilij,
tum Conventus publici apud eos decreto san-
ctum est. Consimiliter in regno Castellæ, Cō-
cilio indioto rex inaugurandus publicè pri-
mum admonetur sui officij, mox perleguntur
conditiones disertissimæ, quæ ad reipublicæ
utilitatem pertinent. Tum iurat rex, se eas di-
ligenter & fideliter obseruaturum. Demum
verò magnus Equitum magister illi sese iure-
iurando adstringit, quem cæteri deinde prin-
cipes ciuitatūque legati suo quique ordine
sequuntur. Quod & in Lusitanico, Legionen-
si, cæterisque Hispaniæ regnis perinde obser-
uatur. Neque verò minores principatus alio
iure instituti fuerunt. Extant Brabantinorum
cæterorumque Belgiz populorum, Austriaco
rum, Carinthiorum & cæterorum cum Prin-
cipibus suis disertissimæ conventiones, quæ
sanè conditionum locū obtinent. Brabantini
verò in primis, ne vili ambiguitati locus dare-
tur, conditionem istam expresserunt. In duce
enim suo inaugurando, conventionibus anti-

*In Concil.
Tolet. 4.
c. 74. & in
Tolet 6.
lib. 2. Fend.
1. 28. §. 1.*

*La ioyensse
enree,*

Ludovicus
Guicciard.

L. I. D. ac
pass. l. non
minorem
30. D. de
transact.

quis, quibus nil ferè ad reipub. conseruationem
deest, coram duce perlectis, ni eas omnes ob-
seruarit, sibi integrum esse alium quemlibet
suo arbitratu eligere, palàm ei disertèque pro-
testantur. Ipse verò tum in eas, accepta con-
ditione vltroque agnita, sese sacramento de-
vincit. Quod etiam postremò in Philippi Hi-
spaniarum regis inauguratione obseruatum
fuit. In summa: inter regem & subditos con-
tractum mutuò obligatorium esse, nemo ne-
gare possit: nempe vt bene imperanti bene
obediatur, qui quidem iureiurando ab illo pri-
mùm, deinde ab his confirmari solet. Quæro
verò hîc, cur iurat aliquis, nisi vt ex animo se
ac seriò loqui ostendat? An verò quidquam
naturæ magis consentaneum est, quàm vt ea,
quæ placuerunt, seruentur? Deinde cur rex
primus iurat, stipulante populo, nisi vt con-
ditionem sive tacitam sive expressam recipi-
at? Cur verò conditio contractui apponitur,
nisi eò tantùm, vt, ni ea impleatur, contractus
ipso iure solutus sit? Quòd si verò conditionis
implendæ defectu contractus ipso iure solu-
tus est, quis periurum populum vocet, qui
regi conditionem, quam implere debuit &
potuit, negligenti, legemque, in quam iuras-
uit, violanti, obsequium deneget? Quis ve-
rò contra eum regem fœdifragum, periurum,
eo beneficio prorsus indignum non censeat?
Etenim si vasallum clientelæ nexu lex liberat,

in

In quem senior feloniam commisit, etsi sane senior fidem propriè non dat vasallo, sed vasallus ipsi: si patronum clienti fraudem facientem lex duodecim Tabularum sacrum esse iubet: si liberto adversus patroni atrocem iniuriam actione ciuilia iura permittunt: si seruum ipsum iis casibus, potestate herili liberant, cum tamen naturalis tantum, non ciuilis obligatio insit: an non multò magis solutus erit populus ea fide, quam regi prestitit, si rex, qui primus ipsi, tanquam domino procurator, solenniter iurauit, fidem fregerit? An non verò etiam si non isti ritus, non ea sacra, non ea sacramenta intervenirent, satis tamen ipsa natura docet, Reges ea conditione à populo constitui, vt bene imperent: iudices, vt ius dicant: duces belli, vt exercitum adversus hostes educant? Quòd si verò scuiunt, iniuriam inferunt, hostes ipsi fiunt, vt reges non sunt, ita nec agnosci à populo debere. Quid si, inquires, populum aliquem vi subactum, in sua verba, iurare princeps coegit? Quid si, inquæ ego, prædo, pyrata, tyrannus, cum quo nulla iuris vllius societas esse censetur, admoto gladio, syngrapham ab aliquo extorserit? An non scitum est, fidem vi elicitam nõ obligare? maxime verò, si contra bonos mores, contra Naturæ ius quidquam promittatur? Quid verò magis cum Natura pugnat, quàm si populus sibi ipse catenas & compedes iniiciat: si iugulum

lib. 2. Fen-
der. 3. 26.
§. 24. & 2.
47.

Diomys. Ha
de. lib. 2.

Cicor. 1. Of.

lum se suum mucroni obiecturum, si manus sibi ipsi se violenter allaturum, principi (quod idem planè est) promiserit? Itaque inter regem & populum mutua obligatio est, quæ sive Civilis, sive Naturalis tantùm sit, sive tacita, sive verbis cõcepta, nullo pacto tolli, nullo iure violari, nulla vi rescindi potest. Cuius quidem tanta vis est, ut princeps, qui eam contumaciter violer, tyrannus; populus, qui ultro rumpat, seditiosus verè dici possit.

Qui sint tyranni.

Iam cùm hætenus regem descriperimus sequitur, ut Tyrannum paulò accuratiùs describamus. Regem eum esse diximus, qui regnũ sive per stirpem, sive per electionem delatum, ritèque commissum, legitimè etiam regit atque gubernat. Eum itaque tyrannum, utpote regi planè contrarium esse, sequitur, qui aut vi malisquæ artibus imperium invasit, aut ultro spontèque delatum regnum contrarius & fas regit, contràque leges & pacta, quibus sese sacrosanctè devinxit. pervicaciter administrat. Quod etiam utrumque in vnum eundemque hominè cadere potest. Ille vulgò dicitur Tyrannus absque titulo, hic Tyrannus exercitio. Potest verò fieri, ut & vi occupatum regnum, iustè, & iure delatum, iniustè quis regat. At certè cùm regnum ius sit magis, quàm hæreditas, & functio, quàm possessio videtur, qui suo munere malè fungitur, quàm qui munus non ritè accepit, eo nomine dignior.

*Arist. c. 10.
lib. 5. Polit.
Aristot. in
tract. de
Tyrannide.*

gnior. Sic Papa malè ingressus, dicitur intru-
sus, malè gubernans, dicitur abvtens. Dice-
bat ille *Ξίρος ἀντὶ δικαίως αὐτὸν μόνον πολίτου, ἀλλὰ καὶ τοῦ συγγεν-
οῦς διαφέρει* Præstat extraneus quivis iustus, nō
modò ciui, verùm & consanguineo. Ita etiam
nobis dicere liceat: Princeps nō ritè constitu-
tus, modò iustus sit, cuius ritè inaugurato,
qui iniustè gubernet, longissimè præstat. Cū
etenim reges pascēdo, iudicando, curando po-
pulo sint instituti: malo sanè me fur pascat,
quàm pastor devoret: malo mihi prædo ius
dicat, quàm iudex vim faciat: malo me em-
piricus curet, quàm medicus ritè infusus
veneno interimat: malo falsus tutor mea bo-
na bene administret, quàm legitimus dilapi-
det. Deinde utcumque illum ambitio sollici-
ter, videri possit quodammodo vim primò fe-
cisse, ut postea iustitiam exerceret, ut Cyrus,
Alexander, Romani, qui victis plerumque
autonomiam & immunitates privilegiâque
concedebant: cū hic sanè eò tantum, ut in-
iustè regnet, ius suum iactare videatur, quod
hodie non modò Moschi, Turcæque, verùm &
Christiani principes permulti faciunt. Itaque
illorum factum tractu temporis interdū con-
ualescit: horum quò senescit magis, eò dete-
rius evadit. Quòd si verò, ait Augustinus, sunt
illa regna, magna tantum latrocinia, in quibus
iustitia locum non habet: sunt in eo quidem
pares, quòd uterque latro, uterque prædo, uter

Pythagoras

*Xenophon,
Plutarchus
in Alexan.
in Aemilio,
Caesare.
Suetonius
in Caesare,
6.75.*

*August. lib.
4. de Civit.
Dei, c. 4.*

que iniustus possessor est, cum sanè non minus fur iniustus possessor sit, qui rem alienam invito domino capir, quàm qui oblata male vritur. At eius certè longè grauius flagitium est, qui interimendum, quàm qui conseruandum cepit: eius, inquam, qui vano titulo fructus, iniustè quàm qui eo titulo planè destitutus, iustè tamen regnum vi occupatum gubernat. Iam verò & Tyranni absque titulo, differre inter se possunt. Sunt enim qui fines alienos ambitiosè invadunt, quales Nimbrodus, Ninus, Chananæi, vt suos dilatent. Iam etsi inter suos reges dicantur, in illos tamen, quos vltro nec lacelessiti invadunt, tyrannidè exercent. Sunt qui, regnum suffragiis deferri solitum adepti, hæreditarium fraude, ambitu corruptela aliisue artibus facere conantur, quorum exempla non longè petenda forent: qui sanè eò peiores illis existunt, quò fraud, quàm vis odiosior, ait Cicero, esse debet. Sunt qui nefando parricidio patriam ipsi invadunt, ac viperarum instar, matrem in ipso enixu viscerant, quales qui duces belli creati à populo, rempublicam invadunt, vt Cæsar Romæ Dictaturæ prætextu, ac plerique Italici principes. Sunt & fœminæ, quæ regna legibus patriis masculis tantùm deferri solita, occupant, eorumve administrationem ad se rapiunt: vt Athalia Iudaici, Semyramis Assyriæ, Agrippina Romani imperij sub Nerone filia

Mammea sub Alexandro Seueros; Semiamira
sub Heliogabalo; Brunechildes aliquot Fræ-
cici regni. Quæ quidem impuberes filios ita
educari curabât, vt puberes facti voluptati-
bus tantùm indulgerent; itaque omnium re-
rum potestas penes eas tantùm earumve ser-
uos, ministros & proagogos remaneret. Sunt
denique ij, qui desidia, ignauia, luxu, legiti-
morum alioqui principum abvtentes, ipsosq;
voluptatibus, delicijsque inelcantes, quales
sub Gallicis præsertim Merouingijs quidam
Maiores palatij ob illa egregia ministeria cre-
ati, regiam authoritatem ad se totam trans-
ferant, nudumque nomē regibus relinquunt.
Qui quidem omnes eius generis sunt, vt quā-
vis ceteroquin iustè gubernarent, eo tamen
ipso, quod iurisdictionem illam prædonum
tātum iure habent, meritò tamen tyranni sine
titulo censerì possint. Iam Tyranni exercitio
qui dicantur, non tam facile, ac, quinam verè
reges, definire possis. Etenim quia illis libido,
his ratio imperat; & hæc quidem ipsa sibi suos
limites præscribit, illa verò contrà nullis finis
bus circumscribi potest; quod sit propriè re-
gum ius, facile; quæ verò, quantæque tyran-
norum iniuriæ, difficulter admodum expli-
cari queat. nimirum, vt rectum vniforme atq;
vnicum est; obliquum contrà varium & mul-
tiplex; ita ius simplex est, & paucis verbis ex-
plicabile, cùm iniuriæ nullis casibus definiri

possint, quin perpetuò plures omittantur, quàm explicètur. Et si verò certę regulę sunt, quibus eos si non depingere, saltē vt agnoscī possint, aptē delineare queas: nulla tamen certior, quàm si artes tyrannicas cum regijs virtutibus actionibusque contuleris. Tyrannus eminentes in segete spicas demetit; prius mores reipub. dolo, fraude, calumnijs opprimit; conspirationes in se initas subinde, quò citius eos è medio tollat, comminiscitur, vt Tiberius, Maximinus & cæteri: denique, ne consanguineis quidē ac fratribus parcat: Rex contrā, non fratres modò quasi consortes agnoscit: verum etiam optimates omnes fratrum loco habet, ijsque dignitatem suam acceptam ferre non veretur. Tyrannus adversus nobiles, ignobiles & quasi terre filios extollit; qui quòd sua omnia ipsi debeant, quibuslibet in rebus adulentur & inseruiant: Rex vnum quemque in suo gradu tuetur, Proceres tanquam regni amicos fouet, ijsque non minus, quàm sibi consultum cupit. Tyrannus viros graues & iustos odio prosequitur, suspectosque habet, ac ne qui tales evadant, omni arte curat; quia verò nō prius se tutū putat, quàm omnium mores corruperit, popinas, ganeas, lupanaria, ludos, vt Cyrus domandis Sardis, instituit. Rex cōtrā viros bonos vnde quaq; accersit, inuitat, inuitos ad se trahit; ne verò desint, literarios ludos aperit, gymnasia instituit, semina

gia virtutū vbiq; locorū excolit. Tyrānus con-
gregationes publicas, quantum in se est, aut
vitat, aut tollit, convētus Ordinum, Comitia,
diētas reformidat, ac vespertilionis instar lu-
cem hominum refugit; quin & colloquia, ser-
mones gestusq; subditorum suspecta habet:
Rex, quia teste cælo viuit, in multitudine Se-
natorum gloriatur, ijsq; inconsultis nil agē-
dum patat: nec modò eos conventus non ve-
retur, verum reveretur in primis & honorat.
Tyrannus subditos inter se collidit, factiones
in rep. serit, fouet & alit; vnus ope alteram
delet, ac superstitem tandem opprimit, ex eo-
que tanquam vlcere, quod perfidi chirurgi so-
lent, lacrum perpetuū captat; denique, quod
Vitellius ille, olere hostem mortuum, præ-
sertim ciuem, dicere non veretur, aut saltem
sentit: Rex pacem inter subditos, vt pater con-
cordiam inter liberos, conseruat, rixarum se-
mina suffocat, cicatricem quamcitissimè ob-
ducit, ne rebellium quidem cædem absque
lachrymis audire potest. Itaque quos hic ad
versus hostium impetus tuetur & defendit
ille, quovis hoste perniciosior, proprium mu-
cronem in sua viscera vt adigant, cogit. Ty-
rannus exteros in præsijs collocat, arces ad-
versus ciues extruit, populum exarmat & ar-
ce expellit, barbaris & stigmaticis satelliti-
bus circūstipatur, ac locustas & delatores in
subditos, tanquam exploratores in hostem,

*Machian.
in Principe.*

*Aristot. c. II
lib. 5. Polit.*

*Lincol. l. 2. c. 1.
Dionys. Ha-
lic. lib. 5 de
Arunte filio
Porfena.*

*Proverb. 14
vers. 28.*

*Bartol. in
tracl. de
Tyrannid.*

*Aegid. Rō.
de reg. prin.*

publico ære conducit: Rex aduersus hostes non tam se mœnibus, quàm populi benevolentia tuctur: quot ciues habet, tot se satellites habere putat: non tam quot circum se habeat, quàm ne quos habere cogatur, cogitat: arces arcendis hostibus, non coercendis ciuibz extruit: in Populo denique præsidium suum omne collocat. itaque etsi habet ille lictores & satellites innumeros, qui turbam summoveant, nō summovent ij tam men metum, suspicionem, miserosque miserae mentis tumultus: utcumque arcem vrbis muniat, arcem interea summam, mentem inquam, tyrannorum tyrannus Merus & Pavor occupat. Hic neque in turba, animo turbatus est, neque in solitudine sollicitus, ipsa conscientia tutus, ipsa turba stipatus, urbem, forum, plateas securè obambulat. Tyrannus, si ciuiles dissensiones desint, bellum foris gerit, munimenta extruit, qualia Pharaos, ut Iudæos, Polycrates, ut Samios occuparet, quò cætera minus attenderent: ideoque bellum semper aut parat, aut minatur, aut imminere simulat: accersit denique potius, quàm arcessat. Rex nunquam nisi coactus, nunquam nisi reipublice causa, bellum facit, nunquam denique hamo aureo piscatur, aut bellum suscipit, è quo plus reipublica periculi metuere, quàm lacri sperare possit. Ille demum artes omnes inuit, quibus opes subditorum exhauriat, ut in victu quæren-

querendo anxij, de libertate recuperanda minus cogitent: itaque omnia in fiscum converrit: hic in priuatorum opibus suas consistere ratus, apud subditos suas quodammodo opes deponit, sequē tum amplissimum thesaurum habere putat, cum subditi divitijs affluunt. Demit ille multis, quod paucis ijsque indignis donet: exhaurit omnes, ut in paucos profundat: publica diruit, ut sua ædificet: sanguinem populi ad deliquium usque elicit, quem adulatoribus aliquot ebibendum propinet: hic sibi suisque commodis demit, ut populo largiatur, publica extruit atque ornatur, universos locupletat, sanguineque adeo suo populum alit & sustentat. Si ille, quod interdum Tiberius, Nero, Commodus & cæteri, viscerationes populo concedit, facit ut populum eo facilius postea evisceret, ipsique sua quasi viscera comedenda apponit: cum hic sanè, si venam secet interdum, si sanguinem eliciat, ad incolumitatem populi salutemque tuendam, non propriam libidinem exatiandam, faciat. Itaque ut hunc Scriptura sacra pastori, ita & illum leoni rugienti comparat, cui tamē vulpes sæpissimè copulata est. *Prover. 18. ver. 5.* Quæ enim totius iniustitiæ, ait Cicero, capitalissima est, etsi reipsa id facit Tyrannus: id tamen ita ferè curat, ut tum, cum maximè fallit, vir bonus esse videatur. Itaque pietatem erga Deum simulat, quam Aristoteles *Aristo. c. II. lib. 5. Polit.* artium tyrannicarum potissimam vocat. Vo.

rùm vt populus quidquã in eum moliri vereatur, quem, quia Deum reueretur, Deo charum esse verisimile sit. Studium erga rempublicam; verùm, non tam vt reipublicæ profit, quàm ne sibi ipsi noceat. Iustitiæ quoque & fidei laudem in quibusdam rebus, nimirum leuioribus, affectat; verùm, quò facilius in grauioribus iniuriam facere & fallere possint non secus sanè, quàm latrones, & qui maleficio & scelere pascuntur, qui sine iustitiæ portiuncula saltem aliqua diu consistere nullo modo possent. Clementiæ denique; verùm ita, vt scelestis quibusdam veniam indulgeat, quos morte mulctare, clementia summa est. Breuiter, quod rex ipse est, tyrannus callidus videri vult & vt virtutis amore homines incendi scit, ita & virtutis vmbra aliqua decipiendos esse nouit: at certè vt cumque vultu fingat, vulpina cauda semper prominet; vt cumque obganniat, rictus & rugitus leonem prodit. Porro vt regnū bene constitutum omnia cæterorum bonorum regiminum commoda in se habet; ita & tyrannis omnium prauorum incommoda & vitia continet. Habet ab aristocratia regnum, quòd optimates quique in consiliū adhibentur; habet & ab oligarchia tyrannis, quòd pessimi & corruptissimi quique. Vt illic multitudo regum, hinc tyrannorum caterua dominatur. Habet regnū à politia, quòd omnium ordinum conuētus habentur,

*Tho. Aquin.
in secund. secund.
cund. q. 12.
art. 11.*

habentur, ad quos optimi quique, de republica deliberaturi, mittendi deliguntur: habet & à democratia seu ochlocratia tyránis, quòd, si minus eos conventus impedire possit, saltem vt corruptissimi quique ambitu & malis artibus eò mittantur, sollicitè curet, quod nostris etiam temporibus factitatum scimus. Sic passim regis vultum tyrannus, regni speciem tyrannis imitatur: & quò austrius, eò diutius, durat: cùm tamen vix vlla, teste Aristotele, ad centesimum vsque annum pervenisse legatur. In summa: Rex studet utilitati publicæ, tyrannus propriæ. At sanè cùm, vt sunt homines, nusquã reperiri queat, qui omnibus in rebus utilitatem publicã spectet, nec diu consistere quin vllatenus eius rationem habeat: vbi utilitas publica prævalet, rex & regnum; vbi propria, tyrannus & tyrannis locum habere dicentur. Hæc de tyrannis exercitio, in quibus depravatissimorum morum rationem non *Barcol. in* habemus. qui non tam malum principem, *iracl. de Ty* quàm malum virum facere dicuntur. Si cui *rann. & de* verò hæc descriptio vsquequaque non satis *Regim. cini.* faciet, præterquã quòd accuratiores fortè tyrannorum imagines in Historijs inveniet, vivos & spirantes tyrannos, omnibúsque numeris absolutos hoc tempore, quos intueatur, multis in regionibus, quod & Aristoteles suo sæculo còqueritur, habet. Ac tandem ad summam quæstionem his tanquam gradibus per-

venimus.

Vidimus, quomodo reges, siue secundū capita, siue etiam secundum stirpes eligantur à Deo, & constituentur ab vniuerso populo, quid rex, quid regni officarij præstare teneantur, quantum pateat illius potentia, quantum etiam horum munus & officium, quæ præta quamque sancta in rege constituendo intercedant, & quæ ijs conditiones insint, siue tacitæ, siue expressæ, demū, quis tyrannus absque titulo, quis etiam exercitio: sequitur modo tandem, cum legitimo Regi, suoque officio tum erga Deum, tum etiam erga populum bene fungenti, tanquam Deo obediendum esse constet, vt, an, & per quos, tyranno resisti, quibusque modis iure possit, edisseramus. Ac de eo, qui absque titulo tyrānus vulgò vocitatur, primum agendum est. Ergo Ninus aliquis populum nullo sibi iure devinctum, nulla iniuria laceffit, vi invadat: Cæsar patriam rem-

Qui tyrannus absq; titulo coercere videntur.

*Omn. Frising.
Chron. 5. c. 7
Aimoni. li. 4
c. 1.
Gre. Turc.
lib. 4. c. 5
lib. 5. c. 39
lib. 8. c. 29.*

que publicam Romanam opprimat: Populus dolo parricidii que regnum Polonicum ex electiuo hæreditarium facere conetur: Brunchildis aliqua Francici administrationem vinctum Protadio suo totam ad se transferat: aut Ebroinus, Theodorici ignavia fretus, gubernacula regni invadat, populūq; seruitute opprimat: quid hinc iuris statuemus? Primum docet nos ius Naturale, vitam & libertatem nostram, qua sine vita vix vitalis est, aduersus omnem

omnem vim & iniuriam cōseruare & tueri. In-
 feuit id Natura canibus aduersus lupos, tauris
 aduersus leones, colūbis aduersus accipitres,
 pullis aduersus miluos: longè verò magis ho-
 mini aduersus hominē ipsum, si ipsi fiat lupo.
 Itaque repugnare, necne liceat, qui ambigit,
 cum natura ipsa pugnare videtur. Accedit ius
 Gentiu, quo distincta sunt dominia, fixi limi-
 tes, constituti fines, quos, quisque aduersus
 quoslibet defendere tenetur. Itaque non mi-
 nus licebit resistere Alexandro, si nullo iure
 fretus, nulla iniuria laceffit, gentem aliquā
 cum potentissima classe invadat, quā Diome-
 di pirate, si vno myoparone mare infestū red-
 dat. Nec enim, eo posito Diomedē Alexander
 iure, sed impunitate tantū superat. Non mi-
 nus Alexandro regionem aliquam depopulan-
 ti, quā grassatori pallium involanti; non mi-
 nus, si urbem machinis subruat, quā latroni,
 qui parietem suffodiat. Accedit verò potissi-
 mum ius Civile, quo societates hominum, quę
 que certis legibus constitutę sunt, vt illę vno,
 hę alio modo gubernentur: alię ab vno, vel
 paucis, alię ab vniuersis regantur: quędam im-
 perium muliebri respuant, nonnullę admit-
 tant: quędam reges ex quadam stirpe, quędā
 promiscuē eligant: & cętera. Hoc ius si quis
 vi dolūque rumpere tentet, quia societatem, cui
 debet omnia, violat, quia in patriam cuniculos
 agit, cui naturā, cui legibus, cui sacramento

devincti sumus, ei omnes resistere tenemur. deò ut, si negligamus, proditores patriæ, desertores societatis humanæ, iuris contemptores verè simus. Ut verò nos adversus hosce tyrannos, iura naturæ, gentium, ciuilia, arma capere iubent: ita nec vlla omnino ratio dehortari potest. Non intervenit iussumandum, non pactum vllum, non vlla obligatio, neque publica neque priuata. Itaque vel priuato cuiuslibet tyrannidem huiusmodi, si intrudatur, depellere licet. Non habet hîc locum Lex Iulia maiestatis, quæ perduelles in patriam, aut in principem punit. Neque enim princeps is est, qui rem publicam alienosue fines, nullo iure fretus, intrudit: neque perduellis, qui patriam armis defendit. Quin potius huc pertinet iussumandum, quod Athenis puberes omes præstare in Aglauræ templo solebant: Pugnabo pro sacris, pro legibus, pro aris & focis, siue solus, siue cum multis: & ne patriam meam deteriorem, quàm accepi, posteris tradam, omnibus uiribus enitar. Non leges de seditiosis. Seditiosus est is, qui contra publicam disciplinam populum defendendum suscipit. Seditionem autem non facit, sed tollit, qui euerforem Patriæ, publicæq; disciplinæ coerceret. Habet verò contra locum lex de Tyrannicidis, quæ & viuos præmijs, & mortuos epitaphijs, & statuis honorat, ut Harmodium & Aristogitonem Athenis: Brutum & Cassium in Græcia statuis æneis,

*L. vi. D. ad
leg. Iul. ma-
iestas.*

*Bartol. in
tracl. de
Guelph. &
Gibel.*

*Plin. lib. 4.
Alexan. ab
Alex. lib.
6. c. 4.*

geneis, publico decreto: Aratum Sycionium quoque: quod patriam illi à Pisistrati, Cæsaris, Nicoclis tyrannide liberassent. Quod quidem usque adeo probauit antiquitas, ut Xerxes ipse Athenis deuictis, Harmodij & Aristogitonis statuas, in regnum suum transferet; Seleucus in pristinam sedem reportandas curaret: Rhodij verò easdem vrbi suæ appulsas, cum in hospitium publicè inuitassent, sacris etiam in puluinaribus collocarent. Habet etiam Lex de desertoribus & proditoribus aduersus eos, qui patriam oppressam neglexerint, cum eos, qui metu hostium languorem simulant, clypeumve abijciunt, paricum illis poena afficiendos esse statuatur. Ad hoc itaque tanquam incendium publicum, omnes singulosque conclamare, cum hamis & falcibus concurrere, aqua conferre oportet. Non expectandus præfectus vigilum, si obdormiat: non præfectus vrbi, si cunctetur: certatim quisque aquam hauriat, tectum scandat, flammam arceat oportet. Si etenim, dum Capitolium furtim conscendunt Galli, consopiti sunt milites, dormiunt vigiles, muti sunt canes: anseres ipsi excubent, vigilent, ad arma conclament, oportet. Et illi quidem exauctorabuntur, infamia muldebuntur, inque perpetuam rei memoriam suspendentur hi contra, & in Capitolio perpetuo nutrientur, & immortalī laude decorabuntur.

Hæc, dum tyrannis, ut loquuntur, est in Fie-

Plutarch. in Arato.

Valer. Maxim. lib. 2. cap. vlt.

l. 3. c. l. o. mne delictum. §. vlt. D. de yemi- sit.

ri, id est, dum Tyrannus molitur, machinatus,
 cuniculos agit. At certè si semel ita rerum po-
 tiatur, vt populus victus, sese iureiurando in
 devinciat, respublica oppressa, suam in eum po-
 testatem transferat, regnum in suarum legum
 mutationem ritè consentiat: tum sanè, quia ti-
 tulum, quem antea nullum habebat, adeptus
 est, nec ex facto tantum, sed iure possidere vi-
 detur, et si Populus *ἔκαστος ἀνὸς τῆς δημοῦ*, id iugum
 recepit: æquum tamen est, vt obtemperet, &
 Dei voluntati, qui regna de gente in gentem
 suo arbitrio transfert, placidè acquiescat. Alio-
 qui enim nullum est regnum, cuius iurisdictio
 in dubium revocari non possit: id tamen, mo-
 dò, qui prius sine titulo tyrannus erat, eum ti-
 tulum adeptus, legitimè gubernet, & tyranni-
 dem non exerceat. Itaque iure optimo restitui
 regis auspicijs. populus Iudaicus Sennacheri-
 bo Assyriorum regi, Palestinam invadenti. At
 damnatur puniturque Sedechias rex, vnaque
 vniuersus populus, qui post fidem ritè datam,
 nulla iniuria laceffit, à Nabuchodonozore
 deficit, nimirum, vbi fides data est, non est vllus
 amplius poenitentiæ locus: ac vt in prælijs qui-
 dè quisq;, quantum viribus potest, eniti debet
 vbi verò captivus fidè dederit, præstare tene-
 tur: ita & contendat populus omni conatu, vt
 sua iura retineat: at vbi sese alieno iuri, non tã
 nolens, quàm non volens, subiecit, imperium
 victoris æquo animo patiat. Sic Pompeius,
 Cato,

2. Reg. 4. 24

25.

Ierem. 37.

Cato, Cic. & cæteri, bonorū ciuiū officio fungebantur, cū arma aduersus Cæsarem rempublicam evertentem arripuerunt: nec excusari possint ij, quorum desidia factum est, vt illorū conatus minus foelicem exitum cōsequerētur. Augustus ipse cuidam Catonem conuicijs pro seindenti, respondisse legitur: bonū ciuē fuisse Catonem, qui præsentem reipubl. statū mutari nollēt, qui quidem absque summo omnium discrimine mutari nequeat. Quin & Brutus, Cassius, Casca, & cæteri, qui, re adhuc flagrāte, Cæsarem interfecerunt, accusari non possint. Itaque publico decreto statuae æneæ Athenis ipsis erectæ fuerunt, iuxta Harmodij & Aristogitonis statuas, cū Augustum & M. Antoniū cæso Cæsare fugerēt. At certē seditiosus fuerit Cinna, qui lege regia iam lata, qua populus suam in Augustum omnem potestātē contulerat, in eum conspirasse legitur. Consimiliter dum regnū Francorum Carlingi à Merouingijs, aut Capetani à Carlingis ad se rapere conabantur, absque vlla seditionis culpa resistere licuit: ex quo publico consilio, ordinumque authoritate translatum fuit regnum, non amplius licuit. Idem uerò prorsus iuris est, si quæ scemina regnī Salici gubernacula occupet, & quis merē electinum regnum hæredibus asserat, quamdiu leges illæ publicæ, authoritate Consilij vniuersi, id est eorum qui populū vniuersum repræsentant, abrogatæ non sunt.

*Xiphilinus
in Augusto.*

Nec verò spectare hîc oportet, vtra factio maior sit, vtra potentior, vtra clarior. Plures libidinis, quàm ratione regûtur: itaque plures ferme tyrannidi, quàm reipublicæ inseruiunt. At Roma est, inquit Pompeius, vbi Senatus. Senatus vbi legum reuerêtia, libertatis amor, patriæ conseruandæ studium. Itaque etsi Romam Bremius occupare videtur: Roma interim Veijs est, vbi Camillus, qui Romam vindicet à seruitute. Vt ios itaque migrent Quirites oportet, eumque omni studio, omni conatu, omni industria adiuuent. Etsi, inquam, Themistocles, relictis Athenis, in classem C C. triremiû cum bonis omnibus sese recepit, nō ideo quisquam ex illis ciuitate priuatus est. Quin potius, vt ille respondisse legitur: Ducentæ hæc triremes, sunt nobis vice ciuitatis totius Græciæ maximæ. quia ad defensionem eorum omnium, qui salutem publicam tueri volût, cōparatæ sunt. Non etenim vbi arca fuerit, ibi continò ecclesia Dei erit: potest enim capi à Palestinis. Non inquam, vbi æquilæ visentur, vbi legionum nomina audiêtur, ibi continuo Romanum exercitum esse conserquitur. At omnino sanè, vbi qui patriam aduersus tyrannidē tueatur, qui seruitute oppressum populum ad pileum vocet, qui muliebrē impotentiam coerceat, qui adultores ignauia principis ad omnē iniuriâ abutentes comprimat, qui ambitionē intra suos limites manere iubeat. Hæc quidē de tyrannis absq; titulo dicta sunt.

*Plutarch. in
Themist.*

Ad eos verò, qui tyrannidem exercent, siue ij iure primùm, siue vi imperium adepti sunt, quātum attinet, cautè admodum nobis examinandum est. Primùm sanè consideremus oportet, Principes omnes homines natos esse: propterea non minus à perturbatione rationem, quàm animam à corpore separari posse. Non est ergo, quòd non nisi perfectos Principes habere velimus: sed potius nobis optimè consultum putemus, si vel mediocres nacti fuerimus. Itaq; non, si quibusdam in rebus princeps modum nō seruauat: non, si rationi interdum non obtemperat: non, si segnius vtilitatem publicam curet: non si aut in iure dicundo minus diligens, aut in bello propulsando minus acer: continuò tyrannus erit. Equidem cū non vt bobus, homo hominibus deus aliquis, sed homo eadem sorte natus præsint: vt superbus princeps fuerit, qui hominibus, tamquam bestijs abuti voluerit: ita iniquus populus, qui in principe deum, in lubrica ista natura diuinitatem quæsauerit. At certè si rempublicam cōsultò evertat, si iura proteruè pervertat, si nullam fidei datæ, nullam conventionum, nullam iustitiæ, nullam pietatis curam habeat: si suorum ipse sit hostis, si denique eas artes, quas enumerauimus, aut omnes, aut præcipuas ineat: tum sanè tyrannus, (etsi id nomen antè non malè sonabat) id est Dei hominumque hostis, iudicari poterit. Ergo non de minus bono principe, sed de pessimo, non de

*Adversus
Tyrannos
exercitio
quantum in
re concedatur.*

minus prudenti, sed de malitioso & veteratore
nō de iuris imperito, sed de iuris contemptore
non de imbelli, sed de populi hoste regniq[ue]
vastatore agimus. Illum inuare posset pruden-
tiā senatus, iuris cognitione prætor, belli per-
itiā tribunus: hic optimatibus, senatoribus, du-
cibus belli vnam ceruicem optat, quam vnico
ictu amputare possit, nec vllōs magis odio pro-
sequitur. Et ille quidem etsi iure tolli etiam pos-
set, tolerari tamen vtrumque queat: hīc cōtrā,
quo diutius toleratur, cō intolerabilius euadit.
Præterea, vt principi non quodlibet licet: ita
nec populo sæpe, quod licet, expedit. Sæpe et-
enim accidere potest, vt remedium, quod adhi-
betur, ipso morbo deterius sit. Itaque omnia
prius, quā ferrum adhibere, omnia prius quā
arma experiri, sapientem decet. Si quide-
go per vim fraudemq[ue], aduersus rep[ub]. geri vi-
deant, qui populum repræsentant, principem
admoneant primū: nec verō expectent, dum
malum ingrauescat, & vires acquirat. Est tyran-
nis febris hecticæ similis, quæ primō facilis cu-
ratu, difficilis cognitu: postea verō cognitu fa-
cilis, curatu inprimis difficilis euadit. Itaq[ue] prin-
cipijs obstabunt, nec quidquam vel minimum
prætermittent. Si verō pergat, nec sæpius ad-
monitus resipiscat, sed cō tantum tendat, vt
impunē quiduis patrare possit: tum sanē tyrā-
nidis reus peractus est, & quæcunque aduersus
tyrannum seu iure, seu iusta vi licent, aduersos
eum

eum adhiberi possunt. Est tyrannis non modo crimen, sed omnium criminum caput, & quidam veluti aceruus. Tyrannus reipubl. subruit, ex vniuersis prædam agit, omnium vitæ insidiatur, omnibus fidem violat, omnem sacri iurisiurandi religionem contemnit. Itaque quovis latrone, prædone, homicida, sacrilego, tantò est sceleratior, quanto plures & vniuersos, quàm singulos offendere, grauius est. Quòd si censentur illi omnes infames, si capite plectuntur, si morte pœnas luunt, quis pœnas tam atroci crimine dignas comminisci queat? Deinde probauimus, reges omnes regiam dignitatem à populo accipere; populum vniuersum rege potio-rem & superiorem esse; regem regni, imperatorem imperij supremum tantum ministrum & actorem esse; populum verò, verè dominum existere. Sequitur ergo, tyrannum in populum, tanquam feudi dominum, feloniam committere, regni imperijque sacram Maiestatem lædere, rebellem esse: ac propterea in easdem leges incidere, & longè grauiores pœnas mereri. Itaque, ait Bartolus, poterit is deponi à superiore, vel ex lege Iulia de vi publica, iustissimè puniri. Superior verò, vniuersus populus est, qui eum repræsentant, electores, palatini, patricij, ordinum conventus, & cæteri. Quòd si verò eò progressus fuerit, ut non absque vi armata expelli possit: tum sanè licebit illis populum ad arma vocare,

In tractat. de Tyrann. & in tract. de Regim. ciuit.

Valerius li.
6. c. 3.

exercitum conscribere, & tanquam aduersu
hostem patriæ reiꝫ publicæ iudicatum, vim
dolum, omnemque machinam experiri. Deni
que de eo eandem sententiam, quæ de Manlio
Capitolino lata fuit, ferre licebit: Mâlius fuisti
mihi, cū præcipites ageres Senones. Iam quia
vnus factus es ex Senonibus, vnde eos depu
listi, tu ipse præcipitandus es. Non incident
propterea regni officarij in crimen seditionis.
In seditione enim duas omnino partes esse
necesse est: quæ cū de contradictorijs ple
runque certent, vnus iustam, alterius iniu
stam causam esse consequitur. Iusta sanè erit,
quæ leges defendet, quæ communem utilita
tem tuebitur, quæ regnū ijs præsertim autho
ribus conseruabit. Iniusta cōtrâ, quæ leges vio
labit, legum violatores defender, patriæ euer
sores tuebitur. Iusta, inquit Bartolus, quæ ty
rannicū regimen deponere volet: iniusta, quæ
iustum. Licita, quæ ad bonum publicum: illi
cita, quæ ad priuatum tendet. Itaque, ait Tho
mas, quia regnum tyrannicum, quod non ordi
natur ad bonum commune, sed ad priuatum
regentis, non est iustum: perturbatio istius re
gni non habet rationem seditionis. Non inci
dent quoque in crimen Maiestatis. Committit
tur hoc crimen in legitimum principem. Le
gitimus verò princeps, nil nisi lex animata est.
Itaque cū is, qui leges, quantum in se est, ex
numat, eo nomine censeri non possit: hi, qui

in ipsum arma capient, eo crimine non tenebuntur. Committitur & in rempub. At quia *Cic. Parad. 4* illa demum ibi est, vbi legum authoritas valet, non vbi priuata tyranni libido rempub. absorbet, tyrannus eius criminis reus erit, qui publicam maiestatem lædit: vindices reipub. hi, qui tyrannum, sua authoritate freti, exque officio oppugnabunt. Neque enim hoc casu singuli, sed vniuersi; non, inquam, subditi, sed domini ab auctore suo rationem rei gestæ repetere videntur. Nihilo magis perfidi censebuntur. Est inter principem & populum vbi que locorum mutua & reciproca obligatio. promittit ille, se iustum principem futurum: hic, si talis fuerit, se obsequuturum. Obligatur ergo populus principi, sub conditione: princeps, populo purè. Itaque si minus adimpletur conditio, solutus est populus, irritus contractus, obligatio ipso iure nulla. Perfidus ergo rex, si iniuste imperet; perfidus populus, si iuste imperanti non obtemperet. At omni perfidiae crimine vacuus populus, si iniuste imperanti publicè renunciet, aut regnum retinere illegitimè cupienti, armis euincere conetur. Ergo licet regni officarijs aut omnibus, *l. 160. D. de reg. iur.* aut saltem pluribus, tyrannum coercere. Nec verò modò licet, verùm ita quidem illis ex officio incumbit, vt, ni fecerint, nullo pacto excusari possint. Neque enim putent Electores, Palatini, Patricij, cæteri que Optimæ

tes, eò tantùm creatos & institutos esse se, vt
semel fortè in rege inaugurando sese antiquo
more paludatos conspiciendos exhibeant, vt
palliatam quandam fabulam ludant, vt Rolan-
di, Oliuarij, Renaldi, cæterorumq; procerum
personam eo die, quasi in scena induant, vt An-
thuri mensam rotondam, quam vocant, specie
quadam representent: cæterùm, postquam
dimissa est turba, & Calliopius, Vale, dixit:
suis se partibus optimè functos arbitrentur.
Non ista per iocum dicuntur, non ista perfun-
ctoriè fiunt, non sunt isthæc puerorum ludi,
qui regem, vt est apud Horatium, per fabulam
creant: quin potius sciant Optimates, vt in
honoris, ita & in oneris partem se vocari, &
rempub. commissam & commendatam esse re-
gi quidem, vt supremo eius ac præcipuo tuto-
ris ipsis verò, vt contutoribus. Itaque vt tuto-

*Flp. l. 3. D. de
adm. & pe-
ric. tut. &
curat.*

l. 27. D. eod.

*l. 14. D. de
administ. &
peri. tut. l. 3.
D. de suspic.
tut. & cur.*

res (etiam honorarij) dati sunt, quasi obser-
uatores actus eius, qui tutelam præcipuè ge-
rit, qui rationem ab eo assiduè exigant & solli-
citè curent, qualiter conuersetur: ita & hi, vt
obseruent regem, (qui, quantum ad providen-
tiam popillarem, tantùm domini loco habe-
tur) ne quid in populi detrimentum gerat.
Itè vt contutoribus impuratur tutoris qui ge-
rit, factum, ni, cum deberent & possent, suspi-
cium fecerint, remouendumque etiam cura-
rint, nempe si cum ijs administrationem non
communicet, si non ex fide tutelam curamque
geret.

geret, si dolum admittet, si quid sordide ager, vel perniciosè pupillo, si quid intercipiet ex rebus pupillaribus, si pupillo inimicus esset: denique, si nimis rusticus, segnis, imperitus, &c. ita & optimates ex principis facto tenebuntur, ni ipsius tyrannidem aut tollant, aut antevertant, aut segnitiam sua vigilantia & diligentia suppleant. Denique, ut, quotiescunque non facit tutor nomine pupilli, quod quivis pater familiàs idoneus faceret, non videtur defendi: ut verò meliùs defendatur, contutores prospicere tenentur: ita multò æquius, si non patrè, familiàs, sed hostem agat princeps, optimates in ipsum agere poterunt ac debebunt. cum sane nihilominus ex ipsius facto, ac è proprio teneantur. Attendant optimates præterea, regem in administranda repub. primas partes tenere quidem: at ipsos secundas, tertias, suas quoque suo loco. Non ergo, si ille suas male agat, hi sequentur: non, si reipubl. perdat, conuiuebunt, respublica enim ijs non secus, quàm illi concedita est: & ita quidem, ut non modò ipsi per se suo officio bene fungantur, sed principem in officio suo contineant. Denique, ut rex utilitatem reipubl. curaturum se promittit: ita & illi. Non igitur, si fidem frangat, suo se propterea sacramento absolutos putabunt, non magis ac episcopi, si pontifex hæresim tueatur, aut Ecclesiam perdat: imò eò magis implendo sacramento sese obligari sua

l. 10. c. 33.
D. de adm.
& peric. tu-
tor. c. cur.

tabunt, quò ille magis scēdīfragus fuerit. Itaq; si colludunt, prāuaricatorum; si conniuent, defertorum & proditorum; si rempublic. à tyrannide non vindicant, tyrannorum numero censentur. vt certē patroni, tutores, reguli denique sunt, si quam tuendam suscepunt, omnib. modis tueantur atq; defendant. Hæc verò etsi satis per se firma, exemplis etiam demonstrari possunt. Reges Chananæi, qui populum Israeliti cum dura seruitute, tum corporali, tum spiritali, premebāt, (commeatu enim & armis interdicebant) tyranni verè erāt, exercitio, inquam, non absq; titulo. Eglon enim & Iabin vicesimum ferè annum placidè imperabant. Deus verò excitat extra ordinem Ahod, qui Eglonem ex insidijs confodiat, & Deborah, quæ exercitum Iabini profliget, atque eo ministerio populū ex tyrannide liberat. Non id quidem, quòd magistratib. ordinarijs, principib. tribuam, & cæteris minus liceret: quin potius Debora suā ipsis ignauiam desidiamq; improperat, & nōnullos etiam propterea execratur. At certē Deus, populi sui misertus, desidiaz ordinariorum extra ordinem succurrebat. Roboamus Salomonis filius, tributū non necessarijs populum leuare recusat, rogatus ab vniuerso populo in Comitijs insolē scit, adulatorumq; consilio fretus grauior etiam arroganter minatur. Ambigit nemo, quin iuxta scēdus inter regem & populum primum

Iudic. 5.

*August. lib.
17. de Cinit.
Dei. c. 22.*

mum initum, eam superbiam coercere opti-
mates potuerint. At in eo peccatum fuit, quod
per ecessionem fecerunt, quæ in Comitijis fa-
cienda erant: deinde, quod à stirpe Iuda (cui re-
gnum Deus ipse attribuerat) ad aliam sceptrū
translulerunt. Denique, quod sæpe aliàs acci-
dit, rem iustam & legitimam, iniuste fecerunt.
In alijs imperijs crebra eiusce rei exempla oc-
currunt.

Brutus tribunus celerum, & Lucretius præ-
fectus vrbi, aduersus Tarquinium Superbum
populum conuocant: cuius authoritate regno
pellitur. Quin & bona eius in fiscum redigun-
tur. Vnde satis apparet, ipsum, si prehensus fuisset,
secundum leges publicas proculdubio mul-
tatum fuisse. Causæ verò narrantur hæc: quod
morē tolleret, quo rex senatum consulere sole-
bat, quod suo arbitrio pacem bellumq; face-
ret, quod fœdera, inconsulto populo, senatu-
que, iniret: quod leges, quarum custos esse
debuerat, violaret: in summa; quod fœdus
inter reges & quirites, vt antè retulimus,
sancitum negligeret. Ad imperatores verò
Romanos quod attinet, palàm est sententia,
qua senatus Romanus Neronem hostem rei
public. iudicauit, vncoque & gemonijs dam-
nauit: qua Vitellium ignominiosè mutila-
rum, perque vrbem tractum, morte mul-
tauit: qua Maximinum imperio spoliavit,
Maximum verò & Albinum in eius locum sus-
cit. Quibus aliæ ex probatissimis authoribus

Linus lib. I.

adiungi possint. Nec verò Traianus imperator se aut legibus solutum putauit, aut pœna tyrannorum exemptum voluit: qui cùm gladium præfecto Prætorij traderet: Si bene, inquit, imperaui, pro me: sin contrà, aduersus me stringito. Consimiliter Franci, Concilij publici auctoritate, curantibus regni officarijs, Childericum primum, Sigibertum, Theodoricum, Childericum tertium regno expulerunt, aliasque ac nonnullos ex alia stirpe, propter tyrannidem ijs suffecerunt. Quin & propter desidiam, ignauiam, insaniam, quâ aut exterorum iniurijs, aut adulatorum mulierumue libidini & impotentie patebant, quosdam exaudiverunt, & quasi Phæthonti habenas abstulerunt, ne vniuersi incendio eodẽ cõflagrarent, vt Theodoricum Ebroini causa, Dagobertum Plectrudis & Theobaldi ipsius amasij, & cæteros: nempe perinde esse rati, siue mulier, siue mulierosus princeps imperaret, seu tyrannus, seu sub ignauo principe tyrannuli dominaretur, seu denique ipse diabolus esset, seu à diabo lo ipso possideretur. Non ita verò pridem Ludouicum vndecimum, principem imperiosissimum, curatores triginta sex recipere coegerunt, quorum cõsilio rempublicam gerere teneretur. Ecquid autem aliàs iuris habuerint aut Carlingi Merouingiorum loco in regnum cooptrati, aut qui hodie obtinent, Capetani Carlingis publici Concilij decreto antelati

nisi

nisi populo vniuerso, per regni Conciliū, quod
 trium Ordinū conventum vocant, quali per
 epitomen representato, & illos exauctorare,
 & hos auctoritate sua in solio stabilire iure li-
 cuit? Eodem pacto Imperio Germanico spo-
 liatos legimus Adolphum C. I. D. C. C. XCVI.
 quod pecunia corruptus, bellum fecisset regi
 Gallie in gratiam Angli: Vuenceslaum C. I. D.
 CCCC. etsi non tam mali principes hi dici
 possent, quā minus boni. Anglico Eduar-
 dus secundus ob tyrannidem in subditos, præ-
 sertim Proceres, quos inaudita causa de me-
 dio tollebat, Elisabetha vxore ipsius Parlamē-
 tum regni aduersus eundem implorante: quo
 auctore, regno indignus iudicatus est. Non ita
 pridem Christiernus Danico, Ericus Suedi-
 co, Maria regina Scotico nuper admodum:
 quod & in Polonico, Hungarico, Hispanico,
 Lusitanico, Bohemico, & cæteris, fastidium,
 historię fide dignę testantur. Quid verò de
 Pontifice ipso? Cardinales, inquit, quia ip-
 sum elegerunt, aut si minus officio suo fungan-
 tur, patriarchę, qui primates sunt post Cardi-
 nales, possunt, eo inuito, certis de causis con-
 vocare Concilium, in eoq̃ue pontificem indi-
 care. Si per notorium delictum scandalizet
 vniuersam Ecclesiam: si sit incorrigibilis: si re-
 formatio necessaria sit tam in capite, quā in
 membris: si contra iuramentum præstitum
 Concilium congregare nolit, & cætera. Ex fa,

*Froissar. lib.
 I. cap. I. &
 seq.*

*Ant. de But.
 Consil. quod
 positum est
 inter Consil.
 Paul. de Ca-
 stro, val. an-
 tiq. nu. 412.
 incip. viso
 puncto.*

*Mart. Lau-
dens. in tra-
lat. de Car-
din. in 2. q.
35.
Philip. Dec.
in quodā cō-
filio, cuius
verba fue-
rant Andr.
Barb. in d.
confil. 1. lib.
1. c. 6.
Bald. in c. o.
lim. sol. pen.
de rescri. in
Decretal.
Bonifacius
8. de maior.
& obed.*

Et verò multos Concilij auctoritate destitu-
tos fuisse legimus. Sin verò, ait Baldus, per-
uicaciter abutantur; primò vtendum est ver-
bis; secundò, herbis, id est, medicamentis; po-
stremò, lapidibus. & vbi non sufficit virtutis
ingenium, valere debet armorum præsidium.
Quòd si verò & doctorum ferè omnium caleu-
lis, & Conciliorum decretis, & ipsis rebus ga-
litis probatur, Concilium Papam deponere, vt
loquuntur, iure posse, qui tamen regem sese
regum iactat, & quanto sol luna, tantò impera-
tore superiorum venditatis quin etiam regum
imperatorumque pro libito exauctorandorū
authoritatem sibi arrogat: quis tandem dubi-
tare queat, quin à Concilio publico cuiusque
regni, non modò tyrannus, sed rex regno, ob
suam insaniam perniciosus, deponi & exaucto-
rari possit?

Age verò, in naui ista nostra politica vi-
no sese ingurgitet nauarchus, adiutores ple-
rique aut dormiant, aut mutuis poculis inebriati
imminentem scopulum ludibundi intu-
eantur. Navis interea aut eum cursum non te-
neat, quem domino expedit, aut breui pessum-
itura videatur: quid hinc subpræfecto alicui, vi-
gili & sollicito, faciendum putes? An dormiē-
tibus aurem vellicabit, aut satus fodiet tātum:
interim verò, ne quid ceterorum iniussu face-
re videatur, perichitanti naui opem atque ope-
ram suam non præstabit? Quæ verò isthæc aut
amen

amentia, aut potius impietas fuerit? Agedum
 inquain, cum tyrannis, ut ait Plato, quædam *Plato lib. 8.*
 phrenesis sit & ebrietas, princeps rempublicam *& 9. de Re-*
 funditus euertat, optimates plerique collu- *pub.*
 dant, conniqueant; saltem consopiti sint: Popu-
 lus, qui reipub. dominus est, ministrorum illo-
 rum aut fraude, aut negligentia, quæ ipsa cul-
 pa est, in summas angustias reductus sit: existat
 interea optimatum vnus aliquis, qui grassan-
 tem tyrânidem animaduertat, & ex animo ex-
 creetur; quid huic aduersus illam faciendum
 putes? An collegas sui tantum officij admons-
 bit, qui ipsi, quantum possunt, officiunt? At,
 præterquam quod admonere periculosum est,
 & eo rerû statu crimen capitale cêsetur, perin-
 de faciat, ac qui, cæteris auxilijs spretis, proie-
 ctis armis, apud prædones, in media sylua le-
 ges citet, & orationem de iustitia habeat: id ve-
 rò verè est, quod dicitur, cû ratione insanire.
 quid ergo? ad gemitus populi obsurgescet, ad
 latronû ingressû obmutescet, & oscitabit deni-
 que, & manus in sinû inseret? At si vel in caliga-
 tû, qui metu hostiû languorè simularit, prodit-
 toris pœnam iura statuunt: quam tandem in
 eum statuemus, qui, quos ipse tuendos susce-
 pit, siue malitia, siue ignauia prodit? Quin po-
 tius, autis per celeusma, quæ opus erit, im-
 perabit: curabit, ne quid respubl. detrimenti
 capiat, ac rege etiam inuito & renitente, re-
 gnum, per quod ipse rex existit, cōseruabit, re-

*l. 3. & l. om-
 ne delictum.
 §. vlt. D. de
 remissis.*

*C. nullus. in
Carthagin.
Concil. De-
Heret Pon-
tificij.*

gemque ipsum, tanquam phreneticum, aut furiosum, ni alias possit, pedibus manibusque reuinctum, sanabit. Enim verò non est, ut diximus, vniuersa regni administratio regi à populo commendata: ut nec pontifici vniuersalis ecclesiæ episcopatus, (aiunt) sed optimatum cuique pro virili. At certe, quia concordia ab ciuitate proficiscitur, ne qua inter Patres æmulatio esset, rex institutus fuit, qui supremum, in administratione reipub. locum teneret. Iurat rex, se salutem regni curaturum, idem optimates etiam singuli per se. Num ergo, si rex, aut optimates plerique, neglecta fide, rempublicam aut perdant, aut periclitantem deserant, debebunt propterea cæteri rempubl. deserere, aut saltem minus defendere tenebuntur, quasi suo iureiurando soluti sint? Quin potius tam maximè fidem suam præstare debent, cum cæteri negligunt, præsertim cum in eum finem præcipuè, tanquam ephori, sint instituti: ac quidque demum iustum censeatur, cum finem suum attigit. Num etenim si plures eandem rem promiserunt, vnius periurio alterius obligatio perimitur? num, si plures eiusdem summe correi sunt, vnius fraude cæteri liberantur? Num, si plures contutores pupillum malè tuentur, ibi illorum culpa vnus aliquis vir bonæ tutelæ onere minus tenetur? Quin potius, nec illi perfidiæ infamè vitare possunt, ni quatenus in ijs positum est fidei

fidei sue satis facere contentur : nec hi sese periculo tutelæ malè gestæ iudicioque eximere, nec ceteros contutores suspectos agant, cum sanè non modò tutor vnicus ceteros suspectos agere possit, & remouendos curare, verùm etiam remotus. Itaque, qui regno imperioque vniuerso opem operamque suam promiserint, quales Comes stabuli, Mareschalli, Patricij & cæteri, aut qui alicui speciatim regioni, vrbiue, quæ ragni partem faciat, quales Duces, Marchiones, Comites, Maiores & cæteri, vniuersæ reipublicæ, eiue reipublicæ parti, quam ipsis secundum regem populus commiserit, tyrannide oppressæ succurrere tenentur. Et illi quidem vniuersum regnum à tyrannide vindicare debent, si possunt : hi, tanquam tutores per regiones datæ eam regni partem, cuius tutelâ susceperunt. Illi, inquam, tyrannum coercere, hi à suis finibus arcere tenentur. Itaque Mathathias, tanquam optimatum vnus, cæteris partim conniuentibus, partim colludentibus, Antiocho regnum Iudæorum tyrannicè opprimente, populum arma capturis his verbis affatur: Restauremus statum populi nostri, dicemus pro populo nostro, proque sanctis locis nostris. Vnde non pro religione tantùm sed pro patria, pro focis, inquam, non minus iustis quàm pro aris arma capi posse aduersus tyrannum, (qualis is erat) liquidò apparet. Neque enim reprehenduntur à quoquam, quod

*l. 3. D. de ad-
ministr. & pe-
ric. tutor. &
cur. lib. 3. D.
de suspect.
sus. & cura.*

*Machab. li.
1. ca. 3. v. 45.*

*Inflin. lib. 1.
Diodor. lib.
3. cap. 37.*

regnum euicerint, sed quòd regiam dignitatē, quæ ad tribum Iudæ pertinebat, sibi vendicauerint. Exempla eodem pertinentia apud historiographos plurima occurrunt. Arbactus Mediæ præfectus, Sardanapalum inter mulieres pēsa distribuētē, opesq; regias in meretrices profundentē, interficit. Vindex Galliarum, & Galba Hispaniarum Præsides, à Nerone, conuiuente ad ipsius tyrannidem senatu, deficiūt, vnaq; Gallis & Hispania vniuersa. Verū in insigne est in primis Laconicum illud iudiciū quod sanè ab eo senatu profectum, apud omnes gentes in rē iudicatam trāsire debet. Cum Lacedæmonij Byzantium possiderent, Clearchum ducē exercitus vrbi præfecerant, qui frumentum ciuib. ereptū, militib. extraneis distribuebat. Interea verò familiæ ciuiū fame periebant. Anaxilaus igitur, vnus ex vrbis optimatibus, ea tyrannide cōmotus, de patriæ deditione cū Alcibiade paciscitur. atq; is paulo post in urbem recipitur. Anaxilaus Spartæ accusatus ob Byzantij deditionem, causam suā ipse agit. Spartani hominē absoluerunt: quia, aiunt, bella gerenda sunt cum hostibus, non cum rerum natura. Nil verò magis naturæ repugnat, quā si, qui urbē aliquam defendere tenentur, ipsi hostib. iniquiores sint. Hæc Lacedæmonij, qui iustè regnabant, quib. vix vlli boni reges non assentiantur. Nimirū, qui bene regnare cupiūt, quid in tyrānos statuatur, quid optimates iure possint,

possint, quid populus ipse, susq; deq; habent. Verū vltcrius adhuc nobis progrediendū est.

Tenetur nautarum quilibet, si nauarchi culpā negligentiaue nauis periclitetur, manū ad-mouere. Tenetur Optimatum quilibet, si prin-cipis collegarumq; scelere vel desidia respub. pereat, laborāti succurrere, regnū deniq; in so-lidum, eiusue saltem eam partem, quæ sibi cō-missa fuerit, à tyrānide vindicare. An verò tan-dem mediastino cuilibet idem licebit? An Her-donio Sabino, Euno Suriano, Spartaco gladia-tori fortè, an, inquam, priuato cuilibet leuios ad pileum vocare, subditos ad arma ciere, ma-nus denique cum principe conferere, si tyran-nis vrgeat, licebit? Minimè verò. Singulis seu priuatis respubl. commissā non est; imò ipsi optimatum & magistratuum curæ, non secus ac pupilli, commisi sunt. Itaque non tenen-tur respublic. tueri, qui seipsos tueri non possint. Singulis neque à Deo, neque à popu-lo gladius concessus est. Itaque si gladium in-iussi stringant, seditiosi sunt, quamuis causa iusta videatur. Singuli denique principem non constituunt, sed vniuersi. Itaque vni-uerforū, eorum, inquam, qui vniuersos in regno, regione, vrbeue quæ regni partem fa-ciat, representant, iussū expectent oportet, aut vnius saltem ex illis, antequam aduersus principem quidquam moliantur. Etenim ut pupillus, non nisi tutore authore, actionem

*l. i. c. de sedi-
tiosis.*

*l. 8. l. 9. D.
de autho. &
conf. in so. et
civ.*

*Seneca lib.
1. de Benefic.*

intendere potest, etsi pupillus quidem dominus verè est, tutor verò pro domino tantum quantum ad pupillarem providentiam attinet, habetur: ita neque populus, nisi ijs auctoribus, in quos suam auctoritatem & potestatem trāstulit, sive ij ordinarij magistratus sint, sive in conventu publico extra ordinem creati, quos, inquam, gladio suo in eam rem accinxit, quibus se regendum curandumque tradidit: qui denique, non secus ac prætor ille Romanus, qui inter servos & dominos ius dicebat, eo loco verè constituti sunt, ut si quæ lis inter regem & subditos oboriatur, iudices & vindices se præstent, ne ipsi subditi in sua ipsorum causa sententiam pronunciēt. Itaque si vectigalia & tributa iniqua imperari, si quæ contra pacta in ius fraudem fieri videantur, nec tamen optimatum ullus reclamet aut repugnet, contenti quiescendum sibi putent, ac cogitent, optimi medicos morbum ut anteverrant, aut tollant, venæ sectionem, humorum evacuationem, castrationem sæpe imperare. Ita enim rerum natura comparatum esse, ut vix ullum malum absque altero curari, vix quicquam boni absque improbo labore acquiri possit. Habent exemplum populi Israelitici sub Salomone, qui tributa, quæ ad templum extruendum, regnumque muniendum gravissima imperabantur, non recusavit: quia publico consilio, ad Dei gloriam rei que publ. decus & ornamentum imp-

Imperari iudicabat. Habent & Christi Seruato-
ris nostri, qui etsi Rex ipso regū erat, quia tamē
prinatam personam tum sustinebat, tributum
libenter persoluit. Si manifestæ tyrannidi fa-
ueant optimates ipsi, aut saltē non repugnent,
recordentur, propter peccata populi, Deo per-
mittente, regnare hypocritas. qui, nisi se ad Deū
ipsi ex corde conuertant, nullis machinis euer-
ti possint. Itaq; non pedibus, non manibus, sed
genib. flexis opus esse. Denique, malos princi-
pes ferant, meliores optent, & non secus ac grā-
dinem, illuminationes, tempestates, cæterasq; natu-
rales calamitates, tyrannidem illam sibi æquo
animo ferendam, aut sedes mutandas putent.
Si David in montes sese recipit, & Sauli tyran-
no parcat; quia non erat ex optimatib. populi:
Christus, quia regnum ipsius non erat de hoc
mūdo, in Ægyptum fugit, seseq; tyrannidi sub-
dedit: Paulus, quia singulorum Christianorū,
non magistratuum officium describit, vel Ne-
roni ipsi obediendum esse docet. At si optima-
tes omnes, aut pleriq; aut vnus saltem aliquis
manifestam tyrannidem coercere, aut magistra-
tus ab ea regni parte, quæ sibi commissa fue-
rit, arcere conetur, & ita quidē, vt is sit, qui eius
expellendæ prætextu aliam non inuehatitum
sanē, tanquam agmine facto, certatim ad dele-
ctum cōcurrant, obnixē pedib. manibusq; opē-
serant, ac tanquā Deus ipse cælitus signum pu-
gnæ aduersus tyrannos dederit, rompub. ro-

Ecclesi. 10.

gnūq; à tyrānide vindicare conentur. Etenim
 ut populū per tyrānos, ita & tyrānos per popu-
 lū punit & castigat Deus: ratūq; perpetuū est,
 quod Syrachus dicit, Regna transferri de gēte
 in gēte, propter iniquitates, iniurias & scelera
 principū: omnem verò tyrānidem parum diu
 turnam existere. Sic Centuriones & milites,
 Ioiadæ summi sacerdotis iussa alacriter exe-
 quuntur in vindicanda Athalizæ reginæ tyran-
 nide. Sic pij omnes ex Israele, ad Machabæos
 sese recipiunt, partim ut verum Dei cultū, par-
 tim ut rempub. aduersus impios & iniquos co-
 natus Antiochi tueantur: Deus verò iustis eo-
 rum conatibus fauet, & prosperum exitum lar-
 gitur. Quid verò? An non etiam aliquando ex
 ipsis priuatis vindicē tyrannidis aliquē Deus
 excitare potest? An non idem ipse, qui tyran-
 nos ē plebe, nullo titulo, nullo prætextu fre-
 tos, puniendo populo excitat, liberatores etiā
 vel ex ima plebe excitare poterit? An non idē,
 qui Iabino, qui Egloni populum mancipauit,
 per Ehodem, Baracum, Deborah, eūdem ab
 optimatib. derelictum liberauit, & quasi ma-
 numisi? Quid ergo iam obstat, dices, quin idē
 Deus, qui nobis tyrānos hoc tēpore immisit,
 tyrannorū ultores etiā extra ordinem mittat?
 Cur, si Achab sēuit in viros bonos, si Iezabel
 Nabotho falsos testes subornat, non erit & Ie-
 hu, qui familiā Achabi deleat, qui sanguinē Na-
 bothi vindicet, qui Iezabelē canib. lacerādam
 pro-

proiciat? Certè, quod antea respōdi, vt iustitię
ita neq; misericordię diuinę, villo tēpore quid
quā decedit. At verò, cū euidētia illa signa, qui
bus extraordinariis illorū herōū vocationem
Deus confirmare solebat, nobis hoc sęculo vt
plurimū defint, videat populus, ne, dū sicco pe
de duce aliquo impostore, mare trās fretare cu
pit, in gurgitē, quod Iudæis accidisse aliquādo
legimus, præcep̃s ruat: ne, dū vindicē tyrānidī
quærit, sequatur fortē aliquē, qui, eo tyranno
expulso, tyrānidē ipsam ad se transferat: ne de
niq; dū reipub. morere gestit, priuatę alicuius
libidini militat: itaq; quod multis rebus p. præ
sertim Italicis accidit, dum præsens malum ar
gere conatur, longē grauis accersat.

In summa, vt hunc tandē tractatum conclu
damus, principes eligantur à Deo, cōstituun
tur à populo. Vt singuli principe inferiores
sunt; ita vniuersi, & qui vniuersos repræsen
tant, regni officarij, principe superiores sunt.
In constituēdo principe interuenit fœdus in
ter ipsum & populum, tacitum, expressum, na
turale, vel etiam ciuile, vt bene imperanti be
ne pareatur, vt reipub. inserviēti omnes in
seruiant, vt legibus obtemperanti omnes
obsequantur: & cætera. Huius verò fœderis
seu pacti, regni officarij vindices & custodes
sunt. Qui hoc pactū perfidē & peruicaciter vio
lat, is verē exercitio tyrānus est. Itaq; regni of
ficiarij ipsum & secūdū leges iudicare, & reni

tentem vi coercere, si aliàs non possunt, ex officio tenentur. Hi duorum generum sunt. Qui regni vniuersi tutelam susceperunt, quales Comes stabuli, Mareschalli, Patricij, Palatini & cæteri, singuli per se cæteris conniuentibus aut colludentibus, tyrannum coercere debent: qui alicuius partis, regionisue, quales duces, marchiones, comites, consules, maiores, tyrannidem tyrannumque ab ea regione vrbeueque ere iure suo possunt. Porro singuli siue privati aduersus tyrannos exercitio, gladium non stringent: quia non à singulis, sed ab vniuersis constituti sunt. At aduersus eos, qui absque titulo sese intrudunt, quia nulla pactio intercessit, promiscuè admittuntur. Quo in genere ceteri possunt ij, qui ignauia desidiaue legitimi principis abutentes, tyrannidem in ipsius subditos exercent. Et hæc ha-

Stenus: quibus ex secunda
 quæstione, quæ fortè de
 sunt, adiungi pos-
 sunt.

QVÆ

QVARTA QVÆSTIO.

*AN IVRE POSSINT, AVT
debeant vicini Principes auxilium ferre
aliorum Principum subditis, religio-
nis pure causa afflictis, aut ma-
nifesta tyrannide op-
pressis?*

Succedit iam alia quæstio, in qua
certè definienda, conscientia ma-
gis, quàm scientia opus est, quæ-
que, si charitas hoc seculo locum
suum obtineret, planè otiosa es-
set. At quis, ut nunc sunt mores
charitate ipsa nil quidquam est inter homines
aut carius aut rarius, videtur etiam à nobis bre-
viter tractanda. Tyranni, tum animarum, tum
corporum, tum ecclesiæ, tum reipublice regni-
te, coerceri, expelli, & puniri per populum pos-
sunt. Vtrunque iam rationibus evicimus. Ve-
rùm, quia vel ea fraus tyrannorum, vel ea sub-
ditorum simplicitas plerùmquæ est, ut vix antè
cognoscantur illi, quàm rapuerint, aut hi de
sua salute cogitent, quam fermè perierint, in
easque angustias redacti, hi, à quibus suis vi-
ribus emergere non possunt, alienas imple-

rare coguntur: quæritur, vtrum ijs religionis,
aut reipub. regni Christi, aut regni sui causam
tuētibus, principes Christiani auxilium ferre
iure possint: Et multi quidem, cum afflictis op-
pem ferendo suas se opes aucturos sperarunt,
protinus licere iudicarunt. Sic enim Romani,
Alexander Magnus, & cæteri multi, tyranno-
rum coercendorum prætextu, pomæria sæpe
sua protulerunt. Nec ita pridem vidimus Hen-
ricum II. Franciæ regem, bellum intulisse Ca-
rolo V. Principum Imperij, & quidem Prote-
stantium liberandorum defendēdorumq; præ-
textu: vt etiam Henricum VIII. Angliæ regem
Protestantib. Germaniæ opē ferre paratū, vt
Carolo V. negotiū facesseret. At si aut periculi
aliquid inde metuatur, aut lucri minus sperari
possit, tum sanè plerosq; principes, liceat, ne-
ne, disputantes audias. Et vt illi pietatis præ-
textu, aut ambitionem, aut quæstū rogebant
sic hi desidię suæ iustitiam obtendunt, cū sanè
nec illos verè hortaretur pietas, quæ aliena ti-
tum quærit, nec hos iustitia debortari debeat
quæ tota foras spectat, & quasi proiecta est. Er-
go, vtrisque posthabitis, in religionis primū
causa quid vera pietas, quidq; iustitia sus-
deant, videamus. Primū ratum sit, Vnicam
esse ecclesiam, cuius caput Christus, cuiusque
ita membra inter se cohærent cōsentiantq;
vt nullum ex illis vel minimum, vim læsio-
nēve pati possit, quin cætera lædantur &
dolorem

dolorem percipiant, ut vniuersa Scriptura docet. Propterea comparatur Ecclesia corpori. Corpus verò sæpè non brachij modo, aut cruris, sed minimi etiam digiti læsione afficitur, aut vulnere perit. Frustra itaque iactet aliquis, huius sibi corporis salutē cordi esse, qui, quod totum tueri potest membratim dilanari & discerpi patitur. Comparatur ædificio. Ædificium verò, quamcunque in partem cuniculi agantur, totum sæpe corrumpitur; quamcunque contignationem flamma invadat, in vniuersum periclitatur. Ridiculus itaque fuerit, qui fortè quòd in hypogæo habitet, flammam à recto arcere cunctetur. Malè sanus, qui cuniculos contrarijs eludere nolit, quòd in hunc, non in illū parietem admoveantur. Comparatur & naui. Navis verò tota simul periclitatur, tota simul perit. Itaq; æquè tuti sunt, qui in prora, ac qui in puppi, qui in carina, ac qui in transtris, si tempestas sæuiat. cū certè vel vulgato proverbio, qui in eodem periculo versantur, in eadē naui esse dicantur. His positis, certè qui eius dolore, incendio, iactatione nō commouetur, ex eo corpore non est, in familia Christi non censetur, locum in Arca nullum habet. Qui verò vel tātillum commouetur, nihilo magis dubitare debet, an ecclesię mēbris vexatis opē ferre debeat, quā, an sibi ipsi, an se ipsum iuare, cum omnes in ecclesia vnū simus. Quin potius quisq; in suo munere suā iis opē ope-

ramque præstare tenetur: & eo utique maiorem, quo ampliores à Deo opes, ne tam possidendas, quàm dispensandas accepit.

Hæc Ecclesia ut vnica est, ita etiam singulis Principibus Christianis in vniversum & in solidam commendata atque commissa est. Quia enim vni alicui vniversam committere, lubrum erat; singulis verò singulas eius partes, ab eius vnitatem planè alienum: vniversam singulis, singulas eius partes vniversis commisit Deus. Nec verò ut propugnent eam tantum, verum etiam, ut, quantum possint, propagandam curent. Itaque si vnâ eius partem, Germanicam fortè, aut Anglicam, princeps regionis illius curet, alteram verò oppressam, si opem ferre possit, deserat & negligat, Ecclesiam deseruisse censetur: cum sanè spōsa Christi vnica sit, quam, ne vsquam violeto, corumpaturve, omnibus viribus protegere ac tueri debeat. Huius vniversæ instaurationem ut priuati quique genibus flexis, ita magistratus, pedibus, manibus, totis, inquam, viribus promouere tenentur. Neque enim alia est ecclesia Ephesina, alia Colossensis, & cætera: sed singulæ illæ vniversæ ecclesiæ partes sunt: vniversa verò regnum Christi est, quod omnes priuati optare debent: reges verò, principes, magistratus, amplificare, dilatare, propugnare & propagare vbiq; & aduersus quoscunque tentantur. Propterea apud Iudæos vnicum templum

plum erat, à Salomone extructum, quod vni-
 tatem ecclesiæ repræsentabat. Ridiculus verò
 & plectendus foret ædituus, qui partem tan-
 tum aliquam sartam tectam curaret, cæteras
 complui pateretur. Consimiliter reges Chri-
 stiani omnes, cum inaugurâtor, gladium tuen-
 dæ nominatim catholicæ seu vniuersæ eccle-
 siæ accipiunt. quo in manum accepto, omnes
 plagas Orbis designant, inq; orientem, occa-
 sum, meridiem, septentriones eum vibrant, ne
 vlla eius pars excepta censeatur. Cum verò ec-
 clesiæ protectionem eo ritu suscipiunt, veram
 proculdubio intelligunt, non falsam. Itaq; ei,
 quam veram & puram esse profitentur, in inte-
 grum restituendæ operam suam præstare de-
 bent. Ita verò à pijs principibus obseruatum
 fuisse, exempla docere possunt. Tempore Eze- 2. Chron. c.
 chiz regis Iuda, iam pridem mancipatum erat 31.
 regnum Israel regi Assyriorum, nimirum inde
 ab Osea rege. Itaque si ea Ecclesia Dei tantum,
 quæ in regno Iuda erat, non etiam vniuersa, E-
 zechiz commissa fuisset, si, inquam, eodem mo-
 do custodiendi fuissent limites agrorum in ec-
 clesia defendenda, ac in tributo fortè imperan-
 do; Ezechias proculdubio, ea præsertim tempe-
 state, qua Assyrij orbis imperio potiebantur,
 sese cōtinuisset. At videmus, eum inuitasse per-
 veredarios vniuersum Israelem, subditos, in-
 quam regis Assyrij, ad Pascha celebrandum in
 Ierusalem: quin & pios in Israele, in diruendis

1. Reg. 4. 22.

1. Chro. 34.

9. 6. 35.

excelsis suis, in ditionibus nimirum Ephraim & Manasse & cæteris, quæ Assyrijs parebant, adiunxisse. Sic etiam legimus Iosiam regem, in primis pium, non regnum suum modò, verum & Israeliticum, regitum Assyriorum plane addictum, cultu idolorum repurgasse. Nimirum ubi Dei gloria, ubi Christi regnum agitur, nulli limites, nulli fines, nulli cancelli, piorum principum zelum arcere debent. Sin vis fortè maior immineat, recordentur horum exemplo, qui verè Dominum timent, neminem metuere posse. Hæc piorum principum exempla, ex quo ecclesia, quæ prius Palæstina circumscribebatur, per vniuersum orbem diffusa fuit, Christiani principes multi insequuti sunt. Erant Constantinus & Licinius imperatores ambo: ille Orientis, hic Occidentis. Erant & collegæ pari potestate præditi. Notum verò est, quod vulgo dicitur: Parem in parem non habere imperium. Nihilominus tamen Constantinus Licinium Christianos, in iisque nobiles plerosque, religionis siue causa, siue prætextu, relegantem, diuexantem, contrucidantem, bello petit, religionis liberum cultum Christianis vi impetrat: fidem denique frangentem, & ad pristinam sequitiam revertentem Thessalonice morte mulctari iubet Constantinus, inquam, ille Magnus, cuius vsque adeò pietas ab omnibus illius seculi Theologis celebratur, ut de eo quidam dictum velint,

velint, quod est apud Esaïam Prophetam: Reges Ecclesię nutricios & pastores futuros. Eo mortuo, diuisum fuit Romanum imperium inter filios, æquo iure, nulla cuiquam adjuncta prerogatiua: ex his Constans Orthodoxos, Cōstantius natu maior Arrianos fovebat. Et hic quidem Athanasium Arrianorum hostem, Alexandria expulerat. Certè, si limitum vlla ratio haberi debuit, inter fratres debuit. Interim tamē minatur ille fratri, ni Athanasium restituat, vi facere paratus, ni quamprimum eū hic in integrū restituisset. Quod si verò vnus episcopi restituendi causa hæc facere non dubitauit: an nō multo æquius, cū pars populi aliquanta opprimitur, cū auxilium implo rat, Optimatibusq̃ue authoribus religionem suam tueri cupit: Sic & Theodosius, Attico *Scorum. lib. 7. c. 18.* episcopo suadente, aduersus Chosroem Persarum regem bellum suscepit, vt Christianis religionis causa vexatis succurreret, etsi ij priuati verè erant. Quod sanè iustissimi illi principes, qui tot leges sanxerunt, quiq̃ue tantam iuris curam habuerunt, minimè fecissent, si eo facto alienos fines, & iura gentiū violari iudicassent. Quorsum verò tot expeditiones principū Christianorū in Syriā aduersus Saracenos, quorsum toties imperatæ decimæ illæ Saladinides, quorsum tot bella socialia aduersus Turcas, tot aduersus eosdē indictæ cruciatæ, si quibusvis Christianis principib. etiam remotissi-

mis, ecclesiam Dei tyrannide, Christianos car-
 priuos seruitutis iugo liberare non licuit. Quo-
 bus verò argumentis impellebantur ad id bel-
 lum, quibus rationibus vrgebantur: nisi, quod
 ecclesia vna esset, quod Christus omnes omni-
 no ad delectam vndiquaq; vocaret: quod com-
 munia pericula communibus armis depellen-
 da essent: quæ omnia pariter huic nostræ causæ
 planè conueniunt. Quod si verò licuit illis ad-
 uersus Mahometem, nec modò licuit, verum
 vt alacribus præmium, ira & ignavis & cuncta-
 toribus pœna statuta fuit: cur non & aduersus
 Christi hostem? Si, inquam, in Græcos Troia
 nostram obsidentes, cur nò & in Sinonem in-
 cendiarium? Denique, si Christianos seruitute
 corporea (neminem enim cogunt Turcæ) libe-
 rare pium fuit, an non multò magis miserorum
 animas manumittere, inq; libertatem restitu-
 re? Et hæc quidem tot piorum principum e-
 xempla, legis instar esse possunt. Verum quid
 Deus ipse per os Prophetarum in eos qui Ec-
 clesie instaurationem non promoueant, aut
 afflictionem negligant, passim decernat, au-
 diendum est. Gaditæ, Rubenitæ, & dimidia tri-
 bus Manasse, petunt à Mose suam sibi suisq; tri-
 milijs portionē tribui cis Iordanem. Et Moses
 quidem tribuit: verum ea lege atq; cōditione,
 vt Fratres, cæteros, inquam, Israelitas, in conse-
 quenda terra Chanaan non adiuuēt modò: ver-
 rum, quia primi portionem obtinuerunt, præ-
 cedant

Nom. 32.

Iosue c. 4. 7.

12.

Deutr. c. 3.

ver. 20.

cedant eos, & in prima acie sint collocati. Siminus eosdem diris deuot, anathemate percutit, atque ijs comparat, qui ad Cades barne rebelles iudicati fuerant. Quid enim? ait: Fratres vestri belligerabuntur; vos verò interea hic quiescetis? Quin potius traijciatis Iordanem, nec prius huc ad penates vestros regredi mini, quàm Deus hostes suos expulerit à facie sua, requiemque fratribus vestris, non secus ac vobis, concesserit. Tum demum verò innocentes eritis coram Domino & Israele; ni mirum quos primos tanto beneficio dignatus est Deus optimus maximus, ni fratres adiuvēt, ni laborum socij sint, ni præcedant, grauissimæ pænæ proculdubio manent. Confirmiliter cū Debora duce, Nephthalitæ & Zabulonenses *Iudic. 5.* in labinum tyrannum arma cepissent, ac inter tribus Ruben, quæ prima in armis esse debuerat, sese fistula inter gregum pascua oblesaret, Galaad intermedio amne sese tutum putaret, Dan maris imperium iactaret, Assur denique montium asperitate confideret, Spiritu Dei per Prophetissam loquente, disertissimè omnes damnantur. Maledicite Meroz, ait Angelus Domini, diris deuote habitatores eius, quia non venerunt in auxilium Domini cum strenuis. At benedicta Iahel vxor Heber Cinzi, quæ (licet sordus cum gentibus causari potuisset) Sisarā nihilo minus ipsum hostilis exercitus ducem cōfodit. itaq; piè Vrias: Ar-

2. Sam. c. 11.
vers. 11.

Amos 6.

Indic. 1. &
12.

2. Sam. c. 5.

ca, inquit, Israel, Iuda, habitant sub tentoriis
sub pellibus degunt, noctem sæpe infomnes
sub dio transigunt: ego verò cum vxore epula-
bor, genio indulgebo, deliciabor. Viuit Deus,
nunquam hoc faciam. Impiè contrà principes
Israel, qui montium Samariæ difficultate, Si-
nifque munitione freti, luxu difflount, conui-
uantur, comessantur, in eburneis lectis dor-
miunt, capillitium pervngunt. Interea verò Jo-
sephum contritum, cruciatum, mirè vexatum
despiciunt, nec eius afflictione vlllo modo co-
mouentur. Propterea verò, ait Deus exerci-
tuum, superbiam domus Iacob odi, magni-
cas ipsius ædes detestor. Iuravi per animam
meam, Tradam ciuitatem, & circuitum eius.
Qui verò tantopere luxuriabantur, in transi-
gratione mox primi erunt. Impiè quoque
Ephraimitæ, qui Gedeoni & Iephthæ victoriam
adeptis & triumphantib. non modò non gra-
tulantur, verùm inuident: quos tamen pendu-
tantes deseruerant. Item Israelitæ, qui Davide
rerum potito, exclamant: En caro tua, & ossa
tua sumus nos: qui priùs, eodem in angustias
redacti, dicebant: Non est nobis pars in Dae-
de, non in filio Isai. Impiè Christiani illi nomi-
ne tenus omnes, qui sacris Ecclesiæ epulis co-
municare volunt, calicem amaritudinis cum
fratribus ne degustant quidem, qui salutem in
Ecclesia quærun, salutem & incolumitatem
ecclesiæ & membrorum suorum non curant.

Denique

Deniq; vnum Patrem Deum, vnam familiam
ecclesiam agnoscunt, vnum se in Christo cor-
pus esse profitentur: neq; tamē aut Christo in
membris affecto opem ferunt, aut inopi opes
suas impertiuntur. Quam verò eius impietas
his poenā futuram putamus? Moses comparat *Numer. 32.*
desertores fratru, rebellibus Cadesbarne. Ho-
rum verò nemo, ita decernente Deo, terram
Chanaan ingressus est. Ne vllām itaq; in Cha-
naan celesti sibi sedē quærant, qui Christo mi-
serimē cruciato, ac millies quotidie moriēti,
opemq; illorum ostiatim quasi imploranti nō
subveniunt. Christus ipse æterno igni dam-
nateos, qui ipsum peregrinantem non excepe-
runt, frigentē non foverunt, nudū non vestie-
runt, inopem non iuuerunt, captiuum non li-
berarunt. Ignem itaque æternum paratū sibi
sciant oportet, qui quotidie talia patientem,
surda aure prætereunt, quātumvis magna in-
terim miracula edere videantur; & adeo qui-
dem, vt quibusvis infidelibus tolerabilius,
quām illis futuram sit. Quid enim? Iudzine
proprie, Soribz, inquam, & Pharisei, Christū
crucifigunt? Ethnicine, Turcz, Christiani de-
nique quidam in membris suis persequun-
tur, cruciant, diuexant? Minimē sanē. Iu-
dæi impostorem, Ethnici maleficum, Turcz
infidelem, alij hæreticum credunt & profiten-
tur. Itaque si mentem illorum omnium spe-
ctes, ē qua vulgò crimen metimur, noxios illi

omnes, impios & poenam meritos persequi
Christum propriè occidere non videntur. Ac
verè persequuntur, verè occidunt ij tantum,
qui quem Messiam, Redemptorè, Deum pro
fitemur, in suis membris torqueri ac crucifi
gi, cum impedire possint, ultro patiuntur. In
summa: qui quem neci eripere potest, non er
ipit: què tenetur, ac qui occidit. Quis enim
noluit opem ferre, voluit occidi. In crimine ve
rò voluntas ipsa spectari debet. At certè eo gra
uius est, Christianorum præsertim Principum
qui Religionis causa vexatis opem non ferunt,
homicidiū, quo plures, quos liberare possent,
interficiunt: & quo fratrem, quàm quemlibet,
interficere, sceleratius est. Atrocius, quàm ty
rannorum Tyrannorum scelus: quo virum bonū
iustum, pium, innocentem, quàm latronè, in
postorem, magum, hereticum interficeret: quo
Deum, quàm quemlibet hominem petere, se
gitiosius est. quo denique perfidia in pari facto
ignorantiam superat.

An verò de ijs, qui tyrannide oppressa rem
ve publicam aduersus tyrannidein defenden
tibus, non opem ferunt, idem statuere lice
bit: cum non tam arctæ necessitudinis, nō tam
arcti foederis ratio habeatur: cum inquam, non
de Ecclesia, quæ vna omnium est, quæ vna vi
uerfaque singulis commissa est: sed de Repu
blica, quæ alia aliorum esse potest, alia alijs
commendata est, hic agatur? Pro
mu

Augustin. in

Pf. 82.

Ambros. lib.

1. de Offic.

Gratian. in

Decret.

ius est, ait Christus, non Iudæus Iudæo tan-
 tum, sed Samaritano, & cuius homini. Proxi-
 mum autē debemus, ut nos ipsos, amare. Itaq;
 non Iudæus Iudæum tantum, sed & quēlibet
 peregrinum etiam & ignotum, latroni, si pos-
 sit, eripere tenetur, si officio suo satisfacere ve-
 lit. Nec disputabit quisquam, an liceat alium
 defendere, qui seipsum tueri iustū iudicabit:
 cum sanē alium, quā semetipsum, defende-
 re eo iustus sit, quo quæ mera caritas, quā
 quæ aut ira, aut vindicta, aut alia animi pertur-
 batio facit, iustiora existunt, & in proprijs in-
 iurijs vlciscēdis, nemo modum teneat in alie-
 nis, licet grauioribus, immoderatissimi quiq;
 modum tenere possint. Verū, est quod ab
 Ethnicis ipsis discamus, quid à nobis humana
 societas hac in re, quidq; communis omnium
 natura requirat. Quia, ait Cicero, vna omnium
 hominum natura est, hoc vel Natura ipsa præ-
 scribit, ut homo homini, quicumque sit, ob eā
 ipsam tamen causam, quod homo sit, consul-
 tum velit. Sin minus, omnis humana cōsocia-
 tio dissoluatur, necesse est. Itaq; ut iustitiæ duo
 fundamenta sunt: primum, ne cui noceatur;
 deinde, ut omnium, si fieri possit, utilitati ser-
 uiatur: ita & iniustitiæ duo genera sunt vnum
 eorum, qui inferūt alterum eorum, qui ab ijs,
 quibus inferitur, si possunt, non propulsant in-
 iuriam. Nam qui iniuste in quēpiam facit, aut
 ira, aut aliqua perturbatione incitatus, is quasi

*Cic. lib. 1. d.
3. off.*

manus violenter videtur afferre socio: qui aut non defendit, nec obstitit, si potest, iniuria, tam est in vitio, quam si aut parentes, aut amicos, aut patriam deferat. Ita, quod ille facit, in facere iudicatur, quæ furor brevis censetur: quod hic, mala mens verè & malus animus, qui tyrannus perpetuus est. Et illius furor utcumque, huius destinatum consilium nulla ratione excusari queat. Dices: Vereor, ne dum ab illo iniuriam depello, huic faciam iniuriã. Imò verò iustitiæ prætextu iniustitiam tuam tegere vis. cum, si te ipse consulas, non te iustitia, ut officium deferas, sed quævis alia causa potius moneat. Etenim, ut ait ille alio loco, aut inimicitias, aut laborem, aut sumptus suscipere non vis, aut etiam negligētia, pigritia, inertia aut tuis studiis, quibusdamve occupationibus sic impedis, ut eos quos tutari debeas, desertos esse patiaris. Dum verò tu te negotium agere dicis, ne cuiquã facere videaris iniuriam, in alterum iniustitiæ genus incurris. Deferis enim vitæ societatem: quia nil confers in eam studij, nil operæ, nil facultatū. Hæc Ethnici philosophi & politici, piè sanctè magis, quàm multi hoc seculo Christiani. Hinc vicinus, ni domino sciienti servum eripiat, legibus Romanorum tenetur. Apud Ægyptios verò, qui obiter hominem à latronibus cædi, aut quamlibet iniuriam pati compensaret, neque subuenisset, si potuisset: mortis erat reus.

*Mod. Sic. li.
2. cap. 2.*

reus: fin minus, latrones coram magistratu accusare tenebatur. Quod si neglexisset, plagis ad certum numerum, triduo quoque ieiunio pledebatur. Quod si id verò vicino in vicinum iure licet: imò ex officio incūbit, si obvio cuique in latronem, an non multò magis licebit bono principi, non seruis quidem aduersus se uientem dominum, aut filiis aduersus furem patrem: sed regno aduersus tyrannum, reipublicæ aduersus priuatam vnius libidinem, populo, domino, inquam, aduersus seruum & actorem publicum, opem ferre & patrocinari: imò verò si neglexerit an non ut ille latronis, hic tyranni nomen pœnasque merebitur? Hinc Thucydides, Non ij modò, ait, *Thucyd. lib. 1.* tyranni sunt, qui alios in seruitutem redigunt, 1. verùm longè potius ij, qui, cùm eam violentiam reprimere possint, non curant, in primis verò, qui Defensores Græciæ & communis patriæ vocitari volunt: patriæ verò oppressæ non opitulantur, & rectè. Tyrannus enim quam violentè invadit tyrannidem, violentè retinere quodammodo cogitur, quia lupum, ut dicebat Tyberius, auribus tenere sibi videtur, quem neque absque vi retinere, neque absque periculo dimittere potest. Itaque crimen crimine ut exstinguat, multa scelera patrat, ac alijs iniuriam inferre cogitur, ne sibi ipse iniuriosus sit. Hic verò princeps, qui tyranni scelera, innocentumque cædem,

*Pompon. de
reg. iur. leg.
36.*

Cic. 2. Off.

quæ impedire potest, otiosus spectat; quia ex
eo quasi gladiatorio ludo voluptatem capta,
tantò tyranno criminofiore est, quantò qui gla-
diatores committit, ipso homicida gladiato-
re; quantò qui voluptatis causa, eo qui me-
necessitate coactus, hominem interficit. Si
opponunt quidam: Verùm culpa est, rei alieni
sele immiscere; respondeat Teretianus Chri-
mes: Homo sum, humani à me nihil alienum
puto. Si, quod alij, vt latebras impietati qua-
rant, distinctos esse limites, distinctas iurisdic-
tiones; in alienam verò messem falcem injice-
re non licere: nec ego sanè consulo, vt eo prae-
textu fines alienos inuadas, iurisdictionem al-
terius ad te rapias, messem vicini in arcam tuam
traducas, quod plerique eo praetextu faciunt.
Non, inquam, vt arbitri illius exemplo, de quo
Cicero, rem controuersam tibi ipse adiudicas.
Quin potius principem regnum Christi inu-
dentem coerceas, tyrannum intra limites suos
contineas, populo afflicto, reipublicæ prostra-
tæ, manum auxiliariè porrigas. Ita verò id pro-
stes, vt non tuæ utilitati, sed humanæ societati
omnino consulas. Cum enim iustitia tota sa-
ras spectet; iniustitia sui tantum rationem ha-
beat: iustè demum id feceris, si commodum
tuorum rationem ullam habueris. Breniter, si
princeps fixos pietatis & iustitiæ limites vi-
lenter transilit, poterit vicinus piè iustèque
extra limites suos profilire, nō vt inuadat alie-

at, sed ut suis illum contentum esse iubeat: quin impius & iniustus erit, si negligat. Si princeps in populum tyrannidem exerceat, non minus aut segnius illi opem feret, quam illi, si populus seditionem moueat: imò eò promptius debebit, quò plures, quam vnum pati, miserabilis est. Si Porsena Tarquinium Superbum Romam reducat, multò equius Constantinus à populo senatuque Romano accersitus, Maxentium tyrannum vrbe expellet. Denique, si homo homini lupus fiat, quin & homo homini deus, ut est in prouerbio, esse possit, nil planè vetat. Itaque Herculem in deorū numerum retulit Antiquitas, quòd Procrustum, Busyridem, & alios tyrannos, humani generis pestes, orbisque monstra vbique terrarū puniret & domaret. Sic & imperium Romanum, quamdiu liberum fuit, Orbis terrarū aduersus tyrānorum latrocinia patrocinium vocitabatur: quia regum, populorum, nationum portus & refugium erat Senatus. Sic Constantinus à Romanis in Maxentium tyrannum accersitus, ducem exercitus Deum habuit, cuius expeditionem vniuersa ecclesiā miris laudibus attulit, cum tamen eandem haberet auctoritatem Maxentius in Occidente, quam in Oriente Constantinus. Carolus Magnus quoque in Longobardos bellum suscepit, à Patricijs Italiæ in auxilium vocatus: cum tamen & Longobardorum regnum iam pridem stabilitum esset, &

Cic. 2. Of.

Joan. Aven-
gin. in An-
nal. Boier-
vie.

nihil ipse iuris in illos sibi vëdicare posset. Cũ
similiter cum Carolus Caluus rex Francorũ,
præsidem eius regionis, quæ Sequanam & Li-
gerim amnes interfaceret, Lambertum ducem
& lamætium per tyrannidem de medio sustu-
lisset, ac cæteri Galliæ optimates ad Ludoni-
cum Germaniæ regem, Caroli ex alia matre
fratrem, confugissent, auxilium in Caluum e-
iusq; matrem Iuditham, sceleratissimam fe-
minam petituri: is in amplissimo principum
Germaniæ cœtu supplices audivit, quorum
vnanimi consilio, restituendis exulibus, bellũ
in Caluum publicè decretum fuit. Denique,
vt tyranni vbique locorum extiterant aliqui:
ita & apud omnes Historiographos vindictæ
per Principes vicinos tyrannidis, defensionisq; po-
puli exempla passim extant, quæ principes ho-
dierni, in tyrânis tum corporum, tum animæ,
tum reipub. tum ecclesiæ Christi, coercendis,
imitari debent, ni ipsi tyranni meritissimo in-
re nominari velint.

Ac (vt tandem vno verbo hunc tractatum
concludamus) iubet pietas, legem Dei custo-
dir, Ecclesiãq; tueri iustitia, tyrannos, iuri
reiquæ publicæ eversores, coercere: charitas,
oppressis succurrere, manumq; adiutricem
præbere. Qui verò hæc tollunt, pietatem, iusti-
tiam, charitatem de medio tollere & extingui
re omnino volunt.

F I N I S.

ALPHONSVS MENESIUS

Benauides, Tarraconensis, Gal-
liam adloquitur.

GALLIA, quid seuo toties fremis horrida motu
Religio sanctas flet laniata comas?
Cur populus bello regem, populumq; vicissim
Rex petit? indigno terra cruore rubet?
Cur fratrem frater lacerat? cur viscera ciuis
In sua crudeles ipse acuit gladios?
Vnde animis nouus iste furor? quæ tanta libido,
Sanguine cognato commaculare manus?
Scilicet, vt quondam, stabulis emissus Iberis,
Prata per, & campos, & iuga, fertur equus:
Aut ratis in scopulos errat peritura latentes:
Nullas vbi celsa puppe magister adest:
Haud aliter, legum populo dum fræna relaxas,
Dum Regi soluis vincula, tota ruit.
At, populum & regem solitis tu siste lypatis,
Illicet antiquus restituitur bonus.
Si ponas illi leges, hic seruet easdem.
Adcolles sursum, Gallia, lata caput.
Tu modò ne monitis aures præbere recusa,
Diuino Brutus quæ pins ore canit.
Candida pax primum coeat, Concordia surgat,
Federe sacrorum consocianda tibi:
Bis seni, vt solitum, Procures moderentur l'ænas,
Quos Patria patres dicitis, atque Pare:
Quis olim ducibus Rex atque auctoribus v'us.

Arma foris rexit, templa, forumq; domi.
 Moribus antiquis, Regni Conventus agatur. (Nihil
 Legitimus, **STATVVM** nomine **TERGEM**
 Hoc Regem indomitos freno distringere gressus,
 His placeat loræ colla superba regi.
 Nam si nec leges, nec publica commoda rerum,
 Vnius arbitrio cuncta licere sinunt.
 Quis nouus hic mos est? quæ tanta licentia? Gallus
 Cur Princeps legum vincula nulla ferat?
 Non licuit Regi, ius, vetitigalia, censum,
 Aut pacem, aut forti bella gerenda manu,
 Connubij aut tædæ, noua vel decernere pæcta,
 Ni Populus, veteri more, iuberet idem.
 Ab: anne ille tamen, nostri ô graue dedecus æui,
 Tunc Mahometanis miscuit arma pia,
 Et pepigit sibi, captiuas vrbesq; domosq;
 At capita, & prædam, barbæ Turcæ, tibi?
 Germanæ thalamos an tunc laniena, suorum
 Sanguine sedabat? Marsq;, Hymenæus erat?
 Non ita Rex Populo semper tutorq;, paterq;
 Et Populus, proles Regis amica fuit.
 Tunc potuit Pietas Regem, Populumq; fidelis
 Commendare animus, tunc bene innectus amor.
 Fraudibus atque doli te non instruxerat ille
 Tusculi adhuc, vitiis imbueratq; suus.
 Fregerat arte fidem nemo, iurataq; Pacis
 Numina non ulli fallere, ludus erat.
 Sed Rex, Traiano similis: si iura secutus,
 Et patrias leges, impero, Galle, tibi
 Hoc pro me, dixit, gladio Dux utere in hostem:

Sin secus, hunc ipsam pectore conde meo.
 Felix & nimium, Pietas dam provida, Regni.
 Undique tergemino te moderata fuit.
 Verum ubi successis senibus scelerata Iuventus,
 Consiliis pravis, stultitiisq; peris.
 Nonne ego iam vides, crudelibus undique flammis
 Sacra triumphari? non, tua iura rapit?
 Non ego Nobilibus cedes, aconita parari?
 Et nullum priscis legibus esse locum?
 Iustitiæq; decus temni? Virtutis honores?
 Et possum Christi funditis ire fidem?
 Sume animos fortes tamen, & patriæ adfere iura.
 Praesto erit, audeto, numen ab arce Poli.
 Fœdus ini, leges renoua, duce & auspice Christo.
 Hic tua certa salus, praesidiumq; tuum.
 Si levis anxietas, si te spes vana moratur,
 Eximit has Brutus, Gallia, vitæ tibi.
 Quin ego, te, quamvis telluris alumnus Iberæ,
 Hostis & à patris conditione soli,
 Si licet, hortor idem, miseratus damna tuorum,
 Tot Populi cedes, tot fera fata Ducum.
 Credo equidem huc vincens immania môstra malorum.
 Inscribes domitis, **BRUTE, MAGISTER ERAS.**

F I N I S



DE
IVRE MAGI-
STRATVVM IN SVB-
DITOS, ET OFFICIO
subditorum erga Ma-
gistratus.

*Tractatus brevis & perspicuus his turba-
lentic temporibus, utriusque ordini appri-
mè necessarius.*

Ad Reges & Principes paræne-
sis Davidis.

Psal. 2.

*Servite Iehoue in timore, & exultate in tremore.
Osculamini filium, ne fortè irascatur, & peratis
bia, cum exarserit furor eius.*

Ad Subditos.

1 Pct. 2. 13.

*Proinde subiecti estote cuilibet humanae ordinationi
propter Dominum.*

DE IVRE MA- GISTRATVVM IN SVB- DITOS, ET OFFICIO SVB- ditorum erga Magistratus.

QVÆST. I.



OLA vnus Dei Opt. max. volun-
tas cū perpetua sit & immutabilis
omnis Iustitię Regula, illi sine ex-
ceptione parendum esse dicimus.
Quod verò ad obedientiā Principib. debitam
attinet, vtiq; si ex Dei ore perpetuò imperarēt
tāquā Deo illis quoq; semper & sine exceptio-
ne obediendū esset. At cū plerunq; cōtrarium
illis eueniat, addēda est ad illā hęc cōditio, dū
nihil vel impium, vel iniquū præcipiāt. Impia
mandata voco, siue irreligiola, quæ aut ea iu-
bent quę Dens in prima Legis sue tabula ve-
tat, aut ea vetant quæ in illa Deus præci-
pit. Iniqua verò præcepta dico, quib; id fieri
inhibetur, vel non fieri iubetur, quod quisque
pro sua vocacione, aut publicā, aut priuata,
proximo ex charitate debet.

Hoc porro tum rationib. tum manifestis
exemplis probare non erit difficile. Ait Domi-
nus per Esaiam prophetam, Gloriam meā al-
teri non dabo. Quāuis autē non ita perspicue

*Humana
mādata di-
uinis equi-
parari sine
Dei iniuria
non posse*

Dominus locutus esset, se ipsa tamen constat non posse sine scelere edicta ex solo hominum arbitrio manantia, ijs exequari quę Deus ipse mandavit. At par esset, æqualis quę Dei & hominum authoritas, si hominibus perinde ac Deo, sine exceptione parere semper esset necesse. Addo etiam quoties Dei iussa hominum mandatis postponuntur, toties homines super Dei thronum euehi. Iam ad exēpla veniamus.

*Exod. 1. 21.
Mandatum
iniquum.*

*Dan. 3.
Mandatum
impium.*

PHARAONIS edictum de occidendis omnibus pueris masculis hebræorum, iniquum erat, ei quę merito obstetrices parere recusarunt, quarum domib. seu familijs iccirco Deus benedixit. Nabuchadnezaris autem de statua aurea adoranda edictum, planē impium & irreligiosum fuit: Et ideo Danielis socij illi obtemperare nolentes pietatis & constantię suę Deum approbatorem, id quę manifesto miraculo, habuerunt. Mandatum autem Iesabelis de occidendis Dei prophetis & impium, & simul iniquum fuit: piē ergo fegit Abdias, qui illos non modō non occidit, sed viuos & occultauit & aluit. Cū porrō Antiochus iuberet Idolis sacrificia offerri, sacrosanctas ceremonias violari, & diuina scripta prophetarum, legis quę igne comburi: sanctē tandem illius furor, qui reliqui erant fideles Duce Mathathias sese opposuerūt, Principes etiam sacerdotum & summum scribarum consilium cū Evangelij predicationem suis minis prohibere co-

naren.

parentur: tantum abest ut illis Christus, aut post eum Apostoli, morem gesserint, ut ille quidem sæpe publicè in templo illis inuitis concionaretur: Hi verò aperte responderint se malle Deo obsequi quàm hominibus. Quo rum exemplum constantissimè postea sancti Martyres sunt secuti, itaque rursus infero Magistratum omnium auctoritatem (quàtum- vis magna potentia & imperio sint præditi) duabus hisce metis à Deo ipso positis veluti septis concludi, Pietate scilicet & Charitate: Quas si transilire ipsis contigerit, meminisse iunabit Apostolici illius dicti, Præstat Deo quàm hominibus obedire: ne vel ex eorum si- mus cetera, quibus Dominus per Michzam maledixit, quòd impiis Regis sui mandatis o- bediissent: vel peruersa eorum exempla imi- temur, qui immanissimos etiam tyrannos tan- quam Deos adorarunt, Dei & titulos & effe- cta illis tribuentes. Quod de Domitiano præ- cipuè testatur impurus ille poeta Martialis, quum scribere ausus est,

Edictum Domini Dei nostri.

Vtinam verò hoc nostro seculo non inue- niantur, qui ab adulatione eiusmodi haud lon- ge absint.

Q V A R T. II.

Hoc verò iusto fundamèto: Labet etiam in quædam alia inquirere, quæ ad hoc argu- mentum pertinere videntur, ut multorum

Iohan. 9. 22.

*Pietas &
charitas hu-
mana obe-
dientia me-
ta.*

Mich. 6. 16.

conscientiis satisfiat. Primò autem quæritur, Num Magistratus teneatur omnium legum suarum cuius rationem reddere, vt & æquas & pias esse comprobet? Respondeo, Non teneri: Quinimò æquū esse vt probi omnes subditi probè de Dominis suis sentiant, nihilq; iniusti de illis aut præsumāt aut suspicētur: imò nec decere vt de reb. etiā dubijs nimis curiose privati homines inquirāt, præter suum vel caput, vel conditionē. Si quorū tamen hesitat cōscientia, possunt illi ac debent etiam (modestè tamen & pacificè) scrutari quid rationis, & iustitię mandato insir, quo aliquid facere vel iubentur vel inhibentur: stat enim firmum A-

Rom. 14.23.

postoli dictum, Quicquid fit sine fide (id est dubitante cōsciētia iustēne id fiat, an secus) peccatū est. Cæterū si apertè irreligiosum, aut iniquum est quod præcipitur, tum quę supra dicta sunt, locum habeant.

QVÆST. III.

PRAETEREA quæritur, Quousq; hæc sententia de nō observādis irreligiosis iniquisq; Magistratū edictis, extēdenda sit? Hic respondeo: Vnicuiq; cōsiderādum quid sua ferat conditio ac vocatio, siue generalis ea sit ac publica, siue privata. Edicitne Magistratus vt id agas quod Deus prohibet? (quēadmodū Pharaō Egyptiacis obstetricib. & Herodes suis satellitib. mādās vt bimulos omnes trucidarēt) tū rectè officio fungēris, si mandatū eiusmodi

non

Exod. 1.16.

Matth. 2.17.

non fueris executus. Sicut de clarissimo Iuris
 consulto Papiniano legimus, qui etsi Christia-
 nus non erat, maluit tamen à tyranno Caracal-
 la occidi, quàm fratricidiū quod patrarat, vel
 probare, vel suo patrociniō defendere. Sin ve-
 rò id Tyrannus vetat, quod Deus mandat, ne-
 quaquam te officio defunctum putes, si sim-
 pliciter obedire tyranno recusaueris, nisi &
 Dei simul mandato obtemperes, sicut Abdiā *1. Reg. 18. 13*
 fecisse diximus, quī non solum prophetas Dei
 non interemit, sed etiam seruauit & educauit,
 contra Achabi & Iesabelis mandatum: Quo-
 niam scilicet iubet Dominus fratribus peri-
 ditantibus quantum pro sua cuique vocatio-
 ne licet, opem ferre. Sic & Apostoli, vt suprà
 diximus, non solum non cessarunt ab Euan- *Act. 5.*
 gelij prædicatione vt sacerdotibus obseque-
 rentur: sed contrā constanter prædicarunt
 vbique: quoniam hoc mandatum expresse à
 Domino acceperant, *Itē, & prædicate E- Man. 12.*
 uangelium omni creature, &c. Cū er-
 go hodie videmus plerosque Magistratus ita
 tuscinos ab Antichristo Romano, vt seue-
 rissimis mandatis subditos execrando Mis-
 se sacrificio adesse cogant, piorum omnium
 officium requirit, non solum vt id non præ-
 stent, verum etiam vt Eliæ ac Elisæi, totius de-
 nique veteris puræ & veræ Ecclesiæ exem-
 plo, sese pijs cœtibus adiungant, ibi verbū Dei
 audiant, sacramentisq̃ue communicēt, prout

Christus id fieri in Ecclesia præcepit. Idem quoque obseruare conuenit in officiis, quæ homines hominibus tam iure diuino quàm naturæ debent, utpote liberi parentibus, vxor marito, Pastor gregi, & in summa proximus proximo. Ab iis enim non decet nos ullis vel edictis, vel nimis, vel etiã iniustissimis pœnis, absterri, aut abduci: modò ne quicquã obedientiæ (quàm imprimis Deo debemus, qui his omnibus maior est) ex huiusmodi præstitis officijs, decedat.

Q V A E S T. IIIL.

Quo modo à Magistratu iniuriam passus sese aduersus illum tuari possit?

HINC etiã quæri solet, Quid boni conscientia vir pius tum agere debeat, aut possit, quum Magistratus ipsum quidem ministrum suæ iniquitatis non facit, sed in illum ipsum iniurius est? Hæc quæstio quia pluribus constat membris, distinctione opus habet. Si ergo Magistratus qui subdito iniuriam intulit, alteri superiori Magistratui subest, licebit per leges iniuriam passo ad supremum Magistratum recurrere: sicut Paulum fecisse legimus, cum à Festo Iudeæ præfecto ad Cæsarem prouocauit, ut illius iniustitiam declinaret. Verum qui priuatæ sunt cõditionis subditi, duo hic potissimum obseruent: primum ne quid nisi iuridicè experiantur. Deinde videant non solum quid liceat, sed maximè quid expediat. Is ipse

Ipse enim Paulus, cum Philippis contra ius
eorum Romanorum virgis ignominiose indi-
ctus exusa per Magistratus imprudentiam et
fuisse: indicans se sua patientia Dei gloria
magis promoturum: ius suum ulterius prose-
cutus non est, sed satis illi tum fuit, Magistra-
tum iniustitiae contra leges commissae, ad-
monere.

At verò si contingat (quod nimis frequen-
ter nostro tempore videtur) inferiorem Ma-
gistratū in alterū Magistratum inferiorem vio-
lenter aliquid moliri contra superioris expres-
sum voluntatē: tum certè dixerim licet esse
magistratui, teneatque prius omnibus legitimis
& pacificis mediis, sese legibus armare & iustā
defensionem, iniustae violentiae opponere,
quemadmodum à Nehemia aduersus Sanaba-
baram & ipsius socios factum est.

Quid si autem supremus Magistratus is
est, à quo iniuria proficiscitur? Dominus Iesus
& post eum omnes Martyres suo exemplo sa-
tis docuerunt, iniurias patienter ferendas: &
haec summa est Christianorum gloria, Iniu-
riam ab omnibus pati, nemini autem inferre.
Quid igitur, dixerit quispiam, Nihilne reme-
di ergo superest aduersus summum Magistra-
tum sua auctoritate & potentia abutentem,
contra omnia iura tum diuina tum huma-
na? Superest sane etiam à rebus humanis
petitum. Hoc verò cum dico, nemo putet me

vel fanaticis Anabaptistis, vel alijs seditiosis & turbulentis hominibus, fauere velle, quoniam potius dignissimos censeam omnium rebus quorum hominum odio, & seuerissimis supplicijs. Verum enim verò dicendum mihi quod res est in hoc argumento: Nec existimandum est, eos qui docent quibus viis, salua conscientia, manifeste tyrannidi oblisti possit, bonos & legitimos magistratus, vel ea spoliare authoritate, qua à Deo donati sunt, vel seditionibus viam sternere. Quinimò certum est neque Magistratum authoritatem stabiliri, neque publicam tranquillitatem posse conservari (qui tamen præcipuus finis est omnium bene constitutarum politiarum) nisi & studiose caueatur ne irrepat tyrannis, & si iam irrepsit, diligenter aut aboleatur, aut propulsetur. Queritur ergo, An subditi iustoliquo modo, sine Dei offensa manifestam tyrannidem summi Magistratus reprimere, vel etiam armis, si opus est, propulsare possint?

QVÆST. V.

An armis reprimi manifesta tyrannis iure possit.

*De Magistrat.
in origine.*

HANC quæstionem vt dilucidius solvam, quædam mihi prius ponenda sunt, tanquam totius quæstionis bases: Nempe, Populos non à Magistratib. primū dimanasse, sed quicumque vel ab vno principe, vel ab electis à se primitibus regi voluerunt, eos antiquiores suis Magistratibus.

paratibus fuisse. Vnde consequitur non po-
 pulos propter Magistratum, sed contra Magi-
 stratus propter populum fuisse creatos: sicut
 tutor pupillo, non pupillus tutori constitui-
 tur: & pastor ob gregem, non grex propter pa-
 storem. Id cum per se satis manifestum est, tū
 omnium ferè nationum historijs confirmat-
 um potest. Adeo ut Deus ipse etsi Saluē pre-
 sibus populi elegisset, quem Samueli substi-
 tueret, voluerit tamen eum populi suffragijs
 in Regem & creari & suscipi. Sic Dauid etsi
 Rex à Deo ipso primū electus esset, noluit
 tamen Regni administrationem suscipere, nisi
 prius & suffragijs & libero tribuum Israeliti-
 corum consensu confirmatus. Simili ratione
 factum est, ut postea etiam, quāuis regnū
 ex Dei constitutione familie Dauidis esset ad-
 dictum, is demum tamen ex Dauidis posteris
 regnaret, quem populus approbasset, & non
 alius (nisi fortè aliquid extra ordinem accide-
 rit, quod impedimentū afferret, ut cum modò
 Egyptij, modò Syrij reges in populum Dei
 tyrannidem exercebant.) Adeo ut hoc quidē
 regnū hereditarium esset, si familiam spe-
 des, sed si personam, electiū, id est, ab ele-
 ctione populi pendens. Quod videre est ex
 historijs a Salomonis, b Roboā, c Ioas, d Ozias
 & e Ioachaz. Vnde & f Absalom occasione pa-
 trni regni usurpandi captauit. Sic g enim ei
 respondit Chusai amicus Dauidis, Nequaquā
 1. Sam. 10. 11
 2. Sam. 2. 6
 4. 1. Par. 39
 22.
 6. 1. Reg. 12. 2
 2. Reg. 11. 12
 2. Par. 26.
 1.
 2. Par. 36.
 1.
 2. Sam. 15.
 4.
 2. Sam. 16.
 18.

sed quem elegerit Deus & populus iste, non
 per universus Israel, illius ero; & cum illo ma-
 nebo. In summa si libet veteres historias, à pro-
 phanis etiam scriptorib. literis mandatas, scru-
 tari, constabit (id quod natura etiam ipsa alta
 voce acclamare videtur.) Magistratos, quo-
 rum autoritate inferiores regerentur, ideo
 creatos: quod necesse esset vel totum huma-
 num genus perire, vel medium aliquem ordi-
 nem constitui, quo unus pluresve reliquis im-
 perarent, qui bonos tuerentur, improbos au-
 tem pœnis coercerent. Atq; hoc est quod non
 solum Plato, Aristoteles & reliqui naturales
 philosophi (sola rationis humanæ luce instru-
 di) & docuerunt & probarunt: verum etiam
 Deus ipse, ore Pauli ad Romanos, totius fere
 mundi dominos scribentis, clavis verbis con-
 firmavit. En quæ sit omnium tum Rerum pu-
 blicarum, tum Potestatum origo, à Deo om-
 nis boni auctore optima ratione repetita.
 Quod & Homerus agnovit, & liberè testatus
 est, Reges Iouis alumnos & populi pastores
 appellans. Quid igitur obstabit quin de Magi-
 stratum, maxime supremorum, potestate ser-
 monem instituentes, ad primam illam origi-
 nem ex qua fluxerunt, transcendamus, & ad
 quem finem constituti fuerint consideremus?
 Cum certissimum sit omnem de rebus iustis,
 vel iniustis disputationem à fine & ordiendam
 & finiendam. Tum enim rectè & ordine ali-
 quid

Rom. 13. 5.

quid factum censendum est, cū ad eum finem
 pertingit, ad quem destinatum fuerat. *De
 m.* CVM igitur de Magistratū officio que-
 ritur, fatebuntur omnes, fas quidem esse illos
 & officij admonere, & liberè quoque quoties
 ab eo deflectunt, reprehendere. At verò vbi a-
 gitur de manifestissimis tyrannis, vel cohiben-
 dis, vel pro ipsorum merito plectendis, tum
 plerique adeo patientiam, & preces ad Deum
 commendat, ut pro seditiosis, & pseudo-chri-
 stianis habeant, & damnent, quotquot cerui-
 ces suas ad carnificinam non submittant. Lo-
 cus hic sanè lubricus est, ideo rursus lectores
 obsecro meminerint eorum quæ proximè a-
 me dicta sunt, ne ex ijs quæ deinceps dicenda
 erunt, malas neceant consecutiones. Probatur
 quidem mihi maximè Christiana patientia,
 ut pro cæteris omnibus virtutibus lauda-
 bilis, & nunquam satis commendata, ad quam
 fateor studiosè homines esse adhortandos,
 quia plurimum ad consequendam æternam
 beatitudinem habeat momenti: seditiones, &
 omnem confusionem eorum immania monstra
 detestor: in afflictionibus præsertim, ab vno
 Deo pendendum esse censeo: preces cum se-
 riæ respicientia coniunctas, agnosco necessa-
 ria, & vera esse remedia ad profligandam ty-
 rannidem, quando quidem malum hoc inter
 flagella à Deo immissa ad populum castigati-
 dum merito connumeratur. Sed nego hæc

omnia obstat, quo minus liceat populis manifesta tyrannide oppressis, simul cum precibus & poenitentia, alijs iustis aduersus illam remedijs sese tueri: Idque firmissimis hisce rationibus nixus, confirmo.

His positis quæ suprà de origine Regum & aliorum Magistratum probata sunt, consequitur non esse Reges legitimos, eos qui vel fraude eam potestatem vsurpant, quæ nullo iure ad ipsos pertineat. Duo sunt verò eiusmodi Tyrannorum genera: Alij enim in concives suos dominationem vsurpant contra leges positas & receptas, sicut Iulius Cæsar sub ficto Dictatoris perpetui titulo, Romanâ Rēpub. inuasit: & multi alijs Tyranni, in Græciæ præsertim, patriæ suæ libertatem oppresserunt. Alij autem non contenti ea quæ iure in suos potiuntur dominatione, suas ditiones cum dispendio libertatis vicinorum suorum dilatant, & limitibus ampliant, quæ ratione Monarchiæ iam à mundi initio in tantam peruenerunt amplitudinem: cuius rei nobis sacræ literæ exemplū in Nimbroto exhibent: sicut etiam hac via videmus Israelitas plerumque à vicinis populis oppressos fuisse. Itaque cum Tyranni illi nihil iuris haberent in Dei populum, Israelitis dico licuisse non solum edictis irreligiosis harum nationum non parere, sed etiam iustam defensionem, illorum iniquæ violentiæ opponere: Ideoque præse-

Gen. 16. 12.

ctos

Hos tribuum grauitè peccasse, quoties con-
 iunctis animis & viribus peregrino hosti pro
 patria libertate non occurrerunt, siquidem
 obstitendi facultas illis daretur: constat enim
 etiam priuatos homines iure tam diuino, quàm
 humano, teneri, laboranti & oppressæ patriæ
 suæ totis viribus succurrere: præsertim verò
 eum & de Religione, & simul de libertate pec-
 riclitatur. Verum est enim quod pirata ille ca-
 ptiuus ad Alexandrum ductus dicere ausus
 est, Nihil differre se ab illo, nisi quòd ille ma-
 gna nauium copia mundum deprædaretur,
 ipse autem vnica nauicula. His non aduersa-
 tur quod quidam solent obiicere: A Deo sci-
 licet, trāsferri & permutari regna ac imperia:
 ideoque sæpe Tyrannos potiti victoria Deo
 annuente. Absit enim vt propterea vel Luca-
 ni sententiæ subscribam, qui hoc modo, ius
 sceleri datum fuisse, canere ausus est: vel De-
 mosthenis causam vt iniquam damnem, quòd
 patriæ suæ libertatem aduersus Philippi Ma-
 cedonis violentiam defendens, victus succu-
 buerit, Philippus autem victor euaserit. Quis
 bus exemplis ideo vtor, non vt ijs tanquam re-
 gulis piorum conscientie nitantur, sed quia &
 celebra sunt & plerisque notissima: atque etiam
 quòd etsi hæc inter profanas gētes acciderint,
 non tamen vsque adeò ab æquitatis norma di-
 stent, vt merito dici non possit ab altera parte
 ius stetisse, ab altera iniustitiam. Nec enim à

Obiectio.

Solutio.

V

Judic. 20.

Non omnes
Tyrannicide
promiscuè
damnandi.

solo euentu prospero aut infelici (vt etiam Demosthenes Æschini aduersario suo, infelicem ipsi successum Chæronensis prælij exprobranti, respondit) iudicandum censerim, num iuste quid an iniuste susceptum sit. Nam (vt magis Christianè loquamur) solet plerunque Deus vel hominū peccata ita vlcisci, vel suos eousque experiri, vt ipsorum consiliis (quauis per se bonis & iustis) longè alium exitum tribuat, quàm ipsi cogitarint: vt videre est potissimum in eo bello quod reliquæ trib. Israëliticæ in Beniamitas gesserunt. At Deus interrim non minus iustus manet, quocunque instrumento sua iudicia exequatur: nec populi minus legitimam causam aduersus hostes tyrannos habuisse sunt existimandi, quia iusto aliquo Dei iudicio prostrati corruerint. Quæ obrem probari mihi nunquam potuit eorum opinio, qui sine discrimine aut exceptione vlla, omnes simul Tyrannidas vno calculo dannant: quibus olim Græci tam egregia præmia decernebant. Nec magis placet eorum sententia, quibus pleræque liberationes in libro Iudicum notatæ, ita exoticæ videntur atque extraordinariæ; vt eas nullo modo in exemplū trahi posse putet. Nam vtut verum sit, illos populi Israëlitici Iudices diuino quodam ac extraordinario instinctu ad ea præclara facinora patrandā commotes & excitatos fuisse: nō tamen statim consequitur, ipsos Israelitas (vel magi-

magistratū gerentes, vel etiā priuatos) nō por-
 tuisse iure ordinario exterorū tyrannidē pro-
 pulsareq; uiā a populo neq; electi neq; probati
 esset. Quod verō liberationes illæ per eos dū
 taxat acciderint, quos Deus extra ordinē exci-
 tauit, meæ sententiæ non refragatur, sed potius
 stuporem & fractum iusto Dei iudicio Israeli-
 tarum animum, ob sua scelera, coarguit. Vt igitur
 ea exempla rectē ac iute imitari liceat, ve-
 ra hæc media tenenda existimo, nempe, Si
 quis in alios iniustam dominationem vel cap-
 tet, vel iam vsurparet (siue alienigena is sit, si-
 ue tanquam vipera ex patriæ visceribus pro-
 rumpat, ut eam nascendo interimat) tum pri-
 uati homines ante omnia Magistratus suos le-
 gitimos aſeant, ut, si fieri potest, publicus ho-
 stis publica auctoritate, & communi omnium
 consensu depellatur. Sin autem magistratus
 vel conniueat, vel alioqui officium præstare
 recuset, tunc priuatus quisque legitimū pa-
 triæ suæ (cui, post Deum, totum se debet) sta-
 tum tueri pro viribus satagat, aduersus eum
 qui legitimus magistratus censerī non potest,
 cum eam dignitatē cōtra leges publicas, vel
 iam vsurparet, vel vsurpare tentet.

Hic porro animaduertendum est, vitium
 quod ab initio vsurpationi inerat, posse postea
 emendari: adeo ut qui ab initio Tyrānus fuit,
 possit legitimus & inuiolabilis Magistratus
 effici, si videlicet postea liber & legitimus ac-

*In iustus do-
 minationis
 alicuius v-
 surpator le-
 gitimus effi-
 ci magistra-
 tus potest.*

cesserit eorum consensus, qui verum & legitimum Magistratum creare, & constituere possent. Exempli gratia: Iustum erat bellum duce Pompeio aduersus Cæsarem susceptum, quisvis in eo Cæsar victor extiteris: sed si verum fuit Populi Romani postea libero & voluntario assensu, Cæsarem dominium illud summum, prætextu perpetuæ Dictaturæ consecutum fuisse, iam querendum amplius non esset, an coniuratio in eum facta iusta ac legitima fuerit, nisi statim probetur, eum Dictaturâ ipsâ manifestè abutulum. Audeo id quoque certissimè affirmare, optimates illos ciues Romanos potuisse, ac etiam debuisse, Rempublicam aduersus Triumviratum defendere: sed non ausim dicere Cinna'n, & socios iure potuisse in necem Augusti coniurare, post Regiam legem (quam vocant) promulgatam & receptam. Verùm hic quoque distinctione opus est. Nam dabitur hoc mihi, opinor, consensus, siue à toto siue à maiore populi parte, vel vltro præstitum, vel vi aut metu extortum, potius rescindendum esse, quàm obseruandum, si certò cõstet illum cum æquitate & honestate manifestè pugnare. Quis enim sibi persuadeat, populum aliquem sponte ac scienter, nulla vi adactum, sese Principi alicui subijcere voluisse, hoc consilio vt postea ab ipso inguletur & penitus excindatur? At enim duo hic rursus sunt obseruanda, quoties ea vel rescindenda

vel

vel corrigenda sunt, quibus incōsideratē con-
 sensus est præstitus. Primum ne quid temerē,
 deinde ne quid per seditionem tentetur, aut
 fiat: sed iusto ordine, ac modestē, quantum e-
 us fieri poterit. Præsens Reipublicæ Christia-
 næ status duo nobis huius rei exempla suppo-
 dit, utraque sanē maximi momēti. Primum
 est, iniustæ illius ac irreligiōsæ subiectionis,
 qua sese Reges, & Populi Antichristo Roma-
 no iureiurando obstruxerunt: Quo iureiu-
 rando ipsos non magis teneri assero, quàm si
 nominatim & apertē Satanz iurassent, sese
 omnia iura tum diuina, tum humana euerfu-
 ros. Alterum est, temporariæ illius, ut vocant,
 iurisdictionis, quam Prælati ecclesiastici sibi
 vendicarunt. Quia enim ex diametro pu-
 gat tum cum Christi mandato, tum cum
 ipsius & Apostolorum omnium apertissi-
 mis exemplis (ut præ cæteris D. Bernhar-
 dus manifestē ostendit) consequitur pro-
 secto, ut per se ipsa nulla sit: quandoqui-
 dem nec Principes ea se exuere aut spoliare,
 nec Ecclesiastici eam vel à Regibus vel à po-
 pulis suscipere potuerunt, vel pretio acqui-
 rere: nedum ut vi ac dolosis artibus eam vi-
 surpare debuerint, ut eos fecisse constat in po-
 tissima mundi parte. Hæc verò dicta sunt in
 Tyrannos qui dominium vel in conciuēs
 suos, vel in exteros populos, sibi iniustē ven-
 dicarunt.

*Temporali
iurisdictione
Ecclesiastico-
rum, manifesta
est ab
usu.*

LIB. VI.

Quod sit officium subditorum erga superiores, qui in tyrannidem sunt prolapsi.

SUPEREST, ut iam alteram quaestionem tractemus, quae non immerito his nostris temporibus à plerisque est agitata, Quid, scilicet, liceat bonae conscientiae subditis, quoties summi ipsorum Magistratus, alioqui legitimi, in Tyrannos degenerant manifestos: An tum supremorum Magistratum, in Tyrannos apertos eorumque auctoritas, tam sacra & intemperate esse, debeat, ut eam ferre subditi omnino debeant, adeo ut nullo modo illi resistere possint, vel si resistere quidem aliquo modo licet, ut fas sit illis ad arma usque progredi? Respondeo, Tres omnino esse subditorum genera, seu subditos in triplici esse differentia. Alij enim privati sunt homines, nulla publica administratio adfungentes: Alij magistratum quidem gerunt, sed hi summis Magistratibus subiciuntur, (ut quos subalternos & inferiores Magistratus appellamus:) Tertij et si summum quidem Imperium non habeant, nec suprema ac ordinaria potestate fungantur, constituti tamen sunt in eo ordine, ut sint quasi freni & habent ad supremum Magistratum in officio continendum. Ut vero diversa sunt haec genera, ita de

Privatis non singulis diversè est respondendum.

*Prinatis non
Sive tyrann*

SIVE igitur qui privatè sunt conditionis,
spontè

spontè & aperte dominationi iniusti vsurpato-
 ris confenserint (vt populus Roma. volens se
 se Augusto & ipsius successoribus submitit)
 siue is qui legitimus erat ipsorum magistra-
 tus, in tyrannum euaserit manifestum (qualis
 fuit inter Israelitas Abimelech, & triginta A-
 thenis, ac Decemviri Romę, alijque alibi) Nō
 licere tunc dico, cuiquam privato (citra extra-
 ordinariam à Deo ipso vocationem, quam hic
 non attingo) sua privata auctoritate viui vi
 aduersus Tyrannū opponere, sed oportere om-
 nino, vt aut ab illius ditione discedat, & sedes
 mutet, aut ad Deum per preces confugiens,
 ingratū Tyranni patienter ferat: modò ne (si-
 cut ab initio diximus) vel Tyrannidis ipsius
 aduersus quempiam, minister esse rogatur,
 vel quicquam eorum omittere, quę aut Deo,
 aut proximo debentur. Verum regeri posset
 aduersus hoc meum responsum, id quod su-
 prā statuimus, de duplici illo Tyrannorum ge-
 nere, quibus diximus etiam priuatos homi-
 nes posse ac debere totis viribus obistere. Nā
 eodem primo intuitu recidere videtur, siue
 quis priuatus dominium vsurpet, siue quis
 sua dominatione legitima non contentus, ty-
 rannidem exerceat: vnde consequens videri
 possit, eandem etiam vtroque casu decisio-
 nem locum habere. Sed si penitus in res ipsas
 intueamur, conspicuum est, quā maxime
 hæc duo genera differre, licet prorsus familia-

ranno cui le-
 gitima sub-
 sunt, resiste-
 re.

Obiectio.

Solutio.

videantur. Is enim qui alienos invadit nullo modo sibi subditos, etsi cupiat iuste & ex bono, & æquo dominari (sicut de Pisistrato & Demetrio Phaleræo apud Athenienses legimus) potest tamen iure impediri, etiam armata manu, & à quibusvis vel infimæ sortis, quibus vim inferre voluerit, quum nullo iure illi obstringantur. Qui autem à populo suo semel probatus & susceptus fuit, etsi suo iure abutitur, retinet tamen authoritatis suæ fundamentum in proprios & privatos subditos, quoniam mutuo consensu, ac publice contracta obligatio, nullius privati voluntate solvi, dirimitur potest. Quod si secus fieret, infinitæ rerum perturbationes, ipsa etiam Tyrannide peiores, sequerentur: & in locum unius tyranni, quem profligare mens esset, mille succederent. Præterea vnica ratio, ex authoritate verbi Dei petita maioris hîc esse debet momenti, quam quicquid in contrarium adduci posset.

Rom. 13. 5. Paulus privatis officium præscribens, non modò Magistratibus (tam summis quàm subalternis) resistere prohibet, sed illis etiam

1. Pet. 2. 17. propter conscientiam obedire præcipit. Dominus Petrus quoque iubet Regem honore afficere, memor, ut verisimile est, eius reprehensionis, quam à Magistro audierat, cum gladium privatus aduersus publicam potestatem (sua tamen authoritate in Dominum abutentem) strinxisset. At nemo nescit quales tum

Cæsares

Cæsares essent, Tyberius, & Nero, reliquique
 prouinciarum præfecti. Hoc postea exem-
 plum sancti Martyres sunt secuti, dum eos im-
 manissimi Tyranni crudelissimè insectaren-
 tur, nō solum sub imperatoribus, qui in Chri-
 stianos ex Romanorum legibus sæuebant, ve-
 rum etiam sub illis qui perfidè edicta in gra-
 tiam Christianorum promulgata, violabant,
 ut accidit sub Iuliano Cæsare Apostata. In sum-
 ma (vt hanc quæstionis partem tandem abs o-
 ram) Non licere dico cuiquā priuato vi aper-
 ta sese tyranno opponere, cuius dominationi
 prius populus volens consensum præbuerit:
 licet in priuatis contractibus, pactis conuē-
 tis, & promissis eousque stādum est, vt potius
 damnu patiamur, quā fidem fallamus: quan-
 to magis priuati cauere debent, ne ab obliga-
 tione solenni, ac publico consensu contracta,
 vilo modo resiliant?

VENIO nunc ad inferiores Magistratus,
 qui sunt velut intermedij, & vt vulgus loqui-
 tur, subalterni, inter summum magistratum,
 & populum. Quorum appellatione intelligo,
 non domesticos Regis ipsius officarios (qui
 scilicet munus aliquod in Basilica Regia ex-
 ercent, & ipsæ personæ, potius quā Regi
 inferuiūt) sed eos potius qui publicis mu-
 neribus, id est ad Regni statum, vel iudici-
 rum causa, vel rerum bellicarum pertinen-
 tibus) funguntur, qui ideo in ipsis Monarchijs

De Magistratibus subalternis.

*Alij sunt Regni, alij regio-
 ministri.*

non Regis, sed coronæ siue Regni (inter quæ
 summum est discrimen) administrantur. Cuiusmodi Romæ quidem erant Con-
 sules, Prætores, Præfectus vrbi, Præsides pro-
 uinciarum (quæ tum ipsi populo, tum Sena-
 tu etiam tempore Imperatorum tribuebantur)
 & similes Reipublicæ, vel Imperij officia-
 les, qui propterea populi Romani Magistratus
 sub nouissimis etiam Imperatoribus, dicti sunt.
 Tales quoque erant apud Israelitas duces sin-
 gularum tribuum, Millenarij, Centuriones,
 Quinquagenarij, Decuriones, & seniores Po-
 puli. Quæ politica munera à Mose primum
 ordinata, nequaquam postea sunt abrogata,
 cum status ille Aristocraticus in Monarchiam
 commutaretur, quinimò sub Salomone ex-
 actè constituta & obseruata. Eius generis varij
 magistratuum ordines sunt etiam hodie imple-
 risque Christianorum Regnis, inter quos non
 censendi sunt, qui Duces, Marchiones, Comi-
 tes, Vicecomites, Barones, Castellani vocan-
 tur, vt qui olim officia & munia publicæ exer-
 ceant, ad ea certo ordine legitimeque accessi-
 ti. Quæ etsi postea in dignitates hereditarias trans-
 fuerunt, nequaquam tamen pristinum ius & au-
 thoritatem amiserunt. In hunc ordinem præ-
 terea connumerandi sunt, qui in ciuitatibus
 ad varia munera eligantur, quales sunt quos
 vulgo Maiores, Viguerios, (seu Vicarios) Cō-
 sules, Capitulos, Scindicos, Scabios & eius-
 modi,

Plurimum
 munus pu-
 blicum in di-
 gnitates ha-
 reditarias
 permutata.

modi, nuncupant.

Hi porro omnes etſi ſupremo Magiſtra-
tui ſubſtant, ab eoq; mandata accipiunt, ab eo
denique inaugurantur, & appobantur, non ta-
men ab eo propriè pendent, ſed ab ipſa (ut ita
loquar) ſupremitate: id eſt, à ſumma illa Impe-
rii ſeu regni *ſupremia* & authoritate: ideoq; de
ſuo eo qui ſummum Magiſtrum geſſit,
manent hi in ſuo quiſque gradu, ut prius:
quemadmodum & ipſa ſuprema poteſtas ea-
dem manet. Quod enim is qui in Demortui
locum ſuccedit eiſmodi inferiores Magiſtra-
tus, ut & civitatum privilegia, confirmat (quæ
côſuetudinem in Romano Imperio primum
inveſſiſſe Tyberium Cæſarem, tradit Sueto-
nius in Veſpaſiano: quæq; nec prioribus ſæ-
culis in uſu erat in Gallia, niſi fortè cum regnâ
parentibus, non ad filios tranſibat, ſed ad ex-
teros) Id verò, inquam, non efficit ut ſummus
Magiſtratus, eorum *caput*, id eſt, primarius
actor ſit habendus, à quo principium ha-
beant: cùm & Supremus ipſe antequam in
poſſeſſionem ſummæ ſuæ adminiſtrationis
verè mittatur, inſiurandum viciffim ipſi ſupre-
mæ poteſtati præſtet, iuxta cõditiones in inſu-
ridi formula expreſſas: ſicut poſtmodum ipſe
à ſingulis quoq; officiarijs iuramentum ſulci-
pit. Adeò ut eiſmodi confirmatio nullum ius
novum conferat (quemadmodum nec inveſtitura
noui Vaſſalli, aut à novo Domino facta) ſed

*Inferiores
Magiſtratus
non à perſo-
na ſupremi,
ſed ab ipſa
ſupremiſate
pendent.*

*Mutua est
se supremum
ad inferiores,
et in
superiorum ad
supremos
Magistratus
obligatione.*

noua est duntaxat veteris iuris agnitio, propter mutationem personarum: Hinc apparet mutua esse obligationem inter Regem & Regni officarios: neque totam Regni administrationem Regi soli esse commissam, sed supremam duntaxat eius gradum: & singulos officarios inferiores, eius partem obtinere pro suo quoque gradu, idque ceteris utrinque conditionibus. Quae conditiones si ab inferioribus Magistratibus non seruentur, supremi est Magistratus illos vel officio abdicare, vel coercere, causam enim cognita, & non nisi eo ordine, quem Regni leges perscribunt, nisi & ipso à iureiurando, quo se ex legibus regnaturum promissum, discedere velit. E diverso vero si is qui regiam dignitatem vel electionem, vel iure hereditario adeptus est, manifestè ab ijs conditionibus deflectat, sub quibus nominatum rex est & agnitus & approbatus: quis dubitet inferiores Regni Magistratus, ipsasque adeo provincias, ac civitates, quarum administratio illis commissa est, à suo iureiurando hactenus saltem esse ipso iure liberatos, ut ipsis liceat sese manifestae eius Regni oppressioni opponere, cuius tutelam & protectionem pro suo quisque munere, cum iureiurando suscepunt? Quid igitur? dicet quispiam, an qui modò pro summo Magistratu habebatur (cuius autoritas esse debet inuiolabilis) mox pro cuiusque inferioris nutu, tanquam pri-

uarius

uatus homo reputabitur, vt liceat in eum
tanquam in publicum hostem irruere? Mi-
nimè verò, inquam, hoc enim esset fene-
stram, vt aiunt, ad quasuis impias seditiones,
& coniurationes aperire. At enim nos de pu-
blica & manifesta Tyrannide, deque eiusmodi
Tyrannis sermonem habemus, qui nullas
omnino commonefactiones admittere aut fer-
re possunt. Deinde non agimus hic de ty-
ranno prorsus è suo solio deturbando, & a-
bijciendo: sed quærimus, an ne quisquam
ipsius manifestæ violentiæ, pro suo gradu se-
se opponere possit, ac debeat? cum iam prius
ostensum sit, æquum non esse quempiam pro
suo arbitrio publicè contractam obligatio-
nem soluere, quisquis tandè is fuerit, & quan-
tumvis etiam iustam de tyranno conqueren-
di causam habeat. Verùm cum vicissim isti in-
feriores regni administri, à potestate ipsa su-
prema hoc munus acceperint, vt de observa-
tione & custodia legum inter eos caueant, qui
ipsorum curæ sunt commissi: seseq; ipsi ad id
omni fide præstandum iure iurando obstrin-
xerint (à quo nulla illius culpa absolui possunt,
qui ex Rege Tyrannus factus, apertissimè eas
conditiones transgreditur, sub quibus Rex
designatus fuerat, quarumq; obseruationem
ipse iurauerat) An non æquum omni iure
tam diuino quàm humano fuerit, aliquid istis
inferioribus Magistratibus amplius conce-

*Inferiorum
magistratuum
officium.*

di, ratione prestiti ab ipsis iuramenti de procuranda legum observatione, quàm illis qui privatæ sunt omnino conditionis & absq; vilo publico munere? Dico igitur si eò necessitatis fuerint adacti, teneri ipsos omnino aduersus manifestam Tyrannidem salutem eorum procurare (etiam armata manu si possunt) qui ipsorum fidei & curæ sunt traditi: tantisper dum ex communi statuum, vel *νομοθεσιον* (id est eorum, penes quos est omnis legum Regni illius, aut imperij de quo agitur, autoritas) consilio, melius rebus publicis consultum sit, & vt decet prouisum. Hoc porro non est sediciosum, aut in supremum suum Magistratum perfidum esse, sed potius fidelissimum iuramenti sui observatorem, erga eos quorum gubernationem quisq; suscepit, aduersus perjurium, & Regni illius oppressorem, cuius protector esse debuerat. Isto iure merito vsi sunt Romæ Brutus, & Lucretius aduersus Tarquinium superbum, Tyrannidem apertè exercentem (etsi priuatim quoque ad illos hæc causa pertineret) cùm hic quidem Præfectus vrbi: ille verò Tribunus Celerum, populum Rom. conuocassent, cuius autoritate Tyrannus Regno pelleretur, bonaque eius publicarentur. Nec dubium est, si reprehendere eum potuissent, quin & iuxta leges, quas violarat (cùm earum defensor esse debuisset) eum fuissent denaturi: falsissima enim, & execrandi potius edula.

adulatoris, quàm fidi subditi in principem, vox est, supremum Magistratum nullis legibus subijci: cùm contrà ne vnica quidem lex sit, secundum quam gubernationem suam instituere non debeat, qui omnium legum se defensorem ac vindicem fore, est iuramento pollicitus, itaque tenenda est potius præclara illi Marci Aurelij Imperatoris sententia. *Di Marcus Anna*
 gna vox est, Principem se legibus subditum esse profiteri. *velim.* Quod etiam facto comprobavit potentissimus ille nec vnquam satis laudatus Imperator Traianus, qui cùm Suræ *Traianus.*
 (quem Tribunum militum creabat) pro more parazonium nudum porrigeret, Talem, inquit, ensẽ accipe: quem pro me ita demum *Di Cassius in Vita Traiani.*
 strinxeris si iustè imperaui: quod si perperam quicquam per me fieri cognoueris, eo in perniciem meam utaris velim. Sed nunc ad sacram historiam conuertamur, quæ vera & irrefragabilia multa exempla nobis suppeditabit, quibus obfirmentur piorum conscientie. Cùm David ad necem quæreretur à Saule crudelissimo, & perfidissimo Tyranno, neminem habuit ex ducibus Tribuum, Millenariis, Centurionibus, aut senioribus populi, qui causam suam tutaretur aduersus tam impotẽtem Tyrannidem, non solum in ipsius Davidis, sed etiam in totius Regni (maximè post summorum sacerdotum horrendam cẽdem) perniciẽ vergentem: itaq; vt Tyranni furorem deuictet,

1. Sam. 14. 21

1. Sam. 22. 2

1. Sam. 24. 7.

2. Sam. 2. 1.

1. Sam. 23. 9.

1. Sam. 25. 28

atque illuc profugus vagatur, sed cum prius amplius non esset (quinimo vnus ē regni ministris, dux scilicet exercituum Israelis) & præterea ius successionis à Deo illi promissum fuisset (quod nec Saulem latebat) armis sese & militibus comuniuit, tentatis prius omnibus alijs medijs: Interim tamen suis limitibus se continens, tantum abest vt vel in regis personam quicquam moliatur, cum etiam deprehensum, viuum saluumque ē manibus suis dimiserit: vel regnum ipsum inuadat, vt etiam Saule rege mortuo, cui se successorum certò sciebat, ne pedem quidem extulerit ad regiam sedem occupandam, nisi quantum Deus ipse eum promouet, & totius populi consensu aduocatur. Attamen satis constat propositum illi fuisse armis sese tperi ob prædictas causas. Quorsum enim alioqui illæ militum copię quibus comitabatur? Quod verò tam anxie Deum consulit, num ciues Keilæ eum, & milites suos in manus Saulis sint tradituri, aperte ostendit, statuisse illum omnino mœnia oppidi illius Sauli obsidenti opponere, si in tuto se illic fore cognouisset. Quod factum damnari non potest, nisi & Dauid seditionis ac perduellionis insimuletur, (quod tamen ne suspicari quidem licet) & prudens Abigail mendacij arguatur, quæ Dauidem, iusta defensione aduersus iniustum persecutorem vtentem, bella Domini gero

reapertè professà est. Habemus & aliud exem-
 plum euidentissimum de oppido Lobna, <sup>2. Chro. 21.
10.</sup>
 quod domicilium erat Sacerdotum. Illud e-
 nim defecit ab Ioram sexto Davidis successor-
 re, ne amplius illi subesset: eiusque defectio-
 nis causa in ipso historiæ contextu exprimi-
 tur, nempe quòd rex Ioram, Dominū Deum
 patrum suorum dereliquisset. At cum ad sacer-
 dotes oppidum ipsum pertineret, clarè liquet
 longè diuersum esse hoc Lobnensium factum
 ab Edumæorum defectione, quæ sub eodem
 Rege & eodem tempore accidit. Neque enim
 vero simile est, Edumæos ab Israelitarum sub-
 iectione sese substraxisse, vt vero Deo adhæ-
 rerent, cui nunquam ex animo seruiuerant, sed
 odio duntaxat Israelitarum & recuperandæ li-
 bertatis cupiditate. At sacerdotes, vel illi sal-
 tem (si hos prius secessisse arbitramur) qui
 post Deum Lobnæ dominium obtinebant,
 pietatis suæ egregium specimen ediderunt,
 cum simul & Deo & Tyranno parere non
 valentes, huius iugum excusserant, vt in Dei
 cultu & obsequio permanerent. Hæc duo
 exempla, præter suprà citatas rationes, ita
 sunt certa, & authentica, vt sola (meo iudicio)
 sufficere possint, ad obfirmandas inferiorum
 Magistratuum conscientias: quorū eos ne-
 cessitas cogit, post tentata omnia alia reme-
 dia, ad arma confugere, vt suos aduersus Ty-
 rannidem manifestam tueantur, ac conser-

uent, non concitandæ, sed potius vitandæ seditionis gratia: sicut maiorum nostrorum te eorum Tyrannis, qui in Heluetios dominabantur, occasionem Magistratibus Municipilibus dedit, vendicandi sese in eam libertatem qua hodie fruuntur.

REPETITIO VI. QVÆST.

*Ordines suos
stans ad fra-
nandos su-
premos ma-
gistratus co-
stitui, pos-
sunt ac de-
bent omni-
bus modis il-
lis resistere
cum in Tyrā-
no, de gene-
rant.*

SVPEREST vt de tertio subditorum genere loquamur, qui etsi reuera ac certo quodam respectu supremorum Magistratum obediētiæ subsint, alio tamen respectu, maximè rebus angustis extremisque, constituti sunt defensores ac protectores iurium ipsius supremæ potestatis, vt summos Magistratus in officio retineant, eosque, si opus erit & coerceant, & mulcent. Hic verò meminisse oportet eorum quæ suprâ dicta sunt, nempe populum extitisse priusquam magistratus ullus esset, & propter populum Magistratus creatos, non contra populum propter Magistratum. Quātumvis enim quidam populi à suis regibus originem traxisse videantur (vt à Romulo populus Romanus creatus fuisse dicitur, quia prius originalis populus non fuerit, sed multitudo quædam ex varijs gentibus & populis collecta) id tamen ad alios trahi haud quaquam potest, vt inde Regula generalis constitutur. Præterea ne Romulus quidem in has gentes collectitias, nisi ex ipsarum consensu dominatus est. Inde sequitur Magistratum omnium, quantum.

quantumvis supremorum, ac potentium, auctoritatem, à publica eorum auctoritate pendere, qui ipsos ad hunc dignitatis gradum euexerunt, non contrà. Ac ne quis obijciat, hanc quidem primam fuisse Magistratum originem, sed postea Populos sese prorsus eorum potentie, & arbitrio subiecisse, quos pro summis Magistratibus recepissent, & omnem suam libertatem sine exceptione illis omnino resignasse. Nego primum, certò de hac omni moda abdicatione constare: Quin contrà affirmo, nullam gentem (quandiu ius & æquitas viguerunt) Reges suos aut creasse, aut approbasse nisi certis apposis conditionibus. Quas si illi manifestè violant, efficitur vt qui hâc in illos auctoritatem conferre potuerunt, nò minus potestatis in ea illis rursus adimenda retinuerint. Quod vt clarius appareat, dispiciamus an non per omnes ætates, inter famosissimas quasque Nationes & magis notas, perpetuo vñ hoc comprobari possit.

DYCAMVS autem exordium à Romano-
rum Regno, ac deinde imperio, licet hi vetustiores non fuerint. Titus Livius initia Romani Regni describens, refert, cum centum illi, interreges nominati, qui post Romuli (primi huius populi progenitoris) mortem populo pervices prætorant, plebi non placerent, còmunis còsensu statutum, vt deinceps Reges suffragijs populi crearentur, & Senatus auctoritate

*Exempla Romanorum
tempore Regū. Lin. lib.
I. ab V. G.*

firmarentur. Idem de Tarquinio Superbo ultimo Romano rege loquens, Neque enim (inquit) ad ius Regni quicquam præter vim habebat, ut qui nec populi iussu, neque auctoribus patribus regnaret. Ac mox multa recenset quæ ab illo contra maiorem instituta fierent. Hic enim, inquit, regum primus, ut traditur, à prioribus morem de omnibus Senatum consulendi soluit, Rempublicam domesticis consiliis administravit, bellum, pacem, fœdera, societatesque per se ipse cum quibus voluit iniussu populi, ac Senatus, fecit diremitque. Ex quibus verbis satis constat Romanorum Reges nonnisi certis conditionibus fuisse admissos, quas si non præstarent, populus iuxta civium distinctos ordines convocatus, non minus ad illos exhortandos, quam ad eos constituendos, potestatis haberet: quod erga illum ipsum Tyrannum facto ipso satis demonstrarunt. Ceterum præter id quod Seneca ex libris Ciceronis de Republica annotavit, nempe, provocacionem fuisse à Rege ad populum (quod in causa capitali Horatij sororicida factitatum est, qui à delegatis per Tullum Hostilium Regem iudicibus damnatus, à populo postea est absolutus) præter id, inquam, testatur etiam Dionysius) Romulum, dum cum suis de statu Romano constituendo con-

filium

filium cepisset, pronunciaſſe, Regem quidem custodem eſſe Legum: at interim penes populum relictam poteſtatem fuiſſe creatorum Magistratum, Legum conſtituendarum, & indicendi belli. Quod primis Gallicæ Monarchiæ architectis pro archetypo fuiſſe verſimile eſt, vt infra docebimus. Adhæc ex Collatini, qui primus cum Bruto conſul fuit, hiſtoria patet, Populum (cuius appellatione non tantum ſtatus ille plebeius, quem hodie tertium appellamus, intelligendus eſt, ſed tres illi ſimul ordines qui Romæ erant, nempe Patricius, Equeſtris & Plebeius) eandem authoritatem in Conſules quoque habuiſſe: quamvis illi ſuprema in Republica poteſtate porirentur, vbi Dictatore carent. Id enim teſtatur etiam Liviſ his verbis. Timens Conſul ne poſtmodum privato ſibi, eadem illa cum bonorum amiſſione, additaque inſuper alia ignominia, acciderent, conſulatu ſe abdicavit. At Collatinus nullius criminis inculfabatur, ſed ſuſpectum erat duntaxat populo Tarquiniſ nomen, e quorū familia erat Conſul Collatinus. Inde ergo facile eſt colligere, multo magis hoc iure populum uſurum fuiſſe, ſi quis conſul alicuius criminis reus eſſet peractus: quamvis ex Legum præſcripto expectandum eſſet, vt (qui temporarium magistratum gerebant) tempus ſtatutum impleant, priuſquam cauſam dicere co-

Conſulū poſſent.

Lib. 2. ab P.

C.

gerentur. Fateor quidem Decemuiros postea creatos, à quibus ad alium Magistratum non erat prouocatio: verum cum alternatim imponerent, licebat ab vnius sententia ad alterum appellare: tantum abest vt cuiusquam immensa, & nullis limitibus conclusa potestas, populo Rom. vnquam placuerit: quin tandem etiam Decemuiros ipsos officio sese abdicare coegit. Quod verò ad Dictatoris potestatem attinet, verum est quidem ab illo non licuisse ad alium prouocare: sed hæc dignitas non nisi extrema aliquis necessitate laborante, & penè oppressa Repub. in vsu erat, & id quidem ad breuissimum tempus, semestre scilicet. Sed (quod etiam mirius est) si quando ab suprema potestate ad populum prouocatum est, consensit ille vltro: vt ex ijs quæ Romæ anno ab V. C. ccccxxix. inter L. Papirium Dictatorem & Qu. Fabium contrigerunt, videre est. Quid si vltius progredi libet, & ad Cæsares vsque pertingere? Etsi Iulius Cæsar Rempub. vi potius, quàm voluntario populi offensu occupasset: videri tamen voluit à populo iuxta antiquas consuetudines, dignitates omnes, & munera, quæ obtinebat, consecutus, & ob id duntaxat reprehensus existimatur à multis (ac etiam tandem iure occisus) quòd nimis multas dignitates cumlasset. Augustus eius successor adoptatus quidem ab illo fuit, sed non hæres Imperij relictus:

Distantes.

*Exempla it
pore Cæsariū
Iulium Cæsar*

Augustus.

dictus: ideo persuadere conatus est, se iure,
 & à populo obtinuisse, quod vi occuparat.
 Nec Tyberius alia ratione ei successit. Et post
 eam Caligula summo tum Senatus, tum po-
 puli consensu Cæsar est appellatus. Claudius
 verò primus quidem imperium militari &
 coempto favore obtinuit, ac non nisi consen-
 siente populo illud rexit, qui tum volens se-
 se in miseram servitutem præceps deditit.
 Nero autem illi succedens, cum veneno il-
 lum sustulisset, imperium aperta violentia
 occupavit. Sed eius exitus exemplum nos-
 bis singulare suppeditat eius authoritatis
 quam Senatus adhuc tum retinebat. Nam
 is iure suo utens (quod diu quasi sopitum
 delituerat) dicitur nominatim, Neronein
 populi Romani hostem prius iudicatum, ca-
 pite damnassee. Vnde apparet ipsos etiam Cæ-
 sares Tyrannos factos, iuridicè & coerceri &
 damnari potuisse: ipsorumq; imperium et si la-
 tissime ex lege Regia (propter Augustum lata,
 & propter Vespasianum confirmata) pateret,
 certis tamen limitibus definitum, nec sine ex-
 ceptione probatum fuisse: quandiu iuri & in-
 quitati locus fuit. Ecquid enim aliud est Ty-
 rannjs quàm potestas aduersus leges sese exer-
 rens: de cuius amplitudine & expansione no-
 bis dicere non est propositum (quæ enim ef-
 fectus cupiditatis & malitiæ Tyrannorum mo-
 ti esse potest.) sed de legitima tantum regum
 alio.

*Tyberius.
 Caligula.
 Claudius.*

Nero.

aliorumq; principum potestate legibus finita.
Atque hæc quidem de Romanis.

II.
*Exempla ex
Atheniensium
Repubblica.*

ATHENIENSES porro / cum abrogatam
Democratiam in Aristocratiam commutaf-
sent, Triginta primum viros, postea decē tan-
tū publicæ gubernationi præfecerunt, vi-
sorum historiæ perhibent: Quos, cū auctori-
tate sua abuterentur, deinceps & ab officio
mouerunt, & dignis supplicijs etiam affec-
runt, eodem scilicet iure in eo videntes, quo il-
los primū creauerant.

III.
*Exempla à
Lacedæmo-
niis petita.*

NOTVM, est etiam Lacedæmonios, Re-
ges suos pro arbitrio ex Heraclidarum fami-
lia eligere solitos. Quod mutare Lysandrum
voluisse tradit Plutarchus, sed frustra. Rege
autem certis conditionibus electo, Ephoros
constituerunt, qui Reges in officio retine-
rent, ac veluti habenis frænarent. Hi porro
alios modò expulerunt, modò capitis suppli-
cio affecerūt, donec tandem proditione Cleo-
menis Tyranni, omnes occiderentur: quo fa-
cto Lacedæmon simul cum dominatione li-
bertatem amisit. Venit autem hîc mihi in men-
tem pulcherrimus ille Xenophontis locus,
quo de Lacedæmoniorum Republica verba
faciēs tradit, Regem & Ephoros singulis men-
sibus sese mutuo iureiurando obligare con-
suevisse, hoc quidem omnium ciuium, illum
proprio suo nomine: ac Regem quidem hoc
iuramento polliceri, se ex præscripto constitu-
tarum

tribus legum regnaturum: Ephoros autem se civitatem illi conservaturos, si iussurandum servasset.

VENIAMVS nunc ad Israeliticam πολιτείαν, omnium quæ vnquam fuerunt perfectissimā sive Israelitis contenti fuissent. Hoc verò primum eam veluti supra sidera euehit, quod ab initio Deus ipse æternus, eius vnicus Monarcha fuerit: non eo tantum nomine, quod ipse rerum omnium supremum dominium obtineat, sed singulari quodam modo, nempe, quod leges per Moysen visibiliter Israelitis constituerit, quod populum suum per Iehosua in terram promissam exerto veluti brachio introduxerit, quod denique illis præfuerit, eosque rexerit, in eorum scilicet persona, quos ipse immediate ad illius gubernacula præfecisset, qui Iudices vocabantur. Eo igitur tempore *ισραηλ* Israelis verè Monarchica fuit (quævis Deus quorundam ministerio pro beneplacito suo vteretur) Quod si regna omnia hunc Monarchā haberent, vel saltem omnes Monarchæ ab hoc summo mundi totius domino, se regi semper paterentur, non minus superflua esset hæc, de qua agitur, quæstio, quā ea nunc pernecessaria esse agnoscitur. Ar enim felix ille huius Reipub. status, (qui nulli vnquā præter hunc populo obtigit) stupendo, & insolēti modo mutatus est. Nā reliquarū gentiū Monarchiæ in Tyrannidem, ipsorum Monarcharum

III.

Exempla ex
Israelitarū
monarchia.

Infelicias
Monarchiæ
omnium se-
licissima cau-
erit.
Ios. 2. 16.

*Quomodo
abolita fue-
rit Israelita-
rum Monar-
chia.*

*1. Sam. 8. 4.
II.*

*Monarchia
quomodo et
quando per-
niciosa.*

culpa, deflexerunt: At Israelitæ, cum tantum bonum non agnoscerent, verum illum suum Monarcham, qui Tyrannus fieri nunquam poterat, veluti inuitum adegerunt, ut ipse Regem ex hominibus constitueret, sicut & reliquis populis. Dominus ergo tandem illorum votis annuit, sed in ira & indignatione sua: quasi statum Monarchicum per se eo facto damnare voluerit, sed quia hæc mutatio à populo cerebricoso & refractario esset profecta. Interea hoc dissimulari nec potest, nec debet: Regem nullum à condito mundo (etiam si optimum quemque seligas) extitisse, qui sua auctoritate non fuerit aliquatenus abusus, adeo ut omnino fatendum sit, (id quod Philosophi etiam sola ratione naturali instructi agnouerunt) Monarchicam dominationem perniciosam ac interitum potius populo afferre, quam presidium & salutem, nisi habeas quibusdam coarctetur, quibus fiat, ut maximum illud bonum quod ex ea potest emanare, colligi: & ingens malum, quod alioqui omnino ex illa consequi necesse est, vitari & impediri possit. Ut hac præfatione, de Israelitici Regni primordiis sermonem ingressus, quoniam horum omnium clara illic exempla extant: Ad quam etiam Reges quam populi sollicitè animaduertent, esset operæ pretium, ne alios ab alijs opprimi tam sæpe contingeret: sed potius utrisque Dei (à quo solo omnis manat tranquillitas)

tas) gloria, ita curæ esset, ut & qui imperant, & qui parent, simul pacificè sese tueri satageret. Verùm ut eò redeam, unde sum digressus: Dominus meritò in populum suum ira percitus, ut quid illis ex temerario illo quo agitabantur affectu, expectandum esset clarè ostenderet, prædicit illis per Samuelè miris omnino verbis, quod sit ius illud futurum, quod historia ius Regis vocat: Nempe in summa, Regem pro libidine & personas, & bona subditorum usurpaturum, & ad suos usus conuersurum: quod certè Tyrannicum est potius, quàm Regium. Quis enim meritò dubitare ausit, Dei solius esse merà suam voluntatem loco rationis obtrudere: cum nihil iustum dici possit, nisi quod prius Deus voluerit: Dei enim solius voluntas vera est ac certa omnis iustitiæ Regula, ut ab initio dictum est. Contrà verò hominibus accidit, quorum etiam ratio iustis, ac sanctis legibus subijci, & moderari debet, in ijs præcipuè, qui alijs præfunt: adeò ut toto cælo errent, qui Samuelis verba ita accipiunt, quasi is author Regibus esse voluerit, quidlibet audendi: aut quæcunque illi cæca voluntate egerint, approbarit: iuxta execrandum impuræ illius incestuosæ dictum: Si libet, licet: quod, proh dolor: plusquam satis nostro hoc sæculo iactatur, & præstatur: Quinimo ita accipienda sunt Samuelis verba, quasi Israël em increpans diceret, Non suf-

*Ius Regium
à Samuelis
prædictum
quale.*

ficit vobis Deum ipsum pro Monarcha vestro habere, vt fuit hactenus peculiari quodā favore: sed alium ac talem expetitis, qualem habent reliqui populi: Continget ergo vobis tilis: At audite rursus, quid iuris ille in vos sit vsurpaturus, & qua æquitate ac iustitia vobis dominaturus. Hunc esse sensum verborum Samuelis experientia ipsa postea ostendit. Dico

Reges Iudah

à p. p. n. l. o. e. l. e.

Et. David.

2. Sam. 5. 1.

Salomon.

1. Par. 29. 22

igitur, Quamuis Deus nominatim Dauidem elegisset, oportuisse tamen eum etiam à populo eligi: qui in eo eligendo rectè, prout debuit, Dei voluntatem sit secutus. Idem accidit quoque in Salomone, qui à Deo primùm electus, à populo secundariò Rex creatus fuit, Et in genere, quamuis iadem regiū ex Dei mandato, hæreditario iure ad familiam Davidis pertineret, Populus tamen, vt supra à nobis ostensum est, ex demortui Regis liberis eum eligebat, quem regnare malle. Idque duplici obligatione interueniente, et patet ex historia Ioas. Nam tam Rex quàm populus, solenni iureiurando Deo primùm pollicebantur se leges ipsius tam Ecclesiasticas, quàm politicas obseruaturos. Adhibebatur postea & aliud iuramentum mutuum inter Regem ipsum, & populum. At verò, dixerit quispiam, eratne propterea ius populo (id est, ordinibus populi) in eum quem elegerat, cū officium nõ præstaret, animaduertere? Erat pfectò, quod quatuor exemplis potissimum probari potest.

*Populi Israel
tunc possi-
stas in prossi-
gandis dam-
mandis Re-
gibus.*

Si

Si enim licuit Davidi aduersus Saulis tyrannidem sese tueri, vt paulo antè visum est, & Lobnensibus ab obedientia Iorami deficere (qui tamen inferiores tantum Magistratus erant) nonne inde meritò colligam, Regijs ordinibus multò etiam plura ipso iure licuisse? Huc quoque pertinet id quod prudenti Ioiadæ sacerdotis consilio, ab ipsis ordinibus aduersus Athalias (quæ Regina constituta, sex integris annis Regnum administrat) patratum fuit. Denique Amasias exemplum multò est adhuc apertius, quem Hierosolymitani ad necem vsque sunt infectati. Quòd si id per seditionem factum quispiam arbitretur, & non legitime, is quæso diligenter ad sequentes rationes attendat. Nusquam dicitur Amasias à seruis domesticis occisus (sicut id patri suo Ioas cõtigisse, & Ammoni Manassis filio, legimus) sed potius communi quodam Hierosolymitanorum consensu: neque id occultè, & quasi per insidias (qui fuit quàm plurimum Tyrannorum exitus) sed vi aperta, & velut publica authoritate: nec subito aliquo tumultu, sed postquam ille fuga sese in urbem Lachis recepisset, vnde & ipsius cadaver reportatum, & in patrum suorum sepulchrum conditum scribitur. Nihil denique hîc, neque ante, neque post Amasias mortem conspicitur, quod seditionis suspicionem habeat: sed omnes circumstantiæ eiuſ-

Athalia.

Amasias.

2. Re. 14. 19.

Qualis fuerit Amasias occisio.

2. Par. 25.
27.

3. Re. 12. 10.
14. 5. 21. 24.

cunt cuncta potius consilio, & meditata deliberatione, Hierosolymitanorum (simul tacto foedere, tenquam præcipuâ ordinum par, coniunctorum) tentata, & patrata fuisse, etsi id extra ordinem, & quasi perfunctoriè acciderit: nullo certè priuato odio, sed propter ipsius impietatem, qua præcipuam iuramenti sui partem violarat. Ideoque nuspiam legimus post eius mortem vel querimoniam vllam, vel inquisitionem, vel denique pœnam aliquam aduersus cædis authores procuratam, aut irrogatam vel à populo, vel ab ipsius liberis fuisse: quemadmodum post mortem Ammonis & Ioas contigit, in quorum coniuratos occisores, etsi domesticos, iustis pœnis fuit animaduersum: quâuis vterque illorum improbus fuisset. At contrâ, mortuum huius cadauer æquis in Ierusalem reuectum fuisse legimus, ob reuerentiam tum Regiæ dignitatis, tum familiæ: & Azariam ipsius filium à populo Iuda vniuerso Regem illi suffectum. Quod rursus planè ostendit id, quod à potiore ordinum parte (nempe à Ierosolymitanis) factum fuerat, communi postea consensu confirmatum fuisse: vt iusta de causa, & per eos, executioni mandatum, quibus id liceret. Hinc igitur concludo, ordines seu status populi Israelitici ius habuisse, & ex familia Davidis sibi Regem, quem vellent eligere, & electum postea vel eiicere vel supplicio etiam, prout res

lerebat, afficere.

Sic nostra memoria Dani Christiernum crudelissimum Tyrannum non solùm Regia dignitate priuarunt, sed carcere conclusum ad mortem vsque detinuerunt, translato Regno ad sapientissimum iustissimumque Regem illius auunculum, eiusque, qui nunc regnat, auum.

*Exemplum
ex Danorū
regno.*

Quod ad Suedos quoque attinet, satis norunt omnes quomodo nostra ætate Gustavus se, suosque à Danorum subiectione liberarit: & etiamnum hodie Suedi Regem suū captivum asseruant, ob non satis prudenter administratum Regnum, quod ad fratrem ipsius translatum est: Cui Dominus benedicat.

*VI.
Suedorum
exempla.*

Scoti etiam superioribus annis Reginam suam abdicarunt, & perpetuo carcere damnauerunt, quòd quamplurimorum turpium adulteriorum, atque etiam crudelissimæ cædis mariti sui accusaretur: quæ accusatio si legitimè probata est, audeo dicere, rectius eos facturos fuisse, si in eam promeritas pœnas exercuissent.

*VII.
Scotorum e-
xempla.*

Cæterum quod ad Angliæ Regnum omnium quotquot hodie in vniuerso orbe visum tur felicissimum, atque vtinam in ea felicitas diu perduret. spectat etiam si ad eum, qui Regio sanguine proximior est, iure successionis illud deuoluatur: apparet nihilominus, tam ex multis historijs memoratu dignissi-

*VIII.
Exempla ex
Angliæ re-
gno.*

mis, tum ex Polidori testimonio, in vita Henrici, huius nominis primi, Anglorum regis, omnem ferè regnandi authoritatem à consensu Parlamenti (vt vocant) pendere. Et sanè si cōferre libet beatam illam tranquillitatem (quam multis annis fruuntur, sub benignissimo & pacatissimo Serenissimæ Reginæ Elizabethæ dominio) cum miserando & infelici statu, tot aliarum regionum, ipsa experientia docebimur, quàm sit ea moderatio Regiæ potestatis utilis, & beata, si modò ea rectè exerceatur, & Reges ipsi Deum timentes, populi que sui amantes, sustineant se ab illa, non regi tanquam pupillos (vt aulici adulatores, qui pane lachrymis miseræ plebis pisto saginantur) loqui solent, sed dirigi & moneri, ea tamen reuerentia & obedientia, quæ Maiestati ipsorum conuenit, ac debetur.

IX.

Exempla à Polonorum in suis.

De Polonis porro si quis hætenus dubitauit, Num in eligendo certis conditionibus Rege, ipsi hoc ius retinuerint, vt à iuramento ipsis discedere liceat, si ille promissis non steterit: poterit id clarè intelligere ex vltima illa electione, qua sibi Henricum Regis Gallorum fratrem in Regem cooptarunt. Atque in eo mihi planè conuenit cum Episcopo Valentino (huius electionis pro Rege suo, procuratore) qui in oratione ad Polonos habita, & vulgo excusa eos hoc nomine maximè laudat, quòd regum suorum potestatem sapientissimis

mis suis legibus coarctarint, & quasi finibus circumscripserint.

Simili ratione Veneti (quorum Respublica, si ex euentis iudicandum est, omnium felicissimè, & sapientissimè, secundum hominum prudentiam, constituta, & moderata existimatur) Ducem supremum sibi creant, non tanquam Idolum aliquod, aut spectrum (vt quidam in rebus politicis parum exercitati scribe re ausi sunt) sed tanquam principem ac Monarcham, à quo citra vllum tyrannidis periculum, omnes Monarchiæ commoditates, percipiant. Iam verò sicut Consilium illud quod vocant generale, Ducis eligendi omnem authoritatem habet (seruatis tamen ritibus ad hoc apud ipsos institutis, & vstitis) ita illud ipsum Consilium sibi ius istud retinuit (sine quo fecilè reliqua omnia in nihilum abirent) Nempe illius ipsius Ducis deponendi, & puniendi, si quid tyrannicum vel moliat vel patrauerit: quemadmodum id exemplis & factis sæpe comprobatum est. Videant igitur hîc reliqui Italiæ populi, qui tam subtiliter de humanis rebus disserere, & ratiocinari sunt soliti (editis etiam plerisque de civili gubernatione libellis) An in hac re æquè prudenter sese omnes, vt Veneti, gesserint.

Quid verò de Hispanis dicemus? Statu certè huius Regni diu fuit perturbatissimus &

X.

Exempla à Venetorum Re publica.

XI.

Exempla

ab Hispano
rum Regibus

valde inquietus, quod plerique barbaræ nationes, tum ex Septentrionibus, tum ex Africa illuc veluti diluvio quodam exundarint, sicut id tum certissimæ historiæ, tum ipsorum idioma testantur. At fatendum est omnino Gentem hanc præ cæteris semper fuisse sagacem, & providam. Et quamvis verum sit illud Aristotelicum, natura Barbaros mancipia potius esse, quam subditos: Hispani tamen hætenus (quæcunque tandem barbaries regionem eorum inuasit) in Politicæ constituendæ ratione, plerisque populis erubescendi occasionem præbent, eosque meritò pudefaciunt. Id vero ut probeam, citabo duo testimonia præ cæteris insignia, & quæ literis aureis insculpi publicis tabulis mererentur. ut & Reges iuste ex iis imperare, & populi vicissim rectè obedire, deberentur.

Prius testimonium sumptum est ex quarti Concilij Toletani c. 74. quod habitum est anno Domini D. C. XLIIII. iuxta Sigiberti supputationem. Verba autem Synodi, tum ex viris Ecclesiasticis, tum ex reliquis Regni ordinibus coacta, sic habent: Nullus apud nos sub præsumptione regnum arripiat, nullus excitet mutuas seditiones civium, nemo meditetur interitus Regnum, sed defuncto in pace Principe, primates totius gentis, cum sacerdotibus, successorem Regni consilio communi constituent: ut dum unitatis concordia à nobis)

his retinetur, nullum patriæ gentisque dissidium per vim, atque ambitum molietur. Quod si hæc admonitio mentes nostras non corrigit, & ad salutem communem cor nostrum nequaquam perducit, audi sententiam nostram. Quicumque ergo ex nobis, vel totius Hispaniæ populis, qualibet coniuratione, vel studio, sacramentum fidei suæ (quod pro patriæ gentisque Gothorum statu, vel conseruatione Regiæ salutis, pollicitus est) temerauerit: aut Regem nece attrectauerit, aut potestate Regni exuerit, aut præsumptione Tyrannica regni fastigium usurpauerit, anathema sit in conspectu Dei patris & Angelorum: atque ab Ecclesia catholica, quam periurio profanauerit, efficiatur extraneus & ab omni cœtu Christianorum alienus, cum omnibus impietatis suæ sociis, quia oportet ut vna pœna teneat obnoxios, quos similis error inuenerit implicatos. Quod iterum secundò replicamus dicentes, Quicumque à modo &c. Et ideo, si placet omnibus qui adestis, hanc tertio iteratam sententiam, vestræ vocis consensu firmate. Ab vniuerso clero, vel populo dictum est: Qui contra hanc nostram definitionem præsumpserint, anathema: Maranatha idest, perditio in aduentu Domini, sint: & cum Iuda Iscariot partem habeant ipsi, & socij eorum. Amen. Quapropter nos ipsi, & sacerdotes omnes sanctam Ecclesiam Christi ac populum admo-

memus, vt hæc tremenda & toties reiterata
sententia, nullum ex nobis præfenti atque
æterno condemnet iudicio: sed fidem pro-
missam erga gloriosissimum Dominum no-
strum Sifenandum regem custodientes, ac
fincera illi deuotione famulantes, non solum
diuinæ pietatis in nobis clementiam pro-
uocemus, sed etiam gratiam antefati Prin-
cipis percipere mereamur. Te quoque præfen-
tem Regem, ac futuros ætatum sequentium
Principes, humilitate debita deposcimus, vt
moderati & mites erga subiectos existentes,
cum iustitia & pietate populos à Deo vobis
creditos regatis, bonamque vicissitudinem,
qua vos nobis constituit, largitori Christo
rependatis, regnantes in humilitate cordis,
cum studio bonæ actionis. Nec quisquam
vestrum solus in causa, captiuum aut reum
sententia feriat, sed consensu publico cum re-
storibus ex iudicio manifesto, delinquētium
culpa patefcat: seruata à vobis in offensis man-
suetudine, vt non seueritate magis in illis, quā
indulgentia polleatis, vt dum omnia hæc
(authore Deo) pio à vobis moderamine
conseruantur, & Reges in populis, & po-
puli in Regibus, & Deus in vtrisque lete-
tur. Sanè de futuris Regibus hanc senten-
tiam promulgamus, vt si quis ex eis contra re-
uerentiam legum, superba dominatione, &
factu regio in flagitijs, & facinore, siue cupi-
ditate,

ditate, crudelissimam potestatem in populis exercuerit, Anathematis sententia à Christo Domino condemnetur, & habeat à Deo separationem, atque iudicium, propter quod præsumpserit praua agere, & in perniciem regnum deducere. De Simithilane verò, qui propria scelera metuens, seipsum regno priuauit, & potestatis fascibus exiit, id cum Gentis consultu decreuimus, vt neque eum, vel vxorem eius, propter mala quæ commiserunt, neque filios eorum vnitati nostræ vnquam consociemus, nec eos ad honores, à quibus ob iniquitatem deiecti sunt, aliquando promoueamus. Est hoc sanè singulare exemplum: cui decretum aliud sextæ Synodi Toletanæ adijciam, in quo postquam de exigendis Iudæis è regno statutum esset, adduntur sequentia. Incassum bonum agitur, si non eius prouidetur perseverantia: Ergo postquam ordine præmisso ad gubernacula accesserit Regni, si ipse temerator huius extiterit promissi, sit anathema Maran atha in conspectu sempiterni Dei, & pabulum efficiatur ignis æterni, similiq; cum eo damnatione perculsi sint, quicunque sacerdotum, vel quilibet Christianorum eius implicati fuerint errori. Ex his facile iudicari potest quæ sit ordinum Hispaniæ in suos Reges auctoritas, si quid contra iurandum commiserint: cum ex iure Feudorum (quæ etiam Ro-

Cap. 3.

gna Imperia complectitur) Vassallus excommunicato Domino servitium nō debeat, imò sacramento fidelitatis sit absolutus: vt habetur lib. 2. Feud. tit. 28. §. 1.

Alterum testimonium, quod proferre sum pollicitus: Formula illa est insignis, quam Arragonij hodie etiam (nisi fortè non ita pridem mutata est) non solum in Regum suorum inauguratione vsurpant, sed etiam in cōvenientibus illis triennialib. iterant, in quib. Rex sese apud suos ordines sistere solet, tum vt suis ius dicat, tum vt ab ijs ius suum recipiat. Ibi enim post multas peractas cæremōnias, inter eum quem Iustitiam Arragonensem vocant (qui supremæ potestatis personam refert, cuique reges iureiurando se obstringere coguntur) & Regem ipsum, vel creatum, vel iam creatū, Formula hæc toridè verbis pronuntiatur. **NOS QUI VALEMOS TANTO COMME VOS. Y PODEMOS MAS QUE VOS. VOS ELEGIMOS REY: CON ESTAS Y ESTAS CONDICIONES, INTRA VOS Y NOS. VN QUE MANDA MAS QUE VOS.** Id est. Nos qui tanti sumus quanti vos, & plus quam vos possumus, Regem vos eligimus, his etque his cōditionibus: Inter vos, & nos vnus maiore est imperio, quàm vos. En quo vsque Hispani suos Reges in honore habuerint, prout debuerunt.

*Formula
qua Hispani
Reges inaugu-
rantur.*

Quid

Quid plura? Norunt omnes qua sic auctoritate cœtus ille Principum toto orbe illustrissimus, septem videlicet Electorum imperij, tam in eligendo Imperatore, quàm in eo, quoties opus est, abdicando: sicut Adolpho Anno M.CC.XCVI. & Venceslao anno M.CCC.C. Imperatorib. accidit. Erat autem tale iusiurandum, quo se tunc Reges seu Cæsares Germaniæ obstringebant, quale describitur in Tractatu, cui titulus est, Speculum Saxonicum lib. 3. §. 54. Cum enim Rex eligitur, cogitur publico iuramento fidelitatem, & hominium (seu, ut vulgus vocat, homagium) imperio præstare: ac polliceri se totis viribus promotorum iuris administrationem: atque adeo omnes iniurias propulsaturum, & denique omni studio, & conatu iura Imperij conservaturum.

Accedo iam ad Francos: Apud quos, priusquam in Galliam venissent, Reges ordinibus populi sui submissos fuisse, testis est Iulius Cæsar lib. 5. c. 8. de bello Gallico, dum Ambioris Eburonum (sive ut hodie vocantur Leodiensium) Reguli, in quadam oratione verba recensens ait, sua esse eiusmodi imperia, ut nō minus haberet in se iuris multitudo (legitimè scilicet coacta) quàm ipse in multitudinem. Idem etiam probatur ex verbis Vercingetorix Regis Aruernorum, causam suam in cōtū publico tuentis, ut ea ab eodem Cæsare re-

XII.
Exempla d
sacro impe-
rio.

XIII.
Exempla R-
gum Gallo-
rū & anti-
q. postquā
Francis con-
iuncti fueru

recitantur lib. 7. capit. 4. Postea verò Galli & Franci sub vno Frâcogallorū nomine coierūt in vnum. Quorum regnum cū singulari Dei beneficio diutissimè prorogatum, & conseruatum fuerit, nunc quidem ita nutare videtur (quacunque tandem ex parte culpa hæreat) vt certissimum eius excidium proximè timendum sit, quod tamen vix accidere potest, nisi cum ingenti reliquarum orbis partium mutatione. Cæterum quæ mihi nunc de eo dicenda sunt, satis suspicor quibusdam grata & accepta, quibusdam verò ingratis & inauspicata futura. At nihil dicenti nisi id quod res est, spero equidem Deum mihi aduersus omnes calumnias fore propitium. Quāquam igitur Francogalli Reges suos primum ex Merouei familia, deinde ex Caroli magni posteris, ac tandem ex Hugonis Capeti successoribus eligerent, ita tamen ab initio Monarchiā suam constituisse dico, vt Reges ipsorum non solo iure successionis regnarent, sed si simul consensu Ordinum Regni electi forent. Sic Pharamundus electus solio Regio sublimatus fuit, Anno Domini CCCCXIX. Sic Pipinus anno DCCLI. ipsorumque liberi Carolus, & Carolomannus anno DCCLXVIII. Ac tandem anno DCCLXXI. Carolus in fratris partem ex ordinum auctoritate successit. Quam auctoritatem secutus ipse postea, nepos anno DCCCXII. Ludouicum filium suum Imperij hæredem

heredem instituit: cauens nominatim testamento suo (sicut Naclerus, qui scriptis illud prodidit, testatur) vt populus (id est ordines ipsi) quem mallet ex filiorum suorum liberis in Regni successorem eligeret, præcipiens etiam Patruis, qui tum superuixissent, vt eiusmodi electioni assentirentur: quod factum equidem notatum est dignissimum, & ad totius huius questionis statum decidendum accommodatissimum. Atque tale fuit Fræcogallicorum Regum iuramentum teste Aymoino, qui Carolum Caluum dictum sic loquentem inducit. Quia sicut isti venerabiles Episcopi vnus ex ipsis voce dixerunt & certis indicijs ex nostra vnanimitate monstrauerunt, vos acclamatis me Dei electione ad vestrâ saluationem, & profectum, atque regimen & gubernationem huc aduenisse, sciatis me, honorem & cultum Dei atq; sanctarum Ecclesiarum Domino conseruare adiuuante, & vnumquemq; vestrum secundum sui ordinis dignitatem, & personam, iuxta meum scire & posse, honorare & saluare & honorabiliter saluatû tenere velle: Et vnicuiq; in suo ordine secundum sibi competentem tam Ecclesiasticas quàm mundanas legem & iustitiam cōseruare: In hoc vt honor Regius & potestas, ac debita obedientia atque adiutorium ad regnum mihi à Deo datum continendum ac defendendum, ab vnoquoque vestrum secundum suum ordinem ac dignitatem

Manf. vol.
2. generatio-
m. 28.

5. 2. 28.

atque possibilitatem mihi exhibeatur, & sicut antecessores vestri iure, fideliter & rationabiliter, meis antecessoribus exhibuerunt. Hæc ille totidem verbis.

Eos ipsos verò ordines potestatem regū, quos elegissent, abdicādorū habuisse, si quid peccassent, infinitis exemplis constat. Childericus propter flagitia, & libidines publico Consilio Regno motus, & expulsus est anno CCCLX. ei que Gilo substitutus, qui ex Merouei familia non erat. Et Chilpericus anno DLXXVIII. & Theodoricus anno DCLVII. Quinimo anno DCCCXC. ordines neglecto Carolo Ludouici Balbi filio Eudeni siue Odonem in Regem elegerūt. Legimus etiam Hugonem Capetum Regno priuasse Carolum Lotharij fratrem, cum ille negligentius & veluti cūctando rem ageret, & ad conciliū deferret, sperans scilicet fore, vt Regni ordines illorum controuersiam, pro assueto more, dirimeret. Ac in somma, si regnum Francogallie electione non conferebatur, dicendum esset neque Pipinum, neque Capetum quicquam iuris in eo habuisse: cum neque ex Merouei masculis hæredibus successores deessent Pipino regnum vsurpante: neque ex Caroli Magni filijs, cum Capetus Regium diadema sibi vendicaret.

PORRO quod attinet ad eorundem ordinum authoritatem, qua vel Regni præcipuas digni-

dignitates & officia conferebant, adimebantque: vel saltem sollicitè animaduertebāt quo modo se Reges tam in ijs conferendis, adimendisve, quàm in tributis exigendis, aut in alijs Regni præcipuis negotijs, tum belli tum pacis tempore gererent: Ea, in quâ, authoritas vetustissimis & valde authenticis Historijs satis superque testata est: quæ planè eorum assentatorum impudètiâ satis arguunt, qui hodie eximis tanti tamque sapienter constituti Regni, suam potentiam per fas nefasque augere non desinunt. Et sanè quòd nostris temporibus is qui sanguine est proximior, non convocatis ordinibus, in Galliæ Regnum succedit, novamque rerum faciem inducit, pro eorum libidine, qui eiusmodi successoris favorem ac gratiam captauerint: Quodque comitia publica statuto tempore amplius non indicuntur, sed tum duntaxat, quum id commodum quibusdâ videtur, qui inde proprias commoditates, & securitates aucupantur: Quòd præterea, quoties ordines coguntur, id fit non tam ut de publicis rebus seriò decernatur, quàm dicèdi causa, ut scilicet longis affectatissque orationibus Rhetorum (imò Sophistarum potius) more, tempus & actio omnis eludatur: Quodque illic ij iudices sedeant, in quos præcipuè omnes accusationes, & querimoniarum intenduntur: Denique quòd tum bella, tum pax, aut induciæ decernuntur: tri-

buta & exactiones imponuntur: leges de rebus tam publicis, quàm priuatis figuntur, & refiguntur: dignitates & præfecturæ, omnia item munia publica electis vel conferuntur, vel adimuntur, pro quorundam tantum (siue virorū, siue mulierū, nobiliū siue ignobilium, proborū siue improborum) arbitrio, qui apud rerū Dominos maiore pollent authoritate & gratia (vtpote per quorū aures & oculos duntaxat isti & audiāt & videant). hæc, inquā, omnia à maiorū sanctis morib. & agendi ratione quā longissimè dissident, & cum primarijs legib. quibus Gallicæ Monarchiæ fundamenta nituntur planè ex diametro pugnant. Iam verò Iurisconsultis omnibus, qui cum scientia iuris bonam conscientiam coniunctam habent, disputandum relinquo, num vlla quantumvis longi temporis præscriptio iure aliquo vel diuino, vel humano locum hic habere possit, vel debeat. At enim quod hodie adhuc Reges, cū solēni ritu vnguntur, iuramentum præstant (cuius formula vtrinā publicè excuderetur, vt omnibus innotesceret) & quod præterea singulis ciuitatibus sua priuilegia, item publica munera Regni officiarijs confirmare postquam regnum sunt adepti, consueuerunt. (etsi hic multa fiunt per abusum quæ minime sunt probanda) Quod denique si reges minores sunt ætate, status ordinisque Regni communi consilio statuant, ad quem

quem illius administratio pertineat: Hæc, inquam omnia reliquæ sunt adhuc pristinae illius authoritatis, qua ordines pollebant, & quæ nunc paulatim abit in nihilum. Non dum tamen ducenti anni præterierunt, cum ab ipsis ordinibus Caroli Quinti (qui sapiens cognominatus est) testamentum rescissum fuit, nempe anno M. CCC. LXXX. Quid amplius? Anno M. CCC. LXVII. Quum Ludovicus huius nominis XI. (qui quantum potuit Monarchiam Gallicam in Tyrannidem transformare conatus est, quod Regij Parasiti Regem emancipare seu servitio eximere, appellant) merito accusaretur, quod pessime Regnum administraret, dati sunt illi ab ordinibus apud Turones convocatis XXX. viri tanquam curatores, à quibus se regi & gubernari pateretur. Verum est quidem, ipsum postea facile ab illis sese expediuisse, utpotè cui (Claronensis Idoli prætextu, quod summa superstitione colebat) iuramenta omnia & promissa, nonnisi ludus & iocus essent: Sed tanto cum ipsius præiudicio, & infelici successu, ut præter infamiam, qua etiamnum hodie notatur, quandiu vixit nulla unquam quiete aut pace frui potuerit: & in ipsa adeo morte expertus sit, quid valeat à subditis potius timeri quam amari. Et quandoquidem de iuramenti violatione mentio incidit, addere libet

*Alias XXX.
VI.*

*Insigne exem-
plum ultio-
nis cūmine
in periurā
principem.*

aliud exemplum valde memorabile. Carolus huius nominis VI. dum adhuc Delphinus esset, nefario consilio Ioānem ultimum Burgundiae ducem & Gallicorum regum prosapia ortum, coram se miserè trucidari iussit contra fidem, pacem, atque amicitiam paulò antè prope Melodunum iuratam. Hoc periurium deinde (quamvis tanto Dei iudicio Dux ille esset dignissimus) multis animarum millibus fuit in Gallia expiatum, cum totius penè Regni subuersione. Et Carolus ipse Rex eò adactus miseriarum, ut à patre suo primum exheredatus, capitalem suum hostem postea Regno inaugurari Lutetiae conspexerit, ac proinde Biturigum ipse, potius quàm Galliae, rex diceretur. Tandem verò pacem multo suo de decore redimere coactus est, ut ex tractatu apud Atrebatibus concepto, apparet: In quo (et si ipse rex cum duce Philippo, Ioannis interempti filio, tanquam subdito suo transigeret) hæc clausula nominatim expressa habetur, Cui (inquit) rex ipse assentietur, & diplomate suo comprobabit. Quòd si verò hanc transactionem ab ipso violari contigerit, ipsius clientes, feudatarii, & subditi, præsentes & futuri, illi deinceps neque obedire neque inservire tenebuntur, sed Duci potius Burgundiae, ipsiusque successoribus, aduersus ipsum omnem obedientiam præstabunt: Cuncti denique illi ipsi clientes, beneficiarii, subditi que ab omni

ni fide, iureiurando, obsequio, promissionibus, & obligationibus, ac quibuscunque officijs, quibus Carolo Regi deinceps prius essent, liberati, immunes, ac prorsus soluti hoc casu habebuntur: ne deinceps illis quicquam horum fraudi, aut oneri imputari, aut ab illis culpa vlla exigi possit. Quinimo hoc ipsum iã iã facere Carolus Rex illis præcipiat, & liberos absolutosque ab omnibus iuramentis, & obligationibus pronuntiet, si quid tale evenierit. Hic scilicet fuit exitus violatæ fidei Regiæ improbo consilio. Hæc autem pacta conuenta, quia bona fide in posterum observata fuerunt, maxima Regno quies & pax obtrigit. Porro si æquum tunc visum est, hanc clausulam inseri accidentariæ huic promissioni, quæ ad Regni administrationem propriè non pertinebat, An minus æqua legitimaque illa promissio, aut conditio censenda erit, quam Populus à Rege suo dum vel crearetur vel inauguraretur, fuerit stipulatus: cum & æquitate maxima & naturali ratione nitatur: videlicet ut Rex ex Legû præscriptis (quarum ipse summus est, esse debet, custos & protector) omnem suam administrationem moderetur?

Huc ergo omnium supradictorum Summa redit: Summum Imperium ita demum esse penes Reges aut alios supremos Magistratus, ut siquidem illi optimas leges iura

Epilogus ac conclusio de authoritate ordinum.

tasque conditiones transgredientes in apert-
 tos Tyrannos degenerent, nec sanis consi-
 liis autculcent, liberum licitumque sit infe-
 rioribus Magistratibus tum sibi, tum ijs quo-
 rum curam gerunt, prouidere & publico Ty-
 ranno obistere. Ordines vero vel status Re-
 gionis quibus hæc authoritas à legibus est
 collata, eatenus sese tyranno opponere atque
 adeo ipsi iustas, & promeritas pœnas, si o-
 pus erit, irrogare & possunt & debent, do-
 nec Res in pristinum statum restitutæ sint.
 Quod si præstiterint, tantum abest vt sedition-
 si, aut perduelles habendi sint, vt contra ob-
 ficio suo & iuramento (quo & Deo & pa-
 triæ sunt obstricti) probe defuncti tum de-
 mum censeri debeant. Ac quamuis iam su-
 præ etidentissimis Regnorum & Imperio-
 rum, tam veterum quam recentium, exem-
 plis harum rerum praxim comprobaueri-
 mus, ne tamen quisquam obijciat legibus
 potius quam exemplis iudicandum, ada-
 dam ad maiorem sententiæ nostræ confir-
 mationem quamplurimas & alias rationes.
 Dico enim primum duas esse propositiones,
 quas æquitas ipsa iussit illud Naturæ (à quo
 vno pendet totius humanæ societatis conser-
 uatio) in dubium vocari non patitur: Qua-
 rum prior est, In omnibus pactis, & con-
 uentionibus, quæ mutuo ac solo consensu
 inter partes contrahuntur, eos ipsos per quos
 obli-

*I. Ratio d. in-
 po et equita-
 to naturali.*

obligatio cōtracta est, eandem soluere & dirimere posse, quoties id Ratio postulat. Itaque ^{Conditiones} que quibus est potestas Regis creandi, ijs ^{pactis adiung} dem quoque eius abdicandi iuserit. Altera ^{si non imple} verò, Si quæ est iusta soluenda conuentio- ^{antur, irritu} nis aut pacti occasio, qua obligatio ipsa per ^{erit vacua, si} se euanescat, & pro nulla habeatur, hanc ^{paritas se} nam esse, si essentielles conditiones propter ^{placuerit.} quas propriè obligatio contracta est, manifestè violentur. Ostendant igitur qui eo usque Regum ac supremorum Magistratum auctoritatem euehant, vt dicere audeant, illos non alium quàm Deum solum Iudicem habere, cui factorum suorum rationem reddere tepeantur: vllam gentem vsquam fuisse, quæ scienter, & absque metu, aut vi aliqua, sese arbitrio supremi alicuius Magistratus submiserit, non addita expresse, aut tacite subintellecta hac conditione, vt ab eo iuste, & ex æquo regatur & gubernetur. Quod si quis exemplum aliquod proferat populorum, qui bello superati sese ijs omnino conditionibus iurati submiserunt, quas victores proponerent: non satis mihi fuerit cum iustis consultis respondere, ea quæ vi, iniuste & metu extorta sunt, pro legitimis nō esse habenda (Fateor enim Theologiam, quæ conscientiarū est Regula, nō faciliè permittere, vt eiusmodi Iuramenta temerè violentur) Sed addam præterea, etiam si populus quispiam scienter

Hallivnquē
Rēger admis-
si, nisi aut ex-
pressa aut ta-
cite subintel-
lecta condi-
tione, si iussu
sancteq; po-
pulos rexe-
runt.

*Conditiones
aperiæ irreligi-
ofas et con-
tra conscien-
tiâ, nullius
esse moris.*

& sponte rei per se euidenter irreligiosæ, Iuri-
que naturali contrariæ, assensum præbuerit, nullam esse eiusmodi obligationem: tantum abest vt dubitari iure possit, An ea valida ac rata sit existimanda, quæ per vim ac metum, aut aperta fraude & malis artibus contracta fuerit. Hæc enim generalis iuris & æqui regula communibus, naturæ principijs subnixta (quæ adhuc post lapsum in hominem quantumvis corrupto resident) tam certa firmaque est, vt nihil quod illis aperte aduersetur & repugnet, pro iusto & rato inter homines sit habendum. Hoc porro de rebus penitus iniustis atque manifestè irreligiosis intelligendum est, quas nemo non videt (nisi sensu communi prorsus destitutus) non posse bona conscientia à quoquam vel exigì vel præstari. Tale fuit pactum quod primis temporibus inter Minoen Cretensis Insulæ Regem, & Athenienses intercessisse ferunt: Nempe vt quotannis illi septem adolescentes, septemque puellas adducerent, vt vel à Minotauru deuoraretur (sicut fabulæ tradunt) vel (quod magis est credibile) vt illius libidini, atque Tyrrannidi inservirent. Eiusmodi etiam fuit conditio ab Ammonitis, habitatoribus Iabes proposita, fore scilicet vt illis parceret, atque illos in suam tutelam reciperent, si modo singuli alterum sibi oculum eruerent. Minusque adhuc tolerabilis fuit conditio ciuibz Hierosolymi-

Iolymitanis ab Antiocho execrando Tyranno proposita, & à plerisque eorum promissa, vt scilicet conseruandæ vitæ suæ gratia, veram Religionem abiurarent. Si verò conditio à victore proposita, & à victis promissa, difficilis est duntaxat atque dura, vitæque huius tantum incommoda continens, concedo eo casu iurisiurandi potius rationem habendam, quàm vllorum commodorum, vel incommodorum. Quam ob causam Deus acriter Sedechiam, vltimum à familia Davidis Regem, increpauit & puniuit, quòd contra iuramentam fidem à Chaldeorum Rege defecisset. Gabaonitæ certè etsi in durissimam seruitutem à Iosua adacti, quisquam de eo conqueruntur. Præcipuè verò cum de Religione agitur, summo opere cauendum est, ne quis temerè ab ijs quæ Deo iuratos promissit deficiendi licentiam captet. Qua in re tamen modus quoque eiusmodi seruandus erit, vt quemadmodum nihil facile in Religione quisquam immutare debet: sic (quoniam non nisi cum maximo dispendio in ea decipi possumus) nemo pertinaciter ea tueatur, quæ impiè & illicite Deo promissa, obtentu Religionis fuisse constiterit. Quod quia non satis cautè hactenus animaduersum fuit, multæ graues ac periculosæ in mundo conuersiones acciderunt.

1. Mac. 1. 15

Ezech. 17. 16

Iosu. 9. 25.

Verum demus, fuisse gentem aliquam, quæ Quo d. rallo.

aut imprudentia, aut blandimentis, aut denique, quia bonum principem semel ex quapiam familia nactus, nimia facilitate præsumpserit, tales quoque semper futuros omnes illius posteros: sese omnino, nulla expressa conditione, cuiquam submiserit: An propterea dicemus Principi illi omnia licere, quæ libuerint? An ne potius ea quæ natura sua, sancta sunt & legitima, tanquam expressa habenda erunt? Quorsum enim alioqui res evadet? aut qualis demum vita hominum futura est? Si Princeps huiusmodi eoque licentiae proruperit, ut subditorum parentes truculentus occidat, uxores ac filias constupret, domos ac possessiones expilet, denique singulos pro arbitrio iugulet: quia scilicet populus, ipsius probitate confusus, hunc ab initio sibi Principem sine ullis conditionibus assumpserit?

Il. à Comparatio.

I. Comparatio qualis.

Populos in integrum potius esse restitutos quam priuatos homines.

Adhæc iniquissimum sanè fuerit, vniuersæ alicui genti ac populo id denegare, quod æquitas ipsa priuatis personis (quales sunt Minores, Mulieres, mente capti, & qui ultra dimidiū iusti pretij se fraudatos conqueruntur) vltro concedit, maxime si de mala eorum fide constiterit, quibus se eiusmodi personæ obstrinxerunt. An verò quisquam magis improbe si dei reperiri potest eo Tyranno, qui sit usque adeo impudēs, ut persuasum esse velit, sibi omnia licere per fas nefasque, quia scilicet aut ita

sum

populo popigerit, aut à maioribus suis talem potestatem acceperit? Fateor equidem inter-
 (sicuti abundè suprà demonstratum est) au-
 thoritatem ordinum siue statum tunc imple-
 randam, & interponendam: ne priuatis homi-
 nibus quicquā ex seipsis aggredi aut moliri in-
 statum publicum liceat, neve inferiores Magis-
 tratus vocationis suæ cancellos transcendant.

Sed quæro præterea, An maior sit subdito-
 rum erga Regem obligatio, quàm liberorum
 erga parentem, Mancipiorum erga Dominū,
 aut Libertorum erga Patronum, qui eos ma-
 numisit? Audiamus verò in primis quid Ci-
 cero, æquitate & ratione ductus, scribat de of-
 ficio filij familiæ, cuius pater vi, patriæ suæ
 dominium vsurpare contendat: Si Pater, in-
 quit, Dominationem manifesta vi occupare,
 aut patriam prodere tentet, an filius tacebit?
 Minimè, sed patrem supplex rogabit ne id fa-
 ciat: si autem precibus nihil profecerit, accu-
 sabit illum, atque minis terreat; quòd si eò
 iam res processerit, vt periculum sit ne eadem
 patria obruatur, vitæ patris salutem patriæ
 præferet. En qualis fuerit eius viri sententia,
 non solum rationi consentanea, sed etiā maxi-
 mæ authoritatis. Quod verò ad seruos seu mā-
 cipia attinet: iure Romanorū cautū est, vt ser-
 uus, cui Dominus ægrotanti opē non tulerit,
 liber habeatur. Et quòd etiam maius est, seruo
 ex iuris scripti dispositione, Dominum lapsæ

*Comparatio cum
 aliis homini-
 bus qui in fa-
 riores in p-
 testato ha-
 bent.*

*II. Compar.
 Quid liber in
 in patrem li-
 ceat.*

*III. Compar.
 Quid seruo
 in Dominum*

Maieſtatis reum accuſare licet. Quis verò hoc crimine magis tenetur, quàm Tyrannus omnia iura tam diuina quàm humana manifeſtè peruertens? Sed apud quem, inquires, accuſabitur? Reſpondeo, vel apud eos qui cùm eius creandi poteſtatem habuerint, habent etiam iudicandi ipſum authoritatem: vel apud eos qui præcipui ſunt ſupremæ poteſtatis deſenſores, & à quibus nulla eſt prouocatio. Sic quamuis Liberti omnem Patroniſ ſuis obſeruantiam debeant, adeò vt iure ordinario non niſi ciuilitè cum eis agere poſſint: certis tamen de cauſis, (vtpote ſi atroci aliqua iniuria à patrono fuerint affecti, eùmve in adulterio cum vxore deprehenderint) poſſunt capitalem accuſationem aduerſus eos, ex iure ciuili inſtituere. His argumentis ago, non, vt conſcientiam legib. ciuilibus, aut Philoſophorum dictis tanquam regulis certiffimis aſtringam: ſed duntaxat vt euidentiffimè oſtendā, quam iniqua ſit eorum opinio, qui nullā prorsus hominibus viam relinquunt, qua curſum imminuentis vel aperte graſſantis tyrannidis abruptum valeant, quantumuis crudelis & iniqua illa fuerit.

*Ad varias
obiectiones
ſolutio.
l. 66.*

Certè quod excipere ſolent, Regem legibus non aſtringi, in genere nec poteſt nec debet accipi, vt Regum aſſentatores, Regnorum que euerſores occidunt: Nam vt taceam tot, omnium ſerè nationum, exempla, quæ ſuprà allata

allata sunt, quorsum tot graues veterum Iuriconsultorum sententiæ, è iure naturæ excerptæ? Cuiusmodi sunt, Eos qui leges ferunt, legibus quoque obtemperare: Et, Quod quisque iuris in alium statuerit, ipse vt eodem iure vtatur: Et, Nihil Imperio magis conducere, quàm vt ex Legibus viuatur: Dignam denique vocem esse, Principem legibus sese subditum profiteri? Itaque quod alibi à Iuriconsultis dici videtur, Principem esse supra Leges, aut Principem legibus esse solutū, non nisi de legibus civilibus, de quæ particula-ri & priuatorum iure est intelligendum: Ver-
bi gratia de testamētis, de detractiōe Trebel-
lianæ, aut Falcidianæ: non autem de iure pu-
blico, & ad statum, vt dici solet, pertinēte: mul-
toq; minus de iure naturali, aut diuino: Cui
cum omnes & singuli homines subijciantur,
quatenus homines nati sunt: omnino effici-
tur, aut Reges homines non esse, aut illos hoc
iure teneri.

*Quomodo
intelligi opor-
teat Reges le-
gibus non
subiecti.*

Siquis rursus obijciat, ius illud publicum,
& ad statum populi, aut gentis pertinens (de
eiusmodi enim loquimur) longè esse diuer-
sum à iure Naturæ, ac gentibus omnibus com-
muni: Verum id quidem esse quibusdam in re-
bus fatebor, sed ita vt omne illud discrimen,
in circumstantijs hæreat, quæ efficere neque-
unt, quin generalis illa æquitas, & *iustitia*
firma constansque cōsque maneat, vt omni

*II Ob.
Quæ sit in-
ter ius Re-
gnorum &
ius gentium
differentia.*

politia, quæ illi aduersetur (veluti, exempli causa, si manifestæ impietates, latrocinia, et, quæ generis facinororum aduersus Deum, tum aduersus ius gentium, ac bonos mores, probarentur) prorsus sit & damnanda, & abijcienda.

III. Ob.

Ordines supra Reges esse.

Posset & illud excipi, supremum Magistratum reum quidem esse, si aliter quàm dictum sit, dominetur. At non habere alium Iudicem, quàm Deum ipsum; quod Davidis quispiam exemplo probauerit, qui cùm esset adulter, & homicida nefarius, à nemine tamen mortali iudicatus fuit. Sed respondeo primum: ex supradictis satis perspicui Gentes ipsas, populique ordines, ius sibi plerunque retinuisse Francorum Principum, cui nulla vel vetustas, vel

Non omnes Principes flagitiosos statim & Tyrannos esse.

temporis præscriptio obesse possit. Deinde multum interesse inter eum qui crimen aliud quod semel, aut etiam repetitis vicibus commiserit, & eum qui ex professo omni scelerum generi sit addictus: Item, Inter Principem vitæ flagitiosæ, & eum qui iustam omnem gubernandi rationem in Regno suo euertat: Neque enim supremum Magistratum censuerim pro priuatis delictis (& quæ propriè personalia sunt) eodem modo, quo Subditos, coercendum, sed tamen posse vique adeò perditum fieri, vt meritò pœnis ac supplicijs in eum animaduerti & possit & debeat. Quando igitur æquius fuerit, cùm de publico statu

tu agitur, vt his quibus hoc officij incumbit, liceat providere & omnino satagere, nequid Respublica detrimenti patiatur: quod ni fecerint, perfidi & in Deum, & in Patriam (quibus se iuramento obstrinxerunt) habeantur. His distinctionibus probè expensis, & ad Davidis mores in genere (necnon ad publicam illam satisfactionem, quam de admissis publice egit pœnitentiam) comparatis: nemo mirabitur non fuisse quicquam grauius aduersus eum statutum, vel tentatum. Præterea falsa est in vniuersum eius argumenti conclusio, ex qua inferitur, Non debuisse pœnas de delicto aliquo sumi, quia scilicet sumptæ non sint.

Sed nec deerunt etiam fortasse qui Turcarum Imperatoris in suos Subditos auctoritatem prætexant. Quibus vno verbo responsum velim, eiusmodi Imperium neque Regium neque humanum dici mereri, sed prorsus barbarum, Tyrannicum, brutum atque execrandum: eo maximè, quod cum cæteræ Monarchiæ, & imperia (quantum vis multis vitijis obnoxia) instrumèta tamen fuerint ad humanam societatem conseruandam idonea: Contrà, Turcicam hanc tyrannidem appareat horrendum esse Dei flagellum, quo Deus Mûndo huic extremam ruinam, & euerfionem iusto suo iudicio minitur. Itaq; clara voce & sonora profiteor, siqui hodie

*Cur David
neque de a-
dulterio, ne-
que de homicidio damna-
tus fuerit.*

*III. Ob.
De Turcica
Tyrannide.*

hodie reperiantur, qui Regibus suosores sint, ut inde gubernationis suæ exemplar, & typum effingant, eos tanquam publicos humani generis hostes habēdos, & exterminio profligandos.

*P. Compar.
Quid uxori
in Matrimonium
liceat.*

1. Cor. 7. 35.

Cæterum, ut comparationes suprâ institutas de iure privatorum in privatos persequar, An vlla strictioris iuris obligatio inter homines dabitur quàm Matrimonij? (in quo Deus ipse tanquam huius contractus præcipuus author intercedit, & per quod qui duo erant, vna caro fiunt). At in matrimonio etiam ipso, si pars vna alteram deserat, eam quæ deserta est Apostolus, ab omni obligatione liberam pronunciat: quia deserens, præcipuam matrimonij conditionem violat. Fingamus verò quempiam profiteri, se velle uxorem apud se retinere, id quæ conari: si tamen innotuerit, id eò uxorem hunc appetere, ut illi mortem inferat, vel eam alia via de medio tollat, annō pro desertore manifesto habendus erit? At certè huic diuersa non est Tyrannorum mens, quæ non alia ratione Subditos in potestate habere contendat, quàm ut miseri suis cupiditatibus indulgentes, eos ad internecionem vsque persequantur & opprimant: Quidni igitur idem de vtrisque statuunt, qui iudicandi auctoritatem obtinent? Quod si ne Ecclesiastici quidem canones, uxorem quæ tutò apud Maritum degere non potest, cogendam esse statuunt

tuant ut cum illo habitet: cur inferiori Magistratui, sibi suisque providere non concedatur, & aduersus manifestum Tyrannum ad ordines recurreret?

Adhæc, cum & Regna, & Imperia ipsa, in feudis conſeantur (quæ ſupremæ poteſtati hominia & fidelitatem leu ſubiectionem, & ſeruitutem etiam debeant) videamus quale ſit ſus Feudorum. Ex libro igitur 2. titul. 26. §. Dominus, & titu. 47. apparet, Dominum non minus in Vaſſallum (ſive clientem) crimen perfidiæ committere poſſe, quàm Vaſſallum in Dominum: quo caſu feudum quidem domini, ad Vaſſallum non deuſluitur, ſed reddit ad directum feudi Dominum à quo primariò illud dependet, vel ad Domini agnatos. Hoc tamen certum firmumque manet, Dominum perfidiæ cõuictum, omne ſuum ius amittere, quod in Vaſſallum haberet. Cuius rei ratio ex eo pendet, quòd Dominus in omnibus vicem fidelis ſuo reddere debet, alioqui meritò maleficus cenſetur, ut habetur in titu. 6. de forma fidelitatis ad finem. Dico igitur in propoſita quæſtione, Regem vel etià Imperatorẽ, cuius dominatio à ſuprema pèdet poteſtate, ſi in crimen illud perfidiæ erga Vaſſallos ſuos, hoc eſt ſubditos, inciderit (quod utinà nunquam accidat) amittere feudum ſuum, non ut Vaſſallis adiudicetur: ſed ut de eo diſponat iſ, qui ſupremam illam poteſtatem referunt. Ut verò hu-

*VI. Compar.
Imperatores
Imperij, &
Reges ſui ra-
gni, ſunt
clientes.*

*Quid Vaſſa-
li in Domi-
no feudi, ſi
riſ habeant.*

ius argumenti firmitas cognoscatur, notandum est: Eiusmodi indirectos (seu vt vulgò vocant subalternos) Dominos, nullum præstare iusiurádum Vassallis, cum eos inuestiunt, adeò vt quod diximus obseruari aduersus eos qui crimen perfidiæ admittunt, nõ alia quàm naturalis illius æquitatis ratione nitatur, quæ etsi expressa non fuerit, per se tamen semper subintelligendâ veniat. Quid igitur (vt à minori ad maius fiat comparatio) statuendum erit de eo, qui in crimen illud lapsus est erga subditos, quibus se expresso iureiurando deuinxit? Præterea etsi demus Dominum in crimen illud perfidiæ nunquam posse ita incurrere aduersus, Vassallum, vt ius feudi amittat: At nemo dubitat Vassallum huius criminis reum aduersus Dominum suum, feudo meritò priuari. Cum ergo Imperator ipse, vt suprà annotatum est, subiectione (seu hominium, vt vulgus appellat) Imperio debeat, vtpote cuius ipse sit primus, & supremus Cliens: (qua conditione etiã Reges in regnis suis esse multò maiori, aut saltè pari ratione æstimandum est) Quis dubitet, quin Imperatores, aut reges à feudis suis decidât, si eo vsq; perfidiæ proruperint, vt in manifestos, & deploratos Tyrannos degenerent? quandoquidem id experimento vbiq; comprobatum fuisse ostendimus.

VII. Comp.

Deniq; cum apud saniores omnes, eorum etiam qui se Catholicos Romanos vocant, tunc certis

certis rationibus, tum infinitis exemplis iam pridem cōstitutum sit & persuasum: conciliū *Si conciliū* Oecumenicum seu generale, esse supra Papā, *est, upra Pā* eumque deponendi saltem propter crimē hē. *pam, ordines* reſeos potestatem habere; consequens est pro *supra Reges* ſectō, aut Reges maioris authoritatis quā *erunt.* pontifices, crimenque hæreſeos minus quā Tyrannidis, crimen esse: aut populos tantundem saltem potestatis habere in Reges Tyrannos factos, quantum habet concilium in Pontificem hæreticū. Hæc est igitur nostra de hac quæſtione ſententia, qua quæritur, Quid iuris habeant Subditi (cuiuscūque ſtatus fuerint) in ſupremum magiſtratum, qui Tyrannus euidens ſit effectus.

VII. QVESTIO.

Supereſt tamen adhuc in hac diſputatione non exigua difficultas. Quæritur enim, Quid *Quid tū agē* tum fieri debeat, cū Tyrannis eoſque po- *dum, cum or* tentiæ excreuit, ut Ordinum cōuentus (quod *dines cogi cō* legitimum remedium aduerſus eam eſſe di- *tra Tyrannū* ximus) proſus vel conuiuentia, vel metu, *non poſſante* vel malitia valentioris multitudinis ita impeditur, ut cogi nullo modo poſſit? Reſpondeo, Priuatos quidem homines, niſi vel ab in- *Quæ Primā* feriori Magiſtratu, vel à ſaniore ſtatuum parte *torum remē* (de qua mox fuſius) authoritatē habeant: niſi *dia legitima* hil hīc remedij iuſti habere, quā Reſipi- *et, neceſſa-* ſcentiam, cum patientia & precib. coniunctā, *ria.* quas Deus utique non eſt aſpernaturus, & ſi.

ne quibus reliqua omnia remedia quantumvis legitima, Dei maledictioni suberunt. Nihil tamen impedit quin privatæ conditionis Subditi ad intermedios magistratus confugiant, eosque de officio suo interpellent: Qui si vel omnes, vel sanior ipsorum pars, privatorum eiusmodi opera uti voluerint, satis supra ostendi quid hi & Deo & patriæ debeant. Sanè inferiorum magistratuum partes sunt, concordibus animis simul statuum conuentum vterere: seseque interea quantum & possunt & licet, aduersus manifestam tyrannidem tueri, & conseruare: Denique singulis quoque ordinibus hoc officij incumbit, ut legitimum ac generalem omnium ordinum conuentum serio procurent: ne improbi, bonos: tardi, diligentes: multitudo, potiore sanioresque partem, aut impedian aut remorentur. Quinetiam privati quique in eiusmodi necessitate, magistratibus suis subalternis sese adiungere tenentur, & officium Subditorum præstare: & si res postulet, licebit etiam saniori parti oppressæ, auxilia aliunde conquirere, præsertim apud Regni confederatos & amicos. Ad cuius sententiæ confirmationem citabo probatissima aliquot exempla. Ecce duæ integræ Tribus Ruben, & Gad, & dimidia Tribus Manassis, cum Idololatriam incidisse existimarentur, à reliquis omnibus tribubus armis impetuntur. Veruntamen nulla tribus, in aliam

Quod sit magistratus inferioris officium.

Quid ordines eo casu agere debeant.

1. Exemplum.

Ios 22. 12.

Potior saniorque pars alterum ad officium compellere in negotio aperto potest.

ius potestatemque habebat, cum omnes duo-
decim nonnisi vnum vniuersitatis corpus cō-
stituerent. Hinc igitur apparet, potiorē par-
tem posse alteram in ordinem cogere, non ex-
pectato omnium communi consensu, si simul
omnes conuenire non possint. Idem etiam in
bello iustissimè ab vndecim tribubus aduer-
sus tribum Benjamin suscepto, videre est, cū
hi horrendum facinus in Gibeā patratum de-
fenderent. Quid si ergo aut dux illæ tribus
cum dimidia Manassis, aut tribus ipsa Benia-
min in fratres & consanguineos suos tyranni-
dem affectassent? Sic & Romani, Constantini
opem aduersus Maxētium implorarunt, cū
Occidentis Imperium obtinens, crudelissi-
mum Tyrannum apertè ageret. Quod bellum
non solum Deo propitio, & votis ipsorum fa-
uente gestum est, sed habet etiam ab omnibus
historiographis approbationis testimonium.
At Constantinus supremum imperium in Ma-
xentium non habuit, cū hic non minus sum-
mum Principatum in oriente, quàm ille in
Occidēte obtineret. Quo iure verò, aut quo ti-
tulo Occidentis Imperium adeptus est Caro-
lus magnus? Nisi quòd à potiore Italiæ parte,
ac nominatim à Patricijs Romanis (qui tunc
nondum, ac ne multis quidem post annis in
potestatem Pontificum venerant) aduersus
Longobardorum Tyrannidem euocatus est,
propter Orientalium Imperatorum ignauia,

II. Exemplū.

Iud. 20.

III. Exemplum

*Posissimū ē et
magis sanā
partem auxili
lia aliunde
posse expecta-
re.*

*III. Exem-
plum.*

qui in Græcia delitescabant? Existimo igitur sententiam meam hactenus abunde confirmatam probatamque esse, modò hæc tria exioma ta cōstanter in omnibus hisce definitionibus, retineantur: nempe:

*Tres exceptio-
nes semper
reservanda.*

Tyrannidem manifestam notamque esse oportere: Nec prius ad arma progrediendum esse, quàm cætera remedia omnia tentata sint: Ac denique quàm probè exploratum fuerit, non solū quid liceat, sed etiā quid expediat, ne remedia ipso morbo periculosiora existant.

*Responsio ad
obiectiones
quæ contra
sunt.*

Reliquū est opinor, vt pro huius tractationis catastrophe argumentis præcipuis respondeamus, quæ in contrariam sententiam adduci solent, præter ea quæ incidenter iam & per occasionem attigimus.

I. Ob.

*Supremorū
Magistra-
tum potesta-
tem infinitā
non esse.*

lactari verò illud in primis solet: Magistratum esse, maximè supremorum, præcipere, & imperium exercere. Assentior & ipse, sed addo hanc potestatem legibus tum diuinis, tum humanis esse definitam.

II. Ob.

Addunt præterea: si reges in Tyrannos degenerent, neminem quidem iniquorum mandatorum ministrum esse aut fieri debere: sed Subditorum esse pati, ac supremi Magistratus mores patienter ferre, non sese illis vlla vi opponere. Istud ego nisi adhibitis superioribus distinctionibus non facile concesserim. Quæ summa est, Priuatas quidem personas (nisi auctoritate legitimæ alicuius magistratus

infecti

inferioris, vel ordinum gentis illius, tueri se possint) aut omnino secedere, usque dum melior illis aura affulgeat, aut colla iugo subdere debere, à Deo patientiam assiduis precibus poscendo, & interim sub ipsius correctionibus proficiendo. Magistratum autem inferiorum partes esse, bonas leges, quarum defensionem ipsi iurauerint, strenuè aduersus omnes tueri, pro eà quam quisque in statu publico statione sortitus est: & huc in genere omnes incumbere, ne leges ac conditiones quibus status publicus nititur, vlla vi, vel externa, vel interna, labefactentur. Denique Imperatores, Reges, aliòsve supremos Magistratus summa potestate ita potiri, vt si quidem inter eà conspicuum sit, eos quam regendam provinciam susceperint, potius depopulari, iurisque ac rationi versutè, & impotenter aduersari, & quod iurati promiserint protervè transgredi, possint ac debeant ad officium etiam armata manu (si aliter fieri nequit) reduci, compelli, adigiq; ab ijs, qui eos ad hanc dignitatem

I. II. Qb.

Davidemq;

Adhæc communiunt sese exemplo Davidis, cui etsi iam Regni successio promissa esset & ducis præcipui officio in bello fungeretur, dum tamen tyrannicè impetitur à Saule, tãtò apud se autoritatis vñctum Domini fuisse ostendit, vt deprehensum neque ipse lædere, neque ab alijs lædi voluerit: sed extemp

*tra cancellos**sue vocatio-**nis constituit**si, dum se ad**uersus Sam-**lā inuenitur.**1. Sam. 24. 7.**26. 4.*

2. Sam. I. 16.

plò illum mortis supplicio affici iusserit, qui de eo ab se occiso gloriaretur: Illum denique, quantumvis iniquissimum Tyrannum, vivum & mortuum honore maximo sit persecutus. Cuncta hæc, ego non inuitus agnosco, & fateor etiam Fidem, Patientiam, ac Bonitatem Davidis dotes fuisse incomparabiles & commendatissimas, quas deceat omnes Christianos quàm maximè imitari, & in exemplar sibi proponere: Addo etiam omnibus promiscuè siue superioribus, siue æqualibus, siue inferioris conditionis, bona pro malis rependenda esse. At nego interim Patientiam, & mansuetudinem, quæ in Christianis requiritur, impedire, quominus quis legitimis remedijs uti possit, ad propulsandam iniuriam, quæ illi infertur. Licitum est sanè rem suam in iudicio ab iniusto possessore vindicare, & apud summum magistratum de iniuria inferioris conqueri: Quidni igitur eadem ratione apud ordines aduersus Tyrannum ius experiri licebit? Quòd si præ tyrannide nulla ad iustitiam via pateat, tantum abest, ut Davidis exemplum, ijs quæ à nobis dicta sunt aduersetur, ut manifestè etià pro nobis faciat. David enim Saulis furori ita celsit, ut interim militum copias nò paruas secum aggregarit: quib. haud dubiè liberius ad suâ, suorumq; vitam asserendâ usus fuisset, si eò necessitatis à Deo adactus foret, ut non nisi conferta manu vim sibi illatam valuisse

luisset propellere. Quòd verò Tyranni vitæ cū in manus suas incidisset, pepercit, id certè meritò, & pro officio fecit: Saul enim solium adhuc Regium obtinebat: neque vel Dauidi, vel cuiquam alteri ius fuit Regnum illi aut vitam adimere, sed solius Dei, aut ordinum, ut supra ostensum est. Cæterum longè aliud est aduersus Tyrannum, vel in iudicio, vel oppositis armis, sese tueri. Aliud ex professo aliquid, aut in Tyranni vitam, aut in eius ditio- nem moliri.

Aiunt postmodum, Sedechiam Regem Iuda grauius fuisse reprehensum atque multatum, quod contrà iurandum à Chaldaeorū Rege defecisset: qui tamen legitimus Iudæ Dominus non erat, sed apertissimus alienæ conditionis vsurpator. Quomodo igitur plus licebit Subditis aduersus legitimum Regē, qui Tyrannus euaserit? Respondeo, Sedechiā expresso Dei mandato, ac etiā præstito iuramento, sese cum suis Regi Chaldaeorum subiecisse, qui nullam non soluendi tributi occasionem præbuisset. Quæ circumstantiæ, conuincunt omnino Sedechiā, & eius populares, tãquam reos tum defectionis, tũ perituri. Deinde concedo etiā non licere Subditis à iuramento suo discedere: neque probo, quòd dici solet trito prouerbio, frangenti fidem, fides frangatur eidem: cōtrā enim censeo, non licere vnquam fidem iustè datam fallere: Sed nego fidem à

IIII. Ob.

Sedechiā nō debuisse à Rege Chaldaeorum desistere.

2. Par. 36.

13. & 2ec. 17.

12. 13. 14.

Subditis falli, aut violari erga Tyrannum, quoties singuli ipsorum intra metas vocationis suæ sese continentes, cursum Tyrannidis impedire conantur. Est enim Regula generalis, pactum sub conditione vel expressa, vel tacite subintellecta, contractum ab eo solui qui conditionem violarit, non autem ab eo qui, cum sub conditione tantum obligatus esset, ab obligatione liber sit: non per se (esset enim perfidus) sed per eum ipsam, qui prior rupit vinculum obligationis, nempe conditionem appositam. Supremo igitur Magistratu, Tyranno facto, ipse suo perituro populum à iuramento liberasse censendus est, non contra cum populus meritò in eum suo iure utatur.

Y. Ob.

Ez. 29. 7.

*Iudæos servos Babyloniæ
non fuisse
necdem Subditos.*

Prætexunt adhuc Mâdatû Dei, qui iubeat nominatim Israelitas præces, p pace & felicitatu Nebuchadnezaris crudelissimi Tyranni fundere: necdum ut Iudæis ab illius obedientia & Imperio sese subducere licuerit. Concedo id quoque: At primùm Respondeo, Iudæos non solum Subditos priuatæque conditionis sed etiam plerosque, servos fuisse sub Chaldeorum Imperio. Iam verò suprà à nobis positum est, Priuatæ conditionis hominibus non licere in suos Magistratus insurgere, vel sese illis aperta vi opponere: multo minus servis in Dominos, quantumvis duos iniquosve: quandoquidem hi & corpora ipsorum & bona in sua potestate habeant. Hoc præceptum ergo

ergo ijs, quæ suprà à nobis sunt posita, nihil derogat. Præterea repeto rursus, Iudæos (quod in tota hac historia maximè est obseruandum) in potestatem Chaldæorum expressa Dei voluntate venisse, quæ illis, per Prophetas sæpe fuit prædicta: Tam abest igitur, vt Se dechiæ & reliquæ multitudini licuerit tempore captiuitatis Tyrannidi Chaldæorum resistere, vt ne antea quidem bona conscientia potuerint sese illis opponere, aut urbem Ierusalem aduersus illorum oppugnationem protegere, quandoquidem præceperat Deus nominatim per Ieremiam, vt urbem in manus Chaldæorum dederent, seseq; illis ultro subijcerent.

ier. 38. 17.

Hic etiam frustra regerunt quidam, Hanc eadem Dei voluntatem in omni Tyrannide locum habere, cum nulla vel sine, vel præter Dei voluntatē obtingat. Possem enim hoc idem argumentum in Tyrānos retorquere: Quoniam non minus à Dei voluntate pendet, quòd Tyrāni à suis Subditis & popularib. expelluntur (vt pleriq; accidit) quàm quòd populos tyranni sæpenumero opprimāt. Sed verior hæc erit responsio, si dicamus, Dei voluntatem eatenus nobis spectandam, quatenus ipse nobis eā patefacere dignatus est: alioquin nullum erit tam atrox facinus, quod Diuinæ voluntati imputari nō possit (Cum ne ea quidē, quæ maximè fortuita censeantur, casu vel for-

VI. 05.

Dei providē
tiam iustam
defensionem
non prohibe
re.

tuitò contingant. Hinc fit, vt qui latronibus publicis occurrit (à quibus nemo trucidatur, nisi id diuina voluntate permittente) iustam illis ac inculpatam tutelam ex legum auctoritate opponere valeat: nempe, quia speciale à Deo mandatum nemo habet, vt sese à latronibus vltro iugulari patiatur. Idem est omnino iudicium de ordinaria illa, de qua loquimur, aduersus tyrannos defensione. Quæ tamen tum demum locum habere desinit, cum de Dei contraria voluntate apparet, sicut euenit in eo Sedechiæ factò, de quo proximè diximus: Et prius etiam in Roboami ipsius antecessoris causa: qui iure alioquin decem alias tribus sedeficientes fuisset infectatus, nisi Deus id fieri expressè vetasset. At contra Mathathas ipsiusq; liberi summa laude digni celebràtur, quòd sese crudelissimo Tyranno Antiocho tã cordatè opposuerunt, nullo id vetate Dei mandato, etsi absq; illius iusto iudicio populum Dei non inuasisset Antiochus, & plerisq; etiam probaretur, gratusq; esset.

¶ 11. Ob.

Decem trib.
iustam cau-
sam, iniuste
aduersus Ro-
boamũ per-
secuti sunt.

1. Reg. 12. 7.
18. 20.

Obijciunt hoc quoque, Israelitarum defectionem illam à Roboamo, quanquam iniquo exactore, maximè improbari. Respõdeo & ipse, dupliciter in eo peccasse Israelitas. Primum, quòd non conuocatis Israelitici populi ordinibus (quo Roboamum siue volentem, siue nolentem ad officium cogerent) Novum Regem eligendo, Regnum illud, quod

vnicum

vnicum esse Deus voluit, in duo discerpserint. Deinde, quod à Davidis familia (quam non ignorabant ad Regnum à Deo ipso fuisse selectam) discesserint. Sed hæc aduersus nos minimè militant. Nec quicquam etiam inuerit Ieroboami vocatione ab Ahia Propheta ipsi patefactam, prætexere: quandoquidem tota historia satis testatur, non eò respexisse populum cum à Domo Davidis rebellaret, & Aburamum Quæstorem occideret: sed viam, qua sunt ingressi manifestam fuisse defectionem: cum potius legitimo iustoque armorum vsu Tyrannidi occurrere & potuerint & debuerint. Ita fit sæpe aliquid iniuste quod tamè per se iustum esse nihil prohibet.

Contendunt insuper & illud pro se facere, Quod diui, Petrus & Paulus iubent aperte preces pro Regibus ac alijs Magistratibus fieri, qui tamen ipsorum tempore non solum Ethnici, sed immanissimi adeò Tyranni erant. Fateor sanè: Sed præterquam quod ad priuatas personas adhortationes illæ diriguntur (quibus nullum aliud remedium quàm preces & patientiam reliquum esse semper diximus) meminisse hic quoque oportet, cum dicimus, Magistratus inferiores, aut Regni aliquius ordines posse, imò & debere Tyrannidi obistere: Id neque officio priuatorum Christi fidelium quicquā detrahere, quo vetatur malum malo rependere, sed in bono vincere malum, &

1. Re. II. v.
30.

VIII. Ob.

1. Petr. 2. 17.

1. Tim. 2. 2.

Quo sensu accipiendum

Quod iubent iur. fideles

pro Tyrannibus orare.

pro inimicis etiam orare: neque Magistratuum eiusmodi defensionem prohibere, quin pro conuersione etiam ipsius Tyrani, cui resistitur, apud Deum sint supplices: illique resistendo, quantam fieri potest reuerentiam ex animo & verè exhibeant. Quanquam & illud notandum fuerit, Posse Tyrannum eo usque impietatis pronolui, & tam execrandas in Deum inimicitias exercere, ut nominatim aduersus eum publicas preces & execrationes concipere non solum liceat, sed sit etiam aliquando operæpretium: Quod exemplo suo olim vetus ac primitiua Ecclesia palam testata est, quum Iuliano Cæsari cognomine Apostata, non solum publice imprecata, sed etiam exaudita est.

IX. Ob.

*Quid Iudæi
aduersus Rō.
seditionē mo-
uentes, à
Christo disse-
runt qui sese
illis volens
submitti.
Mat. 17.27.
Act. 5.36.37*

Citant denique Christi ipsius exemplum qui tributum Tyberio Cæsari, quauis iniusto Iudæ usurpatori, monstroque potius, quam homini, pependit, cum constet ex aduerso, quorquot Romanis Imperatoribus per seditionem restiterunt (quales imprimis memoratur Iudas ille Galonites, Theudas, alijque factiosi: ac tota tandem Iudæorum natio, ne falsam Ethnicorum Religionem amplecti cogeretur) miserè perijsse. Quibus Respondeo: Magnū esse discrimen inter Ius Regium & Tyrannidem: Itaque quamuis Iesus Christus cœli terræque Dominus esset: ad quem etiam, tanquam ex Dauide prognatum Regnum Iudæorum potius quam ad Romanos, vel ad Herodem, iure

iure pertineret: Quia tamen non ideò in Mundum venerat, vt humano more dominaretur, sed vt quasi priuatus hac in parte, & prerogatiuæ Dauidicæ familię renuntians, vitam hic degeret: Ideò suo illo exemplo confirmare voluit, iustè Regibus, ac principibus tributa ac reliqua subsidia, & deberi & persolui. Quamquam enim Romani Imperatores iniustè ab initio Regnum Iudæorum inuaserunt: eius tamen legitimi tandem Domini euaserunt, partim iusto Dei Iudicio, partim consensu, & approbatione, si non omniũ at certè valentioris multitudinis Iudæorum, quod satis apertè significarũt, cum omnes ferè acclamarent: Non habemus Regem nisi Cæsarem.

Rem. 13. 7.

Ioan. 12. 17.

VIII. QVÆST.

Quid liceat aduersus iniustos exactores.

Quid si verò, dicet quispiã, Princeps populi nimis iniustisq; tributis opprimat: Tunc vbi decenter admonitus fuerit, possunt certò ac etiam debent, ij qui prima ac summa valent authoritate ex Regni legib. publicæ vtilitati consulere. Sed & hic notandum est: Principem qui eiusmodi in rebus modum excedit (quia aut prodigus, aut avarus, aut alijs est vitijs deditus) non statim pro Tyranno esse habendum: Tyrannidis enim index ac veluti indiuiduus comes est, obfirmata malignitas, quæ ad statum publicum, legesq; (quibus Regnũ cœnfundamentis constat) euertendas totis viri-

*Non omnem
Principem
exactorẽ pro
Tyranno ha-
bendum.*

*Non quic-
quid licet,
idem semper
expedit.*

bus enititur. Addo & istud: Quamvis iusta occasio opponendi sese manifeste Tyrannidi quandoq; offeratur, meditandam tamen subinde, atque si fieri potest, sequendam, eximiam illam ab homine Ethnico prolatam *γνώμη*: Omnia prius experiri consilio sapientem, quam armis, decet. Itaque cum Imaginem Cælaris in templum inferre conaretur Petronius, iustam quidem videbantur habere Iudæi ad arma capessenda occasionem (ut suadebat Marthathum zelus) potius quam ut Templum Dei idolo violari paterentur: At multo prudentius consilium inierunt, cui etiam Deus benedixit, cum Petronio liberè iudicaret, Nolle se equidem aduersus ipsum pugnare: Verum nunquam passuros quandiu essent superstitibus Idolum illud in Templo collocari. Cæterum etsi Albini & Flori exactiones æquissimam illis denudò querimoniarum causam præberent, & tum quoque de rebus ad Religionem pertinentibus quadantenus ageretur: Omnia tamen Iudæorum acta satis ostenderunt, non aliud eos, qui meram defectionem, ac rebellionem affectasse, quæ cum legitimis, de quibus diximus, remedijs, nihil haberent commune.

IX. QVÆST.

*An Subditi cum Principibus possint
pacisci.*

Respondendum est porro nunc illis quoque qui existimant non decedere subditos cum superiori.

perioribus pacisci. Quæro igitur primum quibus nitantur fundamentis? Si enim rationibus agendum est, quales quæso illas satis firmas prætexent? Subditorum est, inquit, à Principum suorum auctoritate, & mandatis pendere, non contrà. Vnde consequens est, posse quidem Subditos modeste ac reuerenter Principibus suas exponere querimonias, atque illis liberè suum consiliū impertiri, si rogentur: at minimè vltèrius progredi. Respondeo Nō licere omnino Subditis Magistratus suos siue inferiores siue supremos, nisi cū summa reuerentia accedere: id quæ non solum propter metū indignationis eorum, sed etiam propter conscientiam, vt docet Apostolus, cum hæc Potestas à Deo sit constituta. Ast nego ex hoc fundamento talem posse necesse consequutionem: Oportere ergo Subditos, quoties de rebus politicis & ad statum, vt dicitur, Regni pertinentibus agitur, vbi quod iustum & æquū, legibusque (sub quibus Princeps ille electus & constitutus fuit) consentaneum ipsis videatur, modeste ac reuerenter illi exposuerint, deinceps necessario sese illius arbitrio totos subijcere, id quæ omnino absque vlla exceptione sequi, quod illi fuerit collibitum. Quinimò contrà liberè assero: Nullam ipsi iniuriam fieri, si ad officium compellatur: & vbi nullus amplius rationi locus superest, vltèrius etiam aduersus eum fiat progressus. Siquidē cū non

Rom. 13. 5.

nisi certis conditionibus administratio illi sit commissa: minimè censendum est, nouas pactiones cum ipso iniri, quoties interpellatur vt vel priores conditiones ratas habeat, easque deinceps obseruet: vel alteri locum cedat, qui de illarum obseruatione magis sit futurus sollicitus. Quod si exemplis probandum est, arbitror satis multa suprà à me allata esse, quibus constet aperte, nulla ratione nulloque vsu aut bene constitutæ Monarchiæ vlla experientia niri, aut defendi eorum propositionem posse, qui audent affirmare, sufficere cunctis debere Subditis nudam Regis sui voluntatem.

X. QVÆSTIO.

An, qui propter religionem persecutionem patiuntur, aduersus Tyrannos sese tueri salua conscientia possint.

Reliquum est tandem, vt maximi momenti Quæstionem soluam, qua quæritur, an Tyrannidi, veram religionem impetenti atque etiam quoad potest opprimèti, liceat iuxta superius positas condiciones distinctionesque, armata manu obsistere, & persecutioni obuiare: Dubitandi hæ præcipuæ causæ esse possunt: Primum Cùm Religio ad conscientias pertineat, quib. nullo modo vis inferri potest, non videtur illa vllis armis stabilienda aut defendenda: Quàm ideo prædicatione verbi Dei precibus, ac patientia hætenus potius propagatam cōspicimus. Extant præterea loci per
multi

Causa dubitandi.

multi in scripturis, quib. offēditur quāta sit inter Regna huius Mudi, & Regnū Christi spirituale, differentia. His denique subiiciuntur exempla sanctorum Prophetarum, ac ipsius demū Domini nostri Iesu Christi, penes quē et si omnis foret autoritas, potētia, & virtus, nunquā tamen ipse hāc defensionis rationē est aggressus, quē admodū nec ipsi Apostoli, nec subsequentes vlli Martyres: vsque adeo vt ne integrē quidē Christi fidelium legiones, armis instructissimæ, mortem oppetere recusarint, potius quā exerto gladio aduersus hostes veritatis ipsos insectantes, sese defenderent. Respondeo primū: absurdā esse, imō etiam falsam eorum opinionem, qui putant Media illa, quib. propriē res ac negotia huius mundi defenduntur (qualia sunt tum Iudicia, tum Arma) non modō differre à medijs, quibus spiritualia defendi possunt, sed cum illis velut ex diametro pugnare, adeoque ijs aduersari, vt nulum possint aut debeant illa, in Religionis negotio locum habere. At ego contrā. Præcipuum Optimi pijque Magistratus munus esse dico, vt quicquid mediocrius Autoritatis, & potentie, illi à Deo concessum est, huc totum omnino conferat, vt inter sibi Subditos Deus ipse verē agnoscatur, agnitusq; tanquā summus regum omnium rex, colatur, & adoretur. Itaq; qui talis erit non solum omnes Iurisdictionis suæ vires, legumq; autoritatem,

Media Civilia non pugnare cum Religiosis mēdis.

Potissimum munus Principis, puram Religionē inter suos, cū conservare tum propriam.

aduersus veræ Religionis contemptores, perturbatoresve (qui cæsaribus, admonitionibusq; Ecclesiasticis nullum locum relinquunt) exeret, sed armata etiam manu in eos animaduertet, qui aliter ab impietate cohiberi nequeunt. Ad cuius sententiæ confirmationem scriptura ipsa, & rationes, & exempla innumera nobis suppeditat. Rationes quidem sunt huiusmodi. Cum finis omnium bene cõstitutarum Politiarum nõ sit simpliciter huius vitæ tranquillitas (vt quidam Ethnicorũ Philosophorum sunt arbitrati) sed Dei gloria, ad quam tota hæc hominum vita dirigenda est: Inde consequitur, Eos qui populis præsent, omnia sua studia omnesque facultates à Deo acceptas, huc referre debere, vt parus Dei cultus, à quo ipsius gloria pendet, maximè apud eos quos in potestate habent conseruetur, promoveaturq;. Deinde vt demus vltimum politiarum finem esse huius vitæ quietam conseruationem: fatendum tamen fuerit, eius & obtinendæ & conseruandæ vnicam hanc esse rationem, si Deus vitæ nostræ tum author, tum moderator piè, recteque colatur. Testimonia autem seu exempla sunt propriè infinita in scripturis. Pater enim imprimis Patriarchas illos Veteres summos fuisse simul, & sacerdotes, & Magistratus apud suos: Quod de Gen. 14. 18. Melchisedecho & Heli nominatim traditur. 1 Sam. 4. 18. & quamuis distincta postea duo hæc mun-

ra fuerint à Domino, hoc ideo non accidit, quòd illa inter se pugnarent: sed quòd vnus vir, vtrique exercendo vix sufficeret. Præterea cùm Rex iubetur volumen legis apud se habere, vt dies & noctes in illius se lectione exerceat, non tanquam à priuato homine istud exigitur, sed tanquam à Rege & publico Magistratu. Porro inter leges, quarum executio de mandatur Magistratibus, illæ præcipue habentur, quæ v. ræ Religionis contemptores morti adiudicant. Quarum obseruationem in Dauide cernimus, qui totum Dei cultum certis legibus sanxit: in Salomone qui Mâdata patris in transgressores impleuit. Item in Edictis regum Asæ, Iosaphat, Ezechiz, Iosiz, Imò etiam Nabuchadnezzaris, & Darij, cùm à Daniele Propheta ad Deum adorandum persuaderentur. Postremo cum Apostolus affirmat reges, & principes à Deo in hoc esse constitutos, nò vt honestè tantum, sed etiam vt piè vitâ transigamus, (hoc est vt non solum sicut probos & honestos homines decet, conuersari in hac vita, sed etiam vt religiosos & secundum pietatem in Deum viuere possimus) non est dubium quin totam hanc quæstionem paucissimis verbis definierit. Hinc videmus prisca Cõcilia aduersus hæreticos, non auctoritate Romanorum Pontificũ (qui nondum tales deprehensi fuerant, quales lógo pòst tempore innotuerunt) sed Imperatorũ mandato fuisse co-

II. 7
Dent. 17. 18.

III
Dent. 13.

I. Paral. 2. 8
2. Paral. 1. 5
et 10. 7. 23.
Ch. 31. 2.
Ch. 34. 21.
Dan. 3. 96.
Ch. 6. 26.
III.
1. Tim. 2. 2.

hoc remedio, ex piorum Episcoporum suggestionib. cognoscerent. Extant quoq; innumera Constitutiones, & Ecclesiastici Canones tam ab Imperatore Iustiniano, quàm ab eius successorib. atq; etiam à Carolo Magno, alijsq; editi, qui idem comprobant. Quorsum verò hodie etiam Monarchæ à Romana illa meretrice tam furiosè incitantur, ad eos quos ipsi hæreticos vocant, igni ferroq; persequēdos, & eliminandos, nisi quod hoc ipsorum muneris esse contendit? Qua in re optimo quidem & certissimo nititur fundamento, sed quo non minus quàm innumeris alijs veritatis testimonijs abutitur, ad suas scilicet impietates & blasphemias vel stabiliendas, vel tuendas. Sed quorsum, inquires, tam proluxa digressio? neque enim quæritur, An Reges aut Magistratus Pietatem tueri, & promouere debeant: Sed an Subditi aduersus persecutores sese armis tue-ri possint? Respondeo ergo ad id quod priore loco suprà fuit propositum: Aliud esse religionem nunc primum in aliqua regione introducere: Aliud eam iam alicubi receptam conservare, seu collapsam hominumque aut conuiuentia, aut inscitia, aut malitia, sepultam velle restituere. Nam plantandam quidem ac propagandam ab initio sola spiritus Dei virtute confiteor, idque verbo Dei ad docendum, arguendum, hortandumque idoneo. Hoc enim proprium spiritus sancti opus est, instrumentis spiritualibus vtentis. Itaque pij princi-

Veram Religionem non esse quidem vi & armis introducendam: Sed iam vixisse, & conservari et defendi armis posse aduersus Tyrānas, nihil prohibet.

pis qui suos ab Idololatria & falsis superstitionibus ad veram religionem pellicere cupit, partes erunt, curare primum, ut illi veris firmisque argumentis in pietate instituantur: Sicutè diverso Subditorum partes sunt, veritati rationique assentiri, ac facillè cedere. Tandem verò Princeps pijs sanctisque edictis, veram Religionem stabilire sataget, aduersus eos qui mera pertinacia illam impiè ugnabant eive resistent. Quemadmodum nostris temporibus in Anglia, Dania, Suedia, Scotia, & maxima Germaniæ atque Heluetiæ parte factum cernimus aduersus Pontificios, Anabaptistas, aliosq; hæreticos, Quorum exemplum si reliquæ nationes sequi mallent, quam Romanæ illi, tam sanguinariæ meretrici fidere, & obsequi: Næ maior in toto orbe tranquillitas, tã in statu Religionis, quam Politicę conspiceretur? Quid igitur Subditis erit agendum, si contrà ad idola colenda à suo Magistratu compellantur? Certè non patitur quidem ratio, ut principem ad mutationem omnimodam status sui astringant, quinimò ad persecutionem patienter ferre (dum interea Deum purè colant) aut omnino solum vertere, novasque sedes quærere necesse habebunt. At si Edictis legitime rogatis & publica auctoritate constitutis confirmatisque, semel puræ religionis liberum exercitium fuerit cõcessum: Tum principè dico ad

eorum observationem tanto magis obligari
quanto negotium religionis, maioris est præ
ceteris omnibus rebus momenti: adeo ut illi
fas non sit, ea pro suo arbitrio, & sine causæ co
gnitione abrogare, sed eadem auctoritate dū
taxat intercedente, qua ab initio fuerunt san
cita. Si secus fecerit, manifestam tyrannidem
ipsum exercere assero. Cui sese opponere
(adhibitis tamen sopradictis observationis
bus) eo etiam liberius licebit, quod animarum
salutem, conscientiaque libertatem de
bemus plusquam res, ullas quantumvis op
tabiles, chariorem pretiosiorēque habere.
Nemini igitur iam mirum fuerit, quod Do
minus noster Iesus Christus, prophetae item
ac Apostoli, reliquique martyres, cum privati
essent homines, sese intra metas vocationis
sue continuerint. Et quod vel ad illos spe
ctat, qui publicum gerebant munus: Vel ad
legiones illas, quæ cum ducibus suis marty
rium in media acie sunt perpessæ, nulla oppo
sita defensione, etiamsi qui illas insectabantur
Edicta in fauorem Christianorum prius facta
violassent (ut sub Diocletiano & Iuliano Im
peratoribus præsertim accidit). Duplex est,
inquam, de illis responsio. Nam primò etsi
quidam Imperatores ante Diocletianum, per
secutiones aliquatenus leniissent (ut fecisse
Adrianum, Antoninum, & Alexandrum con
stat) publicum tamen religionis Christianæ
exerci-

exercitium nunquam quifquam eorum concesserat. Deinde repeto hic quoque illud, Non quicquid licet, idem quoque semper expedire. Neque enim dixerim semper necesse esse, Religionem publicis Edictis concessam, armis aduersus manifestam tyrannidem tueri & retinere: sed illud tamen fas esse, & licere, præsertim illis quibus hoc onus incumbit, & quib. Deus opportunitatem dederit: vt Lobnensium exemplum aduersus Ioramum, & Ierosolymitanorum aduersus Amasiam, bellum quæ Constantini aduersus Maxentium rogatu Ciuium Romanorum susceptum (de quibus suprà) abunde euincunt. Hinc conficio, inter Martyres censendos esse non solum eos, qui tyrannidem hostium veritatis, nulla alia defensione, quàm patientiam peruicerunt: verum etiam illos qui legum, aut eorum quibus ius est leges tueri, autoritate, vt par est, suffulti, manus suas Deo ad defensionem veræ religionis consecrarunt. Atque hæc quidem hætenus ad hanc postremam objectionem respondere placuit, in eorum gratiam qui eam in medium proponunt, vt conscientia suæ consulant, quia verentur nempe, ne contra Deum peccent, si quid eiusmodi tentauerint. Ad genus verò illud hominum quod attinet, qui aliud mundo emolumentum non præstant, quàm quod innocuo sanguine omnia complent: principum autoritate abuten-

*Qui marty-
res censendi*

tes,

res, vt ex eorum ruinis, sua commoda veniant, & augeant: quique interim tanta sunt impudentia, vt his obiectionibus eos impetere, & opugnare audeant, qui non vltro sese illis iugulandos præbent, suam scilicet crudelitatem & effrenem licentiam, prætextu Religionis & zeli, falso palliantes. Hoc inquam genus hominû non alia responsione dignarer, quàm ea quæ prædonibus meritò fieret, qui mercatores, aliosve Viatores in ius vocarent, quod non nisi gladio accincti ad sui defensionem itineri sese committerent, illis hoc non licere contendentes, etsi ipsi quoduis genus armorum ad illos iugulandos vsurparent. Quin mihi isti execrandum illum Fimbriam Romanum (cuiusmodi sicarios, vere conductos, multos hodie videre est) in memoriam reducant: Cuius tam insolens fuit audacia, aut potius impudens proteruia, vt cum tempore Syllanæ proscriptionis Sænuolam, (virû inter Romanos Cives eximia tum virtute, tum probitate clarum) vulnere fauciandum curasset, nec vt optabat illo interemptus esset: Conqueri, illique minari audebat, futurum vt in Iudicium abs se quasi maxima iniuria affecto, vocaretur, quod sicam ad præcordia vsque non vltro admisisset. Cum eiusmodi verò hominibus, quia superflua, & inutilis foret omnis disputatio: omnes non tam ad propriam ipsorum

rum conscientiam (quæ plerique iam prorsus
destituuntur) quàm ad illius Tribunal mihi
sunt relegandi: Cuius summum Impe-
rium iudiciumque, ipsos vitare ne,
quiuisse, & tempus & res ipsa
tandem certo experi-
mento compro-
barunt.

F I N I S.

INDEX QVAESTIONVM. QVI BVS TOTVS HIC TRACTATVS continetur, & absolvitur.

- | | |
|--|--|
| <p>I. An vt Deo sine exceptione, ita & omnibus Magistratibus semper sit obediendum? pag. 207</p> <p>II. An Magistratus omni legum suarū rationem reddere Subditis teneatur: & quatenus illi iustas esse præsumere debeant? 209</p> <p>III. Quo vsq; Obedientia iniquis, impijsve mandatis, aut præslanda, aut neganda sit? 210</p> <p>III. Quo modo subditi à Magistratu iniuriam passi, aduersus illum sese tueri debeant? 213</p> <p>V. An nullum remedium Subditis oppressis per Tyrannidem manifestam, præter preces & patientiam à Deo concedatur? 214</p> <p>VI. An legitimi Magistratus Tyranni facti, armis per-</p> | <p>inde cohiberi à Subditis possint, vt iniqui alienę dominationis usurpatores: & ab ijs abdicari, à quib. primum fuerant constituti? 214</p> <p>VII. Quid agendū quū Ordines seu status cogi non possunt ad Tyrannidem aut impediendam, aut reprimendam? 279</p> <p>VIII. An iniqui exactores, aut alioqui flagitiosi Principes pro Tyrannis sint habendi? vt & illis resistere liceat? 291</p> <p>IX. An Subditi cū supremis suis Magistratib. pacificis certis conditionibus ire possint? 293</p> <p>X. An aduersus Principes vere Religionis hostes & persecutores manifestos, Subditi sese tueri armis possint? 294</p> |
|--|--|

INDEX OBJECTIONVM. QVIBVS

IN SINGVLIS QVÆSTIONVM RE-

sponſionibus, occurrunt.

- Cum à Deo ipſo transferantur Imperia, etiã ad Tyrãnos, non vident illis reſiſti poſſe, quin & Deo reſiſtatur. 182
- Cum idem videatur vel alienã Dominationem per Tyrãnidem uſurpare, vel propriã Tyrannicè adminiſtrare, Adde de vtriuſq; generis Tyrannis ſtatu debere. 183
- Si Magiſtratui quoquo modo reſiſti poteſt, eũ qui modo ſupereminebat, mox à quouis pro priuato haberi. 174
- Cum populus olim omne ius ſuũ in Principes contulerit: nõ poſſe amplius de illorum adminiſtratione aut poteſtate iure cõqueri: & in illos inſurgere. 175
- Reges nullis legibus ſubijci, ſed eſſe ſupra leges. 233. & 273
- Cum ius priuatum cuiuſq; Gẽtis longè differat à iure Naturali, Principes illo non perinde atq; iſto, teneri. 273
- Supremos Magiſtratus non habere aliũ Iudicem quã Deum ipſum, quod exemplo Dauidis confirmatur. 274
- Exemplum Imperatoris Turcarum, qui Dominationẽ obtinet in ſuos nullis legibus obſtrictam. 275
- Magiſtratibus Imperandi/ Subditis obediendi neceſſitatem incumbere. 282
- Dauidem iam designatum regẽ noluiſſe Sauli cũ poſſet nocere: ſed capite damnari eum qui Tyrannum occiderat. 283
- Sedechiam à Deo reprehẽſum & puniũ quodd à Rege Chaldeorum, violento Iudez uſurpatore, defeciſſet. 285
- Deum nominatim Iudæis mandaſſe vt pro Nabuchadnezare orarent, qui eos captiuos duriter tractabat. 286
- Tyrannos nullos ſine Dei prouidentia & voluntate dominari, & populos ſubjugare. 287
- Decem Tribuum Iſraelis, à Roboamo iniquo exactore, deſectionem meritò à Deo damnari. 288
- Apoſtolos Paulum & Petrum hortari pios, vt pro Regibus etiam impijs, quales tunc erant Rom. Cæſarẽs, preces cõcipiant, eoſq; honorent. 289
- Chriſtum iſdem tributa ſoluĩſſe.

Et Inducos qui id aut dene-
garunt, aut prætexit Religio-
nis sese illis opposuerunt, mi-
serè, ac iuste periisse. 290

Subditorum esse à Principi suo
nutu & imperio pende-
re. 293

Religionem, quæ ad Conscien-
tias pertinet, nō debere vel vi
vel armis, sed verbo Dei, pre-
cibus & patientia, propaga-

ri.

Regnum spirituale Christi à Ra-
gnia mundanis longè diuer-
sum, alijs remedijs quàm illa
conseruandum. ibid.

Exempla Christi, prophetarum,
Apostolorum ac Martyrum
sequenda, qui nunquam Ma-
gistratibus restiterunt, sed
mortem patienter subierunt.
ibidem.

INDICIS FINIS.



1847
 1848
 1849
 1850
 1851
 1852
 1853
 1854
 1855
 1856
 1857
 1858
 1859
 1860
 1861
 1862
 1863
 1864
 1865
 1866
 1867
 1868
 1869
 1870
 1871
 1872
 1873
 1874
 1875
 1876
 1877
 1878
 1879
 1880
 1881
 1882
 1883
 1884
 1885
 1886
 1887
 1888
 1889
 1890
 1891
 1892
 1893
 1894
 1895
 1896
 1897
 1898
 1899
 1900

[The page contains faint, illegible markings and a large dark stain.]

14-01137-10141